



3538. **Delbene.** Civitas veri sive morum Bartholomei Delbene, Aristotelis de Moribus doctrinam carmine et picturis complexa, et illustrata commentariis Th. Marcelli. *Parisii, Anbr. et Hier. Drouart, 1609.* In-fol. nombreuses figures en taille-douce, par Thom. de Leu, vél. dor. tr. dor. (*Première reliure.*)

4641. **Delbene (Barth.).** Civitas veri, sive morum, ad Henricum III, Aristotelis de Moribus doctrinam carmine et picturis complexa, et illustrata commentariis Th. Marcelli. *Parisii, Drouart, 1609.* In-fol., vél. br., tr. dor. (*Reliure de l'époque.*) 50 »

Volume orné de 34 charmantes et grandes gravures en taille-douce par Thomas de Leu.

LIBRARY OF THE  
UNIVERSITY OF ILLINOIS  
AT URBANA-CHAMPAIGN


EMBLEMS  
xq875.1  
B43c




RARE BOOK ROOM

715 445  
no card









ANNI MONSTRAT  
CONTIGERE FRUCTUS

CIVITAS VERI  
SIVE MORVM  
BARTHOLOMEI  
DELBENE PATRICII  
FLORENTINI

AD CHRISTIANISSIMVM  
HENRICVM III. FRANCO-  
RVME ET POLONIAE REGEM


*Aristotelis de Moribus doctrinam,  
carmine et picturis complexa,  
et illustrata Commentariis  
THEODORI MARCILII.*

*Professoris Elo-  
quentiae Regij.*

*Ε'τος Φέρει εχ' άρραρα.  
α.χ. π. ε.*

PARISIIS  
Apud Ambrosium et Hiero-  
nymum Drouart sub scuto  
Solari via Iacobaea.  
M. D. C. IX.

sculp. DE LET. FE.



Digitized by the Internet Archive  
in 2010 with funding from  
University of Illinois Urbana-Champaign



# CHRISTIANISSIMO FRANC. ET NAVAR. REGI HENRICO III.



ARCHITECTI, qui tibi regias extruunt (Henrice regum inuictissime) & ea publicorum operum miracula attollunt, quibus urbium principem, quam ruinis deformem acceperas, supra orbis ornamenta decorasti: non ante prima ponunt fundamenta, quam exemplaria subiecerint, quibus opificij futura dignitas conspiciatur. Ego contra *Ciuitatem* hanc *Veri* siue *Morum*, regni à te feliciter efformati specimen, tuæ majestatis oculis conspiciendam non prius offero, quam tu victor efformasti. Nam quæ in illa verbis effinguntur, tu rebus præclare gestis expressisti: quæ virtutes præceptis philosophicis describuntur, tu regijs exemplorum documentis tradidisti: quæ vitiorum monstra consilio pulsantur, tu manu fugasti: quæ votis optatur ciuium securitas, tu eam singulari ope in tuo imperio collocasti. Laus ista temporum tua palma est, salus populorum tuum munus, votum animorum tua falus: tua omnium somnos vigilantia, tuus omnium otium labor, tua omnium artes tuetur industria. Quæ etiam si parua dicta sunt, tuarum virtutum amplitudini imputabis, & veritate pro laude contentus *Ciuitatem* hanc *Veri* speculum potius quam modulum aspicias, vnde regni non constituendi peritiam rimari, sed tanto ciuium bono iam constituti gloriam valeas admirari. Illam quidem olim Anus Henrico III. nunquam silendæ memoriæ Regi dicendam construxit: sed cum subito coorta bellorum ciuiliu tempestas regnum oppressisset, & tantæ majestatis lumen extinxisset, iacuit illa in situ, & squalore, iisdem offusa tenebris, quæ Regem, quæ Regnum, quæ bonorum omnium mentes ob-



duxerant. Verùm cum postmodũ tuæ majestatis iubar afful-  
sit, & ingruentem temporis infelicissimi caliginẽ discussit,  
discordiarum faces extinxit, sanguinis passim fluentis riuos  
repressit, & pacis optatam tranquillitatem reduxit, tum illa  
eruta ex puluere, & eodem, quo tua Gallorum ciuitas omnis  
publicè, priuatimque, lumine afflata, propius ad eum Solem,  
vnde nouum sibi ardorem aspirari sentiebat, accedere concu-  
puiuit. Huc accessit, quod regalis hæc tua munificentia,  
quæ totum tui imperij orbem tanta felicitate compleuit, ad  
familiam quoque Delbencam respexit, & quam regio sem-  
per numini deuotissimam cognouerat, nouis insuper benefi-  
cijis deuinctissimam esse iussit. Qua enim dignitate Hen-  
ricus III. Patrum meum decoratum esse voluerat, ean-  
dem, quo illius interitu minus angerer, tu in me contulisti.  
Quĩ sit, vt cum ego in Auum, in Patrem, in Patruũ, in totam  
familiam congesta quondam regia manu beneficia in me  
renouata experiar, Aui vestigijs insistens, monumentum  
hoc vigilijs illius elucubratum, tuo numini dicare con-  
stituerim. Erit enim, quale parauerat memoris erga suum  
Regẽ, & deuoti pectoris indicium, tale & obsequij, & offi-  
cij mei erga Regem, Dominũque meum testimoniũ: Im-  
par quidem tantę majestati, tantisque ab ea profectis mune-  
ribus votum: sed nec imparis famam metuo dum fugio no-  
men ingrati, nec vllus tam improvidus veniet rerum æstima-  
tor, qui non meæ infirmitati ignouisse malit, quam tuæ infi-  
nitatis obliuisci. Accipe ergo (Regum munificentissime)  
subditæ, & addictæ tibi mentis non ingratum studium:  
& quam sola dandi facilitate excolere nouisti, regiam  
beneficentiam sumpto hoc opusculo coli patiare Vale.  
Datum Lutetiæ Parisiorum primo Cal. Febr. 1609.

*MAIEST. T.*

*Deuotissimus & Addictissimus  
ALFONSVS DELBENE  
Episcopus Albiensis.*



# SERENISSIMO GALLIAE

DELPHINO HENRICI IIII. REGIS

*Inuictissimi, & Illustrissima Regina*

*Mariae Mediceæ Filio*

OMEN.

**R**EX maris est, sulcat qui Nerei cerula DELPHIN,  
Exercens celeres per sua regna choros:  
Sed pia felicitis dedit indulgentia celi, et  
Armipotente fouet Gallia lata sinu  
DELPHINVM, maris & terra quem fata po-  
tentem

*Spondent, quâ populis terra fretumque patet.*

*Fuminet, ac domito DELPHINVS in orbe triumphos  
Jam pariturus adest, cedite pisciculi.*

---

## NOMEN.

**Q**VM tibi nascenti faciles, DELPHINE, sorores  
Lanifica nerent stamina lata manu,  
Quaestio longa fuit, de nomine: cum sibi quauis  
Posceret arbitrium de tribus una soror.

*Sed ratio & pietas peruicit: amabile nomen*

*Ominibus latis imposuere tibi.*

*Vnanimæque sua mulcentes athera voce,*

*Talia veridicis concinuere modis:*

**T**U LVDOVICVS eris, te principe sacula current

*Nomine digna tuo, & populis gratissima terra*

*Omnibus, & celi Zephyris felicia sanctis.*

*Spondet enim populus, LVDOVICI nomen, asylum.*

*Hoc tua firmabit magnis virtutibus omen*

*Vita pium, belli & pacis spectata per artes,*

*Quaque alit armipotens populos Europa feroces:*

*Quaque Asia molles, trepidissima pectora, campi,  
Delicijsque operata fouent: quaque arua feracis  
Per Libyes agitant animi sub vulpe latentes.*

*Incluta ceu primi LUDOVICI Gallia Marte,  
Et pietate inter gentes caput extulit olim,  
Utque tui ditione viget nunc strenua patris,  
In leges volet ire tuas sic ambitus orbis,  
Totius, aut armis domitus trepidabit, & vno  
Fœdere deuinctus pacis, tibi seruiet vni.  
Sic cecinere tibi nentes fatalia Diua:  
Nostra quoque adspirans sic tibi Musa vouet.*

*A Serenissima tua D.*

*Cliente addictissimo*

*THEODORO MARGILIO.*





AD POTENTISSIMUM,  
ET CHRISTIANISSIMUM

HENRICVM III. GALLIÆ ET

POLONIÆ REGEM IN VERI

Ciuitatem Bartolemai

Delbene.

Præfatio.

**R**E BVS in humanis dominetur ut inclyta VIRTVS,  
Inclyte REX, cuiuis facile hinc est scire volenti.  
Illa tua fulgens amica sub pectore, laudum  
Copia, me fecit, specie inflamatus honesti  
Tollere humo ingenium ut possem, & contendere longè  
Mente animi super & tenebras, & nubila vulgi.

Nam velut exiguo nascens de semine pinus,  
Purpurei surgit pulcherrima regis in horto,  
Atq. alias inter frondoso vertice vires  
Eminet arboreas: Tusco deuectus ab Arno  
Sic ego, re tenui, valeo nunc vincere magnos  
Muneribus reges, quos secula prisca tulere,  
Fortuna ve etiam quos nunc fouet aura benigna.

Inter & Arfacidas non ultima gloria Xerxes,  
Et magni Eacida qui sanguine cretus Achillis  
Magnus Alexander, non magna sortis amicis  
Magnas donauere vrbes, sed perdere posset  
Motio quas terra, vel sua incendia flammis,  
Aut maris eluio, aut annoſa abolere vetustas.  
Ast ego magne tibi nunc REX HENRICE, beata  
Vrbis, & aeterna, perfectæq. offero munus,  
Structæ materia cariem haud metuente, situmque  
Temporis, aut fortune æstum, aut capitalia Regum  
Iurgia, quæ pessum dant vrbes, maxima regna

*Funditus euertunt, vastis conuulsa ruinis.  
 Scilicet hanc urbem, tibi quam nunc dono dicoq.  
 Inclyte REX, non discidij fax urere, nulla  
 Frarum rabies agitare, aut praualet auri  
 Ledere sacra fames, non exhaurire bonarum  
 Quas comportarat virtus, perfusio rerum.  
 Nulla hic ambitio viget, aula dira Celeno  
 Unguib armata, & properans liuentib. alis  
 Tollere iners sese, & lucem adfectare, sibiq.  
 Premia virtutis sollempnia postere vecors.  
 Ergo & quam tibi nunc REX dedico Maxime, digna est  
 Cunctas imperio regere vrbes vna, suaq;  
 Sub ditione orbem terra, gentesq. tueri.  
 Lustrat enim mentes VIRTUTVM purior aura  
 Nostra ex vrbe fluens. Harum alta palatia cernis  
 Ordine cliuorum hic plano, & variantia signis  
 Quaeq. suis, atq. heroum distincta figuris.  
 Quos bene de vita meritos aut prisca tulere,  
 Aut haec sacra vident positos in culmine laudis.  
 Hos inter quoq. latus auos mirabere luce  
 Circum purpurea fusos, teq. ipse decorum  
 Legibus atq. armis primano in flore iuuenta  
 Lucifer è caelo Veneris, non pulchrius olim  
 Mane caput profert vndis perfusus Eois.  
 Fer quoq. de hinc oculos per quadrua compita circum  
 Bina voluptatum hinc facies. Fallaciter vna  
 In praecipit laciens blando quasi carmine vulgus,  
 Sape etiam magnos falsa sub imagine reges  
 Decipiens, soliumq. euertit, sceptraque frangit.  
 Hic etiam duplex dolor. Vnus sternere sollers  
 Ante viam laudi, dominæq. antea mbulo magna  
 VIRTUTIS: VITII relegens vestigia fædi  
 Alter, & adsiduo male conscia pectora scindens  
 Vulnere, vti vultur celsa sub rupe Prometheus.  
 Adspice dehinc geminas media regione viarum  
 Surgere ceu moles, duplicis bicoloria templa,  
 Fœdus amicitiae duplex signantia, verum  
 Et fictum. Vera in vulgus sunt fœdera saepe,  
 Ficta sed aularum. Simulatio fingit amicos  
 Hic omnes: ad rem si ventum est, omnibus omnes  
 Hostes ambitio facit, & spes blanda lucelli.*

Porro & flammiferi summo stat vertice saxi  
 Templum ingens, Prudentia ubi, quæ regib. apta  
 Inprimis, quoniam rebus præferre gerendis  
 Vna facem potis est, alto velut æquore lucem  
 Fluctibus in mediis spargit pharus: atq. ea syrteis  
 Et breuia ostendit, scopulisq. auertere puppim  
 Voce monet veluti missa, portumq. subire.  
 Hæc tibi REX INVICTE & talia, magnus in huius  
 Urbis Aristoteles me interprete singula tradet  
 Partibus, & mentem ornabit, lucisque beata  
 In regione tuam sistet. Sic denique magni  
 Maior Alexandri veniet tibi nomine fama.  
 Maius enim gentes gyrum in rationis & æqui  
 Flectere, virtutumq. animos compefcere habenis:  
 Urbes quàm capere, aut arces excindere, & armis  
 Vincere, & imperiis hostes frenare superbos.

A ij







P O T E N T I S S I M O  
C H R I S T I A N I S S I M O Q V E

H E N R I C O I I I . G A L L I Æ E T  
*Poloniæ Regi inuictissimo.*

**D**ICTVRVS olim Romanus orator apud Cæsarem, *Cæsar, inquit, qui apud te audent dicere, magnitudinem tuam ignorant, qui non audent, humanitatem.* Quo principio mihi videtur omnes vti posse, Rex omnium Christianissime ac potentissime, quibus ad te scriptio dictiōe aliqua suscipitur. Nam & Regiæ tuæ maiestati nulla par inueniri potest oratio: & humanitas tua ne infimorum quidem obseruantia & studij significationem respuit. Ac summa quidem tuæ maiestatis amplitudo certat cum pari humanitate ac beneficentia: nos tamen tenuissimis opibus homines, humanitatis tuæ & benignitatis admiratione ducimur magis, quam fastigij ac splendoris: perinde vt in ipsius præstantis æternæque naturæ bonitatem animo & cogitatione feruntur citius homines, quam in opes ac potestatem: priusque OPTIMI id est beneficentissimi olim Iupiter à Romanis, quam MAXIMI siue potentissimi nomine affectus est. Itaque multi ad te scribunt aut dicunt quotidie, qui tametsi in Maiestatis tuæ splendorem quasi orbem solis intueri non audent, clementia tamen tua & facilitate prope singulari alliciuntur. Quorū vt ego quoq; in numero adherescerem, factū est non aliqua doctrina, ingenij aut ætatis fiducia quorū in me flos & spes, magis quam res aut maturitas: sed blandiente occasione quæ mihi valde cupienti, sed prorsus insperanti oblata est. Cum enim BARTOLOMÆVS DELBENIVS Patricius Florentinus CIVITATEM Veri, siue morum versibus descripsisset, in qua exposuit omnem Aristotelis summi viri de virtute ac vita beata sententiam, poëtica talium rerum descriptioni, meam adhibere interpretationem voluit, vt si quid in ipso poëmata supra captum vulgi esset, hoc ipsum oratione soluta liberius, quasi ante oculos poneretur. Quæ interpretatio tibi offerenda fuit REX INVICTISS. ET CHRISTIANISS. quoniam ipse tibi opus suum Poeta consecrauit. Est quidem hæc ieiunior mea & leuior commentatio, quam vt recte in tuo principis tanti nomine apparere possit, ab Aristotelis tamen doctrina & ingenio

commendationis fortasse nonnihil accipiet, cuius è fontibus hic no-  
 ster quasi riuulus emanauit. Argumentum quidem certe ipsum Poë-  
 matis tale est, vt REGIA MAIESTATE non alienum videri possit,  
 cum vt auctor ipse in operis sui præfatione posuit, talis sit hæc VERI  
 siue MORVM CIVITAS, vt omnibus omnium quæ conditæ vn-  
 quam fuerunt ciuitatibus excellere videatur. Illas enim vel temporis  
 verustate, vel mutatione fortunæ, vel seditionibus ac bellis intesti-  
 nis labefactari tandem & conuelli potuisse: hanc vero non illis tan-  
 tum malis vacare, sed ne à communibus quidem his conuictus &  
 societatis humanæ pestibus, & tanquam furiis, auaritia, ambitione  
 libidine, aut id genus aliis expugnari. Virtutes enim vitiorum ex-  
 pultrices tanquam ciues sunt incolentes hanc ciuitatem. Beatitudo  
 autem ipsa quasi domina eius ac regina est, in cuius arcem muni-  
 tissimam, mali adspirare nihil potest. Neque enim alia vitæ beatæ  
 notio est, quàm *secretis malis omnibus, cumulata bonorum complexio*.  
 Eaque vt nauis duabus quasi anchoris prudentiæ sapientiæque fir-  
 mata, nullis in cursu humanæ vitæ fluctibus frangitur aut iacta-  
 tur. Non mirum igitur si adiungit auctor hanc illam ciuitatem ef-  
 se, quæ nata sit aptaque leges aliis ciuitatibus imponere, omnes-  
 que hominum cœtus ac societates à vitiorum semita quasi habenis  
 rectæ rationis reflectere in viam publicam & regiam virtutis, inque  
 ipsam deducere sedem ac regionem vitæ beatæ omnibus malis va-  
 cantem, bonis omnibus circumfluentem. Quæ cum talis tanta-  
 que ciuitas auctoris Poemate inbormata sit, verissima nimirum eius  
 ratio est, prædicantis vt pini arbores procerissimæ de paruo semi-  
 ne oriuntur, ita se à principiis tenuissimis profectum, iam facultatis  
 tantum habere, vt ciuitatem donare possit, qualem ipsi olim  
 orbis terræ principes amicissimis suis nunquam largiti sunt. Persarum  
 enim Rex refertus omnibus præmiis donisque fortunæ Xerxes,  
*Themistocli* Atheniensi quinque vrbes Asiæ vtendas frucundas de-  
 dit: M. Antonius *Anaxenorem* citharædum quatuor ciuitatum ve-  
 tægalibus ditauit, Alexander multas plerisque amicis vrbes obtulit:  
 nemo dare talem vnquam potuit, cuius ambitu & regione felici-  
 tas ipsa contineretur. Itaque non diffido fore, vt liber talis, quem-  
 admodum optimæ notæ vinum ætatem facile ferat, vigeatque non  
 præsentis solum, sed etiam posteritatis memoria, quia præclare  
 auctor,

*miscuit utile dulci,*

grauissimasque Aristotelis de virtutibus, deque vltimo illo vitæ præ-  
 mio disputationes poetici mellis dulcedine temperauit. Longe dissi-  
 mili quidem vt spero, euentu, atque hodie multi exeunt libelli, de qui-  
 bus ille veteris Poetæ versus recte vsurpetur.

*Ὠκύμοροι καὶ πνοῖο δίκτω ἄφθνητες ἀπέπλαν*  
*Vanesunt momentanei, ceu fumus in auras.*

Quorum de numero meus liber commentarius esset, nisi Aristotelis sapientiæ principis inuentis, & genio niteretur. Eaque fiducia tibi Regum MAXIME ET CHRISTIANISSIME hoc qualecunque ingenij mei munus offero, absque vlla diligentiori commendatione, & sine magnifico laudum tuarum præconio. Nam & odio, vt inquit tragicus Poeta, sunt sæpenumerò nimicq̃ laudationes; & amensim, si tam leui hoc & angusto genere dictionis tuarum laudum magnitudinem adæquare velim, quæ solis orientis atque obeuntis terminis ac regionibus continetur. A.d.xiv.Kalend. Ianuar. Anno Salutis, CIO. IO. XXXCV.

REGIÆ TVÆ MAIESTATI

*obsequentiss. cliens.*

THEODORVS MARCILIYS.







# IN CL. V. BARPTOLEMAEI

DELBENE PATRITII FLORENTINI

CIVITATEM VERI, SIVE MORVM, SIVE

POETICAM VIRTVTVM ET FELICITATIS EX

*libris x. Aristotelis ad Nicomachum descri-  
ptionem, Præfatio Theodori  
Marcilij.*



LOS Imperij Romani C. Julius Cæsar cum in epulo Cleopatraz sacerdotem Achorem adfaretur apud Lucanum, de anno suo magnificè gloriatus est.

*Nec meus Eudoxi vincetur fastibus annus.*

quæ C. Cæsaris de anno suo & si non vanissima gloriatio fuit, tamen affirmare licet Delbenij Patricij Florentini annum digniorem esse, de quo & ipse auctor gloriatur, neque vlla

vnquam ætas conticescat. Neque enim horarum aut momentorum, siue, vt dicitur minutiarum ieiunis ratiocinatiunculis, vt soliti mathematici, in puluere aut abaco subtiliter descriptis, sed poeticæ totius florum varietate, & vberimis sapientiæ fructibus anni sui partes omnes ita compleuit, vt sine asperitate hiemis vbique aut veris amœnitas, aut æstatis & autumnus maturitas & copia delectet.

In primis autem hæc anni pars quam *ciuitatem Veri siue morum* inscripsit, & quasi Nouembrem sui anni mensẽ voluit, in qua philosophiæ moralis, omniumque & animi & ingenij virtutum præcepta, sic vt Lucretius loquitur, poetici mellis sui contingit.

*dulci flavoque liquore,*

vt non solis iam virtutis aut sapientiæ studiosis, verum etiam voluptariis hominibus & imperitis, grata & iucunda videri possint. Quæ scriptione nihil, & in præsens, & ad omnem posteritatis memoriã esse debet commendatius. Quid enim præclarius quàm Aristotelis summi viri de omni virtute ac felicitate mentem & sententiã ex umbraculis ocioque eruditorum, in priuatorum familias & principum comitatus perducere? Mihi quidem effector tanti operis ac muneris videtur non iniuria cum Lucretio dicturus.

*Auia Picridum peragro loca, nullius ante*

*Trita solo, inuat insignem petere inde coronam,*

*Vnde prius nullis velarunt tempora Musæ.*

Sed non alienum fuerit, principio statim de occasione huiusce tanti muneris



- A. Sol oriens & ingrediens Sagittarij signum, mense Nouembri.  
 B. Nox in curru iuncto equis nigris fugiens cum velo suo in occasum.  
 C. Pueruli alati  $xxiv$ . candidi significant dies, atro noctes, quarum hoc mense numerus maior.  
 D. Castellum Riuolium, Taurino distans  $vi$   $c$   $o$   $p$ .  
 E. Hortus Castelli Riuolij cedris citrisq. constitus.  
 F. Margarita Gallia regis filia, Sabaudia principis coniux  
 G. Riuolium oppidum.



muneris à Poeta suscepti paucis exponere.

Patrona ei beneficentissima fuit Margarita Francisci Christianissimi Galliae Regis filia, coniux Allobrogum Principis: cuius tanti merita semper habuit, vt sibi vix cogitatione ipsa magnitudinem eorum adæquare posse videretur. Huic Reginae tunc in arce Riulij, in Pedemontanis degenti anno CLD L D LXV. forte odas aliquas ex libris anni sui antegressis, auctor in magno domesticorum eius comitatu frequentiaq. obtulit. Illa, vt auctoris animum ad maiora quædam excitaret, renidens, vereor, inquit, ne contra quam tu speras, post ver anni tui tam efflorescens, post tepentes Zephyros, cælumque serenum æstatis, messis & vindemia non copiosissima sit. Cum enim ad autumnum ipsum iam perueneris, nullam tamen lectori tuo spem adfers, futurum vt flores illos, & folia, & frondes, fructus aliquis recondita cuiusdam & ferriæ doctrinæ consequatur. Tum ille de sua in Reginam obseruantia præfatus, illam sui ingenij esse inquit, solem, cuius radij hunc poeticum annum effecerint. Itaque non aliunde quam ab illa sperari posse autumnum fructibus abundantem, aut materiam quæ condimentis versusum adhibitis doctrinæ & studij quasi pabulum sit, quo legentium animi expleantur. Quæ cū auctor huiusce libri dixisset, tum Regina, memini, inquit te, cū in regis mei fratris comitatu essem, legisse olim mihi, conuersa Hetruscè aliquot capita quatuor aut quinque ex libris Aristotelis ad Nicomachum, sed à lectione illa tunc me reiecit obscuritas, non minus negotij exhibens quam latina interpretatio. Neque enim ille interpret ea quæ breuiter dixit Aristoteles dilataré visus est, neque tantarum rerum magnitudinem summittere paulisper ad ingenia discantium, neque lucem vllam adferre dictioni Aristotelis, multis locis obscuræ, cū propter concisum & minutum genus orationis, tum quia propriis philosophiæ verbis referta est, quæ soli rerum illarum periti facile intelligunt. Has igitur tenebras ingenij tui luce depelli cupio, nudamque rerum præceptionem vestiri pellucente oratione, seueritatemque sapientiæ illius poetico tuo lepore hilarari. Quod mihi quidem videtur ita cominode fieri posse à te, si oda vna, siue carmine separatim, virtutes vitiaque singula decantaueris, notis adpositis, quibus honesta & turpia secerni possint, vt animi à vitiis abducti ad honestatem moueantur. Hoc mihi gratius facere nihil potes, neque principi filio meo, cum ad florentem ætatem peruenerit, vtilius. Nam perinde vt ego, naturæ ipsius instinctu, poesi ducitur & delectatur. Itaque confido fore, vt carminum dulcedine delinitus, tam salutaria viuendi præcepta facilius mandet memoriæ, omniaque obseruet non minus iucundè ac hilariter, quam hoc ipso tempore in gremium meum, vt pote puerulum accurrentem vides, laxatis ei habenis à præceptore. Vix, inquit, auctor, sine instinctu diuino ad flatuque Apollinis hoc fieri potest. Magnum enim & inusitatum negotium est; tamen quia virtutis laus sæpe tribuitur necessitati: hac fiducia pergam oblectari difficultatibus non paucis, quibus tanquam visionibus nocturnis pulsatus mihi

animus, magnitudinem operis perhorrescit. Nam multa mihi in mentem veniunt incommoda, illud verò imprimis, Poesim totam in fabulis esse & iucunda rerum imitatione, itaque ceu alienam philosophia vituperatam esse à multis, vt Zenone Stoicæ familiæ principe, quem dicere solitum ait Laertius. *Poesi nihil esse ineptius ad comprehensionem scientiarum.* Sed voluit, credo, Pænulus ille dicere οὐσιωσως, non ποιήσως. At Romanus quidem certè Philosophus Cicero Tuscul. II. *Sed videsne, inquit, Poeta quid mali adferant?* &c. Et mox. *omnes virtutis nervos elidunt. Rectè igitur à Platone educuntur ex ea ciuitate, quam finxit ille, cum mores optimos, & optimum Reip. statum exquireret.* Perdifficile igitur & arduum videtur poetico more ac modo scribendi, veritatem ex Democriti puteo eruere, lucemque adferre sententiis obscuris, & dictioni Aristotelis. Sed alia ex parte se mihi offert vera illorum ratio, quibus poësis non videtur esse abhorrens à philosophia: vt Aristotelis, qui philosophum esse ait φιλόσοφον siue studiosum fabularum, & Strabonis, qui poësim primam esse ait antiquissimamque philosophiam, libro I. Geographiæ.

Nec verò mediocritate ingenij mei deterreor. Nam parui ingenij & minoris doctrinæ opinionem & famam subire malo, quàm inofficiosus videri, aut parum obediens. Et quidem obseruantix meæ in te magnitudo mihi dabit fortasse plura ingenio maioraque complecti, quàm credere vnquam aut sperare potuissẽm.

His ita dictis tum inde discessum est. Triennio autem post habitum illum sermonem, auctor hunc anni sui librum, siue hanc partem mensi Nouembri accommodatam perfecit. In qua cum vbertim animos legentium succo ipso & medulla disputationum Aristotelis de vero, bono, pulchròque de virtutibus animi & mentis ex decem libris eius ad Nicomachum pascere vellet, poëticæ facultatis in hoc argumento supellectilem exposuit, quæ cum ad tanti epuli splendorem vix satis lauta videretur, etiam à pictura forore eius gemina germana mutuatus est. Sapienter enim vidit, nihil tam efficax fieri posse ad species rerum claras & illustres animis inferendas, quàm picturæ cum poësi coniugationem, vt si quid poeta non satis calamo deformauit, hoc penicillo suo pictor imitetur. Quod cum ita esse ostendere vellet Simonides poeta, ingeniosè dixit: *Poemaloquentem picturam esse: picturam, tacitum poema.*

Poema vero suum auctor inscripsit Veri, siue morum ciuitatem: nihil enim ciuitati siue Reip. similis, quàm virtutum ac vitiorum ac Beatitudinis descriptio. Animus enim ipse vrbis similitudinem habet: virtutes & vitia bonorum & malorum ciuium, vt-pote habitus siue adfectiones animi firmæ & permanentes. Adfectiones vero siue imperfectæ virtutes ac vitia vt continentia, incontinentia tanquam ciues imperfecti, vt senes & pueri c. I. III. de Republ. c. I. IX ad Nicom. Prudentia publica siue politica, tanquam domina & regina

& *ἄρχιτεχνονική* vt cap. i. lib. i. cap. vii. l. vi. ad Nicomachum. Beatitudo ipsa denique tanquam *salus populi*, quam sapientissimus quisque semper *summam legem* esse iudicauit. Neque dissimili partium descriptione permotus D. Augustinus libros xii. omni doctrinæ copia circumfluentes, *de ciuitate Dei* inscripsit.

In primis autem fictio illa ciuitatis in poemate laudari potest, cum poetis nihil sit vsitatius, quam virtutum & vitiorum domos, & quasi regna versibus depingere. Sic enim ipse poetarum Deus Homerus Iliadis lib. xii. In Clypeo Achillis duas diuinitus pinxit doloribus suis ciuitates, pacis vnâ, alteram belli, quas & Philostratus expressit in Pyrrhi imagine: Neque dissimiliter, Ouidius domicilium Inuidentiæ, Prudentius arcem Sapientiæ, in Psycomachia, alij alia quasi carminis penicillo imitati sunt.

Neque ineleganter hæc, *veri aut morum ciuitas* nominata est: *Morum ciuitas*, quoniam collocatæ in ea sunt virtutes morales: *Veri ciuitas*, quia continet virtutes intelligentiæ suæ mentis. Sed ne longior pugna ipsa prolusio sit, iam ad interpretationem operis tempus est accedere.

B ij







DIES PRIMVS IN QVO  
ITINERIS IN HANC CIVITATEM  
ET QVINQVE PORTARVM  
CIVITATIS DESCRIPTIO.

**T**EMPVS erat, præceps rueret cum pomifer annus  
Vicina metuens Borealia frigora Brumæ:  
Iam coma silvarum de vertice glauca fluebat,  
Somnia gaudebant per noctis pascier umbram,  
Atq. soporatas mentes variare figuris:

Me quoq. contingens pigris cum leniter alis  
Fouit, & hac pinxit mihi somnus imagine mentem.  
Visa mihi coram Regina adsistere, & hisce  
Vocibus adfari, laudisq. inmittere curam.  
IAM PROCVL Octipodus fugiens à limine Titan  
Scorpij, & hospitium lætus sapientis inire  
Centauri, fouet hunc: & mulcens lumine flauo  
Arquitis antiqui canos in vertice tingit,  
Sicque recentato spargit, quasi flore iuuenta:  
At tua Delbeni semper candore nivali  
Sparsa capillitij cano stat vertice silua,  
Tinctaq. non ullo flauescit lumine Phæbi.  
Iam decies duo lustra tibi fluxère, senectus  
Iam grauis, & vitæ stat in ipso limine meta:  
Quin tu alacer tandem quasi cui spes laudis honestum  
Percussit thyrsos pectus, languore solutus,  
Tollis humo ingenium & mentem, properasq. subire  
Æternum, quod dia colit SAPIENTIA, templum?  
Me duce carpe viam, neq. te remoretur euntem  
Aut oculorum acies hebes, & quasi vespere vitæ  
Caligans: viræ sue haud postmodo ut ante virentes  
Corporeæ. Hoc iter est mentis. Iuuenescit in horas  
Mens animi & floret, cum debilitata senescit  
Corporis extrorsum species: sic Phæbus in Austrum,  
Decliuus procul a nostro cum limite cedit,  
Senuit hiems nobis, ventis mare, frigore tellus  
Clauditur, & bruma gyro interiore nivalis



Cogitur ire dies : alio sed climate vernus  
 Et maria, & terras Zephyrorum pandit inertes  
 Spiritus, & longi incipiunt procedere soles.  
 Ergo ades, & sequere ingenio, penetraq. beatam  
 Hanc sedem, est ubi dux PRVDENTIA reb. agendis.  
 Hanc ego nunc viso his tantum comitata duabus.  
 His Domine monitis, non me sopor ille reliquit,  
 In somnis vigilare tamen mihi visus, & acri  
 Incensus studio, Domine vestigia latus  
 Pone sequi, celsas properè scandentis in arces:  
 Qualis plena sui rediuiso lumine fratris  
 Luna per aetheros nota regione viarum  
 Campos fertur ouans, geminis circumflua stellis,  
 Mane sub aduentum Solis, cum Lucifer agmen  
 Præminat ætherium, & statione nouissimus exit.  
 Ignea sic domina puræq. simillima luci  
 Semita, ego flamma velut umbra in sole corusca,  
 Lucida que non est, crepera tamen amula luci.  
 Interea his Dominam visus mi adfarier ultro.  
 Dum tua confector vestigia latus, & arcem  
 Inuolito hanc, animi, tecum, alternantibus alis,  
 Nescio que inluxit mi animo tam clara repente  
 Tempestas, hilaratq. noua ratione. Supremo  
 Illa refert, à rege tibi hæc sunt lumina, & uni  
 Huic grates meminisse decet, non illa putare  
 Muneris esse mei. Veluti cum deuius olim  
 Deprensus sem in siluis, sub nocte viator,  
 Inuenit si forte viam, cum Cynthia lucem  
 Præbuit accensam magna de lampade fratris,  
 Non Lunam, quid enim cuiquam dare surda petenti  
 Luna potest, sed enim cali terræq. potentem,  
 Cuius opus Sol est ipse & vaga Luna, salutat,  
 Et grates agit huic gratas, debere salutem  
 Huic uni meminit, qui dux est certus in omni  
 Præmonstrare viam vita, quam dicere noctem  
 Possumus. Incerta ut nocturnis Cynthia ductrix  
 Horis, sic ratio cæca in caligine nostri  
 Nobis dux animi est, vaga, multa aduersa reuertens,  
 Ipsaq. ducis egens. Crescit Latonia, moxq.  
 Decrescit, pleno nunc enitet ore, trientem  
 Parcè dehinc aperit, furua caligine tandem

Triste caput mergit, non vultus non color vnus  
 Vnquam illi, doctæ adsiduis variare figuris:  
 Sic ratio humana est varia, & mutatur in horas,  
 Nec semper statuit securos limine VERI,  
 Cuius ego hanc urbem, turreseq. & fulgere longè  
 Mœnia conspicio, & flammam, quæ vertice rupis  
 Marmorea medio rutilat splendore perenni:  
 Et quino latere adsurgens latèq. coruscans  
 Interiora urbis perfundit lumine puro.  
 Aspice planities circum ut pulcherrima ridet  
 Non procul à pelago, cincta herbescentibus actis,  
 Atque solo Cereris, siluaq. & stirpe Lyæi.  
 Fronte Eurum spectat, soli est auersa cadenti:  
 At latus hoc Borea patet, illud flatibus Austri,  
 Mœnibus & magno fossæ molimine clausum est.  
 Atq. ita naturæ & sociatis dotibus artis  
 Splendidaq. ad speciem, ad vitamq. est tuta beatam.  
 Quinq. patet portis, quarum quæ prima, pyropo  
 Auroq. effulget, fornix posteq. superbi  
 Stant ebore atque ebene, stat culmine Phœbus Apollo.  
 Cumque horis stat clara dies, stat mensis & annus.  
 Hæc ubi dicta dedit, portam Regina secundam,  
 Visit quæ fertis fragrans & amœna corollis,  
 Chlorim habet, ac Zephyrum spargentes tempora Verni  
 Floribus omnimodè variis, & suauibus herbis.  
 Tertia habet flauam Cererem, patremque Lyæum.  
 Mensa his adposita est, & præbet Copia cornu  
 Diuite poma suo, Auctumnus noua pocula musti.  
 Quarta virens, hederæ & circumuestita sequaci,  
 Martem habet in gremio Paphia, captendula neçtit  
 Callida quos fabri, malè qui vulgauit amores  
 Coniugis ipse suæ, factusq. est fabula vulgi  
 Loripes insensuq. senex. Tum stridet abeno  
 Cardine quintæ, suis impletq. sonoribus aures.  
 Verticem in hac summum retinet citharædus Apollo,  
 Musarumq. chorus. Quatiunt pars cymbala circum,  
 Pars fidibus, pars voce canunt, atq. æthera mulcent.  
 Hanc, abeunte die, vir natu magnus, & idem  
 Maximus ingenio, & naturæ scriba disertus  
 Clausit: & huc inquit, non est sine lumine Solis  
 Regina intrare, & celeberrima templa subire.

## INTERPRETATIO.


**C**ONCINNE ac eleganter hoc libro versibus tanquam penicillo depicta est forma primùm ipsa & tanquam facies *Veri* siue *morum ciuitatis* vniuersæ: deinde partes eius singulæ, portus, riuuli viginti, portæ quinque, ac viæ totidem, domicilia, valles, antra, arces geminæ inferior & superior, & si quid præterea urbem & natura & situ & descriptione ædificiorum & pulchritudine, imprimis nobilem reddit.

Ac portus quidem, regioque vrbi vicina est quasi locus homini circumfusus, in quo res illæ sunt, quæ sensu aliquo percipiuntur. Viginti riuuli sunt voluptates quæ actiones virtutum ac vitiorum comitantur. Ipsi verò sensus portæ sunt vrbis: viæ actiones virtutum & vitiorum: domicilia virtutes incolunt: vitia in vallibus quasi lustris, & ganeis delitescunt. Antra significationem habent appetitus. Arx inferior felicitatis morum siue politicæ regio est: superior autem sedes felicitatis quietæ & contemplantis. In eaque arce flamma depingitur, quæ specie pyramidis inter quinque templa erumpit. Cumque latera eius quinque sint, quodlibet eorum ad vnam de quinque portis ac viis directum est: flamma verò illa imago est mentis inflammatae studio veritatis. Templata sunt ædes dicatae virtutibus mentis, Scientiæ, Arti, Prudentiæ, Intelligentiæ, Sapientiæ. Cetera eiusdem modi planiora fient in ipso quasi cursu interpretationis, vt de sensibus internis, sensu communi, vi imaginandi & memoria: item de principiis, electione, consilio, voluntate, & si quid præterea requiritur ad cognitionem virtutum, vitiorum, & Beatitudinis.

Quoniam autem prima virtutum ac vitiorum animi, siue moralium descriptio est, de his principio quædam paucis adnotare visum est. Virtuti sua cuique domus depicta est in viis quinque directis illis, altis, luminosis, quæ conducunt à portis ad medium ipsum, & quasi umbilicum & arcem ciuitatis. Vitiorum autem receptacula sunt in vallibus illis quinque posita, quasi tetris tenebris, crassaque caligine oppleta voragine. Quas inter valles cum viæ & regiones virtutum interiectæ sint, videre licet quemadmodum virtutis cuiusque palatio vitiorum domicilia vtrinque opposita sint. Omnium autem virtutum vitiorumque recta ex materia tali, eaque forma pictor imitatus est, cumque statuis, tabellis, topiariis, sigillis monstrifis, hortis, stirpibus, scaturiginibus, fontium, animalibus, aliisque ornamentis omnibus, quæ singularum virtutum & vitiorum domiciliis visa sunt maximè conuenire.

In talem igitur tot bonis adfluentem ciuitatem, poeta commentus est Reginam proficisci duabus tantùm de puellarum suarum cœtu adsumtis: se autem quoque ipsum veri videndi studio inflammatum prosequi. Dux autem reginæ & quasi mystagogus Aristoteles, cum quod dierum triginta quasi lustratione Regina primùm vias ciuitatis omnes, omniâque






- A. Quadrigæ Solis, & hinc inde horæ anni siue partes I V.  
 qua effigie notatur hæc porta esse videndi.
- B. Hiems
- C. Autumnus
- D. Æstas
- E. Ver cum corolla florea.



- A. Ver siue annus vernus in hyperthyro portæ odoratus.  
 B. Chloris dea copiam florum offerens.  
 C. Fauonius siue Zephyrus etiam ipse flores præbens.

C





- A. Ceres & Bacchus epulantes in fastigio portæ gustatus.  
 B. Auctumnus offerens poma siue auctumnitatem.  
 C. Pomona Dea etiam ipsa cum munere suo.





A. Porta contactus siue tangendi, operta hederis, quibus nomen ipsum ab herendo & tangendo. In hyperthyro autem Mars & Venus irretiti à Vulcano.



- A. Apollo habitu pastoritio, cithara canens in hyperthyro portæ  
 ahenæ circumq. eum  
 Musæ cum suo quæq. instrumento, Quæ effigie declaratur esse  
 hæc porta audiendi.



virtutum ac vitiorum domicilia contemplatur. Deinde in priorem, siue morum ac politicæ Beatitudinis arcem ascendit. Est autem quasi pulvis siue moles tres habens gradus, & marmore candido exaggeratus. Postremò in summam siue contemplationis ac veritatis peruenit arcem, in cuius vertice illa mentis ad veri cognitionem excitatæ flamma est, de qua paulo antè commemorauimus.

Pro licentia verò poetis concessa, effingit auctor se in horto castelli Riulij amœnissimo, primo die Nouembris, Solis tactu leniter tepesciente, & *liquidissima*, vt Lucretius loquitur *cali tempestate*, sub citri arbore, ad opacandum locum patulis diffusa ramis, obdormiuisse. Tum visam sibi in somnis secundum quietem Reginam, cum duabus de familia puellis adesse, atque his eum verbis cœpisse affari.

## IAM PROCVL OCTIPEDIS, &amp;c.

Inducitur enim regina exordium orationis suæ, capiens à mensis Nouembris descriptione poëtica. Nam ait. Iam solis radio inaurari caniciem Chironis centauri senis, qui à mathematicis vsurpatur sagittarius, poetæ vero Chronem appellat, vt illi in descriptionibus XII. signorum ad catalecta Virgilij additis. Alij alio nomine adfici voluerūt, vt Sositheus apud Iulium Hyginum, C. Cæsius Bassus in Arati Phænomena. Iunius Columella lib. x. Ausonius in signis cælestibus. Chiron igitur, siue Crotus ille, siue Sagittarius de orbis signiferi, signis duodecim vnum est, per quod meare sol dicitur mense Nouembri.

Deinde Regina subiungit ad exemplum Chironis, qui solis claritate perfusus iuuenescere videtur, auctorem quoque huiusce opëris iam corpore ingrauescente, mente animi tamen magis efflorescere. Non oportere igitur se ignauitæ dare, sed acrius incumbendum esse ad virtutem & Beatitudinem, ad quam ipsa nunc itinere breui & quasi compendiario proficiscitur.

## SIC PHOEBVS IN AVSTRVM.

Comparatio à conuersione solis: Namque vt Solis ad brumale signum recessu, hiems nobis existit, contraque æstas iis, qui ad Austrum: sic ætate ingrauescente corpus affligitur & infirmatur, sed alia ex parte mens vegetatur ac iuuenescit. Cuius rei causam explanauit copiosè Aristoteles problemate IV. partis xxx. Neque inelegans illud Valerij dictum est cap. VII. lib. II. *Senescentibus membris eruditorum, intus animos industria beneficio, florem iuuenta retinere.*

## HIS TANTVM COMITATA DVABVS.

Duas Regina comites adiunxit decoris causa. Indecorum enim matronis, ne dicam reginis, sine vllò comitatu proficisci: vnde illud Homericum Odyssæ lib. primo, de Penelope.

*οὐκ ὄϊν, ἀμὰ τῆρά κ' ἀμφίπολοι δὲ ἕποντο*

*Non sola, ancilla huic geminae sed ponè sequentes.*



Sic apud Iustinum lib. xiv. Olympias Regina, *duabus ancillis innixa.*

## GEMINIS CIRCUMFLVA STELLIS.

Lunæ Regnam ipsam similem fecit. Est enim Luna *siderum regina*, ut apud Horatium in carmine sæculari, & *astrorum decus*, ut apud Virgilium lib. ix. *Æneid.* & *siderum mater*, ut Apuleij Milesiis lib. xi. Eademque Æschylo *πρῆστοτον ἀστρων, νυκτὸς ὀφθαλμὸς, honoratissima stellarum, noctis ocellus.* Comites autem Reginæ puellas cum stellis Lunæ vicinis comparavit.

## CREPERÆ TAMEN ÆMVLÀ LVCI.

Similitudine auctor, & Reginæ præcellentiam, & statum suæ mentis expressit. Nam post solem ipsum & cælestia, flammæ splendor maximus est: cui Reginæ mentem purissimam, & luce adfluentem sua, per similem esse ait: se autem adhesisse comitem, quasi flammæ umbram, quæ in omni umbrarum genere tenuissima est.

## ANIMI ALTERNANTIBVS ALIS.

Sic Plato in Phædro dixit *ψυχὴ ἐπιπερωμένω μετεωρολογεῖν*  
*Animum pennis aptum permeare cali regiones.*

## VELVTI CVM DEIVS OLIM.

Alia comparatio planissimè conueniens. Omnia enim similia: diuina luce nihil vsquam rerum, aut certius est, aut clarius: humanæ autem rationis lumen paruum & incertum est. Neque enim fit semper ut ratio imperet, adpetitus obtemperet, parsque inferior animi inlustretur à superiore. Vitam vero in terris nocti persimilem esse planum est. Hinc illud poetæ Lucani lib. ix. qui Pompeium mortuum reapse cognouisse ait.

*quanta sub nocte iaceret*  
*Nostra dies*

## SIC RATIO HVMANA EST.

Ratio humana instar lunæ. Itaque mentem Aurel. Cassiodor. cap. i. lib. de Anima, dictam esse ait quasi *μήνη*, id est *Lunam*, quia *varia vicissitudine commutatur* &c.

## CVIVS EGO HANC VRBEM.

Iam quasi verbis Reginæ, ingreditur in descriptionem ciuitatis Veri, obseruatis diligenter omnibus adiunctis, quæ vir scientissimus Aristoteles cap. xi. lib. vii. de Republ. necessaria esse putauit ad positionem vrbis idoneam, eiusque frequentationem.

## QVINQVE PATET PORTIS.

Quinque portis notati quinque sensus externi. Per has enim quasi

portas omnium rerum species ad mentem fluunt. Itaque inquit M. Tullius lib. i. Tusculanarum quæstionum, *ut non solum physici docent, verum etiam medici, qui istæ aperta & patefacta viderunt, viæ quasi quædam sunt ad oculos, ad aures, ad nares, à sede animi perforatæ.* Pauloque post eas partes dixit esse *quasi fenestras animi*: eaque de re Lactantius Firmianus cap. ix. de opificio Dei Lucretius lib. iii.

## HARVM QVÆ PRIMA.

Prima videndi porta est, in qua pyropus, qui ut Ovidius inquit, *flammas imitatur*: eaque gemma denotatur splendor oculorum & claritas. De qua scientissimè Aristoteles lib. de Sensu & sensili, in eumque locum Auerrois in sua paraphrasi, oculis *proprium & suum ait esse lumen*. In eadem porta effigies Apollinis: Apollo enim Sol est, cuius radio perfusa res, oculis cernuntur. Ebur vero candidum, & ebenum nigrum significationem habet candidæ partis in oculo, & pupillæ, quæ nigra est.

## QVÆ SERTIS FRAGRANS.

Odoratus porta effigiem habet Choridis Deæ florum, & Fauonij venti, cuius aura flores è terræ sinu elicit. Flores autem & corollæ grati odoris.

## TERTIA POST FLAVAM CEREREM.

Gustatus hæc porta est, in qua depicti Liber pater, & Ceres, quibus Copia dea Fortunæ ancilla, pleno cornu adponit omnis generis autumnitatem.

## QVARTA VIRENS HEDERA.

Porta contactus, in qua tangendi vis expressa columnis hedera implicatis, & complexu Martis ac Veneris. De implicatione autem hederarum Plinius cap. xxxiv. lib. xvi. Catullus epithalamio Manlij. Horatius in Epodis ode xv.

## TVM STRIDET AHENO CARDINE QVINCTA.

Quinta est audiendi porta, eaque ahenea. Aeris enim materies tinnitibus & sonis aures complet facilè & iucundè. Hinc poëtis æs *argutum tinnulum, sonorum*, &c. per quam Regina in ciuitatem Veri siue morum ingressura est, ut pote portam disciplinæ, & menti ceteris omnibus propinquiorem. Sermo enim est effector disciplinæ. Is autem neque oculis, neque vlllo alio sensu accipitur, sed auribus tantum, ut planissimè demonstrauit Aristoteles lib. de Sensu & sensili. Veraq. Plutarchi vox. *τῆ ἀρετῆς μία λαβὴ τὰ ὦτα. Virtus unam habet ansam, aures.* Et Apuleij. *Per aures homo prudentiam sapientiamque discit.*

Apte igitur conuenienterque apud hanc portam Aristoteles Regine primum occurrissè fingitur, quæ cum, die in aliarum portarum spectaculis consumpto, hac porta cum, sole obeunte intrare veller, demonstrat ei Philosophus hoc nisi clara luce, neuiquam licere, eoq; dicto claudit.



DIES SECVNDVS QVO  
DIE IN VERI CIVITATEM  
INGRESSVS IPSIVSQUE CIVITA-  
TIS QVÆDAM GENERATIM  
descriptio est.

**N**am roseis stellas digitis Aurora fugabat,  
Cum redit ad portam, quæ cardine stridet abeno  
Regina. Occurrit qui vespere clauserat, idem  
Magnus Aristoteles. Nunc, inquit, denique fas est  
Regina intrare huc tibi: nec te dignior ulla  
Intulit ante pedem, meus à quo tempore primum  
Condidit hanc urbem stilus, & mens conscia VERI,  
Quàm bene docta manus, venturi & præscia quondam,  
Zeuxidis expressit nuribus te excellere castis,  
Effigiemq. tuam sapiens in sede locavit,  
Atria ubi Domina, Veneris qua temperat æstus:  
Verùm ades, & memori mea pectore dicta repono,  
Dum moneo, tibi qua nostram visenda per urbem.  
Tota tripartita est, triplici & regione viarum.  
Adspice ut aëria pars hac in culmine rupis  
Fulgeat: ut cliuo imposita huic, & collibus istis  
Altera, de summa lucem regione fluentem  
Accipiat: tum tertia dehinc in vallibus imis  
Abdita caligat, piger inamabilis auris.  
Partibus his tria respondent variantia regna,  
In quibus humane peraguntur tempora vite.  
Primum, ubi sceptrâ manu SAPIENTIA dia capeffit,  
Natio quam circum est, speculatrix callida VERI:  
Alterum, ubi est sollers PRVDENTIA rebus agendis,  
Quiq. præesse aliis, aut iussa capessere docti:  
Postrema solum fallax regione locavit,  
Rebus in humanis Siren, hera blanda, VOLVPTAS,  
Agmina quam cingunt sacris operantia ventris  
Et Veneris, gumia, nebulones, Alcinoique.  
Adspice præterea bis deni compita rivi  
Quadrûa uti lambunt urbis, sed dispere multum.

Ingenio



Ingenio laticum. Bis quinque flumine dulci  
 Alueolus scaturit & nitidis argenteus undis,  
 Ast totidem tetro adspectu, & liuentibus undis,  
 Et male quas cautus qui pertentauerit olim,  
 Postmodo ei triste os sensu torquebit amaror.  
 Parte alia videntur ut rapidis in vallibus infra  
 Nubila tempestas semper? neq. Cynthius unquam  
 Has penetrat sedes radiis, non flamine purgant  
 Threicij Boreæ, sed turpes semper olenti  
 Illatæque iacent mersæ caligine noctis?  
 Pleraque tamen pars huc properant, certantque priores  
 Intro ferre pedem, vitam quia posse beatam  
 Vivere ibi sperant: huc primus & ultimus ordo  
 Tendit, in hæc magni adspirant confinia reges,  
 His aduersa videntur fulgentibus atria tectis  
 Colle in quæque suo? Pandens se hic largior ather  
 Omnia circum auris puris, & lumine vestit  
 Purpureo. Tamen has refugit pars plurima sedes,  
 Inlustresque odere vias, quibus itur in arcem  
 Rupis marmoreæ, fulgent ubi lucida quinque  
 Tempora, micat verò sacra inter tecta, perenni  
 Lumine flama, vigens media regione. Sed illa  
 Ætherius modo recta plagis adsurgit, eandem  
 Sæpe etiam inclinant variantes flamine venti,  
 Nutantemque procul rapiunt de tramite recti.  
 Mentis ea humanæ effigies. Adfectibus illa  
 Lenibus ad certos fines pertendit honesti:  
 Aut rapidis fertur, varioque errore viarum  
 Æstuat, & falsa sperans sub imagine portum,  
 Ad breuia & syrtis, latebroso in gurgite vitæ,  
 Frangit stulta ratem. Sed cui PRUDENTIA lumen  
 Prasertit diæ suum, quanquam diuersa viarum  
 Offert se facies, cautus tamen eligit unam,  
 Cuius iter summa pertendit in atria sedis,  
 Finis ubi, & meta est vitæ suprema beate,  
 Atria plena bonis, quæ nec fortuna, nec ulla  
 Vis auferre potest, lapsus neque temporis unquam  
 Perdere: quin animus qui possidet illa beatus,  
 Nec sperare potest meliora, aut pluribus unquam  
 Adfluere, & præ sorte sua, nil cetera curat.  
 Arques uti sollers, ad signum destinat ictus,

*Non aliò flectitue oculos, aut plura minatur.  
 Icere nam medium laus est: temeraria in auras  
 Spargere tela manu, facile ipsa ignavia possit,  
 Hæc sedes itaq. est lumen, dux, meta viarum,  
 Sola potest ciues, gentes, urbesq. beare,  
 Nec tamen huc fas est nullo discrimine cuius  
 Scandere, & in vitæ summa regione beate  
 Sistere se. Nam scire viam quæ ducit in arcem,  
 Paruum est, turbida si mens est, nec rebus honestis  
 Aptæ satis fungi, quia vel natura vel usus  
 Abnuat. Urbe itaq. hæc nostra procul esse iubemus  
 Ætatem, ceu vere nouo quæ florida gestit  
 Ludere, nugari, contemnere seria, regnum  
 Caca VOLUPTATIS, rebus præferre gerendis  
 Nec curat domitare armis rationis, ut hostes,  
 Adfectus animi, malè responsantis honesto,  
 Spernentisq. decus, quo prænitet inclyta VIRTUS.  
 Est Cræsi qui cæcus opes, iustusque triumphos  
 ROMA tuos: validas est sano in corpore vires,  
 Aut oris speciem fugitiuam, aut illicis auram  
 Formæ, qui male, sanus amat, metamq. bonorum  
 Æstimat, inque via, velut ipsa in sede quiescit.  
 Vallibus est imis qui degener incubat, illic  
 Feda VOLUPTATIS relegens vestigia: vulgus  
 Hæc fatuum, hæc proceres, hæc magnos formula reges,  
 Excepto sapiente tenet. Sed plura profari  
 Iam vetat hora: meus nam Sol declinans in aquor  
 Lumina subducit, summi quæ Solis imago  
 Præuia ni fuerit menti, sociatâq. nostræ,  
 Caspitat, & gemina languet caligine noctis.  
 Sic ait, & sacro finem dedit ore loquendi  
 Dius Aristoteles, speciosâq. limina clausit.*

---

 INTERPRETATIO.

## IAM ROSEIS STELLAS DIGITIS.

**H**VIUSCE diei principio solis ortus poeticè depingitur, & Aristoteles per aheneam, siue audiendi portam ex veri ciuitate prodit, ac Reginam eiusque comitatum excipit. Neque enim alia quàm ahenea illa siue audiendi porta in Veri ciuitatem regina discendi cupida introire potuisset, cum, ut die antegresso intellectum est, auditus sit proprius cognitionis sensus ac disciplina.

Sed principio statim dubitatio existit, quo pacto Reginam Aristoteles non prius visam ita facile agnouerit? Scire igitur operapretium est, ita commentum esse auctorem, quasi reginæ imaginem Zeuxis nō solum pingendi, verum etiam diuinandi peritia excellens, iam olim viuente adhuc Aristotele, in ipsa Veri ciuitate, in atrio Temperantiæ tanquam castitatis specimē penicillo suo expresserit. Præterea mortuis diuinandi peritiam attribuunt poetæ, vnde Homeri tota *νεκρία* siue mortuorū diuinatio in *Odyssæa*. Itaque si omnibus vita functis verandi siue diuinandi facultas concessa est, multò minus ea deesse potest sapientiæ totius principi Aristoteli. Denique per somnij speciem hæc peregrinatio tota effingitur: somniorum autem licentia & libertas quanta sit, omnes sciunt, eaque D. Hieronymus olim defensione. lib. i. *Apologia* aduersus Rufinum, solertissimè vsus est.

In Veri ergo ciuitatem Regina tanquam Xenagogo siue hospitem duce Aristotele ingreditur. Atque is principio statim demonstrare incipit, quemadmodum tota ciuitas veritatis, tributa sit in partes tres. Quarum prima excelssissima rupes, quasi *ἀκροπόλεως* siue summæ arcis in ea locum obtinens: altera puluinus, siue moles plana, in quam gradibus aliquammultis ascenditur, ex latis ac luminosis virtutum viis, cuique moli, rupes illa imposita est: tertia vero infima, valles quinque habens, crassis circumfusas & occultatas tenebris. Siue, summa ciuitatis pars, rupem habet excelssam, in eaque templa virtutum mentis siue intelligentiæ: media planiciem altam vitæ politicæ, & v. in eam vias latas siue regias virtutum moralium: tertia & infima est vitiorum. Harum autem ciuitatis partium similitudine, triplex vitæ nostræ genus declarari ostendit, vt iam olim ab eo positum fuit c. v. lib. i. ad Nicom. Summa enim ciuitatis pars quasi vita est philosophica, in contemplatione rerum & veri inuestigandi studio posita: altera pars, nempe media, imago est vitæ politicæ, cuius laus omnis in actione consistit: tertia verò infima pars, speciem habet vitæ voluptariæ, mollis, delicatæ, ab Epicuri & M. Apicij disciplina non abhorrentis. Tribus autem his viuendi modis, homines aut imperare aut, aut seruire, intelligens de ratione & appetitu. Namque in philosophantium animis & politicorum, adpetitus tanquam seruulus, rationi ceu reginæ & dominæ parere cogitur: voluptariorum autem hominum ratio, quasi ancillula miserrimam adpetitui seruit seruitutem. De triuio autem hoc vitæ, philosophus loco anted. Dio Romanus orat. iv. de regno. Plutarch. lib. de instit. puer. D. Thomas II. II. Quæst. CLXXIX. Artic. II.

#### ADSPICE PRÆTEREA.


Voluptates ac dolores virtutum ac vitiorum comites, notari ait riuulis xx. voluptates riuulis decem dulcibus & limpidis: dolores aliis totidem turbidis & amaris. De hoc voluptatum & dolorum comitatu infra differendi locus die xxv.





- A. Ciuitas VERI siue MORVM.  
 B. Quinq. vrbis huiusce portæ significationem habentes quinq. sensuum exteriorum.  
 C. Tres sensus interni. Nempe sensus communis, Vis imaginandi, Memoria.  
 D. Valles in quib. atria vitiorum.





- E. Palatia virtutum moralium, per eaq. transitus in arcem & templa virtutum mentis.
- F. Tria genera vitæ humanæ. Voluptarium, Actuosum siue Politicum, & contemplationis siue philosophicum.
- G. Viginti riuiuli, quorum decem, habent significationem voluptatum: decem alij dolorum.

## PARTE ALIA VIDEN.

Ingreditur nunc Aristoteles, Regina illas quinque plenas nebularum & caliginis in parte ciuitatis infima demonstrare valles, in quibus sunt domicilia vitiorum. In has autem valles decem riuli, quinque dulces, totidemque amari, illi voluptates, hi dolores comitantes vitii. Decem hi riuli ex radice rupis ita influunt, ut ibidem stagnantes nebulam excitent, qua circumfusæ valles inobscurantur: decem verò alij, ex utroque regiarum viarum latere, viarum scilicet, in quibus palatia virtutum. Horum item quinque amari, totidem dulces, illi dolores, hi voluptates comites virtutum. Adiungit deinde Aristoteles, vulgus imperitorum caligine illa nihil deterritum, certatim properare per semitas & ponticulos qui laterales ac transuersi conducunt in valles. Nimirum hi ut Plautinus ille, *Non profusus, verum ex transuerso cedunt, quasi cancer solet:* Vias autem illas directas, excelsas, luminosas, quibus ad virtutum palatia peruenitur, à tam paucis ait frequentari, ut tanquam regiones incultæ desertæque ab omnibus, herba vestiri & siluescere videantur. Atque hæc tam claræ & illustres viæ domiciliis virtutum distinctæ, recta conducunt ad celsissimam illam rupem, & quasi vrbis totius arcem munitissimam, quæ templis quinque ornata, speciem ac similitudinem gerit vitæ in veritatis cognitione positæ, quæ cumulus & consummatio est totius beatitudinis. Hæc igitur nunc ita summatim Aristoteles: lucem verò in hisce viis excelsis & tanquam regiis, rectam esse rationem, siue prudentiam virtutibus prælucentem: nebularum in vallibus obscuritate intelligi, obstruentem virtutis luminibus adperitum: riulis comites virtutum dolores ac voluptates declarari, ex his quæ infra dicturi sumus patebit.

## PERENNI LVMINE FLAMA.

Adpositè verò, flamæ perennis specie, mēs ipsa intelligi potest. Nam ut præclare quondam ipse Aristoteles dixit cap. x. lib. iii. de arte dicendi. *Ἐν νοῦ ὁ θεὸς φῶς ἀντήκεν ἐν τῇ ψυχῇ mentem Deus ipse ceu animi nostri lumen accendit.* Neque dissimili ratione Virgilius in vi. Æneidis mentem vocauit.

*Auræ simplicis ignem.*

Et Prudentius agens de mente, in Hamartigeneia, inquit,

*Ignitum quoniam Deus indidit olli*

*Ingenium*

## ÆTHERIIS MODO RECTA PLAGIS.

Ostendit Regina iam Aristoteles duo esse, principia, de quibus omnes actiones humanæ fluunt, mentem & adperitum. Qua de re copiosè Aristoteles iam olim disputauit cap. ii. lib. vi. ad Nicom. cap. x. lib. iii. de anima.

Sed sæperatio siue mens, adperitus quasi nube inobscuratur: unde rictas per magna existit in electione finium. His igitur auctoris verifi-



culis paucis, plane lectis & intellectis, patebit generale illud principium eis contineri, quod sæpissime usurpauit Aristoteles iam olim, vt principio lib. i. ad Nicom. c. i. lib. iii. Top. cap. vi. lib. i. de arte dic. cap. i. lib. i. de Repub. omnia nempe ad bonum aliquod referri. Quod quidem etiam L. Seneca disputauit epist. cxix. & Pfellus introductione sua in modos philosophiæ: nihil fieri sine boni alicuius electione, aut veri, aut verisimilis. Boni enim duplex ratio est, nam aut verum est, aut verisimile. Verum bonum, aut supremum siue perfectissimum est, nimirum beatitudo: aut interiectum, vt virtus, valetudo, pecunia. Bonum verisimile interdum est vi naturæque sua bonum, sæpe vero etiam malum, sed in specie aliqua boni delitescens, vt iam olim docuit Aristoteles lib. ii. de moribus ad Eudemum, cap. iii. lib. vii. de Repub. Mentis igitur acie occæcata, soliti homines aut verisimilia bona pro veris amplecti, vt vitium pro virtute, cap. iii. lib. i. de Rep. aut interiecta pro summo, vt honores, aut pecuniam, aut valetudinem pro vltimo vitæ præmio & fine.

#### SED CUI PRVDENTIA LVMEN.

Prudens siue is cuius mens occæcata non est, sed qui adpetitum habet rationi obedientem, is neque bona verisimilia pro veris consecratur, neque interiecta pro summo, sed via breui & quasi compendiaria nititur ad beatitudinem, vel actuosam siue politicam, vel quietam & cognitionis: & acquiescit vel in media parte huiusce vrbs regione, videlicet illa quæ inter valles quinque plenas caliginis, arcemque summam interiecta, similitudinem habet vitæ positæ in actione: vel progrediens etiam vltius in arcem vltimam siue supremam ascendit, quæ speciem gerit vitæ contemplantis, atq; hic proprie nominatur sapiens.

#### ARQVES VTI SOLLERS.

Quemadmodum qui collineare nititur ad scopum, à rebus quæ scopo siue signo vicinæ sunt, oculos auertit, vt signum ipsum siue medium ferire possit: sic prudens aut sapiens ab omni verisimilis & interiecti boni specie, refert se cogitatione ad beatitudinem actionis aut veritatis. Quam Aristoteles ipse comparisonem attingit c. ii. lib. i. ad Nicom. & cap. vi. lib. ii. Plutarchus item libro de virtute morali.

#### HÆC SEDES ITAQVE.

Pergit laudare ac depingere summum bonum, idque multis nominibus insigne facit. Nam & lumen esse ait, & ducem, & metam viarum omnium vitæ humanæ, eoque beatos fieri homines priuatos siue singulares, & familias, & ciuitates. Singulorum enim siue priuatorum vita beata posita est in cognitione veritatis: familiæ vero ciuitatis & imperij beatitudo consistit in actione, c. vii. lib. x. ad Nicom. His ita positis adiungit Aristoteles de conditione animorum, qui magis apti sunt, & viis quasi compendiariis minimeque obscuris ad cognitionem adep-

tionemque illius extremi vite humanæ præmij.

NEC TAMEN HANC FAS EST.

Notis quibusdam planum facit, qui sint maximè idonei auditores disciplinæ moralis. Vna est nota, si ad petitus eorum, rationi non difficillimè obtemperet. Altera, si cum præcepta morum, siue bene beatæque viuendi acceperint, ea experiri porro pergant, & conferre ad suam vitæque communis felicitatem, neque sint officiorum expertes: finis enim huiusce de moribus disciplinæ non est præceptorum cognitio, sed vsus siue actio, vt est c. iiii. lib. i. c. ii. lib. ii. ad Nicom. Tertia auditoris idonei nota est, ætas paulò maturior. Ratio autem huiusce præcepti non vna est. Et vt à iuvene ordiar, hic idoneus non est, quia in Ethicis & Politicis opus experientia est, & vsu rerum. Is verò sine temporis diuturnitate acquiri nequit, quia rerù singularum obseruatione existit c. i. lib. i. Sapient. maioris. Iuueni autem vitæ necdum diuturnitas aliqua. Eadem causa & ratio, cur iuuenis aut puer mathematicorum subtiles rationes scire possit: physicas, aut eas quæ post physica philosophias, non item, c. iix. lib. vi. ad Nicom. Eaque de redicendi locus erit die vicesimo octauo.

Altera deinde ratio, quia non curat iuuenis perturbationes, & voluptates virtuti repugnantés frenare, aut dolores perpeti actionum, quibus in possessionem virtutis eundum est. Itaque in huiusce Veri siue morum ciuitatis parte infima, vbi vitiorum valles ac domicilia sunt, tanquam in Calypsonis aut Circe latibulis indormiens, aut quasi Sirenarum scopulis adherescens, non laborat peruenire in mediam ciuitatis huiusce regionem, vbi sedes Beatitudinis Politicæ: aut supremam, siue ἀκρόπολιν, & quasi arcem, vbi regnum Sapientiæ & Beatitudinis, quæ ex contemplatione. Perturbationes nempe animi, & turpes voluptates, omnem ad illas regiones aditum intercludunt, sapienterque Tullius, *Voluptates*, inquit, *blâdissima domina, sæpe maiores partes animi, à virtute detorquent.* Idemque. *Voluptate*, inquit, *dominante, maximas virtutes iacere necesse est.* Veraque est tabella quam Cleanthes, vt idem ait, *sane commodè verbis pingere solebat. Iubebat eos, qui audiebant, secum ipsos cogitare, pictam in tabella Voluptatem, pulcherrimo vestitu, & ornatu regali, in folio sedentem, præsto esse virtutes, vt ancillulas, quæ nihil aliud agerent, nullum suum officium duceret, nisi vt Voluptati ministrarent &c.* De qua tabella etiam D. Augustin. c. xx. lib. v. de ciuit. Dei. Hinc & conuestio illa Virtutis, in carmine Mnasæ Sicyonij.

Α' δ' ἐγὼ ἀτλάμουν ἀρετὰ, ὅθι τῆ δὲ καὶ θνητῶν

Ἡδονῆ, ἀγρίως κειραμένη πλοκάμους.

*Ecce voluptati vicina, miserrima virtus*

*Hic sedeo, adtonsis sic quasi serua, comis.*

Quos versus longè aliorum, & contra Poëtæ mentem pertraxit Athenæus lib. i.

In his ergo qui atate iuuenes, duplex quàm dixi causa est cur huiusce

iuscæ doctrinæ auditores patum idonei sint: alia in his qui non ætate sed moribus iuuenes, siue qui, tametsi ætate matura, non minus tamen quàm iuuenes perturbationum procellis aguntur, potius quàm iudicij & consilij clauo reguntur, vt incontinentes, aut quia officiorum exper-tes. Hi auditores nec idonei sunt, quia perturbatio aut ab officiis auersio, eos à Beatitudinis etiam Politicæ regno excludit.

Duo itaque iuuenum genera, vnum ætate, alterum moribus animi: vtrisque hoc philosophi auditorium clausum est.

Neque tamen sic clausum illud iuuentuti est, vt profus non admittatur ad vllam huiusmodi præceptorum auditionem: immo verò etiam iuuenes, etiam pueri vocantur, vt virtutum præceptis audiendis perturbationes suas refrenare discant. Ergo etiam pueris Romæ scripta carmina de moribus olim, quale illud Appij Cæci, aut M. Catonis. Itaque duplex huiusce philosophiæ auditor idoneus est, vnus ad perfectionem, & politicam illam felicitatem: alter ad necessitatem & præparationem. Viri audiunt, vt auditio illa eis instrumentum sit Beatitudinis politicæ siue actuosæ, siue quo consequi possint Beatitudinem illam actuosam, & vt philosophi verbum est *ἐν ᾧ ἀξίως* c. 11x. lib. 1. c. v. lib. v. ad Nicom. pueri & iuuenes, vt instrumento huic præparentur. Viris auditio illa tanquàm vini in dolium purgatum diffusio: puero autem & iuueni, est animi tanquàm dolij purgatio, siue *purè lauatio & inunctio* & odor, quo imbutum, vino deinde huic vile sit. Ex quo discrimine auditorum elegans illa Horatij Poëtæ ad morum sapientiam discendam, cohortatio, epist. 11. lib. 1.

*Nunc adhibe puro*

*Pectore verba puer, nunc te melioribus offer.*

*Quo semel est imbuta recens, seruabit odorem,*

*Testa diu.*

Et illa Epicteti ad ingredientem

philosophari, vox apud A. Gellium c. xix. lib. xvii. *Ἀθροῦτε τοῦ βάλλεις Σκέψαι εἰ κεκράσθητι τὸ ἀγέῃον. Ἐἰ γὰρ εἰς τιὰ ὀπισθὸν ἀλλοῖς βάλλεις, ἀπώλετο. ἢ σαπῆ, ὄσον, ἢ ὄξος γένοιτο ἀν', ἢ τι τούτων χεῖρον.* *Homo, in cuiusmodi vas diffundis? vide an purgatum sit. Nam si in opinionem ea diffundis, perire, Si putruerint, lotium aut acetum sient, aut si quid deterius est. Cum discrimine illo etiam Persius accipiendus est Satyra v. cum ait.*

*capite hinc iuuenesq. senesq.*

*Finem animo certum, miseriq. viatica canis.*

Hæc itaque de huiusce philosophiæ auditione, quasi formula est, quæ tamen includere nõ videtur iuuenes, qui propter à natura insitam prudentiæ vini, ætate iuuenes, morib. animi senes sunt. Est nempe aliqua prudentia naturalis, quæ Aristoteli *Δεινότης* c. xiii. lib. vi. ad Nicom. Hæc sæpe tanta in animis innata est, vt ipsi prudentiæ virtuti gemina germana sit. Multique & inueniuntur hodie, & inuenti olim, ætatis flore, sed mētis quasi ætate & solstitio. Sic Tarchon ille apud Geographum lib. v. propter iudicij quasi vestibulo pœne ipso vitæ & limine, maturitatē, capite cano fuisse perhibetur adhuc infans, & vagiens in cunis. Canum fixere illum, quia vt Plauti verbum est. *Sapere oportet qui sunt capite*



*candido.* Ad hoc exemplum, ut Herenn. Philo refert, lib. de legat. ad Caium, Tiberius Cæsar etiam adolescentulus cum esset, dictus est, ὁ σεβούτης id est, *Senior*, εἰ ἀπὸ τῶν ἀπὸ τῶν ἀρχαίων, quod reuerentur homines ingenium eius, & prudentiæ vim. Et apud Eunapium. Sophista Iulianus ἐν μειρακίῳ σεβούτης, in adolescentulo, senior. Et Macarius Monachus Ægyptius olim dictus παιδαγωγέων siue, *senilis puer*, ut est historiæ Lausiacæ c. xvii. Nicoph. Callisti Eccles. historiæ c. xiv. lib. ix. Sic etiam Manuel Comnenus Imp. apud Nicetam. ἐν μειρακίῳ σὺν τῷ κεραιεῖ τῷ νοῦ, In adolescente, mentem gerens senilem. Et Felix Aur. Cassiodori amicus, præfat. lib. xi. *Senilis iuuenis.* Et Sapientiæ Salom. c. i v. antefertur *bonus puer & sapiens, regi stulto & seni.* Et verò sapienter Pindarus Olympiis Oda v. φύονται δὲ καὶ, inquit, νέοις ἐν ἀνδρασί πολλαὶ γαμὰ, καὶ ἀπὸ τῶν ἀλικίας εὐκτα χρόνον. *Nascuntur cani etiam in iuuenibus cito capilli, etiam ætatis ante solitum tempus.*

Utraque igitur causa illa & ratio quam posui ex Aristotele, cur puer aut iuuenis auditorio scientiæ moralis parum idoneus sit, principio illo nititur, quod puer aut iuuenis finem ἐυπραξίας & Beatitudinis Politicæ consequi non potest. Nam qui nullo aut paruo rerum vsu est, non potest collineare ad hunc scopum. Puer aut iuuenis eiusmodi est. Ergo &c. Item. Qui non curat perturbationes animi cohibere, non potest ferire hoc medium, aut adsequi finem. Puer aut iuuenis eiusmodi est. Ergo &c.

Hinc argumentum quoque tertium vltro se offert. Qui perfectus ciuis non est, non fruitur hoc sine felicitatis politicæ siue actuosæ, Puer aut iuuenis eiusmodi est, c. i. lib. iii. de Rep. c. ix. lib. i. ad Nicom. Puer itaque aut iuuenis &c.

Dixi, *puer aut iuuenis.* Sic enim & Philosophus ipse c. ix. lib. vi. ad Nicom. dixit modo παῖς siue *puer*, modo νέος siue *iuuenis*, ut declararet se agere de auditore, qui aut puer, aut certè iuuenis, necdum ad vsum rationis perfectum adpropinquans.

#### EST CROESI QUI CÆCVS OPES.

Præclarè iam Aristoteles adiungit, quam longè diuertant mores sapienti & vulgo imperitorum. Sapiens enim recta via contendit in arcem ipsam beatitudinis. Imperiti autem de via in semitam prorepunt, & ut Plautus loquitur, *inbiant miseri quod nusquam est.* Alij enim ut pauperes, pecuniam: alij ut ambitiosi, honores: alij ut deformes, pulcritudinem: alij ut infirmi, valetudinem: alij aliud vltimum vitæ suæ præmium ac finem statuunt, neque intelligunt, aut lippa illa acie mentis suæ vident, hæc omnia nihil aliud esse, quam instrumenta veræ felicitatis, & summi boni, ut disputauit Aristoteles cap. i v. & v. lib. i. ad Nicom. Itaque ut is amens videretur cui cum oculos pascere liceret cuiusdam statuæ spectaculo tam adfabrè miròque artificio fictæ, quam illæ deorum imagines pulcherrimæ sunt apud Aristotelem cap. iii. lib. i. de Republ. tamen mallei speciem citius

aut scalpelli contemplaretur: sic iniquissimi sunt illi rerum æstimatores qui bona quæ in corpore, aut extra corpus casu fortunæque proueniunt, quærentes, tanquam flexiones & deuerticula viarum, decurrant à regione ipsa vitæ beatæ.

VALLIBVS EST IMIS QVI DEGENER.

Quoniam hic error, & hæc imperitorum animis effusa caligo est, vt verisimilia pro veris, interiecta bona pro summo, siue beatitudine ac sine bonorum amplectentur: idcirco fieri ait, vt hæc Veri ciuitas frequentetur maximè in vallibus ac semitis vitiorum, in iisque plurimi tanquam ad Sirenum scopulos adherescant, inque libidinis omniumque voluptatum cœno, tanquam sues volutentur. Hæc aliaque plura, die sequenti Reginam docebit Aristoteles. Nunc autem Sole obeunte finem dicendi facit, quia Sole isto, supremi Solis siue diuinæ mentis quasi imagine non lucente, ingenij sui aciem hebetari ait, tenebris geminata noctis, Solis nempe occasu, & ignoratione veritatis Ethicæ, cuius cognitio pendet à Sole & sensu. Sed & triplicem facere noctem potuit. Quippe illas de quibus dixi, & præterea Christianæ veritatis ignorationem, quæ nox ceteris longe grauior. De quo die tamen & nocte, suspicione aliquid præcepisse, ad eumque Christianæ gentis diem respexisse putant aliqui Aristotelem. Peruulgata enim est vox eius morientis, & in ipso vitæ exitu ac supremo spiritu, causam totius naturæ complexu augustiorem, venerantis.

Sic igitur & huiusce diei, & reliquorum in hac Veri ciuitate peregrinatio concluditur, quasi Aristotele noctibus obmutescente, & quasi linguas immolante numini Mercurij, qui ritus Græciæ olim: & perinde, vt si Pythagoræ seruet præceptum, vetantis de rebus Pythagoricis, hoc est, de rebus diuinis ac præclaris, verba fieri sine lumine. Apud Iamblichum,

E ij





# DIES TERTIVS, IN QVO

## DESCRIPTIO BEATITVDINIS

### POLITICÆ.

**L**V MINE iam terras, undis elutus Eois  
 Spargebat croceo Titan, cum limina pandens  
 Urbis Aristoteles, caliq. in lucida templa  
 Suspicit, & Solem ore pio sic ritè precatur.  
 Cynthie cor cæli, lucis mare, viuuda mundi

Mens ac temperies, nostræ tua lumina menti  
 Præfer, & hunc concede volens mihi Sancte laborem,  
 In geminas animus REGINAM est ducere sedes,  
 Regna beata ubi sunt semper florentia vite.

Harum est illa prior, quam limine possidet arcis  
 Dux hominum vitæ PRVDENTIA, vertice at ipso  
 Spectatrix residet sollers SAPIENTIA Veri.  
 Nunc itaq. hanc REGINA prius spectemus in arce  
 Quæ prior est, animus quam prudens calle viarum,  
 Quamquam multiplici, tamen occupat, & sibi querit  
 Quâ breuiore potest aditum regione: marini  
 Sicut regna Dei, properat qui visere quondam  
 Nauita, de fluuiis pelago miscentibus undas  
 Vicina regione suas, hunc qui breuiore  
 Vortice torquetur, sibi sollers eligit: utq.  
 Fonte suo riuus maior, maiorâq. riuus  
 Flumina, maius item fluuiis est omnibus æquor,  
 Quod recipit cunctas, ullo neq. crescit aquarum  
 Agmine: sic VERI est RESPUBLICA, motus & actus  
 Continua minor est recti adsuetudine, & ipsam  
 Virtutum exsuperant longè, splendentia tecta:  
 Quæ tamen exoptanda minus votiuæque, summi  
 Quam sedes excelsa boni, quo plenius vno, aut  
 Certius, aut numero nihil est perfectius omni,  
 Sufficiens sibi, nil externi aliunde requirens,  
 Nobile, semper ouans, & ab omni parte beatum.  
 Vnius hoc regis contingit munere nobis,  
 Vnus qui dare cuncta potest. Cælestis imago



*Illius in tali purissima munere splendet.*  
*Tale bonum frustra magna conantur apisci*  
*Corporeæ vires, leuis aut fortuna tenere*  
*Sub ditione sua, & proprium sibi velle dicare:*  
*Mente animi capitur, cuius possessio nullas*  
*Temporis vna vices metuit, non frigora mortis*  
*Aut senij, non fortuna momenta superba.*  
*Ætheria nam sede venit, terræq. futurus*  
*Tempore non multo ciuis, sibi corpore paruo*  
*Hospitium magna metatur originis hospes.*  
*Illius auspiciis, ductuq. & lumine certam*  
*Præmonstrante viam rectæ rationis, in arcem*  
*Scandere fas ipsam, & sedis pia regna beate.*

*Hæc videntur ut vitæ sedes REGINA beate*  
*Trigeminis celo adsurgit fundata columnis,*  
*Dispare materia? Triplicis, sed dispare vultus*  
*Ista boni facies, huius quo præmia regni*  
*Omnia nituntur. Primam rutilantibus auro*  
*Textam, purpureisq. leuicem variare figuris*  
*Adspicere pennarum: fragilis dehinc altera testis*  
*Pellucet conflata vitri: tum tertia longè*  
*Præcellens aliis, solidòq. adamante columna*  
*Structa, suo valide hanc fundamine sustinet arcem.*  
*Præmia fortune quid sunt, nisi quolibet olim*  
*Ventorum faciles impelli flamine pluma,*  
*Aut steriles leuiter qui ludunt aère pappi?*  
*Corporeæ dotes fragiles ut vitrea, robur*  
*Forma valetudo, citò deficit: haud perit ullo*  
*Tempore, fortune nulla inclinante fathiscit*  
*Tempestate, bonum quod clusum pectoris imo*  
*Vir prudens adyto generosi possidet. Ergo*  
*Nec sedet instabili vitæ regione locatus*  
*Vir bonus ac sapiens: neq. si Fortuna caduca est,*  
*Corporis aut pereunt dotes, ego vincar inertem*  
*Et fragilem vitæ male substruxisse beatæ*  
*Ingenio sedem: quia talis fabrica, qualem*  
*Conditio recipit generis tam lubrica nostri.*

*Sola vices nescit, neq. fluctuat incluta Virtus.*  
*Vtq. animus donec mortali est corpore clusus,*  
*Impiger hoc vegetat, viresq. in rebus agendis*  
*Sufficit assidue: talis pulcherrima rerum*

*Virtus est animi custos : hunc armat honestis  
Moribus , adfectusq. docet frenare rebelles  
Prudente imperio , & recte rationis habena.*

*Corporis hac eadem vires conseruat , honores  
Augeat , amicitias iungit , bene parta tuetur,  
Diuitiasq. sibi , non se summittere nouit  
Diuitiis. Animi constans & certa beati,  
Sic est conditio , & sedes inmota , nec ullis  
Exagitata malis , mea quam mens condidit , arce  
Urbis in hac summa , menti duo regna beata:  
Sic tamen vt mortalis , in his quoq. iura tenere  
Possit condicio , quam sola potentia celi  
Summonet , aternosq. vetat contingere honores.*

*Deniq. vt lentum quod crescit in aquore vimen  
Coralq. , mira specie lapidescit in auris  
Et Solus radio , cum primum viuere in vndis  
Desit , & iussum est Neptuni excedere regno:  
Sic Ratio recta & Virtus vbi luce caducas  
Contigerint dotes , cogunt durefcere , & arcent  
A molli leuitate animum , durosq. labores  
Fortiter exanclare docent , & quicquid acerbum est,  
Æqua mente pati , portumq. intrare quietum,  
Illius ex pelagi scopulis , quam nomine VITAM  
Mortales perhibent falso. Nam vita recessu  
Est vitalis in hoc , quem VIRTUS , RECTA QVE nobis  
Ostendit RATIO : hanc vitam qui viuunt abunde est  
Diues , honoratus , sanus , speciosus , & omni  
Nube animi demta cumulatus semper honesta  
Munere letitia , & puris circumfluus auris.*

*Huc itaq. vt faciles , nullaq. ambage viarum  
Sint aditus REGINA tibi , prius atria circum  
Me duce virtutum , prima lustrabis in vrbe,  
Lucentesque vias , ipsam quibus itur in arcem.  
Præterea disces lateant cur vallibus imis  
Squallentes vitij ganea , sub luce maligna,  
Totaq. vti facies vrbis , sit mentis imago  
Humana , quam vel RATIO ceu lumine spargit,  
Vel nebulis occæcat inertem deuius error.  
Partem animi summam RATIO tenet , aptaq. honestum  
Votis expetere , atq. bonis meliora VOLUNTAS  
Præferre : ast ima iuuenatur sede CVPIDO:*

*Cæca vel effundit quasi missas IRA quadrigas  
 Carceribus, spumaſq. ferox agit ore cruentas.  
 Sic & luce diem & tenebris metimur, Eous  
 Promit in orbe diem, paullo poſt Heſperus idem  
 Inuoluit tenebris cælum, rebusq. colores  
 Aufert omnimodos, cæca caligine noctis.*

*Plenius hæc Regina tibi tunc diſcere tempus,  
 Poſtera cum veniet tenebris Aurora fugatis:  
 Talia nam memorare nefas ſine lumine Solis,  
 Qui nunc occiduo nitidum caput æquore mergit.*

## CYNTHIE COR CÆLI.

**T**ERTIVS hic eſt in *Veri* ciuitate peregrinationis dies, cuius principio petit à Sole oriente lucis copiam Ariſtoteles, vt ea perſuſus, tradere poſſit Regiſtæ viam, qua perueltigatur in *Veri* ciuitate, vtraque beatitudo, actionis vna, altera cognitionis. Ac primum, Ariſtoteles verbis depingere inſtituit mediam ciuitatis *Veri* partem, ſiue ſedem politicæ beatitudinis, ſiue actuoſæ, ad quam præluceſcit radius prudentiæ ſiue rectæ rationis actuoſæ. Prudentiam autem ita *rectæ rationis* nomine adfici poſſe, iam olim ipſe oſtendit, principio libri VI. ad Nicom. Neque tamen idem prorfus eſt virtus prudentiæ, & ratio recta illa: ſed ſubtilius hoc quidem diſcrimen, quàm vt in hac populariter deſcripta ciuitate locus ei eſſe videatur. In politicæ verò beatitudinis itinere lumen prudentiæ requiritur, tanquam ducis & magiſtræ omnium virtutis actionum. Quod ſcienter item declarauit Ariſtoteles c. XI. lib. VI. ad Nicom. Virtus enim boni alicuius finem eligit ac proponit. Fine autem illo tanquam ſigno propoſito, reliquæ ſunt prudentiæ partes, in perueltigandis viis ac rationibus, quibus ac boni propoſiti finem liceat peruenire. Itaque prudentiam Ariſtoteles merito & iure, *mentis oculum* nominauit. Quamquam alij locum illum Ariſtoteliſ de ſolertia & calliditate, alij de ipſius mentis parte actuoſa, ſed non optimè intelligunt. Crito etiam ille, vnus de Pithagoræ diſcipulis in libro de prudentia & felicitate, Prudentiam affirmat *ducem ceterarum virtutum eſſe ac matrem*. Male autem loco illo Ariſtoteliſ c. XII. lib. VI. ἡ δ' ἐξίς & c. ſcriptum eſt, pro, ἡ δ' ἐξίς & c.

## MARINI SICVT REGNA DEI.

Felicitas mari ſimilis eſt: animus humanus nauæ properanti ad mare. Mediæ ille ſiue interiectæ rationes, quibus ad beatitudinis aditum, & quaſi portum via munitur, tanquam riuuli ſunt, qui conducunt ad mare. Ac primum vita beata omnium rerum expetendarum quaſi comprehenſio quaſi quædam & ſumma eſt: vt mare omnium riuulorum ac flu-



minum recessus & collectio est. *Quis enim*, vt ille apud Plautum interrogat, *hic fluius est, quem non recipiat mare?* Animus autem beatitudinis adpetens, nauatæ per similes adspiranti ad mare, *qui si viam, nescit qua deueniat ad mare, amnem comitem quarit sibi*: sic prudentis animi partes sunt, quarere ac moliri auxilia & instrumenta vitæ beatæ, vt autem ille qui maris desiderio tenetur, saepe de flumine ad flumē digreditur, donec ad illud peruenerit, quod recipitur, non alio flumine aliquo, sed ipso mari, vtque illud inuentum aliis omnibus riuulis anteponeat: pari ratione prudentia & virtutes morales, corporis & fortunæ bonis anteponendæ sunt, vt pote in ipsam beatitudinem proximè tanquam mare bonorū influentes. Vt autem mare ipsum fluiis omnibus quos excipit sic beatitudo ipsa etiam prudentiæ, & virtutibus ceteris longè prior, & antiquior habenda est.

QVO PLENIVS VNO AVT CERTIVS.

Descriptio summi boni ex adiunctis, vt cum ait, nihil extra eius amplitudinem relictum esse, item beneficium esse largientis omnia Dei, atque ipsius largitoris quasi imaginem. Præterea non in fortunæ rota, non corporis viribus, aut specie, sed mente ipsa collocari, quæ sola immortalis corpore senescente magis magisque inluminatur atque efflorescit, quia nihil terrenum habet aut concretum, sed è cælo ipso in corporis velum, ceu roris gutta in flores, defluit. Quod Aristoteles idem c. III. lib. II. de ortu animalium dixit, *ὅν νοῦν μόνον ὑπερέχει ἐπεισέναι, καὶ θεῖον εἶναι μόνον* id est, *mentem solam ex materia non emergere, verum extrinsecus eam superuenire, solamque in homine participem esse diuinitatis*. Cui non dissimilem Aristotelis sententiam exposuimus, etiam die antegresso ex c. X. lib. II. de arte dicendi.

Est igitur quidem, vt diximus, *vita beata*, præmium diuinum & cælestis, siue vt Aristoteles ipse locutus est c. IX. lib. I. ad Nicom. *θεῖος ὄδος*. Sed tamen hæc ita diuidi solent, vltimum illud vitæ præmiū vel acquiri studio industriæque mentis humanæ, vel nihil aliud esse, quàm profectum à Dei largitate beneficium, sine vlla corporis aut animi nostri contentione. De priore illo genere, nempe quod vsu & consuetudine procreatur, in hoc poemate auctori potissimum sermo est.

HÆC VIDEN' VT.

Orationis suæ penicillo depingit sedem *Beatitudinis* politicæ, locatam in media ciuitate Veri, in mole illa siue puluino ex marmore. Quæ sedem tribus columnis fulciri atque sustentari ait, ita vt columnæ illæ significationem habeant triplicis boni, spectantis ad vltimum bonum. Triplex autem illud bonorum genus, diuitiæ & honores, valetudo, prudentia. Diuitias & honores declarat species illa columnæ ex pennis inauratis ac purpureis contextæ: valetudinem refert columna vitrea: prudentiam verò columna ex adamante solido ac fulgenti formata. Omnia conuenientissimè. Nam & pecuniæ & gloriæ bonum pluma leuius

leuius est, & valetudo quasi vitrea fracta, vel fragilis: sola prudentiæ columna vi nulla fortunæ labefactari potest, ceterisque columnis, vt valetudinis & pecuniæ conuulsis aut euersis, vnus tamen prudentiæ vi totum illud politicæ Beatitudinis ædificium sustentari potest.

## NEC SEDET INSTABILI.

Ante occupatio est, occurrens dubitationi. Si enim pecunia & valetudo columnæ sunt beatitudinis, non sanè expetenda videtur plumea illa & vitrea felicitas. Sed occurrit sapienter, & docet Aristoteles, non depingi hoc sermone Dei beatitudinem, cuius pars nulla fortunæ telis exposita sit: sed illam quæ in homines cadere, & conuenire potest. Huius autem etsi habitus ac status ipse interior mutari non potest & conuelli à fortuna, tamen ei ornamenta quædam externa & opportunitates præclare agendi eripiuntur interdum. Quocirca intelligi necesse est actione virtutis, homines eatenus beatos & bonis omnibus florentes fieri, quoad naturæ humanæ conditio capere potest illam felicitatem, vt disputauit etiam olim Aristoteles cap. x. lib. i. ad Nicomach.

## VTQ. ANIMVS DONEC.

Pergit de triplici hoc genere boni explicare, atque ostendere quantum Prudentiæ splendor antistat valetudini & pecuniæ. Nam vt Prudentiæ radio virtutes, sic splendore virtutum pecuniam ac valetudinem inlustrari necesse est. Atque vt olim docuit Aristoteles c. xiii. lib. vi. ad Nicomach. sine prudentiæ luce, & quasi *oculo* nullam existere in animis propriè virtutem: sic nisi cum virtute socientur pecunia & valetudo, in bonis impropriè numerantur. Quod nunc pereleganti comparisone antè oculos idem proponit Aristoteles. Vt enim corpus, inquit, animi regentis ac moderantis auxilio viget ac viuit: sic Prudentia ceteræque virtutes, animum ipsum à contagione sensuum, & omni turpitudinis offensione tuentur, atque efficiunt vt homines diutius ac certius frui possint pecunia, valetudine, forma, gratia siue amicis, atque id genus aliis, quæ tandem volubilitate fortunæ aut lapsu temporum deflorescunt.

## DENIQ. VTI LENTVM.

Declarat coralij similitudine ita esse vt dixit, nempe radiis Prudentiæ stabiliora & diuturniora fieri etiam bona corporis & fortunæ. Vt enim coralium tenerum & molle ipsa naturæ suæ conditione, tamen radiis Solis perfusum lapidescit: perinde pecunia, valetudo, & id genus alia, per se leuia, incerta, momentanea sunt, luce autem Prudentiæ, firma, certa, stabilia efficiuntur. De coralij lapidescentis ingenio, Dioscorides c. cxxxix. lib. v. Ouidius lib. iv. Metamorph. Interpres Pindari ad Nemea, Oda vii.

## ET ARCENT A MOLLI LEVITATE ANIMVM.

Aliam adiungit prudentiæ & virtutis laudem. Illa tanquam Achillis arma esse, quibus recti & muniti animi, nullis fortunæ telis, nulla temporum permutatione, de sede sua, & statu dimoveantur. Hanc pharum esse, qua prælucente in vitæ infesto & ancipiti cursu, mentem quasi nauim adpellimus in portum vitæ beatæ, florentis ac felicitis, omni malorum genere vacantis, omni bonorum copia circumfluentis.

## HVC ITA QVE VT FACILES.

Virtutem ac Prudentiam esse dixit comitem ac ducem itineris recti ad summam felicitatem. Nunc Reginæ pollicetur, se die sequenti ostensurum, qua in parte ciuitatis, Prudentiæ illius & virtutum recta inuenienda sint, & quemadmodum illis opposita sint domicilia vitiorum. Recta enim virtutum esse in viis quinque directis ac luminosis, quæ à portis ciuitatis pertinent ad sedem Beatitudinis: vitiorum autem latibula esse in vallibus quinque illis depressis & caliginosis. Præterea duplicem esse in Veri ciuitate aërem, quorū ille purus, tenuis, luminosus: hic autem crassus & concretus. Sic autem esse duos animi nostri adpetitus, vnum expertem rationis, in parte animi inferiore, concupiscente, irascente: alterum vero compotē rationis, in parte superiore siue mēte, scilicet voluntatem siue βούλησιν, & consultationem, siue βούλευσιν. Nam rectē siue cum ratione adpetimus, vel sine deliberatione, vel deliberato. Cuius rei mentionem etiam fecit Aristoteles c. xi. lib. iii. de anima, & c. xiii. lib. i. ad Nicom. & planissimè D. Thomas partis i. Quæst. xxc. & xxxi. Nemesius c. xxxiii. de natura hominis. Non dissimilis autem Virgilij ratio esse videtur in vi. Æneidis duplicem aërem effingentis, vnum Elysiij, cum inquit,

*Largior hic ather campos & lumine vestit*

*Purpureo*

Alterum Tartari. *Stat ferrea turris ad auras.* De quibus auris planissimè Papinius lib. ii. Thebaidis.

*Undique pigra*

*Ire vetant nubes, & turbidus implicat aër.*

## SIC ET LVCE DIEM.

Pereleganter vtrumque animi adpetitum expressit, permutatione temporis, siue vt à Cēsorino in lib. de die natali dicitur, *diei ciuilibis*, in tenebras & lucem. Vt enim die appropinquante noctis tenebras dissipari necesse est, sic adpetitus inferioris, nempe irascendi & concupiscendi caligo depellitur, luce adpetitus superioris siue voluntatis & consultationis: contraque inferior ille adpetitus inobscurat sæpe consilium & rationem, perinde vt noctis caligo inquit Aristoteles hoc ipso tempore nobis lucem eripit, finemque adfert dicendi.





# DIES QVARTVS, IN QVO

DVÆ PARTES MENTIS, ET DVO

GENERA VIRTVTVM, NEMPÈ ACTIONIS

ET COGNITIONIS, DISTINGVNTVR, ET DE

virtute actionis siue morali docetur,

nempe mediam esse inter vi-

tiorum extrema.

**N**AM vigil ætherios impellere Lucifer ignes,  
 Cæperat, albatuſq. ſuo præcurrere Regi,  
 Cum Sophiæ pater in calum ſua lumina tollens,  
 Vota facit pius, aque ſuo capit omina Sole.  
 Phæbe decus mundi, cæliq. ſolliq. voluptas,

Perpetua fons lucis ades, tua lumina nobis  
 Præfer, ab Eois veniens, & littore rubro,  
 Ætherius tibi naturâ calor inſitus ille,  
 Adſiduè cuius genitali ſemine facta  
 Parturiunt maria & terra. Tu luce coruſcas  
 Natiua, de fonte tui radij omnia lucem  
 Accipiunt: aliter noſtro de pectore lucent  
 Virtutes, non nativa, ſed tempore & uſu  
 Quæſita, & ſtudio vigilandi in rebus honeſtis.

Te ſine caligat mens nubila, te ſine Veri  
 Veſtigare vias, eſt ſemina ſpargere ventis.  
 Tu poteſ ingenerare animo Virtutis amorem,  
 Qui languet ſine luce tua, cæliq. calore.  
 Namq. tua luſtrans face terras, æquora, calum,  
 Omniaq. exponens magni miracula mundi,  
 Ad Verum ceu voce vocas, & in atria Solis  
 Illius inuitas, feliciſ præmia vita  
 Solus qui donare poteſt. Tu limite cali  
 Semper agens medio geminos ſub freno iugales,  
 Dum neq. te ad Boream ſolito ſublimior efferſ,  
 Aut mage quàm par eſt properas decliuſ in Auſtrum,  
 Ipſeq. te cobibes Tropicatorum ſcammate utrinque,  
 Ire doces medio Virtutis tramite mentes,  
 Ut procul auerſæ vitiorum ſinibus imis

*Et summis, fugiant cacas caligine sedes.*

*Ad te nunc REGINA meus se flectere sermo  
Incipit. Hæc modo quæ memoravi splendida nobis  
Sol exempla mouet: noster quoq. sensus eodem  
Hortatur, mediumq. etiam iubet ipsa ferire  
Nostri acies oculi. Nam si pertendere in orbem,  
Fixa velit Solis rutilantem pupula, cæcis  
Ultrò se tenebris damnauerit: & viceuersa,  
Carcere qui tetro & longa caligine mersus,  
Fucundo fruitur non unquam lumine Solis,  
Orbatur paulatim acie: sic flamine nullo  
Aut nimio adfectus, animi quoq. lucida virtus,  
Deficit. Aut veluti medius tepet inter aquarum,  
Frigora, caelestesq. ignes, agitabilis aër:  
Limite sic medio est, inter contraria virtus.*

*Virtutum quoq. te & vitiorum signa docebo.  
Hæc duo sunt, nullis unquam fallentia rebus,  
Felle madens DOLOR, & circumflua melle VOLUPTAS.  
Actibus incumbens alacer, qui gaudet honestis,  
Possidet huic animi virtus penetrabile: sed idem,  
Si dolet, huic vapido vitium sub pectore gliscit.  
Qui modicis gaudet mensis, tenuiq. paratus,  
Quem procul à Paphia castris, spurcòq. cubili  
Vita iuuat, virtus huic temperat intima, nomen  
Cui dat temperies: contra, sic viuere, cuius  
Contristat, sensuq. animum male torquet amaro,  
Aduersi stupet hic vitij aut impellitur æstro.*

*Hæc voluptates, atq. hos REGINA dolores  
Significant riuu, per lucida strata viarum,  
Infima Virtutum hac lambentes atria in vrbe.*

*Sed plures falsus dolor aut fucata Voluptas  
Decipit, & medio Virtutum à limite valles  
Transuersos agit in piceas. Hoc scire saluti est  
Discrimen. Vitij facies blandissima Siren,  
Ore voluptates primo speciosa nitentes  
Ostentat: crucios à tergo seu a dolores  
Ingerit: at contra Virtus satis aspera primo  
Est aditu, morsusque aliquos habet ante-dolorum,  
Fine voluptates, quas nec dulcedine vincit  
Nectar & ambrosia. Hoc etiam discrimine riuu  
Sunt aly dulces primum, dehinc torquet amaror:*

Atq. latex idem contra gustamine primo  
Pungit amaritie, dulcis sed sine salina est.

Sed neq. virtutum quiqui profitentur amorem,  
Omnes tangit amor: simulant pars plera, disertis  
Ardua laudantes virtutum culmina verbis,  
Ipsi ut laudentur, vera quia laudis egeni  
Falsam inbiant, implentq. aures popularibus auris,  
Fucatosq. petunt inopes Virtutis, honores,  
Nec prodesse aliis querunt, sed vana præesse  
Ambitio subigit: veluti custodis in vno  
Capra si grege sint & oves, facto agmine capra  
Prosluunt, celeresq. ouibus præcurrere certant.  
Pastor in extremum sæpe illas reicit agmen,  
Vsq. tamen referunt sese. Tam dira cupido  
Dignis posteriore loco, est innata prioris.  
Iustitiæ aut specie laruati, aut Relligionis  
Omne, lucra inbiant, messem & socialiter auri  
Argentiq. metunt. Hæc illis inclyta Virtus,  
Hæc illis est summa boni. Meliora sciuntq.  
Et celebrant, factis sed deteriora sequuntur.  
Ut toga sit palmata vident, & picta figuris  
Gestarum variis rerum, iustisq. triumphis  
Fulgida, promeritos qua vestit lata clientes  
Virtus: ut contra vitium stet sordibus atrum, &  
Vilibus in tunicis, fallacibus inlita fucis  
Pallula sit quanquam: sed vita turpiter actæ  
Pellucet species, oculosq. incestat imago.  
Plurima pars tamen hac cupiunt vestirier, isto  
Se pulchros habitu, populisq. patresq. seueri  
Sperant, elatoque superbi vertice tollunt  
Alta supercilia, & Iunonem passibus æquant:  
Et quamquam vitio madeant intercute plures,  
Gloriola ceci tamen, & ridentis inani  
Fortuna specie, ut sani rectè, atq. beati,  
Adplaudunt sibi gratanturque, Phreneticus olim  
Respuit ut medicum, &, quia sum te sanior, inquit.

Recta valetudo est animi tutelaq. Virtus.  
Auersi tamen hac, audent sperare salutem:  
Accipiunt, qualem non semper cautus Vlyxes  
Repperit ad Scylle propius consinia nauim  
Adpellens, socios ubi sex male perdidit, omnes



*De meliore nota, remòq. armisq. valentes.*

*Talia peccanti viuum dictare colorem,  
Quis potis, aut culpam pratexere Quinctilianus?  
Libera diuino cum sit concessa voluntas  
Munere, & è multis electio callida, lumen  
Consilij dubia per caeca crepuscula vite.  
Artibus instructi, his, opera effigiare valemus  
Digna in huiusce urbis tectis adytisq. locari.*

*Hoc REGINA tibi parefiet, crastina Phœbi  
Cum radiis lampas totum pat efecerit orbem:  
Nam cali edituus nunc claudit Vesper Olympum,  
Nec mihi fas quidquam fari sine lumine Solis.*

IAM VIGIL ÆTHERIOS.

**N**VNC ad Solem ipsum oratione cōuerfa pereleganter diei ortum exprimit Aristoteles. In qua descriptione duæ ponuntur quasi notæ propriæ Solis: claritas nempe lucis, & calor, quæ res vt à Solis vnus ac eiusdem vi naturæque fluunt, sic animi humani virtus est duplex, vna quæ in actione consistit, altera quæ in cognitione & scientia.

Cum luce igitur Solis nunc Aristoteles confert vitam, cuius finis cognitio est summæ veritatis, hoc est Dei: cum calore autem Solis vitam actioni seruientem cuius finis felicitas communis, siue politica. Itaque definitione sic eam declarauit Aristoteles c. VII. lib. I. ad Nicomachum, & c. VII. lib. X. *actionem esse animi, fluentem à virtute optima.*

ÆTHERIVS TIBI NATVRA.

Nunc à dissimili ostendit inter Solis proprietates, & animi virtutes interesse, quod illæ Soli à natura ingeneratæ sunt: nobis autem virtutes industria & vsu quærendæ sunt, etsi naturæ vi magis minúsue ad eas sumus propensi. Quæ disputatio est Aristotelis c. I. lib. II. & c. XIII. lib. VI. ad Nicom. Itaque nunc Solis auxilio opus sibi esse ait Aristoteles ad felicitatis vtriusque inuestigationem: ciuilis siue agentis, & solitariæ, siue cōtemplantis. Quemadmodum autem Solis radij sint duces ad politicæ felicitatis cumulum, ipse paulo post dicturus est. Nunc autem ostendit Solis clarissimam lucem, quasi instrumētum esse adipiscendæ illius felicitatis, quæ posita est in rerum inspectione. Copia enim suæ lucis latè longéque in omnes naturæ partes fusa, oculis nostris exhibet cælum, maria, terras, & quicquid horum ambitu continetur. Harum autem omnium rerum inspectione diligenti, via sternitur ad cognitionem veritatis. Itaque hac etiam ratione Sol à Physicis *mens mundi atque temperatio* nominari potuit, vt à Cic. lib. VI. de Repub. Plinio c. VI. lib. II. Plutarcho in lib. de facie in orbe Lunæ, & Cleanthe apud Laertium.



εἶναι δὲ τὰ πᾶσι τῶν ἀρετῶν λεγόμενοι φιλοσόφων. Ὅτι μεσότητες εἰσιν, ἀλλ' οὐκ ἀκρότητες αἱ τῶν ἠθῶν ἀρεταί, μάλιστα δὲ ἡ δικαιοσύνη. *Videtur, vera esse illa veterum sapientum vox, virtutes morales, mediocritates esse, non autem extremitates, maximéque Iustitia virtutem &c.* Quanquam alio etiam modo, virtus ipsa est ἀκρότης, siue extremitas videlicet καὶ τὸ ἄριστον καὶ τὸ εὖ vt loquitur philosophus c.vi.lib.ii.ad Nicomach.hoc est, *quatenus optima est & bene habet.*

## VIRTVTVM QVOQVE TE.

Pergit subiungere de voluptate, ac dolore, signis virtutis & vitij certissimis. Nam, vt est c.iii.lib.ii.ad Nicom.habitu atque perfectionem virtutis in eius animo esse intelligimus, qui munere virtutis atque officio non inuitus neque iniucundè perfungitur: quibus autem hoc ipsum doloris quasi morsus efficit, ij habitum vitij animo comprehenderunt, vt argumento est voluptas ea, quam ex turpi flagitiosaque vita percipiunt. Idque nunc Aristoteles per illustri exempli adpositione declarauit. Quibus enim parcè, sobriè, continenter viuere melli ac voluptati est, inquit, ij temperantiæ virtutem habent, quibus autem hoc ipsum felli siue dolori est, ij sunt intemperantes.

## HASCE VOLVPTATES.

Ostendit reginæ riuulos ex arce inferiori erumpentes habere significationem voluptatis adiunctæ virtutibus, & doloris, qui comitatur vitiis. Fluunt autem hi riuuli dextra læuâque, iuxta vias illas in quibus domicilia virtutum. Sed eorum riuulorum alij puri ac dulces: alij turbidi & amari, vt dictum die primo.

## SED PLVRES FALSVS DOLOR.

Falsa & inani quadam specie voluptatis aut doloris decepti homines, è via sæpe in deuerticulum abeunt, relictisque itineribus ac domiciliis virtutum, abdunt sese in valles ac latebras vitiorum. Doloris enim metu & molestiarum, à studio virtutis deterriti: illecebris autem blandissimarum voluptatum deliniti, ad vitiorum calles adherescunt. In quo cernere licet, quantopere occæcati sint. Illis enim qui à natura virtuti tanquam spinæ rosæ additi sunt, doloribus perhorrescunt: illos non vident, qui ex vitiorum gurgite ac voragine erumpunt. Voluptates appetunt eas, quibus vitiorum frontes, quasi meretricularum, fucatae sunt: ad illas non respiciunt ex virtutibus efflorescentes. De quibus eleganter Cebes Thebanus in tabella vitæ humanæ. Et Musonius apud A.Gellium c.i.lib.xvi.

## SED NEQ. VIRTVTVM.

Et tamen vt in boni viri specie latent, magnificè de virtute ipsa loquuntur, siue vt Horatius poeta eleganter dixit ep.vi. *Virtutem verba putant, vt lucum ligna:* aut vt Iuuenal. *Virtutem verbis Herculis inuadunt:* aut



vt philosophus ipse c. iij. lib. ii. ad Nicomach. Ἐπὶ τὸν λόγον καὶ ἀφ' οὗτος οἰοῖται φιλοσοφεῖν. *Confugientes ad verba, putant se philosophari.* Cum enim lucrari & voluptates carpere, & falsum gloriae choragium comparare optent: specie quadam & ostentatione virtutis, apud imperitos fidem sibi faciunt, qui tantum actiones ipsas, non autem animum quo susceptæ sint, considerant, fucoque illo & apparatu, non ipsa virtutis facie natiua commouentur.

## VT TOGA SIT PALMATA VIDENT.

Declarat hominum amentiam, qui tametsi virtutem, animi vestem pulcherrimam & quasi ornatum regalem esse intelligunt, vitiorum autem sordidato & pannoso vestitu nihil esse fœdus, vitij tamen libentius sutili centuculo, quàm virtutis toga palmata vestiuntur.

## PHRENETICVS OLIM RESPVIT VT MEDICVM.

Pergit hoc ipsum illustrare similitudine. Recta valetudo, siue sanitas est corporis temperatio, cum videlicet ea congruunt inter se, è quibus constamus, vt est apud Aristotelem problem. iij. Partis i. & c. iij. lib. x. ad Nicom. sic virtus perturbationum moderatio est, & quasi valetudo animi, & per paucos tamen inueniri ait, qui hanc siue sanitatem siue tranquillitatem animi & pacem sectentur. Sed à mediocritate siue medio defluunt ad extrema vitiorum, vt quondam Vlyxes ad Scyllam plus nimio nauim adpellens, de remigio suo sex comites amisit. Odyssæa XII.

## TALIA PECCANTI.

Quasi anticipationem quadam illis occurrit qui dicerent, deflectere se à virtutum via in vallem vitiorum, sanè, sed vi ac necessitate quadam id potius, quam culpa sua euenire. Itaque illum ipsum, de quo paulo antè mentionem fecimus, Vlyxem, & si mortalem *catum, malum, crudumque & callidum atque subdolum*, tamen à Scylla sibi cauere nequisse. Sed Aristoteles sapienter sanè hanc defensionem refellit c. i. & deinceps lib. iij. ad Nicom. ostendens homini datum esse diuinitus *ἡ ἐκείστων* id est voluntarium, in quo inest electio siue consilium, voluntas siue liberum arbitrium, & consultatio, quæ tria principia interna sunt omnium vitæ nostræ actionum, quibus tanquam tædis prælucentibus, animi sine offensione in domicilia virtutum proficiscuntur, posita in viis quinque vrbis huiusce excelsis atque luminosis, vt Aristoteles die sequenti Regi-næ dicturus est.



DIES QUINTVS, IN QVO  
DE FORTITVDINE PRIMA  
VIRTUTE MORALI.

**U**LCIDA vicina refugit iam tela diei,  
Nigrantésq. sinus pepli Nox contrahit, atros  
Deiugat & properanter equos: comes auolat uná  
Pallenti ore Pavor: curru Sol aureus igneo  
Inuebitur contra, Comes huic Fiducia, suadens  
Res agere, & solita ignauis etiam addere calcar.  
Sole igitur duce nunc, Veri spectemus in urbe  
Virtutis primæ visenda palatia, circum  
Signa ubi porticibus robur spirantia in amplis.  
Illa viros referunt oculis, quos ignea quondam  
Extulit in calum virtus, hodiéq. nepotum  
Posteritas memorans, cælo pia laudibus æquat.  
Nam neq. præcipiti calor hos temerarius unquam  
Impulit effrenes ausu: neq. in aspera rerum  
Pallidus ire Timor, neruisq. Ignauia languens  
Inualidis vetuit. Non illos nubilus olim  
Adtonuit vultus, non spe deiecit honesta  
Triste supercilium Fortuna: sed neq. tales  
Debilitare animos, incendia sæua dolorum  
Eualuère unquam, non terribilissima mortis,  
Terriculas longè quæ cunctas vincit, imago  
Demouere statu. Mortis, quam dicere portum  
Humanæ soliti vitæ, sed non sine magna  
Vulgus in hunc penetrare solet formidine portum,  
Omnes ipse rates quia portus conterit. Æquo  
Hunc animo subeunt tamen illi, mascula virtus  
Quos armans trepidare vetat, dum finibus hostes  
Defendunt patriis, aut dulcia pignora natos  
Propugnans, carosue malis damnisque parentes  
Non timide prohibent, animamq. impendere gaudent.  
Patriæq. in primis dum sacra tuentur, & aras,  
Et pro relligione ruunt in vulnere, quondam  
Concidit ut prona in subiectos victima cultros,

*Sanguinis & riuo fumantes imbuit aras.*

*Acceptas, pelago, ceu sponte volubile, semper  
Flumen reddit aquas: ultro Virtutis amore,  
Sic animi trepidis opponunt pectora fortes  
Rebus, & officio deuota pericula vincunt,  
Et patriæ reddunt caroque accepta parenti,  
Debita vel natis impendunt munera vita.*

*Sunt alij specie fortes Virtutis inani*

*1. Namq. alios trepidum ventoso Gloria curru  
In certamen agit, tæmæ vel dira loquacis  
Cogit in arma famas, laudumq. immensa cupido,  
Purpureæque facit fortes fucata veneno*

*Ambitio, aut pœnas metuens ignauia, vires  
Colligere ipsa iubet, maculasq. horrescere ceræ*

*II. Caritis. Est alius fortes imitarier audens*

*Aspera qui didicit contemnere fortiter usu*

*III. Adsiduo. Est alius cui cæco ira impete feruens*

*Excitat immanes stolidi in certamina vires,*

*Aut animi pœnas dolor ingeniosus in acres*

*Cum læsus fremit, & vindictæ occasio ridet.*

*IV. Nec dubitant aliqui sese in discrimina ferre*

*Qualibet, euentu quoniam certare secundo*

*Sunt soliti, hæc illis auget fiducia robur.*

*V. Sæpe etiam vecors dubiarum inscitia rerum*

*Exagitat mentem, & protrudit in aspera cæcam.*

*Hic talisq. animi falsa sub imagine fortes,*

*Virtutisq. solent simulato fallere vultu.*

*Omnibus his locus est nullus Virtutis in aula*

*Huius, quam duce me REGINA inuisere perges,*

*Adspice de fusca silice ut venisq. rubente*

*Sanguineis, surgunt hæc atria: lampas in ipso*

*Limine uti supero lucet: Rationis imago*

*Rectæ illa est, radio speciosa palatia lucis*

*Virtutum quæ complet, uti pharus ardua quondam*

*Emicat, ostendens trepidis ex æquore portum.*

*Adspice uti rutilent insignia tecta trophæis,*

*Atria uti longis circum redimita coronis,*

*Et lauru victrice virent, palmisq. Reportant*

*Certa etenim dubiis ex rebus præmia fortes,*

*In patriam atq. lares multa cum laude reuersi.*

*Sed nunc iam satius, REGINA, est visere in amplæ*



*Interiora domus. Viden' ut simulachra virorum  
Ista coronato latis stent vertice palmis?  
Atq. in porticibus viuum spirantia robur,  
Sustineant tectum solida ceu mole columna?*

*Hanc quoq. porticibus qua cingitur area circum,  
Inspice. Stat media, structum de hostilibus altè  
Curribus atq. armis visenda mole trophaum,  
Et latè rutilat, subiectis ignibus ardens.  
Quales de spoliis congestis victor aceruos  
Est solitus struere, & subiectis vrere flammis,  
Et sua victrici redimitus tempora lauru,  
Gradiuo venerans offerre ea munera patri.*

*Ante focum talem, facièq. habitùq. Minerva  
Inuicta, medio stat limite strenua VIRTUS,  
Et neq. se in medias infert temeraria flammis,  
Nec procul absistit nimium, frigetq. virago:  
Parte alià metuens plus æquo incendia, pallet  
Pigra cito longè fugiens IGNAVIA cursu.  
Leua iacet rapidis ambusta AVDACIA flammis,  
In quas precipiti vacors sese intulit ausu.*

*Ingentes sed iam est opera spectare columnas,  
Hæc modo Virtutis quibus inclinata recumbunt  
Atria, ceu quondam illorum, Respublica neruis  
Incubuit, quorum hæc spirant simulachra figuris.*

*Primus in his ingens Pario de marmore spirat  
Amphitryoniades, nodosa robore claua,  
Exsuuiòq. acer Nemeæ horrente Leonis.  
Priamides illi stat proximus Hector, & armis  
Et pietate illi, non proximus ordine tantum.  
Romulides sequitur, patria qui signa Camillus  
Rettulit, atq. vna totum seruauit in arce  
Imperium. Flammis dextram crepitantibus vrens  
Scauula stat. Viden' ut frons nil caperata, doloris  
Arguit expertem? Nimirum pectore in imo  
Acer amor patriæ, violentior æstuat ignis.  
Impiger hinc Brutus stat, qui patrem exsuiit vltro,  
Ut patriæ indueret patrem pius. Adspice contra  
Est locus, herois nulla sub imagine spirans,  
Fornicem vbi fulcit, sublimi mole columna.  
Regis Alexandri hic steterat celeberrima quondam  
Effigies, patulas illi sonuère per aures*

*Dum mea de Sophiæ studio dictata, sed auras  
 Hac postquam in rapidas abierunt irrita, Veri  
 Deuius à meta, currûq. excussus, habenis  
 Recta suis ratio quem temperat, excidit amens  
 In valles, vitiis ubi turpia regna profanis.  
 Scilicet huic solium postquam fortuna tenere,  
 Et dedit imperiosa manu tractare Darij  
 Sceptra, per aurora populos urbésq. beatas,  
 Immemor ipse sui, stirpisq. oblitus auita  
 (Ut soliti Reges sese ignorare superbi)  
 Filius esse Iouis, Deus immortalis haberi  
 Velle ferox cæpit, patrem ignorare Philippum,  
 Talibus auersos iugulare insanus amicos,  
 Templâq. Amicitia mensas, violare profuso  
 Sanguine amicorum. Sed enim rex Iuppiter ipse  
 Has intemperias, hæc impia facta perosus,  
 Fulmine prostravit statuam bacchantis, & alto  
 Exclusam hospitio Virtutis, sede locari  
 Vallis in aduersâ iussit, quam AVDACIA præcepit  
 Possidet. Hic inter nunc stat simulacra superbo  
 Vana supercilio Regum, qui nomine digni  
 Vix satis humano, diuum sibi postcere honores,  
 Et regnum tentare Iouis furialiter ausi.  
 Haud secus ac montes furiato pectore quondam  
 Montibus accumulans, insana mole Gigantes,  
 Et vasti properant conuellerè limen Olympi.  
 Scilicet hæc solita est, mutato nomine, stultis  
 Fabula narrari de Regibus, omnia rite  
 Quos audere iubet, vapido sub pectore feruens  
 Imperij species, calumq. imitata potestas,  
 Iura negare sibi scripta, & contemnere leges,  
 Vulgi ut terriculas fatui, non vincula Regum.*

*Nunc geminas huc flecte acies, atq. intima tecti  
 Inspice, nulla ubi sunt status, sed plurima imago,  
 Præscia venturi viuis quam ductibus olim  
 Zeuxidis est imitata manus. Licet ora tueri  
 Martia, & in duris exercita pectora rebus,  
 Quæ Regina tuo aut patrum viguère sub ruo.*

*Prima tui se offert hic magna parentis imago  
 Francisci, quo rege, suis in sinibus olim  
 Magna renascentes Musarum GALLIA fructus*

*Vidit, & hanc nouiter celi se munere vitam  
 Viuere letata est: vitam, sine lumine cuius  
 Ipsa etiam mors est, perhibet quam nomine vita  
 Vulgus iners: nec stare diu aut florere beato  
 Culmine regna solent, quorum de finibus exsul  
 Mvsa procul fugit & SAPIENTIA, circa VOLVPTAS.  
 Succedit profugis, & opum vesana CPIDO.*

*Hic etiam magno virtutis robore septus  
 Vir tuus Emanuel, depicta in imagine splendet,  
 Qui patria eiectus regni ditione, diuq.  
 Curarum pelago iactatus, & aspera longa  
 Perpeffus mala multa fuga: sed robore mentis  
 Perstitit inuictus, sedesq. recepit auitas,  
 Concilio & virtute, cato non impar Ulyxi.*

*Clara Magellani hic quoq. velificantis imago,  
 Auspiciis cuius, Cano duce deinde, carina  
 Neptuno mirante ipso, Nerei q. puellis,  
 Emensa Oceanum est immensum, & nominis vna  
 Omne digna sui VICTORIA, prapete cursu,  
 Terrarum & pelagi totum circumdedit orbem.*

*Hæc ubi fatidica sapiens sub voce peregit,  
 Maiores procul à tectorum culmine spargi  
 Vmbras conspiciens, Solémq. auertere cursus  
 Equor in occiduum, finem dedit ore loquendi.*

---

LVCIDA VICINÆ REFUGIT.

**D**IEBUS antegressis intellectum est generatim de vi naturæque virtutis, nempe habitum esse, quo instructi & ornati mediocritatem tenent auream illam, quæ ceu meridies quædam est inter metas solis, ortum & occasum, ubi poeta sedem ac domicilium aiunt esse omnium Deorum, Laetant. ad Thebaidem III. Deinde explicatum est de principiis & quasi fontibus iis, è quibus manant virtutes, mente, appetitu, electione, consilio, voluntate. Præterea demonstratum est quemadmodum virtutes procreantur, nempe actionibus honestis. Postremo quæ notæ sint virtutis aut vitij in animo iam insidentis, nempe voluptas & dolor. His ita expositis, Aristoteles consequens nunc esse ait de virtutis cuiusque natura dicere speciatim.

Quinto igitur hoc peregrinationis die, Reginam & comites eius Aristoteles in Veri ciuitatem ab illa, per quam introierunt, porta audiendi nempe, via breui quadam iuxta murum vrbis, & videndi atque odoratus portas, ducere porro pergunt, ad illam quæ contactus porta est, à





- A. Palatium Fortitudinis.
- B. Ingens trophæum in arca palatij media.
- C. Fortitudo.
- D. Timiditas siue Ignauia.
- E. Audacia.

cuius portæ ingressu, via ducitur illa, in qua exædificatum est à Poëta palatium Fortitudinis. De qua virtute primo loco nunc dicere instituit Aristoteles, vel quoniam ceteris omnibus notior est, vel quia illius qua irascimur, animi partis propria est. Quæ si minus prior naturæ ordine, at certe vehementior est. Acrius enim vitæ pericula propulsare soliti omnes, quam sectari commoda, vereq. M. Cicero: *Quis, inquit, honorem, quis gloriam, quis laudem, quis ullum decus tam unquam expetat, quam ignominiam, insaniam, contumeliam fugiat?* Aliter tamen ordine naturæ prior temperantia esset, nempe ad concupiscendi facultatem attinens. Hæc enim prima facultas animi esse videtur naturâ, vt ex D. Thomæ disputatione intelligi licet partis 1. quæst. xxci. artic. ii.

Per quam autem adpositè Aristoteles inducitur cum de fortitudine, cuius extrema sunt timiditas & audacia, dicturus esset, à descriptione diei sic incipiens, vt in ipso quasi ingressu, ac limine sermonis sui, timoris ac fiduciæ mentionem fecerit. Nam & timorem, noctis: & fiduciam diei & solis, comitem esse dixit, quemadmodum Lucretius lib. vi. *Noctis terribilem caliginem,* & Amm. Marcellinus lib. xxix. *Horrore, inquit, tenebrarum hebetari solent obstrictæ terroribus mentes, vt inter innumera multa, Ajax quoq. Homericus docet, optans perire potius luce, quam pati formidinis augmenta nocturnæ.* De Nocte autem Dea & curru eius, Theocritus Idyll. ii. Apollon. in iii. Argonaut. & vtriusque interpres. De Pauore Deo res protrita est.

#### SIGNA VBI PORTICIBVS.

Intelligi vult palatium Fortitudinis, cuius formam & quasi faciem paulo post expressurus est: nunc ambitu eius cõtineri ait, signa heroum & fortium virorum, qui pro salute patriæ, in periculum capitis & vitæ discrimen, vltro se intulerunt, ornatissimâque amplificatione laudes eorum inlustrare pergit ex adiunctis, quibus eos tâquam notis insignes facit, vt, non rebus secundis insolenter efferri, non aduersis de statu animi deiici, non mortis aut doloris & supplicij metu frangi ac debilitari potuisse.

#### OMNES IPSE RATES PORTVS QVIA CONTERIT.

Perurbane lusit in illos qui mortem adpellant portum quietis, vt Herodorus lib. vii. Sotades apud Stobæum, Dionysius Longinus & Iovs. Epictetus apud Arrianum c. x. lib. iv. M. Cicero lib. i. Tusc. Quæstionum. Noster autem festiuissimè, mortem ait portum quidem esse, ast naues omnes, id est omnium corpora, in eo portu frangi, cum quidem animus, qui corporis nauclerus & gubernator est, in vitæ sempiternæ domicilium peruenire nequeat, quin nauis eius in morte quasi ipso portu & aditu frangatur.

#### ACCEPTASQ. MARI.

Planissima comparatio, vt omnia ex mari flumina oriuntur, in eiusque

que sinum rursus influunt, vi solis ex mari vapores eliciente, quibus in pluuiam conuersis, terræque in gremium fufis, existunt flumina, quæ in oceanum deinde rursus deonerantur: sic viri fortes, quam à patria vitam acceperunt, eandem illi egregia animi alacritate refuderunt. De fluminum autem ortu sic Aristoteles in Meteoris c. xiii. lib. i. ea nasci partim ex aere ac vaporibus terra conclusis, partim aqua caelesti, & imbre guttatim quasi conflente.

## NON ILLOS TREPIDVM.

Præclare in ipso quasi vestibulo & limine sermonis à vera sincerâq. Fortitudine, distinguit genera quinque Fortitudinis fallacis & fucosâ, latentia in specie quadam & simulatione Virtutis, nempe illorum, qui miserias & ærumnas sufferre & perpeti audent non patriæ, parentum, amicorum salute permoti, aut aliqua specie honestatis animum pulsante: sed alij aliis causis permoti. Primum genus illorum est, qui gloriæ spe aut infamiæ metu nihil periculi reculant. Alterum, illorum qui se periculis offerunt fiducia quadam experientiæ de quibus Aristoteles c. v. lib. ii. de arte dic. Tertio loco sequuntur illi qui irarum facibus inflammati & vltionis adpetentes, pericula contemnunt. Quarti generis sunt, qui freti felicitate qua semper vsi fuerunt, fortiter in aciem ac dimicationem veniunt. Postremo genere illi continentur, qui fortiter faciunt ignoratione: vt si Hector cum Achille dimicaret persuasus non esse Achillem, sed Patroclum aut Therfiten. Primum illud genus, veræ fortitudini persimile ac panè geminum est. Quintum autem siue postremum, à similitudine virtutis longissime omnium recessit. Atque hæc omnia exsequutus est copiosè Aristoteles cap. vii. lib. iii. ad Nicomach.

## ADSPICE DE FVSCA SILICE.

Ingreditur nunc Aristoteles Regiæ totum Fortitudinis palatium aperire. Ac principio id quadratum esse ait, vnâque in quouis latere porta insigne. Materiam deinde murorum posuit silicem, qui lapis est colore ferri, distinctus venis sanguineis, quales cernere licet in iaspide. Ex tali igitur, siue lapide, siue saxo, in regia Fortitudinis efficta esse ait trophæa, fornices, coronas, scilicet propter lapidis huiusce duritiem ac firmitatem virtutis domicilio conuenientem. de qua duritie Plinius cap. xix. & xxii. lib. xxxvi. Neque alia mens Virgilij cum ait in Æneid. vi.

*Quam si dura silex, aut ster Marpesia cautes.*

Præterea ostendit Aristoteles Regiæ, curriculam cristallinam similitudine phari eminentè in ipso frontispicij tympano, tanto quidè fulgore, vt atrium palatij totum fulgore suo lustret & compleat. Cingi autem ait, Fortitudinem à doloribus, ærumnis ac periculis, quæ magno animo excipiunt viri fortes, cum aliis honestatibus impulsæ, tum pa-



trix salute maximè. Præfert autem eis lumen suum recta ratio siue prudentia, comes omnium virtutum moralium, quæ phari specie in hoc palatio, quemadmodum & in ceterarum virtutum domiciliis, expressa est. Itaque hoc semel nunc præmonuisse contentus Aristoteles, in aliarum virtutum historiis non iterabit. Iam autem in ipso Fortitudinis palatio, in ambitu quadratæ illius amplissimæque areæ, ostendit, quemadmodum columnarum loco recta sustinentium statuarum positæ sint palma, laurique coronatæ, ad similitudinem effictæ veterum heroum ac virorum fortium, qui vel ante ipsum Aristotelem, vel ætate ipsius, laude fortitudinis celebratissimi fuerunt. His ita præmonstratis, deinde ad parietes ipsos huiusce regni, quasi digitum intendens Aristoteles, ostendit Regni depictas in eis à Zeuxide, non pingendi solum, verum etiam diuinandi peritissimo, virorum fortium imagines, qui exstiterunt, aut hodiè que sunt, multis retro ætatibus post Aristotelis è vita excessum.

#### SED NUNC IAM SATIUS.

Speciatim Aristoteles Regni de statuis heroum & virorum fortium narrare incipit. Sunt autem illorum hæ statuarum qui pro patria vel emori, vel omnibus periculis vitam opponere non dubitarunt, qualis Hector, Mucius Scævula, M. Furius Camillus æqualis Aristotelis, & alij quos longum esset enumerare.

#### QVALES DE SPOLIIS.

Narrat hunc ritum Silius Italicus lib. x. T. Liuius lib. xlv. L. Florus cap. xii. lib. iv. Appianus in Libyca, & in Mithridatica. Plutarchus in C. Mario.

#### ADSPICE CONTRA EST LOCUS.

Bono dilectu est vsus auctor in exclusione Alexandri. Nam multorum ille quidem suffragiis fortissimus est, sed re ipsa & veritate nõ item. Nam Darius ille quidem ac Persas vincere potuit, animum suum vincere, iracundiam cohibere non potuit, quæ vel præcipuæ sunt partes viri fortis. Sed Hipponacteo satis eum præconio commendauit L. Seneca epist. xcv. Vnum illud tacitus præterire non queo, ita impium fuisse, vt cum exoletus, delictum eius, morbo extinctus esset, medicinæ principi Æsculapio tanquam ignauo medico iratus, omnia eius templa inflammârit. Nam Epictetus, auctor sanè grauis, Arriani cap. xxii. lib. ii. Αλέξανδρος inquit, ἐκέλευσεν ἐμφορηθῆναι τῆς Ἀσκληπιεῖα σποδισιῶντος τῆς ἐρωμῆς. &c. Ερώμενος autem ille Hephestio.

#### NUNC GEMINAS HVC FLECTE ACIES.

Hactenus heroes antiqui: nunc ad recentiores ventum est: quorum depictas in pariete imagines à Zeuxide Aristoteles Regni ostendit

facultate illa diuinandi, qua præditi manes vt dictum à principio. Ac primùm Francisci, qui Reginae pater fuit, principis immortalitate dignissimi.

*qui Geticum moderatus Apolline Martem, & belli fulmen, & patronus ac parens vnicus litterarum fuit.*

## VITAM SINE LVMINE CVIVS.

L. Seneca epist. xxii. *Otium sine literis mors est, & viui hominis sepultura.* Et Aristoteles noster interrogatus quantum excelleret docti indoctis, respondit, *quantum viui mortuis.*

## HIC ETIAM MAGNO.

Designatur Emanuel Philibertus Allobrogum princeps, Reginae coniux, qui laboribus viginti quinque annorum exantlatis, post bella plurima & grauissima, tandem pristinam dignitatem quasi postliminio reciperauit.

## CLARA MAGELLANI.

Imago Fernandi Magellani qui præfuit classi, quæ Magellanicæ freti inuentrix. Ex qua etiam Sebastianus Canus deinde, naui sua, cui omine futuri euentus, nomen & tutela erat Victoria, orbem terræ totum circumuectus est.

## HÆC VBI FATIDICA.

Tota Fortitudinis regia lustrata, extremo iam diei tempore, non media qua ingressus fuit Aristoteles, sed læua Reginae porta egreditur, cui è regione, vallis Audaciæ, cuius domicilium postero die Reginae ostensus est.



DIES SEXTVS, IN QVO  
DE AVDACIA ET TIMIDITATE.

**P**VRIVS extulerat solito de Tethyos undis  
Os Hyperionides, dispellebatq. pruinas  
Auroræ vitreas, axis feruore citati,  
Mane parum cautos anni que tempore mordent  
Pomiferi extremo: quasi vellet Cynthius ultro,  
Ipse suam præferre facem in caligine cæca.

Vallis, quam retinet præceps *AVDACIA* sedem.

Ergo & Aristoteles *REGINAM* inuitat, & huius  
Inquit, tam nitida rapienda occasio lucis.

Riuulus hic nobis iam traiciendus, & illam  
Tempus mire viam, rigus per lubrica ripa  
Quæ ducit, iactare ferox *AVDACIA* sese,  
Gaudet ubi in vapidâ squallente crepidine vallis.

Hæc vulgo placita est vallis. Pars plurima recto  
Denia virtutis de tramite, tecta subire  
Audacis properat domina, quia mole figurâq.  
Utraq. tecta vident simili, neq. curâ notare est,  
Quod domus hæc cæca est, pura nitet altera luce,  
Lampadis ut recta rationis lumine splendent  
Ardentes virtute animi: temerarius autem  
Fertur in arma amens, nec sat rationis in armis,  
Et citò deficiens, leuiter suscepta relinquit.  
Solutus ut in siluis deprensus fortè viator,  
Forticulum sese facit, & contemnere murmur  
Fratri Iouis audet, iterq. interritus urget:  
Idem si magno super ingens porta fragore  
Intonuit cæli, & propius sua fulmina misit  
Iuppiter, horrescit subito, & tremuit externatus,  
Consiliumq. via, & susceptas proiicit amens  
Sarcinulas, seq. ipse aliquo timidissimus antro  
Occulit, hospitio aut trepidat latitare priore.

Talis erat manus hæc olim dum vita maneret,  
Hic iam porticibus quorum simulacra sub altis,  
Stare vides *REGINA* modis pallentia miris.

Illic ante omnes loci his, Audacia quorum  
Impia sacrilego superos incessere bello  
Institit, atq. ingens ferro rescindere calum,  
Titanesq. feri, & Terræ sentina Gigantes:  
In quorum subière vicem, qui tecta perosi  
Sacra Deo, flammis abolent, ritûq. profano  
Vertere docti aras in has, calog. placentes,  
Turpiter incesta violare libidine castus.

De genere hoc isto Xerxes, quem Græcia vidit,  
Et gemuit, templis olim scelerata mouere  
Bella, facésq. inferre piis, & sacra Deorum  
Omnia, sacrilegum subiectis urere flumis,  
Vinclâq. Neptuno, tenebrâsq. intendere Cælo.



*Sed viden' ut pallet statua illius ante-minacis?  
Cernit ad effugy rimas, respectat, ut olim,  
Callidus admissis agitator in orbe quadrigis  
Circensi. Tam parua suo est AVDACIA sine,  
Maxima principio, & calo non lenta minari.  
Clasibus innumeris venit, lembo effugit vno.*

*Nec procul hinc vecors Salmoneus Elidis olim  
Qui dominus parua, magni Jovis amulus esse  
Sustinuit, tonitrusq. imitari & fulmina, inerti  
Arte faces vibrans, & ponte inuectus abeno.  
Ille faces vibrat, ferro quatit ungula pontem,  
Et sonitu feriunt aures crepitante quadrigæ:  
At pater ipse Deum simulato fulmine ouanti,  
Fulminis intorsit trifidi penetrabile telum,  
Præcipitemq. dedit Furiarum in tristia regna.*

*Hic & Alexander meus olim, pectore forti  
Cognitus, attentas monitis dum præbuit aures,  
Consiliisq. meis: at postquam talia surdè  
Auduit, & sese penetravit in atria blanda  
Caca Voluptatis, procul à ditione beata  
Virtutis, simulacrum eius nunc exsulat. Ipse  
Iuppiter immisso deiectum fulmine, poni  
Iussit in his ubi sese effert AVDACIA, tectis,  
Hic itaq. ille minax, & picto fulmine pollens,  
Nunc latet, atq. Audax meruit, non fortis haberi,  
Quem populi tremuère olim ceu fulminis alas,  
Omnia terrifico dum complet nomine regna.*

*Adspice nunc Regina gradu inferiore locatos,  
Rege sub hoc meruère duces, qui præmia belli,  
Et parua quasi strictura de fulmine tanto,  
Verius aut nebula, & sub mani nomine reges,  
Euoluère tamen superis equarier ipsis.*

*Cerne quoq. audacis statuam REGINA Leandri,  
Turpiter incesta Veneris qui percitus æstro,  
Non vlla virtute potens, mare tranat, & vndas  
Vincere luctantes Aquilonibus audet, amore  
Cæcus, Abydena & specie, ipso in frigore Ponti,  
Fervidus Heronis, calique tonitrua & igneis,  
Fulgur ut è pelvi spernit, dum sperat amicæ  
Inruere amplexum, atque optata nocte potiri.*

*Sic ait, audacique egressus limine, porro*

Pergit Aristoteles, magno cum porta fragore  
 Intonuit celi, & tremere omnia visa repente,  
 Ipsa mouere etiam tellus. Tum pallida nobis  
 Ora metu frigent, gelidus per pectora manat  
 Sudor, & ut gemina velantur lumina nocte.  
 Mox tamen excussus timor hic, animisq. receptis  
 Pergimus ad molem fossa & multo aggere clusam,  
 Muniri ut solita arx, hostem que finibus arcet.

Quæ colit hanc, simul ac venientes turba notauit,  
 Eminus, occlusit portas, pontesq. reduxit  
 Sublicos, & se latebras timidissima in imas  
 Condidit, exsanguisq. metu, & tremefacta pauore,  
 Arrectisq. comis, paruo discrimine mortis.

Tum Sophia pater, Has, inquit, Regina latere  
 Quin patimur viles animas? Ego conditor huius  
 Ipse arcis, quales latitent hac sede truones,  
 Et noui, & latebras illas tibi carmine pingam.

Principio latebra in quas sese I G N A V I A condit  
 Murcida, sunt tecto distantes longius illo,  
 Mascula ubi virtus, quam Audacis limina regni.

Conueniensq. istis, faciem queis vertere pallor  
 Tam facile est solius, positum de marmore tectum

Idior.c.  
 v.lib. xvi.

Pallidulo est, cineris veluti Lunense colorem  
 Quod simulat. Tremulo pendent circum atria filo  
 Pallida de ceris, molli effigiata sigilla  
 Pollice. In his Phalaris, Siculasque cruenta per vrbes  
 Sparsa Tyrannorum seges olim, quiq. timore  
 Sese alij insignes nimio fecere tyranni,  
 Quosq. superstitio, aut male mens sibi conscia semper  
 Sollicitos habuit, subigens quoq. tuta timere  
 Omnia, & adsiduis tepidos pallefcere curis.

Fossa domum trepidam cingit plenissima ceruis,  
 Et lepores tuti inludunt, damaq. fugaces.

Nomina ibi legere est etiam, trepidissima corda,  
 Alnorum & salicum que mollibus inscripsere  
 Corticibus, titulosq. suos grandes, sed inani  
 Fartos gloriola, & mera qui mendacia spirent.

Scilicet hi, patina dum feruent, poculaq. inter  
 Et scortilla fori, vulgusq. ignobile, verbis

\* Fortis cã- Maxima bella gerunt, \* forti concurrere campo  
 pus mo- Non dubitant cuius, ipsum quoq. vincere posse

*Et vicisse olim perhibent certamine Martem.  
 Ast ubi terribilem sonitum procul ære canoro  
 Increpuit tuba, cumq. manus iam prælia poscunt,  
 Proiectis fugiunt clypeis, celerissimus alas  
 Dat pedibus timor, elapsos Infamia vestit.*

noma-  
 chia. Pro-  
 pert. eleg.  
 xi. lib. iv.

*Hæc ita dum Senior Regina singula pandit,  
 Cynthius, occiduo nitidum caput æquore merisit,  
 Dictisq. imposuit, veniens Nox inscia, sinem.*

## EXVRGENS PELAGO.

**S**EXTO peregrinationis die in Veri ciuitate, Aristotele duce, Regina lustrare pergit domicilia vitiorum cum fortitudine pugnâtiùm, nempe audaciæ & timiditatis. Prius autem à læua in vallem vbi est domicilium Audaciæ descendit, per pontem quo instratus est riuiulus ille, fluens ad læuam palatij Fortitudinis. Deinde Audaciæ regia explorata, meatu sub riuiulum, ex altera parte siue dextra fluëtem, abdito, ingressa, transit, & in vallem peruenit, in qua positum est domicilium Timiditatis.

Principio igitur demonstrat Reginae viam Audaciæ Aristoteles, quàm præceps ac lubrica sit, quàmque facilis animi nondum planè habitu Fortitudinis confirmati, lapsus, in vallem Audaciæ, quâtaque in vulgo iudicij sit prauitas, cui plerumque audacia & furiosa quædam temeritas, fortitudo vera esse videtur. Atque hic, omnium praua consuetudine ac vitiis imbutorum, communis error est. Nam perturbationis nube occæcati, etiamsi vitiosissimi sint, tamen & aliis & sibi ipsis tanquam virtutem adeptis, gratulantur. Hoc autem eò fieri cõsuevit, quoniam vitia plerumque latent in specie virtutis, bonique naturam fallaciter imitando, adulterant: ita vt facile imperiti ea pro virtutibus amplectètur. Atque in primis Audacia, fortitudinem mirifice imitatur, cuius idcirco regiam, eadem esse ait auctor materia & structura, qua palatium Fortitudinis. Itaque animos facile in fraudem impelli, vt Audacia eis Fortitudo esse videatur. His ita intellectis, Regina in arcam Audaciæ ingreditur, vbi Aristoteles ei demonstrat, ex marmore & ære fictas illorum statuas, qui olim Audacia commemorabili exstiterunt. Maximè vero detestabilem esse docet, longissimèq. à medio virtutis aberrantem audaciam illorum, qui secundis fortunæ ventis elati, Deum ipsum adæquare, bellumque ei nefarium atque omni scelere imbutum facere conati sunt. Idque exemplis docet Titanum & Gigantum, qui cum diis bellabant, Xerxis, Salmonæi, Alexandri, & similium.

## DE GENERE HOC ISTO XERXES.

Exemplum Xerxis, qui Athonem celsitate incredibili montem



complanare, ac Hellepontum iungere adgressus est. De cuius amentia plenæ historiæ, pleni libri.

NEC PROCVL HINC VECORS SALMONEVS.

Salmoneus Eliensium rex : quem fulmen ac tonitru Iouis effingere, in eiusque loco sanctè religioseque à suis coli adpetentem, Iupiter iratus fulmine extrinxit, quemadmodum à Virgilio narratū est Æneide VI. Manilio lib. V. Astronomic. Ioanne Tzetza Chiliadis VII. histor. CVII. Atque huius impietati par, & gemina illa fuit Remuli, Tiberino rege Albanorum editi. De quo Dionysius Halicarnass. lib. I. & Ouid. lib. XIV. eleganter *Fulmineo periit imitator fulminis ictu.*

Perurbanè autem & facerè lusit auctor oppositione ficti ac veri fulminis. Salmoneum scilicet non Claudiano tonitru, non fulgure expelui, neque bruti : sed veri ac deliberati fulminis telo interemptum fuisse.

ET PICTO FVLGINE GAVDENS.

Apelles Alexandrum fulmen tenentem depinxit in templo Ephesiæ Dianæ, vt commemoravit Plinius c. x. lib. xxxv. & Plutarchus in Alexandro pictum ab Apelle ait Alexandrum *κεραυνοφόρον* id est *fulmen tenentem.*

QVEM POPVLI TREMVERE OLIM CEV &c.

Mater Alexandri Olympias sibi visa est in somnis flamam parere à fulmine accensam, vt narravit Plutarchus in Alexandro : & Georgius Cedrinus in compendio historiæ, proprium fuisse ait Alexandri *Ἰταχὺ, καὶ σφοδρὸν, καὶ πυρῶδες.*

ADSPICE NVNC REGINA.

Intelligi vult Alexandri duces, Ptolemæum, Perdiccam, Lyfimachū, Seleucum, Antipatrum, & ceteros qui imperium eius per breui tempore tam latè longèque propagatum, quasi hereditatem testamento ipsis relictam, creuerunt. Rectissimè autem hos inter audaces recensuit Aristoteles, quia cum Deorum immortalium honore coniungi penè omnes concupiuerunt, vt de Clito, Demetrio, Lyfimacho, Plutarchus docet oratione II. de fortuna & virtute Alexandri. Concinnè autem dictum, Alexandri duces tanquam stricturas de tanto fulmine fuisse. Quemadmodum Plutarchus eadem oratione regna illorum vocavit, *σικκερὰ ἀποσπασμάτια τῆς Αλεξάνδρου δωράμεως* hoc est, *minuta quadam ablegmina dicionis Alexandri.*

CERNE QVOQ. AVDACIS.

Audax Leander Abydenus non specie honestatis, sed amoris incendio victus, mari se committere solitus nocte intempesta, & nando commeari ad Heronem. Itaque *Audacem* proprie Martialis nominavit

uit Epigram. CXXI. lib. vltimi.

SIC AIT, AVDACIŒVE EGRESSVS LIMINE.

Lustratis Audaciæ tectis Aristoteles cum Regina egressus porta lateris dextri, per subterraneum iter emergit in vallem Timiditatis, ex altera parte, domicilio fortitudinis oppositam, quo tempore auctor ingeniosè commentus est, fulgurare ac tonare cœpisse, & terram moueri. Aristotelem vero & Reginam ait extimuisse, declarans virtute quidem eorum animos egregiè munitos fuisse, vacuos tamen stupore ac duritia immani. Atque ita nunc quasi in transcurso attingit vitium illud tertium pugnans cū fortitudine, quod paulo ante duabus de causis silētio præteritum est, tum quia proprio vacat nomine hoc vitij genus, tam quia paucissimi tali vitio adfines reperiuntur. Vix enim aut ne vix quidem existūt, qui animo ita duro sint & immani, vt ne in terræ-motibus quidem, aut æstibus maris contremiscant. Tali autem si quis duritia inuentus fuerit, cum Aristoteles c. vii. lib. iii. ad Nicom. posse, inquit, *adpellari nomine communi, stupidum aut insanum*. Rectèque adiungit, vix in hominem cadere hoc vitij genus, c. x. lib. eiusdem, vt & L. Seneca epist. ic. *inhumanitas*, inquit, *est ista* &c. Et tamen posse conuenire in homines, argumento esse dixerit aliquis veteris Galliæ populos, qui neque ruinam ædium, neque Oceani æstum, neque terræ motiones, neque vllam vim maiorem formidauère, vt refert Geographus lib. vii. Ælian. Var. c. xxiii. lib. xii. Nicolaus de moribus gentium apud Stobæum Serm. xlix. & sequente. Sed nimirum excipit Celtas illos Aristoteles cap. vi. lib. iii. ad Nicom. c. i. lib. iii. ad Eudemum, quasi qui hominem exuerint ex homine. Quod autem de Celtis alij, hoc de Germanis tradit Herennius Philo lib. de somniis. Videlicet, quia Græcis olim, Celtæ communiter ac generatim populi omnes Galliæ & Germaniæ, vt res notissima.

PERGIMVS AD MOLEM.

Conuenientissimam Timiditati atque ignauiæ sedem depinxit, nempe arcem fossis vallòque incinctam, neque habentem alios pontes quàm sublicos, timidissima scilicet prouisione, vt ad quamuis auram metus, statim subleuari possint aut eximi. In arce autem ipsa, & in muris ac portis depinxit homines eneruatos, exsangues, & quasi.

*pallentes morte futura  
Arrectisque horrore comis.*

Qui simul Aristotelem viderunt, & Reginam eiusque comites ad propinquantes, atque illi muti metu exanimati, & vix viui, pontibus exemptis, quasi cochleæ vel testudines, se tectis suis abdiderunt. Aspicit hic ad Reginam Aristoteles, & missas, inquit, faciamus viles animas, metu abiectas in suis latibus, significans ignauos, angusti & parui animi homines, magis despiciatui esse solere, quàm audaces & contumeliosos, odio. Remotior autem à palatio fortitudinis depicta est Timiditatis domus quàm Audaciæ, quia Timiditas & ignauiam nimium quan-

tum dissimilior est fortitudini, quàm audacia.

His ita cognitis, narrat deinde Aristoteles Regina de fede illa Timiditatis, quemadmodum in area eius, pallentes è cera factæ sint imagines cum aliâ, tum illæ tyrannorum in primis, vt Phalaridis, Agathoclis, Alexandri Pheræi & similibus, quibus in metu ac suspicionibus atas omnis consumpta est. Nam vt rectè Laberius.

*Neesse est multos timeat quem multi timent.*

Festiva & memorabilis in hanc sententiam narratio est Plutarchi in commentario libello ad Principem doctrinæ expertem, de Clearcho Pontico tyranno, qui somnum capiebat in cistula delitescens, tanquam serpens in latibulis.

#### SICVLASQ. CRVENTA PER VRBES.

Singulis enim ciuitatibus suus tyrannus. Dionys. lib. vii. Iustinus lib. iv. Paull. Oros. c. xiv. lib. ii.

#### FOSSA DOMVM TREPIDAM CINGIT.

In fossa quæ Timiditatis castellum cingit, greges degere ait ceruorum, leporum, ac damarum, intelligens milites ac duces ignaues & *πίδακιδαις*, qui hastas & clypeum timidissimè abiecerunt. Quales illi bello Augusti & M. Antonij milites, quos Q. Cornificius Poëta, P. Virgilij æmulus olim, perurbanè appellauit *lepores galeatos*, apud Eusebium: & illi de quibus concinnè Sidonius Apollinaris epist. vii. lib. v. *in pratorijs leones, in castris lepores*. Nec dissimilis iocus Lyfandri in Corinthios, *fulmina belli esse illos ciues, in quorum fossis tuti sint lepores*, quod in vita eius commemorauit Plutarchus. Idemque de Archidamo Zeuxidami in apophthegm. In *ἡγεσυδείδους* autem, & Thrasones bene illud quoque Messius Volscorum dux apud T. Liuium lib. iv. *In ocio tumultuosi, in bello segnes*. Et Tertullianus c. i. De corona. *In pace leones, in prælio cerui*. Et Synesius epist. cix. *Ἐν εἰρήνῃ θρασεῖς, ἐν πολέμῳ δειλοὶ, ἀπαλαρχοῦ πονηροί*. *In pace praesidentes, in bello timidi, ubique improbi*. Et iam olim Sophocles *κακὸν πρὸς ἀγγυλῶν, ἐν δὲ τοῖς λόχοις θρασεῖς*. *Pugnare segnes, blaeterare strenui*. Facetè autem Aristoteles talium bellatorum titulos & nomina in alnorum & salicum corticibus inscripta esse ait, quasi diceret, *Salmacida spolia*. Nam arbores illæ fragiles, & amatorum magis quàm armatorum inscriptionibus commodæ. Atque his dictis sole iam obeunte, finis huic sermoni impositus est. Postero die iturus Aristoteles cum Regina in palatium Temperantiæ, positum in cliuo & via gustatus. Nam etsi Temperantia & gustandi & tangendi voluptatum refrenatio est, tamen Regina per gustatus portam, quæ prior est, in cliuum Temperantiæ ingressura est.





DIES SEPTIMVS, IN  
QVO DE TEMPE-  
RANTIA.

**P**RAEVI A venturi Solis, Tithonia coniux  
Dispulerat toto palantes aethere stellas,  
Cum pater ipse urbis, reserato limine, Phœbum  
Exoriente die, solito de more salutans,  
Phæbe pater dixit, terras, mare, sidera, calum  
Lumine qui complens, vegetas vitalibus auris  
Omnia, nunc duce te Virtutis in atria nobis  
Sint aditus faciles huius. Sic fatus, in alta  
Atria Virtutis scandit, qua pulchrior vlla  
Vix alia esse potest. Nam quæ sua lumina præfert  
Omnibus in tectis, alias Prudentia seruans  
Virtutes, hanc ista suæ moderamine seruat  
Temperia Virtus, hodierni lumine Solis  
Quam duce Aristoteles Regina ostendere pergit,  
Atq. ait, intendens dextram. Sata sanguine Regum,  
Hæc tam celsa vides quæ stare palatia, partim  
De niueo, partim roseo de marmore splendent.  
Vestibulum vide sis geminis hoc stare columnis,  
Vna PVDICITIAE Pario de marmore imago est:  
Altera de rosea quam fulgere Iaspide cernis,  
Rectæ VALETUDO est. Terræ defigit ocellos,  
Casta Pudicitia semper-florentis imago.  
Cingit ei myrto Paphia & canentis oliua  
Serta corolla caput, de termite. Lata nitenti  
Ore VALETUDO est, atque illi tempora velat  
Seruia de cedri foliis, & flore amaranti  
Purpureo. Mediis nunc quæ patet area vise  
Porticibus. Sedet hic vestali schemate virtus,  
Aurea TEMPERIES quam signat nomine. Lychnum  
Dextra tenet, blando tenerum palpamine laua  
Agnellum fouet. Hinc Bacchus, Venus atq. Cupido  
Jnde sedent domiti, & manibus post terga reuinctis.  
Cedrus heræ ipsi umbram facit, & cognata saligno

*Suaevolens generi vitex. Sed plurima in ipsis  
Porticibus simulacra videntur? Sub imagine tali  
Sedibus his viuunt illi face pectora quorum  
Lege Pudicitia salua, exarsere iugali.  
Nec nimio madidi mentem turbare Lyao,  
Sed soliti Baccho & Veneri pugnare, paratis  
Sede sua rectam Rationem pellere, & omnia  
Atria Virtutum vastis conuulsa ruinis,  
Turpibus in fœdas vitis protrudere valles.*

*Nec verò effigies his tantum plurima splendet  
Porticibus, sed & in tecti penetralibus ipsis  
Sunt aliis clara virtutibus. Ista subire  
Nam cupiunt quoq. tecta, quibus sub pectore gliscunt  
Virtutes alie. Sed nos simulacra morentur  
florum, celebres quos fecit amabilis, olim,  
Virtus, TEMPERIEM morum que nomine præfert.*

*Hoc Pagasæ, videntur? Alcestis in agmine, vitam  
Cuius morte suam sibi coniux repperit olim.  
Nunc quoq. marmoreis hac illam verba labellis  
Edere velle putes. Mea te sanctissime coniux  
Fatis eripuit mors accersita, sed illa  
Nunc eadem tribuit mihi vitæ munere, serâ  
Posteritate frui. Comes huic est Icariotis,  
Per duo lustra viri coniux errantis amore  
Nota: maritalis quæ seruans federa lecti,  
Sola suos tutata lares, surdè audit omnes  
Auersata procos, vni sua semper Vlyxi.  
Ille sed interea ludit: securus amorum  
Penelope, & Veneris miles Venerisq. puelli  
Est ad signa frequens, & nunc latet abditus atræ  
Vicina in vallis caligine, postera Solis  
Vt tibi lux oriens reteget. Nunc adspice tecto  
Interiore domus, pictoris vt ingeniosa  
Est imitata manus, visenda mole sepulchrum.  
Hoc Caria regi terra, molimine coniux  
Magno constituit pia, thyrso pectus amoris  
Saucia, solamen magnum sed inane. Mariti  
Namq. sui tanquam sitiens, exterritaq. æstu  
Ceu desiderij magno, permiscuit vnda, &  
Obduxit cineres, & viuens facta sepulchrum est  
Mortui. At Hippolyti sequitur quam cernis imago*

*Flebilis, in sancta qui dum persistere certat  
 Lege Pudicitia, refugitq. incesta nouerca  
 Vota sua, illius male ferali occidit arte,  
 Turbat is distractus equis: dehinc Virbius esse  
 Cœpit, & aeterno mactari Diuus honore.*

*Restitit hæc fatus sapiens, vocémq. represit,  
 At roseo facies Regina offusa colore est  
 Candida: purpureo ut niueum violauerit ostro  
 Si quis ebur, vel mixta rosis ut lilia vernant  
 Candida puniceis, suauis perfusa rubore.  
 Ipsa etenim iuxtim se picta in imagine vidit,  
 Et comites geminas, quarum altera fluminis Arni  
 Venerat Hetrusci, latè dominantis alumna,  
 Antiquo illorum de stemmate creta, leone  
 Aurato & viridi quibus arma insignia fulgent.*

*Dum Regina sua suspensa in imaginis heret  
 Adspectu, atq. hic ora sui quoq. picta mariti  
 Vestigare oculis pergit. Nulla exstat imago  
 Illius hic, inquit Sapiens, nec querere frustra  
 Hanc insiste, latet vallis regione propinqua,  
 Et statua socia est, qui plurima lusit, Ulyxis.  
 Nec plures opus est, Veneris iam visere porro  
 Qui domitas habuere faces: lustremus & illos  
 Sobria qui sicca peregerunt tempora vita,  
 Atq. epulis, donisq. modum posuere Lysi,  
 Et ventrem sibi non ventri submittere sese  
 Prudentes, temerè nihil indulserè salius,  
 Parua sed affectas recreantia corpore vires.*

*Adspice candenti Pylius de marmore Nestor  
 Primus in his, potuit leuiter qui tempora longa  
 Ferre grauis senij, mensæ quia margine parua  
 Contentus, paruoque epulans faciliq. paratu,  
 Fecit uti sano sibi mens in corpore sana,  
 Et validi starent animoque & corpore nerui,  
 Ergo senex Græcos sanæ plus robore mentis  
 Fuit, & Iliacas molimine subruit arces  
 Ingenij mage, quam ferro expugnauit Achilles.*

*Hunc etiam spectata qui Rex Lacedæmonis olim  
 Sobrius & siccus, ciues quoq. viuere paruo  
 Contentos docuit, cultusq. horrescere molles,  
 Viueret ut forti sub pectore mascula Virtus.*



*Hic Epaminondas, patria quo sospite sospes  
Gloria, & extincto patria decus occidit una.  
En saluum ut praefert clypeum, vocemq. videtur  
Mittere, SIC MORIENS, inquit, MODO NASCOR AMICI.  
Paupere tecto idem tuguri, cultuq. beatus,  
Fluxa leues animas capientia munera, semper  
Fallacis contempsit heræ, parciq. loquendi,  
Pro re pauca solens fari, sed plurima scire,  
Et gerere. His dictis, sero iam vespere pausam  
Fecit Aristoteles, cernens Hyperione lapso  
Littus ad Hesperium, biungos succedere Noctis.*

## PRÆVIA VENTVRI SOLIS.

**E**GRESSVS cum Regina eiusque comitatu ex Timiditatis palatio, Aristoteles, in cliuum ascendit, vbi domicilium est Temperantiae, constructum marmore partim candido, quale Parium, partim roseo, quale Porphyrites marmor Ægyptium, quod rubere ait Plinius c. vii. lib. xxxvi. Duæ præterea statuae sunt ad portam ipsam vestibuli positæ, sustinentes vtrinque fornicem siue arcum. Quarum illa ex iaspide rubenti est, qualis purpurea iaspis apud Plinium c. ix. lib. xxxvi. Hæc autem ex Pario marmore candore insigni. Prior illa palatij Temperantiae materia & statua, nempe rosea, valetudinis integræ significationem habet, cuius nota esse consuevit coloris bonitas, tanquam rosa in ore purpurascens: posterior est indicium castitatis. Ac valetudinis quidem statua, coronata cedro est, & amaranto: nam hæc durare possunt, & quasi valere diutissimè. Castitatis autem statua ferreo ex oleæ myrtique ramulis implicato, redimita est. Non temere. Nam de Castitate nunc Aristoteli sermo est, non tam illa virginali, quàm ea quæ nuptiarum & matrimonij propria est. Est autem oliua castitati amica, itaque sacra Mineruæ: Myrtus verò arbor est Veneris. Arborea autem hæc, cognatione quasi naturæ, quam *συμπάθεια* Græci vocant, arctissimè tenentur, vt est apud Theophrastum c. xvi. lib. iii. de causis stirpium. Qui cum dixisset, Oleam & Myrtum esse amicas, deinde subiungit. *τὰς τε γδ ρίζας συμπλέκεις Φησι τῆς δένδρον Ανδρολίαν, ἔχ τὰς τῆς μύρτινος ραβδους φύεας διὰ τῆς ἀκρεμόνων τῆς ἐλαίας.* Quod Latine interpretor. *Nā & radices earū implicari ait Androtio, & myrti ramulos inter oleæ ramos & quasi tabulata, inrepere.* Cōsociatis igitur oleæ Myrtique ramis, castitas maritalis aptissimè coronata est, in qua & pudicitiae & Veneri locus est. Valetudinis autem & pudicitiae statuis ornatum est Temperantiae limen, vt primo statim ad spectu planum fieret, abstinentia in cibis, sobrietate in potionibus, & pudicitia siue castitate, integram valetudinem & florentem diutissimè conseruari. Easque laudes qui habent, his viridis & honorata contingit



- A. Palatium Temperantiæ.  
 B. Statua Temperantiæ cum corona ex amaranto & vitice.  
 C. Effigies Bacchi vincti & adligati, nota Temperantiæ refrenantis voluptates saluæ.  
 D. Venus & Cupido vincti, nota Temperantiæ coërcentis libidinem.  
 E. Cedrus arbor, nota durationis & valetudinis.  
 F. Vitex siue *αἰγώϊς*, nota castitatis.  
 G. Aristoteles.  
 H. Regina Margarita, Gallia regis F. Sabaudiæ principis coniux.



feneſtus: contráque, vt inquit M. Cicero *libidinoſa & intemperans adoleſcentia, effectum corpus tradit ſeneſtuti.*

QVA PVLCHROR VLLA VIX ALIA.

Temperantiam virtutem eſſe ait præſtantiffimam. Eſt enim hæc virtus conſeruatrix prudentiæ, eaque dignitas in ipſo nomine ſignificatur. Dicta enim à Græcis temperantia *σωφροσύνη*, tanquam *ἄφροσα τὴν φρόνησιν*, id eſt *conſeruans prudentiam*, vt eſt apud Ariſtotelem ipſum cap. v. lib. vi. ad Nicom. Eaque mente Plato in Cratylo *σωφροσύνη*, id eſt temperantiam, eſſe dixit *σωτηρία τῆς φρονησεως*, ſiue *conſeruacionem prudentiæ*: Et Iamblichus eam ex Homeri ſententia eſſe ait, quali *ῶσαι φρόνησιν*, ſiue *ſaluam & incolumem prudentiam*. Et Hierax philoſophus eandem eſſe ait *τήρησιν καὶ σωτηρία τῆς φρονησεως*, id eſt, *cuſtodiam & conſeruacionem prudentiæ*. Et interpres Euripidi in Hippolytum, hanc ait eſſe *virtutem ἢ ἄφροδον ἄφροφρένας*, ſiue *qua conſeruamus mentem*. Stobæus ſermone xxxvii.

CINGIT EI MYRTO PAPHIA, &c.

Oliua caſtitalis amica, tantopere quidem vt à ſcriptoribus rei ruſticae proditum ſit, lætius eam prouenire ac vberiore fieri, ſi pueri, & puellæ caſtæ quotannis baccam eius legerint. Sic enim à Florentino commemoratum eſt in Geoponicis lib. ix. & repetitum à Palladio Rutilio Tit. vi. lib. i. de re ruſt. Myrtus autem arbor Veneris, Pauſanias in Eliacis lib. ii. *ρόδον καὶ μυρσίην Ἀφροδίτης ἱερεῖ εἶναι, καὶ οἰκεία τῶν εἰς κέλλος λόγων*, id eſt, *Rofam & Myrtum eſſe ſtirpes Veneri ſacras, proprièque attinere ad rationem pulchritudinis &c.* Eademque Seruius ad ii. Georg. & Æneid. v.

SEDET HIC VESTALI SCHEMATE VIRTVS.

In area ipſa ſimulacrum ſedet Temperantiæ, ſpecie, figuræq. virginis veſtalis, ſed coronatæ flore ſerto, & dextra lychnum tenens, læua agnum. Hæc enim Virtus flores ſeruat, lucemque rationis puriorem & caſtos ac pudicos facit. Ergo & ſedet à dextra eius Bacchus vinclis conſtrictus, à læua Venus & Cupido. Ipſius verò Temperantiæ ſedem opacant cedrus & vitex. Cedrus nota durationis incorruptæ, vt res populariter nota eſt: vitex autem caſtitalis & Pudicitæ, nam reprimere creditur Venerem. Dioſcorides cap. cxxxvi. lib. i. Plinius cap. ix. lib. xxiv. Ælian. de animalib. c. xxvi. lib. ix. Etymologiſta in *ἄμυρος*. Hinc etiam vitici nomen Græcè, vt *ἀγρός* diceretur.

SED PLVRIMA IN IPSIS PORTICIBVS.

Paucis nunc Ariſtoteles temperantiæ vim exprimit, eiufque materiam declarat, nempe illam verſari in voluptatibus iis refrenandis, quæ vel ex ſapore vel tactu percipiuntur. His enim voluptatibus deleniti atque corrupti, propriè dicuntur intemperantes. Cauſam expreſſit Ariſtoteles Probl. ii. & vii. Partis xxix. nimirum, quia, inquit, adtreſtatio, & corporis tirillationes, cum beſtiis homini magis communes, quam  
vllō



ullo alio sensu perceptæ voluptates. Harum igitur voluptatum genus nunc infamat Aristoteles, ac docet quibus propter earum operam malis, homines conflitentur. Nam & mentis aciem, & rationis rectæ siue prudentiæ lumen præstinguunt, & famæ vulnus infligunt, & inertix mancipatos homines tenent, & *ad incitas*, vt aiunt, siue angustias rei familiaris, & mendicitatem deducunt, & vt paucis multa complectamur, hominem exuere cogunt ex homine, siue homines tanquam Circeæ potione, conuertunt in belluas. Præsertim autem illæ quæ percipiuntur tactu voluptates, nocentes ac pestiferæ sunt, hominẽmque de gradu mentis deiectum, deprimunt infra tardæ languidæque pecudis conditionem, vt non minus sanctè quam ornate & copiose demonstrauit Lactantius Firmianus c. xxiii. lib. vi.

## NEC VERO EFFIGIES TANTVM.

Non temperantes, solum sed & aliarum virtutum compotes in hoc Temperantiæ palatio esse ait, innuens omnium & animi & mentis, siue & actionis & cognitionis virtutum quasi solum ac fundamentum esse Temperantiam.

## HOC PAGASÆA VIDEN' ALCESTIS IN AGMINE.

Ingressus iam Aristoteles cum Regina in palatium Temperantiæ, pergit porro ei demonstrare statuas illorum qui pudicè ac pudenter vitam egerunt. Qualis Admetus olim Thessaliæ rex, eiusque coniux Alcestitis, quæ nemine ciuium ac ne parentibus quidem ipsis pro salute principis ad mortem sese offerentibus, ipsa id vltro expetiuit. De quo argumento tragedia exstat Euripidi, & narrauit Ioannes Tzetzes historia. LIII. Chiliad. II. Sed refellit hæc omnia Palæphatus.

## COMES HVIC EST ICARIOTIS.

Alteræ statua est Penelopæ, cuius pudorem ac pudicitiam, & Homerus, & omnes deinde Homeri vestigiis ingressi poetæ, mirificis in cælû laudibus extulerunt. Longissimè tamen ab his diuersa interpres Theocriti narrauit in eclogam vii. & Seruius in ecl. Virgilij II. Acro in epist. II. à quibus non dissentit M. Cicero, qui lib. II. de nat. Deor. ex Mercurij cû Penelopa congressu natû esse ait Pana, Idemque à Plutarcho attingitur lib. de inter. oraculorum Iulianus etiam Cæsar in epistola ad Callixenã τὴν Πηνελόπειω, inquit, ἐπαμειμένην σχεδὸν ἕως πάντων ἐπὶ τῇ Φιλαιδρίᾳ, id est, Penelopam *penè ab omnib. laudatam quasi amantissimam viri. σχεδὸν* siue *penè* dixit, nõ nescius, multos huic de castitate Penelopes opinioni reclamare. Et L. Seneca epist. xxix. quasi rem dubiam posuit plenamq. controuersiæ. *Quid inquiris*, inquit, *an Penelope impudica fuerit, an verba seculo suo dederit?* Plane autem quasi omnium procorû amica potius, quam cuiusquam inimica fuerit, eam inrisit auctor, siue auctores illi potius, obsecrari carminis, quod Virgilij Maronis castissimo poemati tanquam regiis relictis pulcherrimè *calatis & laqueatis* cloaca, subiūgitur. Pausanias quoq. in Atcadicis siue lib. IX. traditum esse ait à Mantineis, Vlyxem cum is à Troia reuertisset, Penelopæ nunciũ remisisse, quod suspecta esset nomine adulterij. Itaq. Lacedæmonem eam reuertisse, ac inde Mantineã ve-

nisse, vbi & è vita excefferit. Et Lycophon in Alexandra sic Penelopam depingit.

ἢ δὲ Βασάρῃ.

Σεμῶς καὶ Ἰφιδίου καὶ Ἰφιδίου δόμους.

Sed Bassara

*Virosa & impotens, exhaustiet domum.*

Quem in locum adnotavit interpres Ifacius, Durin Samium in scriptis reliquisse, Penelopen ita in procos omnes piam fuisse, vt illi fratres eius essent, ipsa omnium soror. Sed pergamus sanè ad alia, neque cogamus poëtas quasi ad iuratos iudices, pro testimonio verum dicere.

ILLE SED INTEREA LV DIT.

Ait non esse in eisdem sedibus aut regione Temperantiæ Vlyxem, sed in valle tenebrosa Intemperantiæ: respiciens eò, quod Vlyxem Calypsonis & Circæ, aliarumque amoribus poëtæ infamarunt, vt patebit die sequenti.

NVNC ADSPICE TECTO INTERIORE DOMVS.

Artemisia coniux Mausoli, quem Cariæ terræ regem fuisse aiunt, melius quàm alij Satrapam, siue magni regis præfectum, vt patet oratione Demosth. de Rhodiorum libertate, & commentario in eam Vlpiani. Hæc viro extincto, præ magnitudine desiderij cum ossa eius & cineres contusa in puluerem, & aquæ indita sic tanquam sitiens obbibisset: sepulchrum præterea vel fanum ei fecit tanta magnificentia & sumtu, vt inter opera orbis terræ prodigiosa numeretur. Hoc ita multi narrarunt, vt indiligentia videri possit in re tam vulgari esse diligentem. Illud non alienum fuerit paucis adiungere, quod à Græcis nonnullis vt Theopompo apud Suidam, proditum est, & tangit quoq. Geographus lib. xiv. Artemisiam magnitudine mæroris confectam & luctu, contabuisse.

AT HIPPOLYTI SEQVITVR, &c.

Hippolytus insigni castitate, filius Thesei Atheniensium regis, cum decreuisset nunquam se Venere vlla contaminare, ac nouerca deinde complexum eius amore inflammata peteret, constantissimè recusauit. Atque hoc etiam argumento, in manibus est tragædia Euripidi Græca. Hippolytus coronatus, & Latina item alia L. Senecæ. Per similes de adolescentis Comminij castitate, apud Plutarch. narratio est in Parallelis.

RESTITIT HÆC FATVS SAPIENS.

Cum auctor in palatio Temperantiæ, dignum Reginæ pro singulari eius ac perpetua totius vitæ castitate locum assignare veller, inter alias eiusdè ætatis insigni castitate Heroinas, Aristotelé his dictis conticuisse ait, quoniam hoc ipso tempore in atrio illo, Regina pænè viam ac spirantem oris sui adspexit imaginem, & præ modestia erubuit. Est autem hæc illa Reginæ imago, quam à principio libri auctor dixit à Zeuxide,

pingendi ac diuinandi artifice in atrio Temperantiæ depictam fuisse, in eaque Reginam ab Aristotele agnitam esse, cum primum ad veri ciuitatem adpropinquauit, vt intromitteretur.

## ET COMITES GEMINAS.

Intelligi vult comites Reginæ puellas honestissimis familiis natas, quibus cum Regina plurimum delectaretur, eas potissimum ex omni suo comitatu socias tunc sibi adiunxit, huiusce ad virtutem ac beatitudinem profectiois. Harum altera Philiberta Sesselia, filia Marchionis Cameræ: altera Petri Tornaboni filia, quam habet in matrimonio Iulianus DELBENE, eques ordinis D. Mauricij & Lazari, filius auctoris huiusce operis.

## NULLA EXSTAT IMAGO ILLIVS HIC.

Virtutum laudatio & vitiorum reprehensio, poetica pene propria est materies, vt ex Aristotelis lib. de poetica licet intelligi, & oratione Maximi Tyrij, qua laudauit poetiam. Quare cum auctor Temperantiæ nomine complures ætatis suæ homines non fictè aut fallaciter, sed verè sapienterque dilaudauerit, nunc quoniam in ipsa veri ciuitate constitutus est, in qua non modo falsi aliquid proferre, sed etiam veri vel tantillum silentio dissimulare scelus nefarium est, ignoscent æqui lectores, si apertè palàmque & liberè nonnullos qui memoria ipsius non castissime vixerunt à Temperantiæ castris exclusit, non mehercle contumeliæ causa, sed quoniam ita lex operis quædam ab eo suscepti, poscere videbatur. Hic auctor iucundè sanè, quasi illud in sacris olim præconis voce vsurpatum dixit, *Exesto*, & à Temperantiæ sedibus ablegauit eos, in vallem Intemperantiæ, perinde vt pastor ille apud Theocritum Ecl. I. Venerem ipsam à tuguriolo, regno suo, longè abesse iubet gentium, *Abi, inquit, in Idam, abi in complexus Anchisæ.*

ἔρπε ποτ' Ἰδαί

Ἐρπε ποτ' Ἀγχίσταν.

Itaque inducitur nunc Aristoteles admonens Reginam, ne frustra multam operam ponere velit in requirenda sui viri Emanuelis Philiberti imagine. In palatio enim illam depictam esse Intemperantiæ, propter imaginem Vlyxis, vt die sequenti patebit.

## ADSPICE CANDENTI.

Positis multorum exemplis, qui domitas habuerunt libidines, nunc Aristoteles de statuis adiungit eorum qui parce, abstinenter sobrièque vixerunt, vt Nestor ille *trifelsisenex*, & *dulciorilocus* dictus à Poeta Nax. A. Gel. c. uio. De huius enim frugalitate, non difficulter coniectura fieri potest ex his quæ Homerus Iliad. lib. XI. narrauit, vbi ancilla Nestoris Hecamede, Arsinoi filia, mensam ei adponit, non epulis exquisitissimis exstructam, sed modico & pertenui adparatu. Hic enim epularum ei adpositarum quasi index ab Homero describitur. Cœnæ caput,



*capiti nomen debentia cape.*

Accessit fauus mellis, & panis. O mensam regalem, qualem nunc fit, non dicam, *munifici gregario*, sed fossori aut caprimulgo adpoues, vitam sibi præ tanta victus parsimonia & asperitate, vitalem non esse proquiriraretur. Sed Nestori tamen ea victus moderatio ac tenuitas, vt inquit iam Aristoteles, & vitam diuissimè propagauit, & mentis aciem ita indidit acrem, vt ipse consiliis suis citiùs quàm Achilles armis, Troiam cepisse videatur, sapiensque apud Homerum Agamemnonis exclamatio sit optantis decem, vt ipse loquitur, *συμφερόμους*, id est *consiliarios* Nestoris haud dissimiles, breui enim futurum vt talium virorum consiliis, Troia excinderetur.

#### HVNC ETIAM SPECTA.

Lycurgus non ipse tantum frugi ac sobrius, sed Lacedemoniis etiam suis auctor vitæ sobriæ & frugalis. Acres autem siue acriter intelligentes abstemij, vt Lycurgus ille alter Thraciæ rex. De quo Virg. in III. Georg.

#### PARCVSQUE LOQVENDI.

Attingit Spinthari Tarentini hominis dictum illud commemorabile, de Thebano Epaminonda Græciæ facile principe, qui cum ei vsus magnus & consuetudo intercesserat. *Μηδενί που εἶν καθ' ἑαυτῶν ἀνθρώπων ἐν τετυχημένα μὴτε πλείονα γνώσονται, μὴτε ἐλάττωα φηγεγεμένω*, id est *Neminem in omni vita sibi videre contigisse hominem, qui et plura sciret, et pauciora loqueretur*. Sic enim à Plutarcho expressum est in lib. de genio Socratis, & lib. de ratione audiendi. De frugalitate autem Epaminondæ, & voluntaria paupertate, Plutarchus in Pelopida narrauit, & multa in lib. de genio Socratis, & in apophthegmatis Epaminondæ. Æmilius item Probus in vita eius. Ælianus in variis cap. v. lib. v. Ioannes Grammaticus historia cccxLvi. Chiliad x. & alij sexcenti, quos recense-  
fere omnes ambitiosum potius quàm vtile aut elegans videretur.

## DIES OCTAVVS, IN QVO DE INTEMPE- RANTIA.



*L*INQVEBAT vetuli surgens Aurora cubile  
*N*on inuita viri, Solem de more precari  
*C*æpit Aristoteles. Sol, dixit, lucida mundi  
*T*emperies, tua nunc si aliàs optabilis vnquam  
*P*rauia lux nobis. Vallem lustrare scelestam  
*I*ngredimur, sedes ubi spurcas ipsa locauit,

*Squallentiq. Intemperies se iactat in aula.*

*Sic ait, & vallis nebularum vellere operta,  
Transit in aduersum limen, debinc ordine pandit  
Singula Regina, Sole inradiante parumper,  
Et retegente omnes latebrosa in valle recessus.*

*Ecce forum primo venales limine merces  
Inquit, habens Veneris, variâsq. cupedinis artes,  
Inlecebrâsq. omnes, fucos, mangonia formæ,  
Fercula regifico luxu, carchesia Bacchi  
Nectari & ambrosia summi Iouis amula: postes  
Ornati Venerisq. rosa, Bacchiq. corymbis.*

*Adspice liuenti hanc aram de marmore: pallens  
Hic Intemperies sedet, illi dexter Iacchus,  
Nebride succinctus, redimitus tempora sero  
Ex hederis, thyrsôq. nitens, sua pocula miscet:  
Aliger à laua Veneris puer, oscula figit.*

*In faciem effigiati omnes pallore virentem,  
Vt solii Venus & vinum quos fregit, in omnésq.  
Artus se insinuans languore oppressit inertii.  
Umbram ara hinc faciunt platanus genialis, & inde  
Vertice baccifero Veneri gratissima Myrtus.*

*Ante pedes illis prostrata in limine primo  
Recta, nefas, Ratio est, pedibus quam proterit omne  
Vulgus in hæc penetrans se tecta furenter: at illi  
Sanius insultant, quos ardens purpura vestit,  
Diuitiæ quibus, & faciendi impune potestas  
Quidlibet, adsiduè tacito sub pectore dictant  
Plurima, quæ fieri Rationis formula rectæ,  
Et prohibet turpi reuocans à limine virtus.*

*Sic fatus Senior monuit penetrare volentes  
Reginam & comites: Premere hanc in limine vestris  
Effigiem pedibus sit cautio, dixit, & ultra  
Ardua suspensio vestigia ponite gressu.*

*Iámq. aditu primi superato liminis, ingens  
Porticus à laua, dextra inremeabilis error,  
Et Labyrinthæa cacum vertigine tectum,  
Ingressis patuit. Prius hoc lustrabimus inquit,  
Dius Aristoteles, tecti penetrare dolosi.*

*En Labyrinthæis non est in flexibus illis,  
Dædaleo veluti Minois carcere taurus:  
Agmina sed volucris percussit arundine pectus*

*Quorum cæcus Amor. Valet aucupis arte Cupido.*

*Captat aues auceps, amittesque & retia tendens:  
Aut pedicis fallit, visciue volumine tectis  
Tangit arundinibus: sed in hanc magis exserit artes,  
Corporis egregij si qua, & prædiuite penna  
Uellere conspicua est, & versicoloribus alis:  
Sic amor est. Humili non tam de plebe gregales  
Captare & capere insuevit, quàm murice & auro  
Fulgentes proceres. Hac illi maxima præda est.*

*Ille videri? Troiam ut caperet qui maior Atrides  
Venerat, est captus flauæ Bryseidis aura,  
Quam domino rapuit seruam male-sanus Achilli.  
Ut gremio mentum mentemq. fouentis amica  
Deposuit, fortis Veneri, contendere dictis  
Strenuus Æacida: belli in certamina segnis.  
Parte alia furit Æacides, spoliatus amica,  
Et sedet ante rates, proiectis casside & hasta  
Flebilis, & citharæ strepitu solatur amorem.  
Sicuti cornuto victus certamine taurus,  
Formosa iunice piger postquam excidit, abdit  
Se latebris mærens, & sola per auia fertur.*

*Nec procul hinc Circa fruitur, dare cautus Amori  
Vulpio Sisyphides ludum, sollersq. alieni  
Cultor agri, proprium sine cultu deserit aruum,  
Et furit, interea dum sicca & sobria curat  
Penelopea domi: versa vice filia Solis  
Æolida male-fida suo, fert sacra sacerdos  
Multiuagæ Veneri, sociisq. indulget Ulyxi,  
Extremoque sui satiatus nectare amoris,  
Vertit in ora suum, & turpi grunnire subegit  
Conclusos in hara. Sic olim pastor Vlyxes  
Qui sapiens populi, mutata est sorte subulcus.*

*Impulsi in Veneris cænum, prouoluere porro  
Sic gaudent se deinde, sues ut corpus olentis  
Obscæna cupiunt mersare voragine lama.*

*Fortè sed & dubites Labyrinthi quale recessu  
Interiore illud specus inlatabile, pigra  
Stant ubi circum aura, & picea caligine calum,  
Quò neque nunc, præter solitum rutilantia Phæbi  
Ora suum penetrare diem potuère, sed horret  
Sic media sub luce, velut nox incubet alis*



*Intempeſta. Luto fictas habet angulus ille  
Uulgiuagæ Veneris neptes, popularia quondam  
Coniugia, ut Phrynas, ut Laides, hoc genus omne.*

*Vix ea fatus erat, Regina exterrita læuo  
Omne, repreſitq. retrò veſtigia, & illam  
Abſiſtens procul eſt animo exſecrata mephitin.*

*Iámq. poli medium tranſcendens Cynthius axem.  
Decliuēs agitabat equos, cùm cetera pergens  
Exſequi Ariſtoteles, Spaciis ne excludar iniquis,  
Porticus ad læuam ſuperest, hanc viſere tempus,  
Ut porro ſpectemus, ait, quos illa reſeſſu  
Continet effigies: non eſt hæc gænea quanquam  
Multum digna oculis qua perlufretur honeſtis.  
Namq. ſuo hi Baccho fidi Cereriq. clientes,  
In ſe dum properant inuergere ſæpe liquores  
Vitigenilatices, crebrisq. madere culullis,  
Exſtinxère facem rectæ Rationis, & ipſos  
Fecerunt hebetes ad vitæ munia ſenſus.*

*Aut epulis auidi nimium incubuère paratis,  
Atq. gula preſſi ſaua ditione furentis,  
Non vnquam calo potuère ad tollere mentem.*

*Adſpice purpurei longo ſtant ordine reges,  
Omnes pampinea redimiti tempora fronde,  
Laſciua aut teneris hedera ora ſuperba corymbis  
Umbrati. Ante omnes videntur hic Dionyſius olim  
Sicania dominus, ſauaq. tyrannide princeps.  
Nunc etiam ſitire merum, ſitire cruorem  
Dixeris, in vultu tanta ebrietatis imago  
Et crudi ſpecies animi ſedet. Adſpice iuxtim  
Dictus Alexander quondam meus, & mea doctus  
Dicta ſequi, & rectæ rationis viuere lege.  
Idem poſtquam Aſia populos & regna ſubegit,  
Omnia ceu rapidi peruadens fulminis alis,  
Temperie, dominaque procul Ratione valere  
Iuſſa, deliciis totum ſe immerſit, & inter  
Agmina mæcharum, ſcurras, mollisq. clienteis  
Baſſarei, didicit bacchari, & ſtertere multo  
Depositus vini certamine. Cantharus illi  
Pro clypeo, ſcaphium galea ſucceſſit, equina  
Florea ſerta, iuba, ſuprema in caſſide pinnas  
Ingentes, niueas, ſolitæ diſtinguere tractu*

*Punico* : didicit geniales dextera talos  
*Vibrare* , & *Venerem* iacere , hastas strenua quondam  
*Hostis* in aduersi pectus torquere , rigensq.

*Palliolo malaco* , cecit lorica : vicemq.

*Bucephali* , torus expleuit de flore beato

*Fartus acidalia* , & nocturna in bella paratus.

*Sic Bacchi* & *Paphis* factus de principe seruus ,

*Obruit* asiduo *Rationem* flumine vini , &

*Militia Veneris* : vitio non deditus uni.

Tanto saepe magis felici sidere foffor ,

Quam rex aut fatuus , dias in luminis oras

*Editur* . Ecce alij reges multi atq. tetrarchæ ,

*Cypridis* aduersum specus hoc inamabile , limis

*Suauiter* vsurpant oculis . Amor omnibus idem .

Iamque aderat *Vesper* solito sufflamine linguam ,

*Offusisq.* oculos tenebris vincire paratus ,

*Cum* propero *Sapiens* hac nobis edidit ore .

*Vltima* nunc est meta super : *Lustratio* spurci

*Illius* ecce antri , tenebris ubi vulgus opertum

*Arte vomitina* certat , studioq. bibendi

*Censetur* , superare ipsas non segne crocutas

*Ingluue* , aut rapidis *Stymphalidas* vnguibus acres ,

*Ventris* proluvie spurcas , & ponè fluentes

*Turpiter* : at calices eadem plebecula siccant

*Innumeros* numero , & *Lenai* flumine mentem

*Obruit* insano , ac velut alta in dolia longus

*Deciderit* serpens , bibit ac vomit . Eminent illo

*Agmine* *Aristippus* quasi dux & signifer , equis ,

*Quotquot* sunt , natus *Vertumnis* : callidus omnes

Sape *chamaleo* uti , variata pelle colores

*Induere* . Huic positum hoc leue sicco è pumice signum est .

Ponè *Philoxenus* hunc sequitur , gruis improbus olim

*Poscere* qui solitus longissima colla , salina

*Longius* in longo ut flutarent gutture gratæ .

*Sunt* alij deinceps , *Epicurus* cum grege multo ,

*Inspiciens* quos edocuit sapientia cursum

*Flectere* de meta *Virtutis* , & aspera primo

*Illius* intrantes mordentia limine , longè

*Omen* ut aduersum fugere , adproperare *Voluptas*

*Quo* lenociniis animum vocat , improba *Siren* .

*Hanc* summam esse boni , *Virtutes* nomina tantum :

Extra

*Extra quàm Venus & Venter quod dictet, honestum  
 Essentibil: cum corporea quoq. mole perire  
 Socratis & suis equè animam. Furor impius ille,  
 Perdidit innumeros lymphatis mentibus olim,  
 Atq. hodie perdit, quamquam sub lumine Veri  
 Perspicuo magis, & cæli adspirantibus auris.*

*Sic fatus Senior, iam præcipitante diei  
 Littus ad Hesperium supremo lumine, transit.  
 Vallis in aduersæ regionem, limite cæco  
 Sub terra. Ingressis domus hic adparuit ingens,  
 Clusâq. sollicitè clathrus, atq. obuice crebro.  
 Nulla ibi comparent hominum vestigia clusas  
 Ante fores, steriles circum agri, & sentibus hirti.  
 Inclusos ibi tum magno clamore vocamus,  
 Pulsamisque fores saxis, cubito, pede. Frustra.  
 Nemo audit, tanto aut strepitu excitus ostia pandit.*

*Ergo velut nullis habitatas linquimus ades,  
 Oppressisue stupore graui, aut torpere veterno  
 Adsueta, velut hiberno sub sidere glires.*

## SOL, DIXIT, LVCIDA MVNDI TEMPERIES.

Cum virtuti, cuius quidem locus ac regio semper media est, & semper vitii, quæ virtutis quasi metam aut deserunt, aut transcendunt, eadem subiecta sit materies, nempe àpeditus ac perturbationes animi: sapienter intellexit auctor sibi licere domicilia virtutibus ac vitiiis eadem materia structurâque ponere, variatis tantum ac mutatis eorum statuis & imaginibus, referentibus speciem ac similitudinem eorum, qui fuère olim aut hodièque sunt virtutum illarum aut vitiorum habitu insigniti.

Egressus igitur octauo nunc profectiois suæ die ex palatio Temperantiæ, per læuam atrij portam Aristoteles, descendit in subiectam vallem, vbi regio & domus est Intemperantiæ. Huius ante ipsum vestibulum & limen, aream depingit latissimè patentem, vbi venale propositum sit omne genus epularum, potionum, deliciarum, odorum, quibus illecebris & lenociniis tracti homines, deinde Veneris ac saporis voluptatibus arctissimè irretiti tenentur. Limen verò ipsum intransibus, ara se offert, in qua sedes Intemperantiæ sub specie figurâq. Veneris. Iuxta sunt statux, hinc Bacchi, inde Cupidinis. Ante statuarum pedes proiecta rationis effigies, vt quasi inferius portæ limen, pedibus introeuntium proteratur. Nam serui Intemperantiæ & cliètes proterunt & conculcant rationem, quidni: vt domina suæ gratificentur

L quæ





- A. Intemperantiæ palatium, structura eiusdem modi qua illud Temperantiæ, sed caducum & ruinis deforme.
- B. Effigies Intemperantiæ quam Cupido suaviatur F.
- C. Bacchus pocillans quasi heræ suæ Intemperantiæ.
- D. Recta Ratio quam Intemperantia pedibus subiectam habet, & quasi contentim conterit.
- E. Platanus ingens huic choro umbram faciens.
- F. Myrtus arbor sacra Veneri.
- G. Adparatus Gulæ.
- H. Adparatus & instrumenta curandis morbis, gula crapulâq. contractis.
- I. Fuci, pigmenta, odores, aliâque inuitamenta Veneris.
- K. Mors voluptatibus accelerata.

quæ rationi & prudentiæ est aduersaria maximè. Illud præterea ex illa rectæ rationis obtrita & conculcatæ specie miserabili colligendum est, libidinosos, impuros, intemperantes animos, tantò minus quàm ex aliis vitiis laborantes, odio & reprehensione carere posse; quod omnium maximè voluntariam atque idcirco turpissimam libidini suæ feruiunt feruitutem. Facilius enim multò est voluptatibus repugnare; quàm dolori, vt iam olim etiam præmonstrauit Aristoteles c. xi. lib. iii. ad Nicom.

His ita expositis, admonet Aristoteles nunc Reginam eiusque comites, vt suspenso Intemperantiæ domum vestigio, introeant, nec inconsideratè pedibus premant abiectam ipso in vestibulo & lumine, Rationem.

## INGENS PORTICVS A. LÆVA.

Iam explicare ingreditur de vi naturæque Intemperantiæ. In huius enim quasi ludo ad voluptatem eruditos, tam effrenata vi concupiscendi & indomita esse, vt nihil eis in omni vita magis propositum sit, quàm perfrui voluptatibus illis, quæ vel ex tactu vel sapore percipiuntur. Atqui hos natura sensus nobis tradidit, non vt voluptatum fierent ministri & satellites; sed tactum quidem addidit quasi calcar, ad speciei propagationem, gustatum ad indiuidui conseruationem; siue vt homines singuli corpus suum vitamque victu cultuque necessario tuerentur. Veruntamen quoniam hi sensus vegetiores in homine sunt, quàm vllò in genere animantium, eò fieri videmus, vt acrius ac furentius veneris ac saporis titillatione homines, quàm tardæ languidæque pecudes inflamentur. Domicilium verò Intemperantiæ partitus est in haram helluonum, & Labyrinthum amoris: illam à læua posuit, hunc à dextra. Cum enim vitium ventris & gutturis cogat homines, vt Afranij hac in re verbum vsurpemus, *obbrutescere*, meritò gulones in haram auctor conclusit, tanquam fues stolidos ac immundos, sapienterque Homerus Odyssæa decima cum declarare vellet, vitiosum illud

*remigium Ithacensis Vlyssæi*

tantum abdomini suo natum fuisse, non laudi & gloriæ, commentus est, Circa veneficiis omnes mutatos fuisse in fues. Labyrinthi verò carcer amoris & libidinosus conuenientissimus est. Causam Lucretij verbis exprimamus licet:

*Nam vitare plagas in amoris ne laciamur*

*Non ita difficile est, quàm captum retibus ipsis*

*Exire*

Neque ambigo quin Labyrinthi specie, à poetis amoris implicatio proprie declaretur.

## VALET AUCVPIS ARTE.

Perquam eleganti vsus allegoria est, in qua inducitur Amor vice aucupis, animi humani specie auium, quarum illæ maiores pennis, purpura



auroq. depictis, vt regum ac procerum, alia minores, vt vulgi, quarum alia vnicolores ac nigra. Viscum dicit blandimenta & inlecebras amoris. Quemadmodum ille apud Plautum ad amicam adolescens

*Viscus, inquit, merus vestra est blanditia*

Citius autem reges illos & proceres opibus & copiis adfluentes, in amoris blanditiis tanquam visco inherescere ait, quoniam maiores habent ocij ac libidinis opportunitates.

#### ILLE VIDEN' TROIAM.

Regum vt fortunam, sic Intemperantiam ferè maiorem esse quàm priuatorum, peropportunè ostendit exemplo regum regis ad Troiam Agamemnonis, qui libidine ardens, flagitiosè amicam Bryseidè Achilli eripuit, & amenter illius viri animum offendit, quo vno spes victoriæ nitebatur: Alia parte Achilles, verbo quidem præmium & honorem, re ipsa & veritate amicam sibi ereptam dolens, libidinem suam, & suæ & publicæ dignitati anteponit, Græcósque ab Hectore opprimi faciliè patitur, vt dolorem suum vliscatur. Quo loco auctor inlustri comparatione, Achillem fecit tauro similem victo in certamine de iuuenca.

Nam persimile ac geminum illud Agamemnonis & Achillis libidine inflammatum discidium, pugnae taurorum de iuuenca formosa decertantium. Qualem elegantissimè pugnam Virgilius pinxit lib. III. Georgicorum, & Ouid. principio lib. IX.

#### NEC PROCVL HINC CIRCA FRVITVR.

Vlyxes cautus ille quidem, sed parum castus, quippe qui neque à Calypsonè sibi, neque à Circa & ceteris in peregrinatione illa temperarit. Claudunt vero ei latus non satellites, sed sues, focij nempe eius, quos Circa portionibus suis conuertit in pecudes. Itaque falsissimè in eum lussit auctor, iam illum esse non vt regem maximè decet, populi pastorem, sed subulcum verius.

#### SOLLERSQ. ALIENI CVLTOR AGRI.

Querit scilicet de Vlyxe suo Penelope potuit, quod de viro suo apud Plautum matrona illa. *Fundum alienum arat, in cultum familiarem deserit.* Et vt Theognis olim dixit, ἐχθράρην ἀνδρα μαργόν, ὅς τιώ ἀλλοτεῖαι βέλετ' ἀρεσθῆν ἀρεσῶ.

*Virum se odisse salacem,*

*Quisquis arare amens arua aliena cupit.*

Sic ἀλλοτεῖαν ἀρίρην *alienum arare fundum.* Sophocles epigramm. in Euripidem, apud Athenæum lib. XIII.

#### FORTE SED ET DVBITES.

Adiungit nunc extremum quasi gradum intemperantiæ, importunam scilicet libidinem summæniarum vxorum, quas patruj, & εὐθυρήμονες, rusticitim scorta, lupas, meretrices vocant: vrbaniore, vt aulici



& poetæ, amicas aut sorores, Catullus mœchas. His quasi suburram, adsignavit auctor, antrum in extrema labyrinthi parte, in eoque posuit statuas illis, quarum olim domus patuit omnium cupiditati, ut Laidis, ut Phrynes ac similibus, quæ sese omnibus peruulgarunt. Sed Regina stabulum hoc lutulentum, impurum, inuisum, quasi malum auspicium detestata, pedem retulit, in eamque partem regressa est, ubi statuæ principum illorum, quibus olim lupulæ illæ, *summanianæ uxores* siue ut Dio-cletianus A. loquitur, *mercales uxores* non tam odio fuerunt.

## IAMQ. POLI MEDIVM.

Libidinosorum regione lustrata, refugiens à Veneris grege impurissimo Aristoteles, inclinato iam in pomeridianum tempus die restare ait porticum, in qua ceu hara spurcissima, tanquam fues in cœno, voluntantur in cibo & portione, vinolenti siue *bibones*, siue *bibiones*, aut *bibonij*, & illi qui signanter sanè à Latinis, *Helluones, gulones, gurgites, lurcones, comedones, fagones, edones, mandones, ventres, manduci, gumia, glutones, degulatores, nominati sunt*. Principe inter hos loco, Aristoteles ponit Dionysium superioris Dionysij Syracusani filium, hominem siue belluam potius, siti ac voracitate insigni. Huic Alexandrum discipulum suum adiungit, de cuius pergræcationibus & vinolentia & quasi cum Baccho ipso, perpotandi certamine, notissima historia.

## CANTHARVS ILLI PRO CLYPEO.

Imitatus est locum Plauti ex Bacchidibus

*Vbi que imponat in manum alius mihi pro castu Cantharum,  
Pro galea scaphium, pro insigni sit corolla plectilis,  
Pro hasta talus, pro lorica malacum capiam pallium  
Vbi mihi pro equo lectus detur, &c.*

## SUPREMA IN CASSIDE PINNAS.

Sic Plutarchus in Alexandro, galeam eius & pinnis & crista equina insignem fuisse. Ἦν δὲ, inquit, καὶ τὴν κράνους τῆς χαλκῆς διασπέρτης, ἧς ἐκέρρωθεν εἰς τὴν κἀ πτερόν λευκότητι καὶ μεγάλῃσι θαυμασόν. Erat *ἡ* galea iubâ insigni, cui utrinq. adstabat pinna, candore *ἡ* magnitudine miranda, &c.

## TENEBRIS VBI VVLGVS OPERTVM.

Principes in porticu helluationis collocati: plebecula in antro quodam remotiore. Optimè. Nam sordes principum in aperto ac propatulo positæ sunt: priuatorum maculæ latent. In priuatis autem illis gulonibus Aristippus voluptarius philosophus excellit ceteris, item Philoxenus Eryxidis, siue Cytherius, siue Leucadius, aliter enim ab aliis nominatus est: bellissimus homo, qui collum gruis optare solitus fertur, quò diutiùs cibi & potionis suauitate frueretur. De quo iam olim Aristoteles c. ix. lib. iii. ad Nicom. & lib. iii. ad Eudemum Problemate vii. Partis xxix. Athenæus lib. i. & ix. Suidas, alij.

## ET PONE FLVENTES TVRPITER.

Imitatio illius Petroniani.

*Tales Herculeæ Stympthalidas arte coactas  
Ad calum fugisse reor, penéq. fluentes  
Harpías, cum Phineo maduere veneno  
Fallaces epule*

Illud, *penéque fluentes* &c. correxere aliqui *pennáque fluentes*, idq. interpretati, *volantes*, vt Iustus Lipsius Antiquar. lect. c. iix. lib. i. Sed Petronius videtur voluisse, *ponéque fluentes*, pro, fluentes postica parte: ex illo Virgilij de Harpyis, *Turpissima ventris Proluues* Et voluit scilicet Petronius, in *pone* syllabam producere, quam Virgil. corripuit.

## CALICES PLEBECVLA SICCAT, &amp;c.

Tangit conuiualem ritum, bibendi ad numerum literarum, quibus scriptum nomen amicæ aut amici.

## SVNT ALII DEINCEPS.

Non pessimè pingit coloribus & penicillo suo *Epicuri de grege porcos*. docentes summum bonum esse in corporis iucunda titillatione. De quorum principe Epicuro eleganter sanè M. Cicero Ennij poetæ verbis lib. ii. de natura Deor. *Sed inquit, dum palato quid sit optimum indicat, cali palatium non suspexit.*

## DOMVS HIC AD PARVIT INGENS.

Domicilio Intemperantiæ & partibus eius cognitis, nunc Aristoteles cum Regina in vallem pergit, altera ex parte palatio Temperantiæ oppositam, in eaque ostendit sedem vitij, quod infra Temperantiæ mediocritatem est. Hoc autem, quia proprio vacat nomine, communi ab Aristotele dicitur *ἀναστυνία* siue stupor. Si quis nempe ita sit exensus, siue nullo sensu, ita durus & immanis, vt tanquam stipes aut fungus, neq. doloris morsu, neque titillatione corporis vel tantulum moueatur. Tales quia paucissimi reperiuntur, consideratè auctor ædes huiusce vitij depinxit in recessu & solitudine, ab omni commercio & societate hominum distantes, conuenientérque adiunxit, pulsatas quidem diu multúmque fores, & inclamatos habitatores, vt intrmitterent: sed illos neque strepitu, neque clamore vlllo excitari potuisse, quippe stupore oppressos, & omni sensu vacantes. *Quare* occidente iam sole in collem vicinum discesserunt, vt cum sole experrecti, in Magnificentiæ regionem & Liberalitatis proficiscerentur.



D I E S N O N V S , D E  
M A G N I F I C E N T I A E T  
L I B E R A L I T A T E .



OEPERAT Eoo desurgens aequore, lotos  
Iungere Phæbus equos: sese in vestigia cæpti  
Sermonis Senior referens, adfarier orsus  
Reginam est. Oritur Sol, inquit, munere cuius  
Lux & vita venit: sed enim præstantior illa

Vita, sui complet Ratio quam luminis aura.  
Splendor in hac summus, species pulcherrima, cuius  
Visio, mirificos accendere possit amores.

Fulgor enim si Auri tanta dulcedine mentes  
Adlicit humanas, vitam ut sine munere tali  
Vitalem esse negent, hoc cassos sanguine, manes  
Inter, & Orciui numerent in parte peculi:  
Esset amabilior quantò, si cognita, Virtus?  
Qua sine nil aurum, nisi splendens luce maligna  
Atq. insigne lutum. Sola est quam propter honestè  
Aurum optes Virtus, quaras, teneasq. paratum.  
Sola docet rectè largiri & parcere: sola  
Conciliare potest auro decus, & dare partis  
Lucem diuitiis. Sic fatus scandere collem  
Cæpit in aduersum Sapiens, ubi surgit ad auras  
Lata domus duplici distincta colore: virenti  
Marmore pars dextra est, venisque interfluit auri:  
Altera stat niueo de marmore, totaq. leui  
Argento virgata nitet. Sublime columnis  
Surgit marmoreis tectum, simulantibus illos  
Qui vel magnificè regalia munera lati,  
Aut modicis instructi opibus, tribuère volentes,  
Libero uti par est animo; non seruus herili  
Ut iussu solitus, mediocria. Limina postquam  
Hæc sumus ingressi, & spirantes marmore vultus  
De prasino & Pario suspeximus, inclitya partim  
Obstupuère oculi tanta miracula molis:  
Partim animos sensu pertentauère suavi



*Gaudia. Stat medium ramis felicibus arbor,  
Complexa impluuij spatium, geminóque minatur  
Stipitis in calum fecundo vertice. Dexter  
Aurea mala gerens, pleno ceu Copia cornu  
Fundit humi, Hesperidum seruata feruntur in hortis  
Qualia, & Herculeo pretium cessisse labori:  
Leuus habet nitidos argentea munera flores.*

*Has ita dum statuas, Regina & in arbore fructus  
Minatur, taciteq. oculos per singula ducit,  
Insolita rerum suspensam in imagine, dictis  
Ultero his compellat Sapiens. Quos arbore flores  
Cernis in hoc, ait, & fulgentia poma metallo  
Diuite, quasq. suo numeróque & tempore, nullo  
Concutiente fluunt: quantumq. & quando petenti  
Conuenit & danti, sua quisque sub arbore mala  
Et flores legit hac. Lauro sub stipite flores  
Accipiunt, quos emerita fiducia laudis  
Non ita commendat, sed commiseratio sortis  
Humana iuuat. Hic viduas solatur egentis  
Munere, pupilló sue aliquis, seniiue trementis  
Quos premit, & graue sollicita curuiscere cogit  
Paupertatis onus, quasi magno pondere pressis  
Incumbens humeris, offundensq. ora rubore,  
Tristitiáq. animos. Patet hic sociale petenti  
Hospitium, mensa ieiunis dentibus acri  
Instructa hic epulis, & sospita focilat agros  
Cura ministeris, & morbi tadia longi  
Sedulitate leuat: male clusi carcere caco  
Infantes, aliquo redimuntur munere, fontes  
Ipsi etiam inueniunt misera solatia sortis  
Hic aliqua, & dotem virgo, qua nubilus olim  
Indotata domi residet, sub paupere tecto.  
Hi talésq. fluunt lauro de vertice flores.*

*Aurea sed dextro fluitant sub stipite mala.  
Scilicet in dubio Virtus certamine Martis  
Cognita, & insignes quos fecit adorea belli,  
Donati hinc abeunt, & ouanteis munere venae  
Diuitis. Haud minus hi studiis deuota Minerva  
Semper, & ingenuas quos vita exculta per artes  
Promouet, accipiunt, etiam maioradaturi,  
Si saperent illi, Domina quos riuus inaurat*

Fortuna liquidus, rerumq. capeffere habenas  
 Fusit, & imperij reditus tractare beatos.  
 Hinc & sepe frequens magni mercede redemptor  
 Abscedit maiore operis ditatus: ab illo  
 Artes impluerent nisi munera stipite, nullas  
 Scana voluptates dare posset, comica ubique  
 Siparia, & tragici caderent aulae theatri.  
 Non epulas festosque dies agitare per urbes  
 Gauderent populi: ruerent celeberrima Diuum  
 Fana, neq. exstrueret noua quisquam: thure calere  
 Nulla pio, aut fertis balare recentibus ara  
 Posset, Magnifico tantum sub pectore Virtus  
 Lata valet, tales producit in arbore fructus.

Quodq. magis mirere, pluit de vertice lauo  
 Arboris, adsidue quasi florum argenteus imber:  
 Arboris adsidue dextro de stipite, sponte  
 Aurca precipitant viuo quasi flumine, mala.  
 Semper enim gemina quantum fluit arbore, tantum  
 Summi lex aeterna Iouis iubet vsque renasci.

Nec verò aut Boreæ frigus penetrabile sonori  
 Ha frondes metuunt: Solisue ardore propinqui  
 Torrentur nimio, curantue Canicula quantum  
 Cogitet Erigones rabere, & sata sidere diro  
 Vrere, rorisfluo sed iugiter aere gaudent.

Sed nunc has etiam, quas porticus ordine longo  
 Explicat hac statuas, duce me cognoscere perge,  
 Regia progenies. Princeps hic Phœbus Apollo  
 Ipse, & magnifico quasi ductor in agmine. Nullus  
 Aequè est magnificus. Vitam mortalibus agris  
 Largitur, stellis radios, rebúsque colore s  
 Innumeros, terris factus, sua gaudia calo.

Inferiore gradu positus, quo principe quondam  
 Florentes Solymæ. Raram quia fecit in illo  
 Cor sapiens, & dextra potens gestamine sceptri  
 Mixturam. Hinc gemino cali pro munere gratus,  
 Condidit eterno templum mirabile regi,  
 Quod coluere omnes, quâ Sol oriturque caditque.  
 Tale fuisse nihil fasti, nil tale futurum.

Hic etiam Regina Carum celeberrima: struxit  
 Coniugis erepti quæ tristis amore, sepulchrum  
 Nobile Mausoli, vacuo velut aere pendens.

Possidet haud procul hinc statuam, cognomine dignus  
 MAGNI rex Macetum, terra notissimus orbi,  
 Magnificè magnis, quæ gentes sparsit in omnes  
 Et populos, privasq. domos, civésq. merentes  
 Muneribus: neq. in hac illi contendere quisquam  
 Laude, pote ex facili, mortali semine cretus.  
 Innumeri testes, atq. hos non ultimus inter  
 Ipse ego. Magnificè nam me illius arca talentis  
 Instruxit, facerem quæ sumtus, omnia magnò  
 Conductis operis, dum per miracula rerum  
 Scrutor, & in libros inuenta solòq. salòq.  
 Et celo, refero variis animalia formis,  
 Ut replicata iuvent seros mea scripta nepotes,  
 Atq. legant oculis quasi pictum, singula sese  
 Ut moveant, pariant, vivantq. animata: patescat  
 Denique totius nature ut scena theatri.

Hæc ita narrauit postquam dux noster, ad imam  
 Respexit seriem, cupiens quoq. cetera scire  
 Regina, atque novos heroum discere vultus,  
 Quos noua mirantur virtutis lumine claros  
 Secula magnificæ. Dilecti hic ora parentis  
 Vidit, & ingemuit, lacrimisq. fluentia tergens  
 Lumina, Me miseram, dixit, sum visa videre  
 Nunc quoq. magnanimo te pectore suspirantem,  
 Ut solitus cum saua tuis Fortuna reslaret  
 Auspiciis, tanti te principe digna retractans  
 Consulta imperij. Sed nec prohibere fluentes  
 Largi magnifico valuit de pectore riuos,  
 Aut facere, ingenuis quin sedes ponere velles  
 Artibus aternas, Phæbiq. fouere clientes,  
 Sartaq. prestares casto sua tectæ Minerva,  
 Et noua substrueres, accires denique in orbem  
 Inuitans mercede tuum, quos laude madentes  
 Ingenij, quamuis alio sub Sole, bearet  
 Fausto per populos non inuida murmure Fama:  
 Non minus interea magnis Pratoria magnorum,  
 Impensis operum strueres cum plurima, leui  
 Marmore, gemmatòque auri distincta nitore.  
 Quid memorem validè clusuras limite regni  
 Hostibus opposuisse tuis? munimine quorum  
 Vndique iuta suos etiam nunc Martia fines



*Posteritas colit, externi securâ minarum,  
Orbis, quâ Sol cunq. potest agitare iugales.*

*Hæc Regina ubi sic querula sub voce peregit,  
Suscipiens Senior, genuitq. & sæcula dixit,  
Quàm fluerent terris felicia, lata fauentis  
Præmia Fortuna, si respondere labori  
Virtutis niueo pateretur stamine fusus  
Parcæ: sed paribus non semper passibus ire  
Virtus Forsq. potest. Neque sic tamen abiicit hastas  
Debilis, aut misera est, memini ut iam dicere, Virtus.*

*Sed properemus & hæc popularia visere signa,  
Porticibus lauis quæ circum læta reident,  
Vultusq. illorum referunt, quos lumine recta  
Inadians fecit Ratio, ut sine crimine largi,  
Res angusta domi quibus est, succurrere velent,  
Et sua porrigere his, subigens quos turpis egestas  
Poscere cogit opem: caro sed prima parenti  
Altera tutela misera, lacrimabile cuius  
Illos pressit onus, fido dehinc dona clienti,  
Tertia at hospitibus, quarta his qui sanguine iuncti,  
Quincta per adfines sparsa, & postrema per omnes,  
Formula quos illis non iunxit ciuica iuris,  
Ipsa sed humana iussit miserescere sortis  
Conditio, similisque animo sibi fingere casus.  
Nec verò hæc alios recipit pulcherrima sedes,  
Quàm qui distribuunt hæc talia munera læti,  
Sicut vicia ruunt in apertos flumina riuos.  
Ac neq. difficiles sitienti pocula præbent,  
Ut puteus, latice atro de gurgite cuius  
Hauriat immisso longe molimine restis  
Nitaturq. opus est, vrentem qui sibi speret  
Inde leuare sitim: neq. sic, velut aggere rupto  
Pigri stagna lacus, verni sub temporis horam,  
Sic temere in lamas spatari, & inhospita tesqua,  
Inq. specus tetros, & olentes ire mephites  
Quæ paullisper amant, mox turpiter arida squallent,  
Nec pisces domino præbent, nec grata vianti  
Pocula. Nigrantis putei se habet instar Auarus,  
Prodigus in stagni morem effluit: hos media inter  
Sunt regione illi, quibus hæc in limina pandit  
Sese aditus, qualiq. olim ratione fuere*

*Largiflui, quorum hic simulacra nitentia cernis.*

*In primo viden' ut soror hic argentea Phœbi  
 Præmineat, ductrix velut agmine? Cynthius ipse  
 Dux est magnificis: soror eius Cynthia ductrix  
 Munificis. Simul hæc fatus, simul extulit alte  
 Dux oculos celo nofter, bigasq. citatas,  
 Et nitidam Lunæ properantis lampada cernens,  
 Conticuit; Solis metuens sine lumine fari.*

HOC CASSOS SANGVINE.

Tangit adagium vetus, *Pecuniam esse hominibus sanguinem.* Legend. Artemidor. c. xxxv. lib. i. Plutarchus apud Stobæum Serm. ccxxx.

VBI SVRGIT AD AVRAS LÆTA DOMVS.

Magnificentia & Liberalitas virtutes nulla alia re differentes sunt, quàm intentione quasi & remissione largitatis, & seruandi in munerib. decori quadam distinctione. Magnifici namque in muneribus amplis ac splendidis: liberales in modicis & quotidianis seruant decorum. Illi publice magis, hi priuatim largiuntur. Itaque virtus regia magnificentia est, & principis maiestati conueniens, liberalitas autem vulgaris & priuata. Verèque olim Aristoteles dixit c. ii. lib. iv. ad Nicom. homines vitæ splendore magnificos, etiam liberales nominari posse, non autem etiam retro & contra, beneficis & benignis omnibus deberi laudem. magnificentiae. Quaquam igitur hæ virtutes non gradu aliquo tantum aut externa conditione, sed vi naturaque ipsa differunt, tamen propter summam earum cognationem & similitudinem, idem atque vnum eis auctor palatium exadificauit, in duas tamen partes diuisum, quarum altera magnificentiae propria est, altera liberalitatis. Magnificentiae partem ex marmore splendido & virenti effinxit. Aptissime. Nam ut magnificentiae splendor & amplitudo maior est quàm liberalitatis: sic virens Lacedæmonium marmor cæteris hilarius. Sic enim Plinius c. vii. lib. xxx. *pretiosissimi*, inquit, *generis marmor Lacedæmonium viride cunctisque hilarius.* Viride autem illud marmor quasi interfluentibus auri venis variatum atque distinctum facit, quoniam aurum magnificentiae & splendoris maximum instrumentum est, & principis solius dignitati conueniens. Apage, dicit Alfius aliquis, ergo feneratores perierint: vellem pol quidem, sed tamen auri possessio priuatis cõceditur, publica largitio eius siue sparsio in populum, principi reseruata est. Sic enim Iustinianus Nouella cv. cum dixisset, missilia consulibus, numos argenteos tantum permitti, subiungit: *Nam auri sparsio tanquam propria regie dignitati relinquenda est, cui soli eminentia fortunæ facultatem largitur auri contemnendi: argenti autem mittendi, cuius proximum ab auro pretium est,*





- A. Palatium Magnificentiae & Liberalitatis.  
 B. Imago Magnificentiae largientis poma aurea.  
 C. Liberalitatis effigies, quae largitur flores argenteos.  
 D. Arbor à radice vna duplex instar citri, pars eius dextra malis aureis Magnificentiae onusta est: laeva floribus argenteis Liberalitatis.



*ceteri consules facultatem habento.* Sed & antè Iustinianum, mens eadem Theodosio l. i. C. Theodos. De expens. ludor. Denique sic pro auro tanquam pro imperij nota propria, aut potius tutela & quasi Palladio, principes Romani propugnauère, vt reges Persarum, aliósq. omnes extra orbem Romanum principes absterruerint, vt si fortè aureos nummos cuderent, suam in his imaginem exprimere reformidarint. Nummos argenteos aliorum regum iconiis permisère, suis referuauère aureos, vt summam imperij prærogatiuam. Eaque de re narrans Procopius lib. iii. belli Gothici, solos Francorum reges ait exceptos fuisse, qui bona venia Imperatoris Iustiniani Massiliæ & Arelato nummos sua, non principis Romani effigie, aureos signarunt. Liberalitatis verò sedes ac domicilium ex marmore candido est, quale Parium aut Lunense apud Pliniũ c. v. lib. xxxvi. Candoris enim color tenuis & simplex, qualis priuatorum beneficentia & liberalitas. Idque marmor nunc quasi virgatum esse ait argento, quoniam vt Horatius dixit, & nemo nescit, *Vilius argentum est auro.* Benè autem, *letam domum*, harum virtutum dixit. Liberalitatis enim est *διδόναι καὶ δαπανᾶν ἡδέως.* *Dare & sumtum facere libenter.* c. i. lib. iv. ad Nicom. Aptèque & moratè Catull. Epithal. Pelei.

*Dona ferunt præ se, declarant gaudia vultu.*

Neque disconuenit huic rei, etsi recta originatio non est, illa Isidori. *Liberalem dictum, quia libenter donet, nec murmuret.* Et L. Seneca concinnè c. iii. lib. i. de benefic. *Gratias Deas fingi ridentes, quia promerentium vultus hilares sunt,* &c. Contráque apud eundem c. vii. lib. ii. *Fabius Verrucosus beneficium ab homine duro asperè datum, panem lapidosum vocabat, quem esurienti accipere necessarium sit, esse acerbum,* &c.

#### LIBERO VTI PAR EST ANIMO.

Dixit, *magnificè regalia munera* &c. tangens Magnificentiae nomen: *libero* autem *animo* &c. respiciens ad Liberalitatis nomen, quæ dicta est, vel quia digna homine libero, vt videri vult interpres Terentij: vel *quia à libero animo profiscitur*; vt L. Seneca c. xxiv. de vita beata.

#### OBSTUPERE OCULI.

Ostendit magnificentiae dignitate & amplitudine, homines in admirationem rapi & obstupescere: liberalitatis autem specie adlici amorem & beneuolentiam, vt iam olim declarauit quoq. Aristoteles cap. ii. lib. iv. ad Nicomach.

#### STAT MEDII SPACIUM.

In communi Magnificentiae & Liberalitatis quasi impluio, citri vnus quidem sed geminatae species depicta est, vnáque ex parte malorum aureorum copia, vt vetus poëta loquitur incuruiscentis: ex altera vero parte floribus tantum vestita, argenteis, nihilq. habentis nisi frondium ac florum amœnitatem. Qua imagine magnificentia distinguitur à liberalitate. Namque vt flores & folia fructibus, argentum auro: sic libe-

ralitatis munera magnificentiae largitionibus superantur. Quod autem virtutis vtriusque commune est, ut voluntaria non extorta earum largitio sit, hoc eadem arboris huiusce pictura intelligi licet, quam talem exprimit nunc Aristoteles, ut malis ac floribus, in gremium eorum quos æquum est accipere, per se ipsa ac sua sponte fluat, & quoties opus est. Pari enim ratione, Liberalitatis & Magnificentiae laude florentis officium est, sua sponte ac voluntate, tali tempore mensuræque largiri, quæ & ipsius, siue dantis, & accipientis rationibus maximè opportuna esse videatur.

## HIC VIDVAS SOLATVR EGENTES.

Alia Liberalitatis ac Magnificentiae distinctio, sumta ex varietate personarum in quas beneficia conferuntur. In aliis enim Liberalitati, in aliis Magnificentiae locus est. Liberalitati in priuatos ac tenuissimis opibus homines: Magnificentiae in lautiores, & qui aliquo sint numero & loco. Ac primum recenset homines tali conditione, ut desiderare possint alienam Liberalitatem & munificentiam, ut viduas mulieres, senes homines, pupillos, & id genus alios, quibus auctor effinxit beneficia dari sub læuo stipite arboris, vnde folia tantum defluunt & flores.

## INCUMBENS HUMERIS.

Vt Theognis olim questus

Α δειλὴ πείνῃ, ἢ ἐμοῖσι κερήμενῃ ὤμοις

Σῶμα καταχρυσῶς καὶ νόον ἡμέτερον;

*Ah mala paupertas, humeris quid tu incuba nostris,*

*Corpus & ipsum animum, sic mihi turpificas?*

## AVREA SED DEXTRO.

Altera in arboris parte, siue sub dextro stipite, Magnificentia magnis amplisque præmiis adficit homines honestos ut scientia militari, aut præclarissimarum artium disciplinis excellentes, ceteraq. exercet, quæ fat perspicuè Poëta ipse commemorat.

## SI SAPERENT ILLI.

*Si saperent, ut Leo ille nouæ Romæ Imperator cognomento Magnus, qui cum professoribus artium suis, salaria vocato Rationali suo Eunucho iussisset dari, atque ille ut captus eiusmodi hominum est, submurmurauisset, in milites hanc pecuniam rectius erogari posse. Vtinam verò, inquit, meis temporibus ea contingeret felicitas, quæ militum stipendia in professionum salaria mutaret.* Narrat Suidas, & alij.

## DOMINÆ FORTVNÆ.

Lusit ad Fortunam Imperij Romani, auream de qua C. Suetonius Galbæ c. iv. Iul. Capitolin. in Pio & in Marco. Æl. Spartianus in Scuero.

## SPONTE AVREA PRÆCIPITANT.

Cuius modi spontaneum illud, differit copiosè Aristoteles c. i. lib. iv. Ad Nicom. Benè Arnobius lib. vii. *Bonus auxiliator nunquam rogari se possit, spontanea semper opitulatione subueniens, &c.*

## LEX IOVIS IVBET VSQ. RENASCI.

Tangit præceptum philosophi de Liberalitate ex loco anted. Sic largiendum ne desit copia in posterum etiam benignè faciendi, ne communi proverbio notemur, quo negatur, *Largitio fundum habere.* De quo sapienter Tullius lib. ii. De offic. Quem tamen Lactantius Firmianus locum reprehendit c. xi. lib. iv.

## QVAS PORTICVS ORDINE LONGO.

Sequitur descriptio statuarum, ac principio illarum quæ in dextra huiusce palatij parte viris Magnificis positæ sunt. Quoniam vt dextra lævis: sic munificis ac benignis, magnifici excellunt. Atque inter hos ipsos, principem locum Apollo tenet, auri ipsius, quæ Magnificentia suppellex potissima est, omniumque sub Luna rerum procreator & parës. Huic Solomonem adiungit, regem sapientia dignitate amplissimum, à quo illud orbi terræ notissimum, præstati æternæque naturæ templum exædificatum est, præclaræ cuiusdam ac prope singularis opus Magnificentia. Et vnde, inquires, notus Aristoteli Salomo? Hæc aut talia quæ passim hæc Ciuitas habet dubitatem, ad ea remitto, quæ de mortuorum diuinandi peritia dixi die operis secundo.

## ÆTERNO TEMPLVM MIRABILE REGI.

Iisdem pænè verbis C. Tacitus templum hoc lib. v. historiarum laudauit. *Illic, inquit, immensa opulentia templum,* &c. Et Herennio Philoni legatione ad Caium est, *ἡ δὲ ἱερὸς καὶ ἡ ἀνατολὴ καὶ ἡ δύσις ἀναβλέπουσιν, ἢ τοῦ ἑξ ἑποῦ παναρχῶς λαμπρῶν. Templum præ aliis omnibus nobile atq. illustre, in quod orientis & occidentis totius oculi coniecti, quod tanquam sol ipse, vsquequaque lucet.* &c. Etiam Dio Nicænus lib. xxxvii. narrans de Iudæorum religione & sanctimonia, *Εἰ, inquit, θεῶν τε μέγιστον, καὶ ἀεικαλλέστατον, πλὴν, καὶ ὁ ὄν ἀρχαῖος τε καὶ ἀνώτερος ἦν, ἐξέποιήσαν. Vni Deo templum maximum longèq. pulcherrimum excitauerunt, nisi quatenus hians & patulum, & sine fastigio est,* &c. Sed quo pacto illud templum patulum? Dixerim, illud, *καὶ ὁ ὄν ἀρχαῖος,* &c. intelligi debere, non de toto templo, sed atrio templi, quæ pars eius quarta, dictaque atrium gentium, aut vestibulum: quod sine tecto fuisse, & quemadmodum sub dio fuerit Iosephus explicat Orig. c. xiv. lib. xv. Et Exscidij c. vii. lib. vi. & contra Apionem lib. ii. Tangitur quoque Ezechielis c. xl. Et quia semel hoc tēplum intrauimus, vnum etiam Cornelij Taciti ex loco antedicto, de structura eius bonum verbum in eo dicamus, qui loco citato, inter cetera templum illud Hierosolymitanum fuisse ait, *intimis clausum.* Quod verbum nempe



nempe *intimis*, et si nonnulli, ut Iustus Lipsius v. c. ablegarunt, tamen ipsum è seruitute illa se adlegare velle videtur in ingenuitatem, ac locum pristinum. Templum enim illud *intimis clausum* Cornelius dixit, partes interiores opponens atrio de quo dixi. Ex partes intimæ sic clausæ, ut vel non omnibus vel paucis, vel vni tantum paterent, ut pinxit non malè Georgius Cedrinus quasi in tabella, compendio historiarum, ex Iosephi ut adparet cap. xiv. lib. v. Exscidij. Templi nempe Hierosolymitani quinque ambitus fuisse. Extimum patuisse omnibus, non Iudæis tantum, sed etiam peregrinis. Hoc scilicet, *atrium gentium* de quo dixi. Alterum Iudæi æquè omnes introibant exclusis tantum exteris. In tertium viri tantum illius gentis admissi. In quartum soli sacerdotes. In sacrarium autem ipsum, ad eiusque aram venire stolis induti illi tantum sacerdotes potuerunt, qui casti essent. In adytum denique summus pontifex stola peculiari amictus, semel quotannis ingrediebatur. Atque hæc omnium intima templi pars sæpe ipso templi nomine afficitur, nimirum propter excellentiam, ut in Macabæorum historia lib. iii. Hæc mea de C. Taciti loco sententia est, quæ si refelli potuerit, tamen iocandi materies non erit, quasi in Veri ciuitate mentiens. Aliud enim mentiri, aliud mendacium dicere. Sed iam missas faciamus *scholicas dapes*, nostri poetæ epulo contenti simus. Exemplum igitur illud sapientissimi regis consideratè auctor posuit, ut ostenderet nihil à magnificentia ipsa fieri posse magnificentius ea largitate, qua diuini nominis amplitudo & gloria inlustratur.

## HIC ETIAM REGINA CARVM.

Adiungit statuam Artemisæ, cuius magnificentia spectata in Mausoleo.

## POSSIDET HAUD PROCVL HÏNC STATVAM.

Ex numero quidem virorum fortium sustulit Alexandrum ut meritus est, supra die quinto: sed nunc iustam ei debitamque impertit laudem Magnificentia. Quæ sexcentis facile testimoniis confirmari potuisset, cum orbem terræ splendor eius, tanquam sol ipse compleuerit: sed solerter ab auctore factum est, ut Aristoteles de Alexandri discipuli sui Magnificentia illa commemoraret potissimum, quam ipse tanquam instrumentum habuit scribendæ historiæ de natura animalium. Qua de re Plinius narravit c. xvi. lib. ix. Athenæus lib. ix. Qui tantos in historiæ illius confectionem & remunerationem Aristotelis, sumtus Alexandrum fecisse ait, ut octingentis ij talentis æstimati sint. Quæ nobis interpretari licet fere quadringenta & octoginta aureorum milia. Quo nunc pretio Philosophiam ipsam, totumque Heliconem, si esset venalis, nemo, ut Plautus loquitur, præstinarct siue emeret.

## HÆC ITA NARRAVIT.

Artificioſa transitione leniter ac ſenſim auctor quaſi deſluit ab antiquitatis exemplis ad recentiora, occasione Regina, quæ viſa ibi patris ſui Franciſci primi, inter Magnificentiæ ſplendore inluſtres, imagine, multiplicem eius magnificentiæ laudem perſtringit breuiter. Sed nulla inter has laudes maior, quam quod *Literarum parens* vno orbis terræ conſenſu, nuncupatus eſt.

## SED PROPEREMVS ET HÆC.

Transit Ariſtoteles in laeuam palatij partem, vbi ſtatua illorum qui liberalitate ceteris excelluerunt. Sed quoniam hæc plebeia fere, ac parum inluſtria exempla ſunt, acres ipſæ in vulgari notitia poſitæ, contentus Ariſtoteles dominam huiuſce ordinis & Reginam poſuiſſe Lunam argenti procreatricem, quod liberalitati paulo ante conuenire dixerat, finem facit. Poſuit autem gradus Liberalitatis, quales officiorum olim Romæ. Hos ſic enumerat A. Gellius c. XIII. lib. v. Primi parentes, deinde pupilli tutoribus ſuis, poſt clientes patronis, tum hoſpes hoſpiti. Hinc cognati cognatis, ad finibus ad fines, denique ceteri.



DIES DECIMVS, DE  
 PRODIGALITATE, ET INANI  
 OSTENTATIONE MAGNI-  
 FICENTIÆ.

**U**TE A puniceos ab Eoo littore surgens  
 Aurigabat equos coniux Tithonia, Solis  
 Nuncia vicini: Senior suspexit ad ortus,  
 Atque ait, etherij dux flamee limitis, effer  
 Nunc puro magis ore diem, radioque tenebras

Discute largi fluo, quibus hæc inamabilis horret  
 Vallis, vbi sedes vitiorum biga locauit.

Sic ait & cliui cæpit descendere calle  
 Herbido, & in vallem geminis vbi simplice tecto  
 Atria stant vitibus. Simul ac penetravit in horum,  
 Septa pedem Sapiens, Regina farier orsus

Sic breuiter. Viden' vt deformia tecta ruinis  
 Hæc iaceant? dixit. Fuerant prius integra, & arte  
 Non bene structa minus, neq. pauperiore metallo,  
 Quàm quas magnifici gemmis auròq. coruscas,  
 Largificiue tenent, argento diuite sedes  
 Lucentes. Sed enim postquam illas blanda VOLVPTAS  
 Et Veneris Bacchiq. cliens male suada IVVENTVS  
 Incoluit, pessum deformibus ire ruinis  
 Cæpere. His posita hic statua sunt limine primo.  
 Dextra viden' facie ridet pellace VOLVPTAS,  
 Laeva nitet facili socialiter ore IVVENTA.  
 Dehinc latera his cingunt AMOR & FOCVS & GVLA, semper  
 Quos sociare sibi comites EFFVSI gaudet.

Strata iacet miserè transuerso limine diues  
 Antea, nunc sed egens, & inani COPIA cornu,  
 Et pedibus teritur balatronum intrare volentum.

Ipsa sed in summa sedet arbore, flebile dictu,  
 Et disperdit opes HERA PRODIGA, deiicit ipsos  
 Vertice defringens ramos, atque aurea mala  
 Proiicit, & nitidos argentea munera flores,  
 Magnifica tantum, Ratio quas recta iubebat,  
 Largificaque manu, velut aqua impendere lance,  
 In bene promeritos, & pramia ponere laudi  
 Debitz, diuitias. Hæc autem dira Celano  
 Diripit, & quasi de postico limine turpes  
 Corporis effundit, contactuq. omnia fædat.

Adproperantq. ruuntq. sues, velut agmine facto  
 Lenones, scurra, perductores, parasiti,  
 Mæcha, & aquarioli, balatrones, hoc genus omne,  
 Et capiunt, rapiunt: sibi quisq. est proximus ipse,  
 Sæq. suamque probè grex improbus, hinc stabilit rem.  
 Sicut in excelsa nascentia culmine rupis,  
 Soli diripiunt, poma infelicia, corni.

Parte alia sedet, ostentans Iactantia, sumtus,  
 Sic quasi magnificos, sed inanes, & sibi struxit  
 Condignam rutubam, foliis & arundine textam.  
 Maximâq. his meriti qui sunt, paruisima donat:  
 Paruulâque his tribuit, meriti qui grandia: nullo  
 Dilectu, aut trutina rectæ Rationis, honesti  
 Nec finem inspiciens, mediûmue ferire parata:  
 Diuitias tantum ostentans. Hæc vnica meta,



*Magnarumq. is fructus opum, placet unicus illi.  
 Ergo etiam patinis, magnaq. struice sodales  
 Accipit, & magnos facit in proscania sumtus.  
 Attica sed, Cereris per pompam, ut virgo canistrum  
 Fert: sua transferri ad speciem per compita gestit  
 Muricis ardenti fuco vela ebria, sumtus  
 Qua testentur heri magnos locupletis, & ingens  
 Scana instrumentum: miseris qua gloria quondam  
 Magna fuit Megaris, in paruo muricis usu.  
 Protrahit aut mimum sollers componere, seruos  
 Venatum, teret&sq. plagas, venabula, mulos,  
 Qui praedam referant, pretio, sed, scilicet, emti  
 Ingens corpus apri, populi qua ante ora stupentis  
 Bellua pratereat, ceu sacra fercula pompæ.*

*Circum porticibus sed iam spectemus in amplis,  
 Hosce parum lata priscos sub imagine reges,  
 Insipienter opes vanis qui sumtibus olim  
 Adriuere suas. Quo primus in agmine, trunca  
 Effigie, & certo est sine nomine, primus inanes  
 Amens Pyramides cepit qui educere calo.*

*Inde Cheops sequitur regum stultissimus ille,  
 Fœtiferi quondam Nili, dicione fluentia  
 Pinguia qui tenuit: sed dum molitur inani  
 Pyramides studio vecors, disperdidit omnes  
 Regni diuitias, insanis sumtibus: ipsas  
 Denique filiola, cupide spurc&sq. locare  
 Nocturnas sollers operas, satis unde diurnis  
 Pyramidum merces operis. Amasis comes illi  
 Nilipotens aequè, & fatuus rex, plurima stultè  
 Qui monumenta struens, magnam destruxit opum vim.*

*Stant alij serie longa quos dicere longum est.  
 Hos inter quoq. Romulidæ. Nero saeuus uterq.  
 Claudius & Caluus: peior sed utr&sq. tyrannus  
 Caius, atq. alij furiata mente, coactas  
 Qui seruire sui, vesanis sumtibus, orbis  
 Diuitias, sparsere vagis ceu semina ventis:  
 Mox eguere aliis, quasi me conuincere vellent  
 Prodigia, qui dixi, non est manus inclyta regum:  
 Atq. iudem quasi pro me causam dicere vellent,  
 Omnia diripuere, lupus velut acer ouile:  
 Prodegisse ut eos nemo contendere posset,*

*Quippe iterum succi plenos, pennisq. renatis  
Sublimes aquilas, in celi nubibus alti.*

*Hæc ubi lustravit Senior. Super ultima, dixit  
Area nunc illa est, extremo limite vallis  
Quam Regina vides horrere. Inleta locorum,  
Hæc facies, varias sedes habet: è quibus illa  
Quàm vigilax servat custodia, caca profani  
Carceris est domus: hinc patet è regione paratum,  
Hospitium miseris, quos improba cogit egestas  
Poscere opem vita, atque aliena lance foueri,  
Hæc aut illa domus, manet indubitata profusus.*

*Parte alia lucus colitur fanumq. Lauerna.  
Vicina regione forum crudele superbis  
Adsidue feruet, structum undique & undiq. tectis,  
Peruigili cura, ieiunis dentibus acres  
Hic agitant, qui sua legunt cumulantq. tributa,  
In capita, & merces, & fructus aspera, ut olim  
Omnibus in tectis crepitans salit horrida grando,  
Aspera cum desavit hiems, & frigora mordent.*

*Scilicet ut miseros & egentes, sic & avaros  
Prodigitas facit: effundunt, effusa requirunt  
Acrius, & rapiunt, pessum, quò plura dedere.*

*Sed grauius rapere est bona, quàm disperdere parta.*

I. *Qui sua dilapidant ipsi bona, sunt in amore,  
Vnctaque cum multis comedunt patrimonia: solus  
Rem partam vigilax veluti draco, servat avarus.*

II. *Est ut consilio sapientis tactus amici  
Prodigus, enigilet, referatq. in pristina sese  
Quæ malè deseruit recti vestigia: crescit  
Semper avaritiæ sitis, etsi flumine rerum  
Partarum crescente. Sitim ceu potio gignit  
Ipsa grauem, turgēt diro quibus hydrope venter.*

III. *Sæpe & deterior canis cum aspergitur ætas,  
Heluo se in gyrum rationis sponte reflectit,  
At semper tacite crescit, crescentibus annis  
Auri sacra fames, breuior quo semita vite  
Jam reliqua superest, maiora viatica quærens.*

IV. *Ipse nocet sibi, sed non paucis vivit a sotus  
Commodus: ipse sibi malus est, neq. commodat ulli  
Euclio deparcè parcus, bellum facere ipsi  
Non segnīs Genio. Plura his cum dicere vellet,*





- A. Palatium vitiorum quæ cum Magnificentia & Liberalitate pugnant.
- B. Inanis sumtuum ostentatio, vitium, quod Magnificentiæ modum excedit.
- C. Prodigalitas, vitium Liberalitatis modum excedens.
- D. Restrictio Magnificentiæ, vitium non pertingens ad modum Magnificentiæ, pomâque & quasi Calabri hospitis dona largiens.
- E. Avaritia, vitium, quod à modo Liberalitatis deficit.



*Hesperus ortus erat. Phœbique sub æquore mersa  
Lampade, conspiciens Noctis procedere bigas  
Conticuit Senior, factoque hîc sine quieuit.*

## LUCIDA PVNICEOS.

**D**ECIMO die, postquam depinxit speciem orientis solis Aristoteles, de palatio Liberalitatis & Magnificentiae transit in vallem à læua manu, quàm duo vitia incolunt, prodigalitas, & inepta sumtuum ostentatio. Qui profectiois huiusce ordo sic fiet planior. Duarum virtutum est vna domus, nempe Liberalitatis & Magnificentiae. Vtraque autem virtus, à duobus vitiis acerrimè oppugnatur: Liberalitas hinc à prodigalitate, inde ab auaritia: Magnificentiae splendor, hinc à vanitate quadam siue insolentia, inde à paruitate quadam & restrictione sumtuum. Quatuor igitur aduersaria his virtutibus vitia sunt. Horum duo transiliunt mediocritatem, vt prodigalitas & sumtuum ostentatio inanis: duo item infra mediocritatem repunt, vt auaritia, & sumtuum quos Magnificencia exigit, restrictio. Scienter igitur vnã domum auctor vitiis adificauit tanquam cognatis, primùm illis quæ transeunt modum vt profusioni & sumtuum insolentiae: deinde illis quæ consistunt intra modum, vt auaritiae & restrictioni.

Hodierno igitur die qui decimus est in ciuitate Veri, ingressurus est Aristoteles cum Regina, in palatium quod coniuncta incolunt profusio, quam ipse olim ἀσολία, & sumtuum vanitas, quam βαυανσία & ἀπειροχελία nominauit, vt c.ii. lib. iv. ad Nicom. Atque huic affine illud vitium quod μικροφιλοτιμίαν, vocauit, ac iucundissimè depinxit Theophrastus in notis, qui liber totus pene exscriptus est à Stobæo.

## VIDEN' VT DEFORMIA.

Descriptio domicilij vitiorum, profusionis nimirum & inanis Magnificentiae, quæ tecta lacera fingit ac ruinosa esse, culpa iuuentutis ac voluptatis, quarum statuas videri vult in ipso ingressu positas, vnã à dextro vestibuli latere, alteram à læuo. Circum has statuas alia inibi videntur vt amoris, ioci, vitij ventris & gutturis, siue ita dicendum, verbo Tertylliani, Voratrinæ, quæ pestes, quasi administræ sunt & satellites profusionis. Itaque ab his fingit euersum Copiæ cornu in ianua ipsa tanquam liminis vice proiectum esse, vt conculcetur ab ingredientibus & proteratur, ex quo intelligi vult auctor, nihil aliud profusionem siue Luciliano verbo vti licet *prodigatam* esse, quàm dissipationem patrimonij atque omnis pecuniae, dantem sine dilectu, sine iudicio, nullaq. habita ratione personarum, loci, aut temporis, neque quantum aut quomodo largiendum sit, considerantem. Eandemque non de beneficiis à quoquam accipiendis, non de re domestica & familiari augenda

cogitantem. Itaque ostendit Aristoteles Reginæ, quo pacto in his rectis arbor Liberalitatis & Magnificentiæ ludibrio & direptioni sit mimis, lenonibus, scurris, muscis aulicis, ganeonibus, atque id genus aliis sexcentis, qui arbore insensa ramos eius defringunt, fructum disperdunt, flores ipsos decerpunt & dissipant.

## PARTE ALIA SEDET.

*Βαδυσίας* siue sumptuum vanitatis domicilium, structum foliis & arundine.

## MAXIMAQUE HIS MERITI.

Commutatio ex Aristotelis cap. II. lib. IV. ad Nicomach. Eiusmodi *βάνουσον* siue ostentatorem diuitiarum, *ἔμθ' δὲ πολλοὶ ἀναλώσῃ, ὀλίγα δαπανᾷν: ἔδ' ὀλίγα, πολλὰ.* *Vbi magni faciendi sumtus, paruos facere, ubi parui, magnos.*

## MISERIS QUÆ GLORIA MEGARIS.

Etiam hoc in exemplum posuit Aristoteles capite anted. quem locum bene auctor noster accipit, malè omnes alij Græci Latiniq. interpretes. Nam illud ἐν τῇ παρόδῳ, nihil intelligi philosophus aliud voluit, quàm in transitu & via. Exemplum autem sequens, imitatus est auctor ex Horatij epist. VI. lib. I.

## CIRCVM PORTICIBVS.

Lustrata palatij huiusce parte in qua profusio est, ingreditur nunc illam in qua sumptuum vanitas & insolentia est, docetque Reginam de simulacris in ea expressis, quarum prima est regis Ægyptij, qui sumtib. insanis, inanissimum opus, nempe pyramides altissimas excitauit. Nam vt grauiter simul & vrbane inquit Plinius c. XII. lib. XXXVI. Pyramides illæ *regum pecuniæ otiosa & stulta ostentatio.* Quanquam aliam quoque lógè deteriore illarum causam & occasionem ipse posuit Aristoteles c. XI. lib. V. de Rep. Aliam item attulit Iosephus in originibus Iudæorum c. V. lib. II. & Zonaras lib. I. annalium, nempe substructionibus pyramidum laboriosis, oppressos fuisse Iudæos à regibus Ægypti. Alij sepelientis regibus Ægyptiis eas fuisse. Cui sententiæ ad stipulatores hoc sæculo qui *ἀυόπαι*, siue qui inspexêre. Alij horrea illa fuisse Iosephi, vt Erymologista.

Regis autem qui tantæ inanitatis operi initium attulit, statuam auctor sine capite confinxit, vt nomen eius in hominum ignoratione versari ostenderet. Sic enim Plinius loco paulo ante citato, negat inter auctores constare, à quo Pyramides factæ sint, *iustissimo*, inquit, *casu oblitteratis tantæ vanitatis auctoribus.* Diodorus etiam Siculus lib. I. *περὶ δὲ*, inquit, *πυραμίδων, ἔδ' ἐν ὅλῳς ἔδ' ἐπὶ τοῖς ἐγγυελοῖς, ὅυτε τῶν τοῖς συγγεφεύσι, συμφωνῆται.* De Pyramidibus nulla, inquit, *neque inter ipsos Ægyptios, neque inter historicos siue rerum gestarum scriptores, consensio est.* De Cheope autem

autem & Amasi rege Herodotus lib. II. Amasis quidem rex curasse dicitur, Sphingem illam mirabilem sepulchro suo imponendam, de qua Plinius c. XII. lib. XXXVI. & alij. De Nerone autem utroque, Claudio & Caluo, siue Domitiano, & de Caio, Suetonius, Tacitus, alij. Cum autem ait auctor *Nilipotens aquè, & fatuus rex*, iocari voluisse videtur ex vrbaniſſimo illo prouerbio, *Aut regem aut fatuum nasci oportere*. Noster enim significare videtur, adiungi posse, *aut utrumque*. Quasi felices fatui sint, felices reges, feliciores fatui simul & reges, illud denique *satis merces*, recte, pro sat mercedis, ut auctor ad Herenn. lib. I. *satis otium*. Tullius lib. XII. ad Attic. *satis tempus*, Et iuris auctores, vt l. XIX. De op. libert. *Satis tempus*. Quod autem Aristoteles se dixisse ait, reges non posse prodigos nominari, est c. I. lib. IV. ad Nicom.

SVPER AREA NVNC ILLA EST.

Effingit, & quasi ingenio suo instruit aream quæ ante huiusce palatij fores, amplissimam, in eaq. principio carcerem construit, deinde hospitium pauperum quod Græci vocant Xenodochium, Latini (non quidè M. Cicero, sed alij) *hospitium*: tum Lauernæ, furum ac rapidicarû Deæ templum: postremò *senaculum* quasi quoddam, aut forum, vbi ad arariû ruunt, *ὧς γὰρ ὕβρις*, exactores angarij, nouorum vectigalium inuectores, publicani, atq. id genus omne pessimarum pecuniæ hirudinum. Carceris imagine auctor intelligi vult, prodigos cum debita contraxerint, multòq. oppressi are alieno fuerint, neq. iam soluendo sint, ire in carcerem rectâ viâ. Hospitalij specie declarat fortunatos lautòsq. homines, patrimoniorum effusione, fieri mendicabula. Lauernæ Deæ templû indicio est, eos qui sua dissiparint, aliena deinde rapere, ac perfossores parietum fieri solere, siue vt M. Cato locutus est olim, *vecticulariam vitam viuere, ac repente largiter habere, repente nihil*. Senaculum deinde illud aut forum, siue receptaculum potius publicanorum, signum est, principes cum egere inceperint, prouincias deinde suas compilare. Itaq. in literis sacris, *Rex egens, magnus est calumniator*. Prouerb. cap. XXXIX. Idque de Hunerico Vandalorum rege iactatum in Africa prouerbium olim, vt narrat Victor Vticenſ. Persec. Vandal. lib. II.

PINNISQ. RENATIS SVBLIMES AQVILAS.

Diuitiæ enim patrifamilias & principi, quod auibus pinnæ, vt apud Ciceron. epist. II. lib. IV. ad Attic. *Qui mihi pinnas inciderant, nolunt easdem renasci*, &c. Et Artemidori c. V. lib. I. *τὸς εὐποροῦς ἀλεγεῖ φάμεν ἔχειν*. Diuites dicimus pinnis præditos. Hinc & adagium vetus *Καλλιὰς ἀλεγεῖρος*. De quo Suidas.

SED GRAVIUS RAPERE EST BONA.

Ostendit Auaritiæ malum esse grauiùs quàm Profusionis, vt differit quoque Aristoteles c. I. lib. IV. ad Nicomach. Nam prodigalitati, aut vis quædam egestatis & inopiæ, aut natura ipsa, ingrauescente iam ætate modum aliquem profectò & finem facit: auaritia verò neque paupertate minuitur, neque senectute refrigescit, sed vtriusque rei accessione, ccu ignis oleo infuso, exardescit magis magisq. & inflamatur.



Præterea effusionis macula eò leuior quàm illiberalitatis & avaritiæ, quod avari de alieno rapiunt, prodigi autem largiuntur de suo. Itaq. hi defensione illa vti solent si vituperentur, *Nostra*, inquit, *hæc, non aliena sunt*, vt Herodes olim Atticus Sophistes. Cum enim Achaia tunc præfides Quintilij castigarent hominem, quasi nimios sumtus faceret in statuas, τί δὲ ὑμῶν, ἔφη, διείνοχεν, εἰ ἐγὼ τοῖς ἐμοῖς ἐπαίξω λιθαρείοις; hoc est, *quid vestra*, inquit, *hæc curatio est*, si meis ego inludo saxis? Et ille apud Persium dissolutus, profusus, perditus adolescens, rectè monenti, inquit, *Ne sis mihi tutor*.



## DIES VNDECIMVS, DE AVARITIA ET RESTRICTIONE MAGNIFICENTIÆ.

**P**OSTERA lux aderat, cum matutinus, opaca  
Tendit in aduersa, Sapiens, confinia vallis,  
Tramite secreto: sedes vbi tetrica genti  
Turpilucricupida, sollerti querere nummos  
Omnibus ex causis, inuentos claudere seris

*Arcarum: & neque scire frui, nec velle fruendi  
Cedere partem aliquam: canis vt præsapia seruans  
Nec sanum esse potest, & equos arcere paratus,  
Restrigit dentes, longèque absterret, & hirrit.*

*Huc vbi deuenit Senior, Sata sanguine regum  
Dixit, in hac latitare vident caligine, circum  
Nubila multiplicis Labyrinthi limina? Scire  
Est operæpretium, quanto spatiosior ista*

\* Isthæc

*Sit domus \* hæc, latè campos amplexa patentes,  
Splendida quàm sedes, vbi Magnificentiæ regnat:  
Et nitet, huic gemina est quæ Munificentia. Quanto  
Longius à sede hac distet Labyrinthus, avari,  
Adsiduo quem per, sed inani momine, reptant:  
Quàm quæ prodigi habent, deformia tecta ruinis.*

*Sed sedem propiore gradu spectemus auaram,  
Ipsa in vestibuli transuerso limine strata  
Ecce, nefas dictu, PIETAS iacet, inq. columna  
Fornicibus morem, substant simulachra: Senectus*

Curua, gemens, labiis demissis, obsita rugis,  
 Lymphatusque PAVOR, pallore exsanguis inertis,  
 Siccatenens fauces SITIS, aduersaria ventri  
 Dira FAMES, dextrâq. stipem deformis EGESTAS  
 Accipit exiguam rapidè, prunâq. batillum  
 FRIGVS habet viua: togulîsq. virilibus omnes  
 Feminêisq. stolis simul omnes sint ut amicta,  
 Cernis? & ut facie horrentes, ac fronte striata?

Nocte dièque patet cuius penetrare volenti  
 Caca domus, sed qui semel intra limen auarum  
 Sponte pedem tulerit, frustra miser inde regressum  
 Expetit, ut canit hoc inscriptum carmine limen.  
 Ingredere, egressum, sed desperare memento.  
 Hoc simul insculptum Regina in marmore legit,  
 Horruit, ac trepidè retro vestigia vertit,  
 Vt qui lucifugum pressit pede nescius anquem:  
 Atq. ait, ultro à me scelerati liminis auram.  
 His ego me latebris, temeraria dedere seruam  
 Ipsa velim, Regum genus alto à sanguine, quorum  
 Munere libertas alius data contigit ultro  
 Gentibus? & quos nec sine libertatis honore  
 Nuncupet hostilis quoq. diro felle veneni  
 Lingua madens? Valeant, Senior, spectacula, tanti  
 Quæ mihi constarent, & libertatis auitæ  
 Eriperent, oculis, pretium, quoque carius ipsis.  
 Ipsa etiam præ quo vilis mihi vita. Renidens  
 Parce metu, dixit Senior, Remeabile tectum est  
 Me duce: nec filium tibi circumspexeris, olim  
 Quale suo dedit Ægidæ Minois, in hisce  
 Dirius est quanquam Labyrinthi flexibus, illo  
 Monstrum, quod domuit, pro caris corpus Athenis  
 Proiciens ultro Thesens, cum laude reuersus  
 Inde domum multæ, atq. omni memorabilis æuo.

Ergo ades intrepidè, & mecum Regina, per istas  
 Ingredere ambages: neq. te remoretur euntem,  
 Horrida vel species monstri, penetralibus ipsis  
 Quod latet inclusum tecti, aut labor improbus, acri  
 Exercens studio, sed inani, flexibus illos  
 Bis ternis clusos Labyrinthi, semita feruet  
 Omnis quorum opere: arboreo cetero stipite nigrum  
 Itq. reditq. agmen, celeres prorepere ab imo

*In summum, summóq. leues decurrere ad imum,  
Formicæ, & specie casti gestire laboris.*

*Mænia quæ flexus intercurrentia cernis,  
Ut sibi construerent, hîc qui spatiantur auari:  
Diruere ante aliis ausi sua nequiter olim  
Tecta, nec è tignis alienis condere sedes  
Has veriti, nihil ut plena decederet arca.  
Hoc illis studium, hæc vita est, nil promere, semper  
Condere opes, veteresq. nouis cumulare lucellis  
Diuitias, plures veluti circumdare stultè,  
Si quis amet chlamydes, vinumq. his se obruere ipse.*

*Serica vti sollers tenui deducere fila  
Stamine, multiugis anfractibus, agmine repens  
Exiguo textor, seseq. inuoluit, & vltro  
Inmoritur, veniunt Seres spoliantq. iacentem  
Multiplici togula, & pectunt sibi vellent lati:  
Sic alias aliasq. sibi circumdare frustra  
Certat, auarus opes, venit heres, & simul omnes  
Diripit, vnctaq. transglutit patrimonia gaudens.*

*1. Primus Auaritia circus, nunc inspicere, quales  
Contineat. Deparci omnes, velut Euclio terris  
Aurum defodiunt, cumulatis vndiq. saccis  
Incubitant, vigilésq. metu, strepituq. pauentes  
Quolibet adsiduè, fures velut omnibus horis  
Immineant, manus aut Prædonum saua, parati  
Omnia qui rapere, aut malè cacas occupet heres  
Callidus, insidias struere. Aurea peruigil olim  
Hesperidum draco non seruauit in arbore poma  
Cautiùs. At nulli rapimus sua, nostra tuemur,  
Dicere, & hac soliti causa pratexere sordes.  
Hoc satis est? culpæue caret, quod plurima & auri  
Mæsis, & argenti, multos satis vna beare  
Quæ poterat, vestra pallens & inutilis arca  
Clusa perit fundo, ceu caco carcere fontes?*

*Hos iuxta locus his, magnos qui impendere sumtus  
Polliciti, demunt aliquid prius inde pusillè,  
Atq. minutatim quasi circum rodere gaudent,  
Magnificæq. secant ita corpus laudis, honesta ut  
De facie demens, inhonesto vulnere nares.*

*Proximus à primo Labyrinthi circulus iste  
Strictior. Hic habitant, exactio menstrua ditat*



*Fenore quos nimio, celerésq. in vota Calenda  
 Letificant: aliis FENVVS quasi FVNVVS, & ipsa  
 SORS quasi MORS, FRVCTVVS talis quasi VORTICE FLVCTVVS  
 Tristitia, miseros altum qui mergit in aquor.*

III. *Alter ab hoc circus lenones cingit auaros,  
 Lenásq. & quibus ars producere. Sicut hirundo  
 Venatur, volitans agros & compita circum,  
 Ipsa sibi prædam, nidísq. loquacibus escas:  
 Sic muliebre secus tentant adfamine lingua  
 Mellifluo hæc Lamia, venaturámque per omnem  
 Cætum, oculis faciunt, in amoris vincula fœdi  
 Vt laciant, & adulterio stupróq. sequestrent.*

IV. *Interiore autem gyro, strepit alea, feruent  
 Alueoli, talos manus improba mittere quarit  
 Compositos, mox deinde rapax quoq. tessera, talis  
 Subicitur, totos detexere callida census.*

*Aspera tum gliscit vibratis pugna fritillis,  
 Hastarum vice. At in medio certamine Mauors  
 Saui atrox, expletq. sitim, non sanguine misso,  
 Corporis è vena, sed vulnere diuitis arca.*

*Hacce parum læta, paulum statione moratur  
 Dum Regina, dolens tali caligine mentes  
 Implicitas Labyrinthea, sonuère per aures,  
 Vicina ex regione preces & vota, grauésq.  
 Auditi gemitus. Stupuit Regina, sed ipse  
 Nil graue præcipias animo, sed fortiter aude  
 Hunc etiam, dixit Sapiens, inuisere circum.*

V. *Mendici hæc, vaga turba, tenent latissimæ regna,  
 Qui cumulare stipem stipe gaudent. Flebile carmen  
 Auribus occentant alienis: gaudia pectus  
 Ipsis pertentant tacitum, crescente lucello,  
 Et tunica introrsum aureolis pannucia ridet.*

VI. *Intimus hic porro circus, sunt castra tagacis  
 Perfida Maiugena, iuxtim Dea Noctis amica,  
 Pulchra Lauerna sedet: fures stant atq. rapones  
 Sub signis, præsto manuari quidlibet arte  
 Furtifica laua, & miluini vnguibus acres,  
 Baltea curtare, & detexere pallia, noctu  
 Culmina tectorum vigiles perrepere, totum  
 Sub terris habitare diem, cautique recessu  
 Se in latebrare ipsi, furtiuâq. præmia, cæco.*

*Adspice nunc medio Labyrinthi carcere, quale  
Pascitur, in riguo secreti gramine prati,  
Monstrum horrendum, informe, ingens, certissima vita  
Pestis Avaritia. Huic neq. olentis bellua Lerna  
Vertice multiplici certauerit: hanc neq. cacas  
Carceris inclusum Dictæi flexibus olim,  
Semiferum genus oppugnet, prolesq. biformis.*


*Non minus atq. Hecale est rugis pannucia, venter  
Sicut in expleto tumet hydrope, squamea tergum  
Tota, sed insolito squamarum tegmine, crebra  
Cautio, & immodici stipulatio fenoris, atrox  
Pagina, lucrificis miseros urgere Calendis,  
Squamarum vice sunt: intortoque agmine cauda  
Stringit, vti vigilax draco, saeva pedesq. manusq.  
Armat in exitium, rapidos, velut, ungula, gryphes:  
Tortulis est pro nare manus, rapere omnia sollers,  
Anguimani vibrant qualem in certamina barri.  
Arboris hæc, omnes, asperrima bellua, fructus  
Largifica rapit, ac terra in penetralia condit,  
Et timet ipsa frui, prohibetq. insana volentes.*

*Hæc Sapiens: atq. his voluit subiungere plura,  
Terribiles oculorum acies cum bellua flexit:  
Sed Dominam adspiciens Virtutis luce micantem  
Magnifica, subito mentem externata pauore,  
Mugit immensum, quo territa vallis, & omnia  
Intremuere simul Labyrinthi regna profani.  
At soliti tenebris se bellua condidit antri,  
Sol quoq. confecta lucis statione diurna,  
Mersit lucificos, Erythrao gurgite, crines.*

POSTERA LVX ADERAT.

Satis iam diu peregrinatus cum Regina sapientiæ princeps Aristoteles, in valle quæ posita est ad læuam palatij Liberalitatis & Magnificentia, omnemque satis formam & tanquam faciem vitiorum in ea valle commorantium, Regina ostendit, quorum alterum extra Liberalitatis, alterum extra Magnificentia modum & quasi limites procurrit. Hodierno igitur die, qui est in Veri ciuitate vndecimus, hora diei prima, siue cum ipso exortu solis, per cuniculum transit Aristoteles cum Regina in vallem palatio Liberalitatis Magnificentiaque oppositam à dextra, ubi sedes ac regio est vitiorum, quæ intra metas Liberalitatis & Magni-





- A. Labyrinthus, in quo vitia duo, Avaritia & Restrictio Magnificentiae.  
 B. Effigies Senectutis impositae vni de parastatis siue antis ianuae.  
 C. Statuae Pauoris & Paupertatis.  
 D. Fames & Frigus.  
 E. Sitis.  
 F. Primus Labyrinthi circulus in quo statuae tenacium, quod primum genus Auarorum est.  
 G. Alter circulus, in quo feneratoris, quod alterum genus Auarorum.  
 H. Tertius circulus, in quo Lenones, tertia species Auarorum.  
 I. Quartus circulus, in quo aleatores, quartum Auarorum genus.  
 K. Quintus circulus, in quo mendici.  
 L. Sextus, in quo fures.  
 M. Aristoteles.  
 N. Regina.  
 O. Auctor ipse operis.  
 P. Avaritia ipsa, specie monstruosa.  
 Q. Arbor Liberalitatis & Magnificentiae.



Magnificentia, quasi tardi & languidi cursores, deficiunt. Nempe Avaritia Liberalitati opposita, & Restrictio sumtuum aduertaria Magnificentia. Harum tecta, inquit Aristoteles multo esse ampliora quam illa virtutum Liberalitatis & Magnificentia, aut vitiorum Prodigalitat, vanæque impensarum ostentationis. Quod scientissimè auctor excogitauit. Intelligi enim vult, vt res est, à multo pluribus avaritia & angustata illius restrictaëque Magnificentia limen teri, quam aut prodigalitat & inepta sumtuum gloria, aut virtutum ipsarum, Liberalitatis & Magnificentia. Itaque vt plures sunt Avaritia restrictaëque Magnificentia clientes, sic atrio eis opus fuit maiore. Præterea Avaritia & miseræ illius ieiunæque Magnificentia domicilium, callidè auctor à Liberalitatis & Magnificentia sede aliquantò longiùs, quàm Profusionis & impensarum venditationis ac gloria tecta, distare finxit, vt significationem faceret, à Liberalitatis laude, ac splendore Magnificentia, longiùs auaros, & illos qui miserè ieiunæque sumtum in res magnas & præclaras faciunt, abesse, quam prodigos aut impensarum ostentatores. Profusi enim & sumtuum gloria insolescentes, citius ad Liberalitatis & Magnificentia metam quasi ab ovo siue calce reflectere se possunt, quam tenaces illi & sordidi aut ieiunè magnifici, è carceribus ad metam virtutis emittantur.

IPSA IN VESTIBULI.

Pictor penicillo suo coloribus ianuam Illiberalitatis & ieiunæ Magnificentia verius imitari non potuisset, quàm auctor his versibus expressit. Nam ecce limen ianuæ inferius, miserabili aspectu est. Iacet enim crudeliter ac nefariè pedibus ingredientium obrita & conculcata Pietas. Vestibulum verò ipsum fulciunt statua, primùm *Senectutis*, exsiccata & incuruiscentis, deinde *Pauoris*, statua est, quasi amens, exsanguis, sine colore. Deinde effigies, *Famis*, *Frigoris*, *Egestatis*, *Sitis*, quibus malis, sordidi & illiberales ferè conflitantur. Tribus nempe vestibuli portis, hæ statua fulciendis, appositæ sunt, per quas portas in palatium ipsum patet introitus. Porta vero ipsa, triplex genus declarant, illorum qui in Avaritia tecta ingrediuntur, vt paulò inferius patebit. Omnes autem ferè illi à quibus avaritia domus frequentatur, homines parui angustique animi sunt. Itaque octo illas in avaritia vestibulo statuas, auctor pinxit togis quidem virilib. amictas, sed & stolis indutas muliebrib. Avaritia enim vt signanter à Salustio Crispo dictum est, *quasi venenis malis imbuta, corpus animumque virilem effeminat*. Deinde adiungit huiusce operis auctor omnibus quidem ingredientibus, trinas illas vestibuli Avaritia fores vltro patere: sed cum in penetralia ipsa ventum est, ibi omnes, quasi in custodiam perpetuam dati essent, detineri. Quod signum est, avaritia morbum insanabilem esse, & vix ac ne vix quidem fordidos & illiberales homines, siue, vt Lucilius dixerit, *adpetones*, animum suum ad munificentia laudem transferre. Itaque in foribus ipsis Avaritia inscriptum esse ait versum.

*Ingredere egressum sed desperare memento.*

Imitatum ex Dantis Aligerij Poëtæ versiculo, quem ille, inferorum sedem ac locum describens, in limine ipso adposuit.

*Lasciate ogni speranza o voi ch' entrate.*

Huiusce versiculi denuntiatio Reginam ita conterruit, ut execrata illud tanquam Orci ostium, ac longissimè refugiens, omnino discessura videretur, nisi confirmata fuisset oratione Aristotelis docentis, tam munificam & liberalem, in sedibus avaritiæ non posse adtineri.

## ARBOREO CÆV STIPITE.

Imitatus illud L. Senecæ. *Inconsultus eis vanusque cursus est, qualis formis per arbusta repentibus, quæ in summum cacumen, deinde in inum inanes aguntur, &c.*

## MOENIA QUÆ FLEXVS.

Reginæ ingredienti Aristoteles de palatij substructione loquitur, nempe auaros tignis illud sibi struxisse alienis. Intelligi vult auaros rapiendis alienis ditescere, & veram esse adagionem. *Diues aut iniustus, aut iniusti heres.* De qua Ælian. variis c. xxxii. lib. xiv. Eunapius in Iamblich. Præterea innuit, virtutum ac vitiorum tecta non differre materia vel structura: sed illa vitiorum deformata & diruta esse à vitiosis, tanquam ædes præclaras à sordidis negligentibus dominis aut inquilinis. Quales illi, quos iucundè sanè M. Varro increpuit *ταφῆ Μείππου.* Sed quæ necessitas te iubet aquam effundere domi tuæ? Si vasa habes pertusa, polubrum non habes? Ad quam rem nobis est construuium? ad quam rem vinarium? in pavimento non audes facere lacunam? at in humu facis calceos elixos, &c. In humu, dixit pro, in humo, &c. Et meliùs fuerit, ad quam rem vobis, &c.

Sic autè & comicus Latinus elegantissimè in Phasmate sua Scæna ii. comparisonem ædium & animi fecit: Animum esse quasi ædificium structum examussum, ac pulcherrimè: hunc vitio immigrante corrumpi, ut ædes ab inquilino aut domino indiligente, cum pigra familia, immundo, instrenuo, &c.

## SERICA VTI SOLLERS.

Similitudine declarat ingenium hominis auari, opibus nimirum se inuoluentis, ut bombyces siue serici vermiculi, tela se ipsi intexunt suâ. Hi enim, ut in illa ipsa quam detexerunt tela, moriuntur: sic isti, qui cum Genis suis belligerant parcipromi, ut Plautus dixerit, & triparci, auidi, aridi homines, animum suum mentemque in thesauro penitus abditam & defosam sepeliunt. Iraque ille apud Plautum *parcissimè parcus* senex Euclio:

*Nam egomet sum hic, inquit, animus domi est:*

quidni: in aula auri plena, sub terram abditus. Deinde aurem, ut illi vermes cum diu multumque texuerunt, accedit dominus qui omnem carum operam deripiat: sic illi in Avaritiæ Orco miserimi Tantali, illi non tenaces, sed perimaces, illi thesaurum suum quasi dracones circumplexi,

postquam fenore, fraude, fallaciis, periuriis ad ingentem pecuniam venerunt, aut indigno eam heredi relinquere coguntur, aut furtis, latrociniiis, direptionibus, incendiis, naufragiis sapissime amittunt, & Euclionis Plautini verbis eiulant:

*Nam quid est opus mihi vita qui tantum auri perdidit?*

PRIMVS AVARITIAE CIRCVS.

Illiberalium duo genera posuit in hoc primo Avaritiæ Labyrinthi circulo, vnum eorum, qui nihil vnquam largiuntur; sed ne rapiunt quidem alieni quicquam: alterum eorum qui non modo largitionem faciunt nemini, sed potius retrò contraque alienum tanquam harpyæ terribilissimæ rapiunt. Prioris generis, molesti illi quidem, sed minus tamen pestiferi ac nocentes quàm hi rapones, hi *pecuniarum accipitres*, quorum umbra ipsa, commodis alienis perniciosa est, dignissimi vt Thyestæ verbis exclament, qui à se discedere quàm longissimè omnes iubet,

*Ne, inquit, contagio mea bonis umbræue obsit.*

In primo Avaritiæ circo illi de primo genere avari: in ceteris, reliqui.

CONGESTIS VNDIQ. SACCIS.

Vt Horatius in avarum satir. i. lib. i. *Congestis undique saccis, Indormis inhians.* Et Apuleius de rancido feneratoro quodam, *Pannosus, inquit, & sordidus aureos folles incubat.* Neque dissimilis ille quem falsissimè irridet Lucilius, *Cum bulga cœnat, dormit, lauit, &c.* Et ille de quo Nicetas in annalibus suis Calomodius, *συγκειμένον τῷ φακῶδι.* *Condormiens sacculo suo.*

HOS IVXTA LOCVS HIS.

Cum avaris in primo Labyrinthi circulo illos coniungit, qui sumtus magnificos restringunt, & tanquam circumrodunt.

PROXIMVS A PRIMO.

In altero circulo Labyrinthi *feneratorcs*, qui non merces, non operam suam aut industriam, sed tempus ipsum venale habent: meritòque L. Seneca c. x. lib. vii. de beneficiis vituperavit *feneratorum tabulas, computationes, venale tempus, sanguinolentas centesimas, &c.* Et benè *exactionem menstruam* Poëta dixit, vt etiam D. Basilii lib. cõtra feneratores *μικρὰς ἀπαιτήσεις.* Cum his conuenienter philosophus c. i. lib. iv. ad Nic. iungit, eos qui *τὰ μικρὰ ἕτι πολλῶν,* intellige, *λαμβάνουσι,* id est, *Pauca super magno accipiunt.* Qui autè illi, neque Lambinus, neq. Zuingerus, neq. interpretes alij rectè accipiunt. Intelligi autem vult eos, qui in magno lucro, ne pusillum quidem aliquid contemnere audent. Cuiusmodi leno inducitur Plauti Persa sc. xvii. Atque hoc Plautus Rudente sc. xix. comicè dixit, *Conuerrere cum puluisculo.* Et huiusce loci exemplo, auctor Prologi ad Truculentum, dixit: *Auferre cum puluisculo.* Exempla quoque apud Theophrast. Charact. Eth. c. De Parsimonia. Sed vulgò nec intellecta.



Tertius circus habet *Lenones*, quorū fordes ac rapinæ satis depictæ in comædiis, grauitérq. & sanctè Iust. Nouella xiv. vocauit, *ὀλεθρῆεις & κρινῆεις λυμῶνας τῆς σωφροσύνης pestilentes & publicos euesfores castitatis ac tēperantiae.*

Quarta regione *aleatores*, de quibus Ammianus Marcellinus lib. xxix. nobilitatis Romanæ, temporibus illis turpem ac flagitiosam vitam, describens. *Quidam*, inquit, *ex his aleatorum vocabulum declinantes sunt, ideòq. se cupientes adpellari Tesserarios, inter quos tantum differt, quantum inter fures & latrones.* Sapienter sanè intrisit hominum leuitatem, non rei sed nominis turpitudinem abhorrētium. Sed cur honestiùs nugones illi, *tesserarios* se, quàm *aleatores* dici putauêre? Videlicet, quia tesserarum alea ceteris omnibus impensior. Etenim à talis exorsu ludere minores summulas, deinde cum incaluisent, maiores summas lusêre tesseris. Eaque re Martialis epigr. lxxvi. lib. iv. ita scripsit in laudibus vitæ rusticæ, & inter vituperationes illorum studiorum quibus dediti vrbani,

*Supposita est blando, nunquam tibi tessera talo.* Quasi rusticus talorum ludus, quia pusilla summæ: tesserarum, vrbani, quia summarum ingentium, & decoquere solitus. Tangit quoque anathematicus ille hoc delictum, epigr. xv, lib. vltimi. Voluêre itaq. illi trosculi videri, se tesserarios quidem esse, magnificè: at non minutè ac rusticè aleones talarios. Ergo & facetè Ammianus, tesserarios aleatoribus excellere, quantum furunculis latrones. Illi enim magna, & propalam rapiunt: hi clam & pusilla plerumq. & quasi verecundè. \* Eleganter autem aleatores ac tesserarios Ammianus furum ac latronum similes fecit. Damnus enim aleatoriis cum exinaniti fuerint, miseri ac iciumi, trāseunt quasi de fumo in flammam ad gregem furum & *rapidarum*. Quinta est mendicorum statio. Postremi generis sunt, fures ac *rapones*, Lauernæ deæ *tagaces* ministri ac sacerdotes, in omni omnium auarorum genere pessimi.

## AT MEDIA LABYRINTHEI.

In Labyrinthi partib. intimis, pratulum esse voluit auctor, in eaq. ipfam pasci auaritiã, cuius speciem ex adiunctis non ineleganter pinxit. Immanissimū scilicet fœdissimūq. esse monstrū, facie quidem muliebri, ventre maximo & tumente, ad exemplū hominis adfecti aqua intercute, sempérq. sitiētis. Qualè depinxit Horat. oda ii. l. ii. Diogen. apud Stobæū Sermone xxxv. & Polybius. Pelle autè id monstrū esse ait tanquã squamea, sed squamarū in loco ei esse innatas cautiones & syngrapha & chirographas debitorū. Atq. vt acerrimã auaritiã rapacitatè ostēderet mēbris omnib. eam subornauit ad rapiendū aprissimis, vt caudæ hamato vncinatòq. acumine, tū manuum ac pedum *miluinis*, vt Plautus loquitur, *aut aquilinis vngulis*, naso deniq. ipso tanquã promuscide siue manu elephantis. His ac talib. rapinæ instrumentis, monstrū illud omnes citri illius, quã Liberalitatis & Magnificentiæ arborem esse diximus, fructus florésq. diripiens, in terræ cauernis penitus abstrudit ac recòdit, ne quifquam eis perfruat. De qua mihi specie cogitanti venit in mentem riedere simillimam Alcæonis cuiusdam apud Herodotū lib. vi. ex eoq.

\* Quocirca etiam Saluianus Iulianus raptorē definiuit, furem esse improbum vt l. xiv. Quod met. cau l. ii. de vi bonor. rapt. D. Et Instit. Eod. Improbum, accipe impudentē. Glossæ Improbis, auaridē. Et qui Odyss. xi. λέας ἀναιδίς siue lapsi impudens, Æneid. xii. est, monsimprobus. Sic etiã improbus apud Terent. & C. Sueton. De clar Gram. c. xii. Et improbius natus, eiusdē Vespas. c. xxiii. pro nato impudenter, siue improbè, vt malè natus, nature inclinatione malus. Qui Tranquilli locus non intellectus Criticus.

apud Dionem Romanum orat. II. de Invidia, & interpretem Pindari ad Pythia Oda VII. imaginem, cui cum propter acceptum ab eo, nescio, quid beneficij, Rex Cræsus Lydorum, refertus omnibus præmiis donisque fortunæ, & montes, ut dicitur, *aurei habens*, potestatem fecisset sumendi de regis thesauris auri, quantum semel corpore suo exportare potuisset, ille auro se penitus ingurgitare, & quasi diuturnam sitim explere cupiens, *ridiculyssimam*, si Plautinè loqui licet, rationem excogitavit. Principio tunica sese induit, quantum potuit amplissima, sinumque illius tanquam velum laxavit, deinde cothurnos pedibus induit, omnium qui tunc inueniri potuere latissimos, atque ita exornatus, cum regis ministris introiit, ubi cum ramenti aurei aceruum vidisset, cōtinuò intruens, cothurnos primùm vsque ad suras, auro penitus referens, deinde sinum auro totum implevit, ac ne qua corporis pars, aureæ illius felicitatis expers esset, auri etiam *ramentas* capillis implicuit, os denique ipsum auro sibi rotum quasi tibicen buccas, aut puer vesicam aurea, inflavit, atque ita egressus est admirabili specie, cothurnos propter auri pondus vix trahens, turgentibus autem & sufflatis mirificè buccis, corpore denique omni sic tumente, ut monstrum citius, quàm aliquis facie figuræque humana esse videretur. Itaque & Cræso, & omnibus qui aderant, risus maximos concitavit. Sed ille quidem Cræso regi, stultissima illa specie voluptati fuit, nobis autem depictum paulo ante Avaritiæ monstrum horribile est. *Avaritia* nempe, inquit C. Sallustius, *bellua fera, immanis, intoleranda est, quò intendit, oppida, agros, fana, atq. domos vastat, diuina cum humanis permiscet, &c.* Hæc tam detestabilis furia, & focietatis humanæ pestis, simul Reginam venientem aspexit, quasi noctua, tantæ Liberalitatis & Magnificentiæ lucem refugiens, sublato clamore, laterbris antri sui sese intimis, occultavit. Alcmaonem quidem illum auro etiam os sibi referuisse, non incredibile dictu est, cum interpres Aristophanis notet, multis in more positum esse, τῷ σέματι φιλὰ τὴν δ' ἀργύριον. Minus quidem flagitiosè hoc custodes pecuniæ illi, præquam *Vuilla* Hugonis Italiæ regis *fratris* siue *fratris*, siue fratris vxor, baltheum pretij immensi aureum, magnis fulgentibus gemmis inluminatum abdidit penitusque abstruxit. Narrat Luitprandus Ticinens. c. v. lib. IV. Rer. per Europ. gest. Libet autem quia huic loco non disconuenit, versus adpingere, quibus auctor operis huiusce ipse olim, sic quasi penicillo imitatus, illam Herodoti de Alcmaone Ethopæiam, in Ecloga sua, quam de auri cupidine lusit ex tempore olim. Ea huiusmodi est.

*Aurea quis dubitet nunc sæcula currite, fufis  
Dicere velle suis Parcas? Spes omnis in auro est.  
Aurum vita viri est. Aurum via publica, cuncti  
Per quam purpleos ad honores tendere certant.  
Omnibus in terris, aurum vnica & vna voluptas.  
Aurea captatur, non laurea gloria. Zeno  
Stoicus, ex omni sapientem parte beatum*

*Pinxit: at hic sapiens, est picta cucurbita, præ quàm  
 Est verè sapiens, & ab omni parte beatus,  
 Copia quem circum fluit auri. Scilicet ille  
 Pulcher, honoratus, sapiens, rex denique regum,  
 Fortunámque suo latus sibi temperat ipsam  
 Arbitrio, tristèsq;e procul discedere curas  
 Imperat, & si qua incipiant fuscare serenam  
 Mentem animi nebula, cunctas portare vocatis  
 In mare dat Zephyris. Anne ergo beator alter  
 Quàm ille cluere potest, auri quem prouchit aura?  
 Ingenium, virtus animi, sapientia, cultus  
 Ipse Dei, cæli studium, sanctique recessus  
 Mentis, & in terris, cælestia munia, vitæ,  
 Quid nisi naniola, febrilia somnia, nugæ,  
 Burræ, quisquilia, nebula, puerilia regna,  
 Parte alia si aurum adspiret? Sunt cetera, ut aiunt,  
 Nocturni lemures, qui cum sol igneus auri  
 Paret, dispercunt, neq. lucida tela diei  
 Huius ferre queunt, fugitantq. ut noctua solem,  
 Hic populi sermo est, hæc mens. Plebecula veller,  
 Indica si posset, fieri formica, sibiq.  
 Nidos congerere, & cumulare perenniter auri,  
 Hoc studium, clamant, parui properemus, & ampli.*

*Pythagora nec fas, in viscera viscera condi,  
 Nunc populus si fas, in viscera conderet aurum.  
 Et condunt pleriq. tamen: sua viscera fului  
 Arcam auri faciunt, dictu mirabile, idémque  
 Ridiculum, & veniens aliqua sub imagine fedi.  
 De nostris aliàs. Nunc sat meminisse quod olim  
 Iosepho referente sciunt, qui talia curant.  
 Obsidione Titus Solymorum cinxerat urbem,  
 Intus dira fames, certaq. pericula mortis.  
 Ergo fugam multi meditariet, ipsaque castra  
 Tendere in hostilis fossati, & millia multa  
 De fumo in flamam ruere, omni ex parte videres.  
 Queritis, anne domum, & velut in statione relicto  
 Auro, illi fugere? Apage. Intra viscera multum  
 Quin citò demisere aurum sibi, transque voratis  
 Nummorum aureolis, hosti lucro inde fuere,  
 Exitióq. sibi. Nam miles quando rescivit,  
 Iudaicos multo tumefactos pondere fului  
 Ire puerperij ventres, excipit euntes,  
 Prosecuitq. exsta, & sibi venas eruit auri,  
 Nascitur ut caesa quondam genitrice, vigetq.  
 Partus cesareus. Quantò felicior ille*

c. penult.  
lib. v.

Sic &  
apud  
Athenarū  
li. iv. qui-  
dā in vlti-  
mis agēs,  
transuo-  
ratis ante  
nō paucis  
aureis, sic  
opinione  
sua beatus  
moritur.



*Alcmæo, qui tam lepida, facilq. rapina  
Sardiæ regis totum se oppleuit ab auro.*

*Scire iuuat credo, quale aurum, quæue rapina,  
Expedit, ad tentas, breuis est fabella, per aures  
Vestras illa meet. Legatos regis opimo  
Hospitio quondam accepit, fouitq. benignè.  
Inde suas iterum ad sedes, regemq. reuersis  
Mulus in ore illis Alcmæo. Rex quoq. gestit  
Scire quis Alcmæo. Præsto est à rege vocatus.  
Atria nummorum plena huic, aurique struces,  
Rex pandi iubet ingentes, tum carpere, quantum  
Hinc posset capere, & toto semel asportare  
Corpore permittit. Tunc qua se expleuerit ille  
Scire operæ pretium est artem, & cognoscier auri  
Quam cluet ingeniosa fames, glebæque nitentis,  
Cum semel inuasit mentes, tam dira cupido.*

*Principio tunicas sibi laxas induit, esse  
Carbasa velorum, atq. auris implenda putares:  
Tum pedibus quantum potuit reperire cothurnos,  
Induit adstrictos minimè, latèq. capaces,  
Sic properans, ipsosq. auidus præuertere Cræsi  
Ductores, aurique furens inuadere aceruos,  
Ceulupus acer oues, ramentas protinus auri  
Cum uidet: hinc mox cura fuit sarcire cothurnos,  
Vndantes mox deinde sinus rutilante moneta  
Sic totos impleuit, uti sub pondere tanto  
Sudaret miser, & premeret vestigia lentè.  
His satur, & tamen his minimè satiata rapinis  
Auri sacra fames, ultra quoq. tendit, & audax  
Arte noua rutila glebæ ramenta capillis  
Implicat, os ipsum sibi de fulgente metallo  
Distendit, ceu pinguis ebur Tyrrhenus ad aras  
Cum altiùs inflauit. Sic exornatus ab auri  
Emersit regnis, specie, mirarier omnes  
Et ridere simul quæ cogeret: omnia plausu  
Perstrepere, ut præbente aliquo spectacula mimo.  
Sed multi risère, quibus tamen ille saliuam  
Tunc mouit iocus, & qui si data copia, uellent  
Esse quod Alcmæo, vel & hunc superare rapinæ  
Ingenio simili. Nostri quoq. moribus ecquis  
Alcmæo fieri nollit? Non esse frequentes,  
Res loquitur: nullos reperiri credere durum est.  
Nostra suos etiam sapientes sacula norunt,  
Et voti modicos, simul & mentis bene sanæ,  
Aura quibus cæli est aurum, quibus ipse creator*

*Auri, pro venis est unicus omnibus auri.  
 Quo sine quid prodest aurum? quid vena metalli  
 Diuitis est, nisi perfusum fulgore venenum?  
 O curuas nimium mentes, quibus omnis in auro  
 Spes posita est: cæli quibus ipsius atria sordent,  
 Præ calato auro: lucis quibus auctor, & ipse  
 Fons radij, quo terra nitet, quo calica gaudent  
 Agmina, vesanis, præ gleba displicet auri,  
 Qua ceu vepretis extracta nitedula, torquet  
 Illorum in se oculos, quibus in caligine noctis  
 Humana, non ulla solent aliunde nitere  
 Lumina, mens quorum demens & lippa recusat  
 Diuina lucis radium, ceu noctua solem.*



## DIES DVODECIMVS, DE MAGNANIMITATE.

**H**OSPITII sordes, inlatâq. tectâ perosus,  
 Mane sub auroram, dubiâq. crepuscula lucis,  
 Collectis citò sarcinulis, vt deserit hospes:  
 Limen Auaritiæ Sole exoriente scelestum  
 Liquimus, & piceam cæca caligine vallem.

Atque alacres collem puris escendimus auris,  
 Qua prope vicini deuertitur orbita cliui.  
 Hic Sapiente viam præeunte, in limina templi  
 Introit Regina, colit quod splendida VIRTVS  
 MAGNANIMI. Tum sic Regiam adfarier vltro  
 Exorsus Senior: tectum ingens adspice dixit.  
 Nititur hæc valido vini fundamine saxi  
 Regia, magnificoque in calum fornice surgit.  
 Sustinet hunc series bis senis structa columnis,  
 Et spatio circum his incingitur ambitus æquo:  
 Inter eas humili terdena crepidine currens,  
 De nuceo mixta est columella & marmore nigro,  
 Auræq. imposita est rutilanti luce coronis.

Interiori domus gyro nitet ampla columnis,  
 Parietibusque auro textis, & iaspide fulua,  
 Et gemmis stellata micant laquearia tecti,

Quattuor in templum referantur limina portis.  
 Pomiferi prima est anni, pomosa corona  
 Totam multiplici quam circum stemmate cingit.  
 Altera, quam deformis hiems, ceu vellere spargit  
 Densato niuis, & nebulis acríq. pruina.  
 Insequitur quam Ver, & Veris coniuga Flora,  
 Omnigeno variant sertis de flore corollis.  
 Nuda Ceres quartam flauentibus ambit aristis.

Ipsa columnarum bis sex capita aurea, signis  
 Respondent, per que Sol circumuoluitur orbe  
 Annum signifero. Quæ postquam singula uerbis  
 Sic posuit Sapiens, alias euoluere cæpit  
 Oras eloquij, & MAGNI celeberrima, dixit,  
 Hæc VIRTUS ANIMI, via lata & regia uite  
 Ad finem properare docet, summamq. beate.  
 Nam quibus hæc uirtus sub pectore gliscit, honores  
 Promeritis magnos pariunt, rebúsq. gerendis  
 Iustos inueniunt multa cum laude triumphos,  
 Nec tamen aut fatui plausus & murmura curant  
 Vulgi, aut si tulerint merita pro laude repulsam,  
 Inuidia ridente, gement, curantue relictæ  
 Limaces placare oculos, uirtute: sed ultrò  
 Inuidiam plorare iubent, solitiq. dolentem  
 Se cruciare ipsam curis: & imagine laudis  
 Lati promerita, memori sub pectore gestas  
 Res agitant, animúmque acti remeante laboris  
 Præteriti specie, solantur. Compita circum  
 \*Coticula Dente Theonino rodi, quasi \*samia, laudis  
 Curam illis acuit, neq. si Fors riserit, inde  
 Altius excellentue animos, tolluntue superba  
 Sorte supercilium: neq. si refluuerit, altum  
 Deiciunt humiles animum, sed semper eadem  
 In statione manent, altaq. columine mentis,  
 Compositóq. gradu, & quasi vertex summus Olympi.  
 Ac neq. poscit opem magnus facilè, aspera quando  
 Urget fors animus. Quia sese intelligit esse  
 Dignum, qui dubiis aliorum prabeat ultro  
 Rebus opem, non qui poscat sibi. Multa benignè  
 Præsto idem facere est aliis, non accipere ipse.  
 Sic ANIMI postquam MAGNI memorabile templum  
 Carmine descripsit, Sapiens: nunc, inquit, HONORIS  
 Quæ



*Qua media est callam, Regina inuisere tempus.*

*Quattuor huc scalis adscenditur, omnia termes  
Palmeus ante fores, & victrix laurea velat,  
Et spoliis postes fulgent hostilibus, ipso  
Culmine, stat prisco, celsum, de more, tropæum.*

*Spondis in graduum posita rutilantibus auro  
Ipsis, effigies quorum VIRTUTE cluentes  
Olim animi CELSA, laudem reperere perennem.*

*Socratis hac prima est: vari sub crimine falso  
Cecropida, infando indicio, nil tale merentem  
Demisere neci, mox cassum lumine, tristes  
Eluxere diu, & statuam posuere, dolorem  
Et desiderium qua testaretur adempti.*

*Thebarum decus hic ingens, in limite dextro,  
Atq. alij plures, MAGNIS celeberrima celsos  
Gracia quos ANIMIS, quondam tulit: ordine laevo  
Romulida positi, peperit quibus ARDUA famam  
Hæc VIRTUS, seraq. etiam nunc laude cluere  
Postuma dat, vitamq. sequens extendet in ævum.*

*Sed nulli propiore gradu, quàm Iunius inde  
Brutus, & hinc bimaris magnum decus ille Corinthi,  
Timoleo, qui contra ANIMVM, molimine MAGNI  
Pugnauere ANIMI, & sese vicere, suosq.  
Adfectus, patriæ quasi fasces, lætus uterq.  
Summisere, seges quò surgeret altior inde  
Laudis: & ille patrem, hic fratrem mente exsuis alta,  
Esset ut in patriam pius, & cumularet honorem.*

*Ardua qua templi medio patet area, celsam  
In qua purpureus sibi sedem struxit & aram,  
Et sociis HONOR, hic etiam exteriori, quadriga  
Virtutum posita est spatium, quibus ipsa beata  
Premia nituntur vitæ, pectusque nitere  
Puriter illius debet, qui tecta subire  
Celsa triumphantis, felix mereatur HONORIS.*

*Hæc ita dum memorat Sapiens, iam limen ad ipsum  
Ventum erat insignis templi, cum intrare parata  
Regina, Senior, modo visere, dixit, Honoris  
Hoc tibi fas adytum celsi venerabile, mecum:  
Tempus erit tua cum radians hic stabit imago,  
Inter honoratos æterni limine templi.*

*Obstupuit Regina videns laquearia tecti*

CIVIT. VERI

*Aurea conuexi, rutilus stellantia gemmis,  
Artificisque manu, variis expressa tropea  
Ductibus, & palmas, & Hetrusca magna corona  
Stemmata, multiplicésq. è lauri termitè nexus.*


HOSPITII SORDES.

**M**ORATISSIMUM principium, siue ex moribus ipsis vitæ communis expressum. Ait enim Reginam ex illis auaritiæ rectis exisse non minus libenter, quam lauti hospites ex deuersorio fordibus inquinatissimo discedunt.

Hodierno igitur die, in ciuitate Veri ex valle Auarita regina cū Aristotele suo ascendit in collem propinquum, vbi basilica est Magnanimitatis. Hanc autem quasi mediam auctor esse voluit in eo ipso tēplo, quod principio totius operis sui de anno, posuit tanquam effigiem simulachrumq. anni siue temporis. Sed quare in medio anni templo est ædes Magnanimitatis? Nimirum, quoniam hæc illa est virtus, qua generosi animi, nihil nisi magnum & dignum immortalitate suscipiunt. Itaque in ipso anni templo fanum est Magnanimitatis, vt constet temporis siue anni decursu id nunquam vastari, vnâ enim ipsius anni siue temporis fanum destrueretur. In ipso deinde Magnanimitatis templo fanum Honoris quasi adytum siue penetrale positum est. Scienter quidem atque circumspectè. Honor enim præmium est virtutis. Quod cum Romæ olim declarare vellet C. Marius, tēplum Virtuti & Honori cōiunctum, & tanquam geminum dedicauit, vt est apud Symmachum epist. xiv. lib. i. D. Aug. c. xii. l. v. de ciuit. Dei. Sed quasi ædes vnâ ponitur in ipsa C. Marij inscriptione, quæ relata est in epigrammatis antiquæ vr̄bis. DE MANVBIIS CIMBRICEIS ET TEVTONICEIS ÆDEM HONORI ET VIRTVTI VICTOR FECIT VESTE TRIUMPHALI CALCEIS PVNICEIS. Alij vt Rauardus Var. c. iix. lib. i. *calceis patricieis*, & intelligi volunt calceos mulleos, de quibus est apud Festum. Ego tamen rectum puto, illud *calceis puniceis*. Neque enim illud singulare, C. Marium virum triumphalem, *calceis* vsum *patricieis*, sed regum Albanorum exemplo, *calceis puniceis*. quod in C. etiam Iulio Cæsare notauit vt singulare Dio lib. xliii. eum vsum, τῆ ὑποδέσει ὑψιλῆ ἐρυθροχρόα, καὶ τὰς βασιλέας τὰς ἐν Ἀλβῆν. *pedum tegmine subinde alto & puniceo, vt Albanos reges olim*, &c. At patricij calcei quoque aliqui nigri, vt apud Iuuen. Sat. vii. Templum itaq. illud C. Marius Cos. vii. fecit & dedicauit, & quidem submissius ceteris, Eaq. de re Festus in *Submissiore*, Victruuius c. i. lib. iii. & proœmio lib. vii. Cur autem iunxerit C. Marius ædem Virtutis atq. Honoris eleganter differit Aurel. Symmachus & D. Augustin. locis antedictis.

Ac omnium quidem virtutum propria illa est quasi merces, laudis & gloriæ. Sed quo præstabilior quæque ac maior est virtus, eo maius honoris flagitat præmium. Honoribus igitur summis decoranda est





- A. Basilica Magnanimitatis & Modestiae  
 B. Columnæ XII. sustinentes basilicam inter quas xxx. modò , aliàs xxxi. vel xxxii. columellæ, quælibet earum ex candido marmore & nigro mixta. In capitellis autem columnarum, signa XII. orbis signiferi.  
 C. Portæ huiusce vrbs iv. significationem habentes, iv. anni partium.  
 D. Scalæ quibus in cællam Honoris ascenditur, à porta Auctumni. In latere autem vitòque scalarum statuæ positæ magnanimorum.  
 E. Scalæ à porta Æstatis, in spondis earum, sed mediis tantum, vtrinque statuæ modestorum, siue eorum qui in honore mediocri acquirerunt. His scalis vicinæ illæ, quæ à porta Veris sunt, ruinose & caduæ, ad quarum latus vnum iacent humi effigies, inanium ostentatorum Magnanimitatis, siue superbiorum: ad latus alterum effigies ambitiosorum iacent.  
 F. Scalæ à porta Hiemis, quas columnarum vice fulciunt, vna ex parte pusillanimitatis: ex altero autem latere humi sub scalis abstrusi iacent solidæ laudis veræq. gloriæ contemtores.  
 G. Cælla Honoris.



est Magnanimitas, quoniam virtutibus ceteris longè multúmque excellit. Εἰοικε γὰρ, vt iam olim dixit Aristoteles c. III. lib. IV. ad Nicomach. ἢ μεγαλοψυχία, οἷον κόσμος ὡς εἶναι τῶν ἀρετῶν, μέγας γὰρ δὴ τῶν ποιεῖ. Magnanimitas, inquit, *ceterarum virtutum quasi ornatus quidam esse videtur, et enim ampliores eas facit, &c.* Nam ceteræ quidem virtutes, tenui apparatu laudis contentæ sunt: hæc sola est quæ nihil nisi grande, amplum, inlustre, ac pæne diuinum expetit. Quare in nullius virtutis quam Magnanimitatis domicilio, rectius Honor ipse potuit collocari. Apex enim virtutum Magnanimitas, apex Magnanimitatis Honor est.

NITITVR HIC VALIDO FVNDAMINE.

Describere ingreditur anni templum, in quo, vt iam diximus, fanum Magnanimitatis inclusum est. Huiusce vero templi columnæ duodecim, mensis anni: triginta columnæ inter has minores interiectæ, siue columellæ, parte vna candidæ, parte altera nigræ: dies hæc quippe & noctes mensium. Tectum autem ipsum fornicatum est, vt Ennius poëta dixit, *cæli ingentes fornices*. Denique distinguitur stellis, anni enim quasi tectum est.

*Cælum, stellis fulgentibus aptum.*

vt idem locutus est Ennius. Portæ huiusce fani, siue horæ, siue partes quatuor totius anni, Ver, Æstas, Auctumnus, Hiems. Capita ipsa columnarum siue mensium, denotant signa siue partes duodecim orbis signiferi, in quo Sol ipse procreator anni, conuertitur: Non dissimilis Atheniensium olim ciuitatis descriptio, vt apud Suidam, in γεννηταί. Nempe in phylas quatuor, tanquam horas siue anni tempora, ver, hiemem, æstatem, autumnum: Phylæ deinde rursus in tres fratris diuisæ, perinde vt anni tempora in tres menses: fratris, postremò in triginta γένεσιν siue gentes. Quibus collectis numerus existit CCC LX. quor dierum annus fuit, in antiqua ciuitatis Atheniensium descriptione. Male apud Suidam est numerus CCCLXV. Nam is numerus, illa ciuitatis descriptione longè posterior est.

Græci quidem minoris anni, dies CCCLX. fuisse, plurimis Herodoti, Aristotelis, Cleobuli, M. Varronis C. Plinij, aliorum testimoniis doceri potest. At illa apud Suidam numeri CCCLXV. pro CCCLX. incorrecta critici alicuius correctio est.

MAGNI HÆC ANIMI VIRTVS.

Explicat nunc Regiæ, vim naturámque Magnanimitatis Aristoteles, & virtutis tantæ finem & quasi scopum ei proponit ante oculos. Magni scilicet animi esse ad res magnas difficilésque aggredi, & mereri vt honoribus amplissimis decoretur. Ita quidem, vt in illo quasi gloriæ cursu, ne tantillum quidem laboret, si debitus ei honos vulgi iudicio non fuerit delatus, si existimatio aut gloria clandestinis obtrectantium sermonibus & consiliis oppugnetur. Regia enim illa magni, excelsi animi virtus,

*Non sumit aut ponit secures  
Arbitrio popularis auræ.*

## NEQ. SI FORS RISERIT.

Hoc etiam magni animi atque excelsi officium est, æquabilem se in vtrâque fortuna præbere, tum prospera tum iniqua. De Olympi autem cacumine notissima historia est.

## AC NEQ. POSCIT OPEM.

Hæ iam propria quædam fortis magnique animi notæ sunt, vt non petere auxilium, sed petenti ferre: amplitudinem gloriæ, & virtutis, honestatem, diuitiis omnibus antepone: nihil nisi magnum & præclarum moliri: inusitatas gloriæ vias indagare, tritas relinquere.

## NVNC, INQVIT, HONORIS.

Tempus inquit iam esse Aristoteles, Honoris adytum ipsum lustrare, quod in basilica Magnificentiæ medium est. Sed præclare auctor duo Magnanimitatis genera distinxit, perfectæ vnum, siue diuinæ & heroicæ, alterum inchoatæ, siue humanæ. Perfectæ sedem posuit in ipsis adytis siue penetralibus Honoris: humanæ autē locū dedit in ipsis gradibus scalarum, quibus in adytum Honoris ascenditur. In graduum verò lateribus ipsis siue spondis, vtrinque statuæ sunt, virorum animi quidem maximi, sed nondum eò vsq. virtutibus exaggerati, vt in templum ipsum recipiendi sint.

Iam quaternæ scalæ, quarum gradibus templum ascenditur, sunt actiones Magnanimitatis primùm, deindè virtutis quoque illius quæ modicis horribus acquiescit: tum quatuor extremorum siue vitiorum quæ virtutibus his aduersaria sunt, vt die sequenti planius fiet.

In vnis igitur harum scalarum, ostendit Aristoteles Regiæ statuas illorum, qui magnitudine animi ceteris excelluerunt. In primis autem Socrates ibi est, qui cum ab Anito & Melito, conflata ex fraude, fallaciis & mendaciis accusatione premeretur, nec patronum, vt inquit Tullius, *quæsiuit ad iudicium capitis, nec iudicibus supplex fuit, adhibuitque liberam contumaciam à magnitudine animi ductam, non à superbia. Et supremo vitæ die de immortalitate animorum multa disseruit, & paucis ante diebus cum facile posset cduci è custodia, noluit. Et cum penè in manu iam mortiferum illud teneret poculum, loquutus ita est, vt non ad mortem trudi, verùm in cælū videretur ascendere.* Hæc M. Cicero. Lucianus tamen Socratis mortem, vt inani quadam magni & virtutibus exaggerati animi specie fucatam, intrisit, in mortuorum dialogis. Et Quintus Septimius Florens Tertullianus cap. 1. lib. de anima, virtutem illam Socratis ait *plebeiam fuisse ac vulgarem.* Vulgo enim solere homines, si aliter vindicare iniurias suas nequeunt, saltem vlcisci eas quadam specie contemnentis. *Quid, inquit, aliud saperet vir quilibet iniuria damnatus, præter iniuriæ solamen, ne dum philosophus gloriæ animal?* Sed Luciani quidem fabulas omittamus,

maledici conuicatoris, & qui Ioui etiam ipsi iniquè iniurius ac infestus est. Tertullianus autem de Socrate locutus est facta cum Christianæ gentis virtutibus comparatione, in quarum splendore omnes profanorum siue ethnicorum laudes, vt stellæ in solis radio ne cernuntur quidem.

SOCRATIS HÆC PRIMA EST.

Atheniensium iniuriâ, Socratis gloriam ait inlustratam fuisse, quasi trophæo vel statua. Et quidem vt Laertius, & alij testes, breui post honorificentissimè statua Socrati Athenis posita fuit, mortem eius sub persona Palamedis interfecti miserabiliter lamentante in theatro Euripide, in qua tragœdia flebilis exclamatio illa fuit, ἐκαίετε ἐκαίετε τὴν πάνσοφον τὴν σοδὴν ἀλγυῶσθαι ἀνδρῶνα μισσῶν. *Occidistis, occidistis omnisciam, nihil de vobis male merentem, Musarum Iusciniani &c.* Sic enim hæc à nonnullis prodita historia est. Melius autem ἀνδρῶνα Μισσῶν, quam vt est vulgò in libris Laërtij, ἀνδρῶνα Μῆσσαν.

HIC ET EPAMINONDÆ.

Proximum Socrati posuit Epaminondam, principem faciliè & summum virum vnum omnis, vt M. Cicero existimauit, Græciæ, qui in exitu ipso vitæ Magnanimitate fuit singulari. *Quem enim nostrum, inquit Cicero epist. ad L. Luceium, ille moriens apud Mantineam Epaminondas nõ cum quadam miseratione delectat, qui tum denique sibi auelli iubet spiculum, postquam ei percontanti dictum est chypeum esse saluum, vt etiam in vulneris dolore æquo animo cum laude moreretur?* eaque à plurimis commemorata historia est, vt Valerio c. ii. lib. iii. Iustino lib. vi. Pausania in Atticis & Arcadicis, Paulo Orosio c. ii. lib. iii. aliis sexcentis, qui etiam vulgò noti sunt.

ORDINE LÆVO ROMVLIDÆ.

Altis atque excellentibus viris quos Græcia tulit, statuas in dextra scalarum parte collocauit: nunc Romanos eis ex altera parte opponit.

SED NVLLI PROPIORE GRADV.

M. Iunium Brutum, qui reges expulit, è regione positum ait Timoleontis Corinthij, vt ea res indicio sit pari eos fuisse magnitudine animi eosdémque in gradib. propiorib. templo constituit, præcipuam eis tribuens laudem magnanimitatis. Brutum verò ac Timoleontem pares fecit, quoniam Brutus filios suos & vxoris suæ fratres; Tarquiniorum tyrannidi velificantes, securi percussit: Timoleon fratrem suum Timophanem, regnum Corinthi adfectantem, oppressit. M. Bruti tamen facinus, à multis quasi immane vellicatum est, vt D. Augustino c. xvi. lib. iii. de ciuit. Dei, Paulo Orosio c. v. lib. ii. *Qui nimis quidem fortassè inclementer ea de re sic locutus est. Brutus, inquit, primus apud Romanos Cosprimum conditorem regémque Romæ, non solum exæquare paricidio, sed et vincere voluit.* Sed hi quidem Christiani, quorum peculiare hac in



parte iudicium est: Romani autem ipsi M. Iunium Brutum, quasi liberorum saluti, patriæ libertatem suæ fortiter anteposuisse summis in cælum laudibus extulerunt, ut Valerius c. iix. lib. v. *Exiit, inquit, patrem ut consulem ageret, orbisque viuere quam publicæ vindictæ deesse maluit.* Et Claudianus lib. i. in Eutropium M. Brutum ait visum esse,

*mifero ciuem præponere patri.* Et Virgilius Æncide vi.

*Ut cunque ferent ea fata minores,*

*Vincet amor patriæ*

Siue dolenter, inquit Anchises, siue lætis animis *nostri minores* siue Romani, mortem liberorum M. Bruti accipient, parentis quidem certè animum *vincet amor patriæ.* Quamquam scio interpretationem aliam esse D. Augustini c. xvi. lib. iiii. de ciuit. Dei, & Seruii Grammatici. Eademque de re sapiens Plutarchi disputatio est in Valerio Poplicola & Zonaræ in annalibus lib. ii.

QVADRIGA VIRTVTVM POSITA EST.

In puluini planicie siue area, cui Honoris adytum, siue penetrale impositum est, ad quatuor angulos sunt quatuor simulacra, virtutum scilicet quatuor maximarum, siue, ut vulgo vsurpari solent, cardinalium, quibus ornatum atq. instructum esse oportere ait, pectus hominis perfectè magnanimi, ac promerētis ut quasi Phidiæ Minerua in arce olim Athenis, sic statua eius in æde Honoris reponatur. Neque enim fas est simulachrum vllius hominis in adyto illo ipso locari, nisi qui totius honestatis amplissimo præmio, summæque amplitudine & gloria dignissimus inuentus sit. Ut enim sapienter ipse olim Aristoteles c. iiii. lib. iv. ad Nic. *πάμπαν γελοῖος, ὁ μὲν ἀλόγος, μὴ ἀγαθὸς ὢν.* *Omnino ridiculus est magnanimus, si non idem vir bonus.* Qua laudis atque honoris præcellentia cum paucissimos aut verius nullos existere, auctor significationem dare vellet, acurè Honoris adytum illud sine vllis statuarum ornamentis posuit. Conuenienter hoc illi Aristotelis sententiæ c. iiii. lib. iv. ad Nicom. *Χαλεπὸν τῇ ἀληθείᾳ, μεγάλου ψυχῶν εἶναι, ἔγδ' οἶόν τε ἀνευ κελουκαρίας.* *Difficile est, reapse ac veritate, magnanimum esse.* *Nec enim eiusmodi esse quisquam potest, qui non idem vir bonus.* Dixit autem Poëta, Honorem ibi esse cum focis, siue *συμβώμοις* siue *σωτηρόνις*, respiciens opinor ad Mediifidij Dei imaginem, quæ sic solita exprimi, ut à dextra esset *Honor* Deus, à læua, *Dea Veritas*, medius inter hos *Amor*, ut hodièque Romæ in marmore Pario, & Narbone Martio, in muro ipso vrbis. In hanc igitur Honoris cællam, Regina cum Aristotele & comitatu suo ingressa vespere, manebit donec cum solis exortu facultas reddita sit, aliud aliquid in Veri ciuitate contemplandi.



DIES TERTIVSDECIMVS,  
 DE MEDIOCRITATE HONORVM,  
 ET MAGNANIMITATIS ATQVE HVIVS-  
 CE HONORVM MEDIOCRITATIS,  
 extremis.

**S**IDERE ut hiberno, sera sub nocte viator,  
 Verbere ventorum pluuisq; exercitus acri,  
 Difficiliq. errore via, si acceptus amici  
 Hospitio lauti est, & qui bene focilet, illi  
 Penula non scindenda, dies obducere paucos  
 Ut velit, & lente properat, nisi res aliqua urget:  
 Sic de purpurei non cessit limine templi  
 Præproperè Domina, & gradibus descendere cepit  
 \* Ianitrix. Limen ad illius portæ, ceu ianea \* seruat  
 Feruida quam spicis æstas incincta capillos.

Substitit, & breuiter Sapientem adfata, Meretur,  
 Dixit: Alexander, quondam tuus ille, reponi  
 Intra purpureum Venerandi limen HONORIS.  
 Suscipit, & Staret meus hic cognomine laudis  
 Magnus Alexander, Sapiens ait, omnia sano  
 Pectore si recolens, mea quæ præscripserat illi  
 Utiliter schola, de solida certamine laudis,  
 Non temerè ambisset Deus immortalis haberi,  
 Et Iouis Ammonis diuina stirpe creatus,  
 Non genitore satus, dederant quem fata, Philippo.

Accipio dixit causam Regina, sed illud  
 Scire velim, medio graduum cur limite, nulla  
 Altior effigies posita est, primique relictæ  
 Sunt vacui? Debent quia laudis præmia semper,  
 Respondit Sapiens, velut aquo examine lancis,  
 Adtribui, & rebus pariter concurrere gestis:  
 Iustum quadriungis nec equis agere ille triumphum  
 Debet, pro meritis cui merces ampla pedester,  
 Aurea nec nitidè huic circum caput ire corona,  
 Myrto qui meritis modica præcingere frontem.  
 Qui rapit immeritò claros male sanus honores,

Turpior

Turpior ipse abit, & raptos infamat honores:  
 Quisq. dat indigno Virtutis premia, laurum,  
 Deripit herentem nulla cum laude coronam  
 De capite ipse suo, famam sibi sauciat ipse.

Præterea medium nulla hîc transcendit imago,  
 Atq. micant circum minus omnes lumine claro,  
 Quam quæ magnanimis posita regione propinqua  
 Templi purpurei, modicos quia carpere honores  
 Contenti, nihil ulterius extendere pinnas  
 Solliciti, neq. magnanimis certare, nec infra  
 Metas se abiicere, atq. animis reptare pusillis  
 Gaudent, ut neq. magnanimi se tollere cælo  
 Jcariis altè properant audaciter alis,  
 Purpurei sæpe ut proceres, regesq. superbi,  
 Dum Fors immeritis paullisper blanda, renidet,  
 Excellunt animos, & pulsant limen Olympi  
 Vertice, nec minus interea quoq. ludere & ungi  
 Gaudent indecores, & lasciuire proteruè.  
 Cæca saperueniens subito incautos hera, tangit,  
 Sicut ab insidiis, & ouantes callida in ipso  
 Opprimit articulo. Sudo velut æquore cæli,  
 Incita prægestit variis agitare columba  
 Flexibus, & celeres iteratis plausibus alas:  
 Fronde sub arborea mussans, speculatur ouantem  
 Callidus accipiter, plaususq. prehendit in ipsa  
 Lætitiâ. Proclamat iò, Fastigia, serui  
 Cingite mi longis circum festiua coronis:  
 Mox heu heu, miserè longis ululatibus idem  
 Rex Agamemno iterat. Scalis deiectus ab altis  
 Adspice Tarquinius iacet hîc, quæ limite verno  
 Exitus est ædis, magni ostentator ineptus  
 Olim animi, & titulo sibi conueniente, S V P E R B V S.  
 Hac quoq. parte duces, ventosa superbia fibris  
 Insita, quos reges, non virtus regia fecit,  
 Qui postquam Deus ille prius, dein vix homo, vesci  
 Magnus Alexander vitali desit aura,  
 Europæq. Asiæq. suis ditissima regna  
 Diripuerunt armis, atq. vrbes stragibus omnes  
 Impleuerunt & agros, umbris velut excitus imis  
 Eumenidum chorus, aut vtrices æthere Diræ.  
 Proiectæ latus ad læuam, fractæque ruina

Plinius c.  
 xxxvi.  
 lib. x.

Epiætetus



*Illorum statuae, gradibus tentavit Honoris  
Ponere quos leuis AMBITIO. Nunc illius umbra  
Oculit hos templi & graduum, conamine magno  
Quos, sed stultomalo tenuerunt turpiter olim.*

*Porta sed hiberni quæ frigida panditur anni,  
Scalarum gradibus veluti fulmenta, pusilla  
Sunt posita statuae, risu contemnere quales  
Promtius incipias, odio quam perprimere acri.  
His statuis similes, ipsi bona qui sua stultè  
Nescire, atq. animis soliti reptare pusillis,  
Tendere non audent oculos ad limen HONORIS.*

*Paruula sub scalis veluti proiecta sigilla  
His etiam cernis. Tales, quibus inclyta sordet  
Gloria, queis nulla tentat dulcedine pectus  
Segne, comes Virtutis Honor: sed viuere ruri  
Contentè, & latebris tecti sese abdere, testa  
Reptilis vt testudo sua se continet, vsq.  
Malunt, quam mersare foro, atq. in luce videri,  
Purpureoq. aliis excellere vertice honoris.*

## SIDERE VT HIBERNO.

**T**ERTIVS decimus hic iam est dies in Veri ciuitate, quo die non egressus ex templo Magnanimitatis Aristoteles, pergit de alia virtute Reginam docere, nempe illa, quam ipse olim ad Nicom. c. iv. lib. iv. vacare dixit nomine. Non defuerunt tamen qui Latinè appellarent *Modestiam*, quanquam id à Cicerone & D. Thoma, longè aliter nomen vsurpatum est. Nonnullis etiam visa est nominari posse *Tranquillitas*, quoniam mediocri honore qui còtenti sunt, ij remoti à studiis ambitionis, vt ait M. Tullius, *otium & tranquillitatem sequuntur*. Ego circuitione vsus, honorum mediocri studium dicere malim: sic enim videtur intelligi posse faciliùs, hæc illa esse virtus, quæ mediocribus siue modicis & paruis honoribus lætatur: vt Magnanimitas, quæ gaudet magnis & præclaris.

Hodierno igitur die, in Veri ciuitate, lustratio est tēpli, illius Virtutis quæ in omnigenere aliarum virtutum res mediocres adpetens, & modicis honorum præmiis contenta, sic à Magnanimitate differt, vt Liberalitas à Magnificentiâ: quarum altera modicarū, altera non nisi præclarissimarum rerum largitas est. Cùm igitur duæ sint virtutes honorū gubernatrices, nempe Magnanimitas, & Mediocritas, honorum: vtrâq. à duobus extremis oppugnatur. Ac primùm Magnanimitati aduersaria est, hinc *μικροψυχία*, id est, animi paruitas & angustia: inde *χαυρότης* siue

inanis quædam ostentatio & species Magnanimitatis, siue superbia, stultaque animi elatio. Vtraque labes animis humanis, à virium suarum ignoratione ac meritorum, infertur. Nam quibus honores amplissimi debentur, ad eos tamen vt indigni adspirare non audent, ij pusillo animo sunt: qui autem honoribus summis decorari non merentur, eos tamen sibi deferri & dari petūt, ij *χαυνοί* sunt, siue inaniter magnanimi, ac superbi. Modestix verò hinc *φιλοπρέπια* siue ambitio repugnat, inde *ἀφιλοπρέπια* siue animi abiectio & vilitas, nullius plane honoris adpetens.

Die igitur superiore de vi naturaque Magnanimitatis egit Aristoteles: nunc de virtute in mediocribus siue paruis honorum præmiis acquiescente, & vitis cum hac ipsa virtute, cumque Magnanimitate pugnantibus, explicabit.

Eleganti autem Aristoteles comparatione, & vndecimi diei principio contraria, exorsus est. Nam die xi. Regiam ex Auaritia tectis tanquam sordido & illiberali hospitio lætanter emeruisse narravit: nunc viceversa ait, ex Honoris templo illam quasi hospitem ex amœnissimo deuersorio, per inuitam discessisse, vt ostenderet eam ad excellentem gloriæ formam amplectendam, ardentem fuisse incitatam.

MERETVR DIXIT, ALEXANDER QVONDAM TVVS.

Ante-occupatione artificiosa, principio statim sustulit dubitationem de Alexandro. Quare is tantis rebus gestis, tanta apud omnes gloria, repositus non sit in sacello ipso & penetralibus Honoris. Itaque Regina inducitur huiusce rei causam sciscitans ex Aristotele, qui perinde vt die quinto agens de fortitudine, ita nunc responder, Alexandrum nequisse vincere animum suum, aut fortunæ blandimenta moderatè ferre. Ergo nec iniuriâ ex Honoris adyto exclusum esse, abiectione in vallem Audaciæ.

SED ILLVD SCIRE VELIM.

Duarum virtutum, *Magnanimitatis*, & *mediocris honorum studij*, ac vitiorum quatuor, *Animi pusilli*, *Superbiæ*, *Ambitionis*, *Animi abiecti*, statuas in basilica Magnanimitatis Poëta ingeniosissimè collocauit, facta distributione per scalarum gradus, quibus ad Honoris sacellum ascenditur. In templo enim anni portæ quatuor, vna *Auctumni*, altera *Æstatis*, tertia *Veris*, quarta *Hieris*. A portis autem hisce totidem scalæ sunt, ad Honoris adytum directæ. In quarum primis, nempe Auctumni scalis, positæ Magnanimorum statuæ. In ipsis autem lateribus, & spondis graduum Æstatis, positæ sunt effigies illorum, qui mediocres aut paruos honores tantum experunt. De gradibus autem Veris deiectos, pingit superbos & ambitiosos, humique illos à dextra iacentes, hos à læua. Ad scalas Hieris quasi parastatæ, pusilli animi homines: sub ipsis autem abstrusi solidæ laudis, veræque gloriæ contemptores. Neque enim digni erant qui in gradibus locarentur, cum quasi in angulis mallent latitare, & sub gradibus occultari.

His ita intellectis, ordo huiusce diei apertissimus est. Nam gradus Magnanimorum die antegresso explicati sunt, hodierno autem die Regina transit à gradibus Auctumni ad gradus Æstatis, in quibus effigies contemplari licet illorum qui modicis honoribus lætantur. In his autem scalis animaduertit Regina in mediis tantum gradibus simulacra esse, summos autem atque imos vacare. Itaque causam huiusce rei sciscitatur ab Aristotele. Is respondet, medios tantum his gradus occupari, quoniam hæc scalæ sunt illorum qui mediocribus siue modicis honoribus contenti sunt, neque ardua quædam & præclara suscipiunt, neque summi honoris præmium efflagitant, neque tamen aut inertie & languori sese dant, neque mercedem laudis gloriæque contemnunt.

## SCALIS DEIECTVS AB ALTIS.

De gradibus vernis deiecti in dextrum latus superbi, siue inani quadam specie Magnanimitatis tumentes, ut tyranni ac reges, illi, quos non virtus vlla, sed Fortuna vocauit ad principatum, ut olim Tarquinium Superbum Romæ, & duces illos qui Alexandri armis quæsitum imperium, quasi prædam mortuo illo partiti sunt.

## PROIECTÆ LATVS AD LÆVVM.

Ambitiosos pingit humi stratos, & iacentes, deturbatos nempe de gradibus vernis ad læuam, eosque umbra templi Honoris & graduum eius occultari fingit, quia ad honores ambitione, & gratia pecuniæ grassati, non ipsos honores, sed umbras eorum adepti sunt, siue ut Tullius in Bruto dixit, non ipsos honores sed nomina. *Stultomalo* autem Poëta dixit *μωροπινίση*. Isidor. Glossis. *Stultomalus. Stultus malus.* Sic Plauti Patruo. *Mores mori & mali.*

## PARVVLÀ SVB SCALIS.

In scalis Hibernis gradus à minutis sigillis sustinentur, denotantibus animi pusilli homines, qui bona ipsi sua nescientes, non audent ad honorem adspirare. Sub gradibus autem humi proiectæ iacent paruulæ statuæ, significationem habentes eorum, qui honores contemnunt nullumque laudis & gloriæ gustatum habent. Ex qua gente Seruilius Varia latitans in villa sua. In quem iocus L. Senecæ epist. LV. *Vatia hic situs est.*





# DIES QUARTVSDECIMVS,

DE MANSVETVDINE ET PV-  
GNANTIBVS EI VITIIS, IRA-

CVNDIA ET LENTI-  
tudine.

**L**AET A rubescebat, croceum Tithonia pepulum  
Eoa regione trahens: suffusa rubore  
Ut noua nupta sui quae sponsi limina tangit  
Suspensio pedè, læta, suo mox Caia futura  
Caio: præterito Senior cùm limine porta,  
Auro quæ rutilat, flamæsq; imitante pyropo,  
Restitit ad portam, quæ cardine stridet abeno,  
Atq; nouem decorant summo quam vertice Musæ,  
Et qua principio nos in pomæria misit  
Vrbis huiusce intro Sapiens, celeberrima, Veri.

Hic prope visa domus, teneris pulcherrima saxis,  
Molli structa manu: Tusci tornatile quale  
Effodiunt, docti varios effingere in vsus.

Hanc orsus Sapiens Regina ostendere, dixit  
Hac ANIMI VIRTVS MANSVETI sede moratur.  
Valuarum ante fores, dextra læuâq; columna  
Stant geminae: imposita his aurata coronis, abena  
Hic lupa stat, geminôsq; suo velut ubere rumæ  
Nutrit, belligero peperit quos Ilia Marti,  
ALTELLVMQ; animi vegetum, REMVLVMQ; remissi.

At spatio interiore domus patet area, scabro  
Occupat hanc moles mediam de marmore, celsa,  
Cernitur impositum cui vasti corpus abenum,  
Et septem gemina toruum ceruice, draconis.  
Tergeminum dextro lateri, mirabile dictu  
Est caput, à læua totidem ceruicibus horret.  
Septimus est, alios qui magno in corpore longè  
Exsuperat vertex, medius, vinctusq; corona.  
Omnibus è turpi seruens ac lutea rictu  
Vnda fluit; qualis Tuscis de montibus humor  
Labitur in thermas, agris qui sæpe salutem

Contulit optatam, vana spe sæpe salutis  
Elusit, miseros tristésq. abscedere passus.

Hanc itaq. in molem gradibus conscendere iussit,  
Atq. viam Sapiens simul ipse præiuit, & isto,  
Adspicite ut capite ex medio, cinctoq. corona  
Luteus, & multo medicatus felle veneni  
Profuit in capidem subiecti marmoris, humor,  
Dux ait; hinc proceres, hinc magni pocula reges  
Hausta bibunt, irásq. acri sub pectore sævas  
Concipiunt: labro vulgus se proluit amplo,  
Et furere incipiens, armis contendere gessit:  
Titan de meliore quibus præcordia finxit  
Argilla, bibere hunc mediis qui profuit humor  
De gradibus, gaudent, ubi magnis pocula miscet  
Regibus, innocuoq. facit CLEMENTIA fontes,  
At plebi, laticis P A T I E N T I A temperat æstum.

Est operæpretium quoq. cernere, sæuus utrimq.  
Ut gemina multo cauda draco verberare, subter  
Effigies scabra sculptas in mole flagellet.

Agmine in hoc prima est, rugis perarata SENECTVS  
Pone subit squallens, & plena ruboris EGESTAS,  
Hic etiam pugna telis pharetrâq. CVPIDO,  
Cuiq. mederi olim FESSONIA credita, morbus\*  
Et malesuada FAMES pallenti inamabilis ore.  
Ast alio cauda monstrosa volumine stringit  
Bellua, parte alia, sculptas in marmore scabro  
Effigies, & AMICITIAE & PIETATIS. Habenas  
Namq. sua laxans ira, non parcere iunctis  
Novit amicitia, Divisq. irascitur ipsis.

Ast ima egelidus qui margine defluit humor,  
Et piger, ut stagnantis aquæ, cui potus, bebescit  
Et stupet insensus, neq. res agere aptus, & ira  
Omni expers, patitur vecors ruere omnia retro  
In peius, laxisq. negocia perdit habenis.

Solis huius manet his, quos lenes hausta remittunt  
In gradibus, summo atq. imo distantibus aquæ  
Pocula, clementi & patienti mixta tepore.

Succensere sciunt, quibus, & cur, quatenus, & quo  
Tempore, quoq. decet spatium. Sua miles ut arma  
Samiat, \* obtusamq. faber cœu cote securim:  
Sic animos illis acuit, fortesq. gerendis

\* Laffitudo, D. Augustinus c. xxi. lib. iv. De Civit. Dei.

Arist. c. v. lib. iv. ad Nicom.  
\* Ferramētā famiata. Aurelianus apud Vopiscū.

*Fra facit rebus, nimirumq. fluentia stringit.  
Hæc sapiens, Noctisq. rotas iam Sole cadente  
Adproperare videns, sermonis stamina rupit.*

## LÆTA RVBESCEBAT.


**S**ATIS depictæ iam illæ virtutes, quibus animus humanus seorsum ipse instruitur & ornatur. Nam fortitudo in periculis ac rebus formidolosis versari docuit: temperantia opprimere voluptates: Liberalitas & Magnificentia largiri pecuniam: Magnanimitas, & virtus illa quæ modicis laudibus contenta est, petere honores: nunc illæ nobis exprimendæ virtutes sunt, quæ inter homines versari, siue hominibus commodissimæ, vti docent, siue vt à Græcis dicuntur, *ὀμιλητικῆ*.

Sed acerbitas quædam naturæ, & rabies, siue iracundia, vsu familiaritatis & consuetudinem vitæ in primis lædit, vitamque ex vita ipsa tollere videtur. Quis enim iracundis, acerbis, asperis hominibus delectari potest? In quam sententiam copiosè disputauit Plutarchus libro de cohibenda iracundia. Itaque ante *ὀμιλητικῆς* siue consuetudinis quotidianæ virtutes, de reprimente peste illam societatis iracundiam, virtute scilicet lenitate ac mansuetudine dicendum fuit.

In huiusce igitur ædes virtutis, hodierno die qui in Veri ciuitate mēsis Nouembris dies quartus decimus est, Regina introducitur. Egressa enim ex templo Magnanimitatis, proficiscitur in regionem ac sedem Mansuetudinis, vicinam auditus portæ, per quam Regina principio huiusce profectiois in Veri ciuitatem introiuit. Ingeniosissimè autem hoc auctor ita commentus est, Mansuetudinis tecta & Iracundiæ vallem, ad portam audiendi esse. Nam rerum displicentium auditione, ira efferuescit, eaque mansuetudini materies, nempe iracundiæ reprimendæ, occasio suppeditatur. Quod sapienter quidem Xerxes vidisse videtur, apud Herodotum lib. vii. qui Pythiæ cuidam hospiti suo, grauiter succensens, quod petitio eius quædam ipsi permolesta contigisset, *Animum dixit in auriculis habitare*. *Εὐ νῦν τόδ' ἐξεπίτασσο*, inquit, *ὡς ἐν τοῖσι ὡπὶ τῶν ἀνθρώπων οἰκέει ὁ θυμὸς, ὅς χρεστὰ μὲν ἀκέρως τέρψιος ἐμπιπέει δ' ὄμμα, ἡναντία δὲ τετέοισι, αἰοιδέει*. *Scito igitur, inquit, animum in auriculis habitare, qui si res gratas auditione acceperit, corpus totum sensu quodam voluptatis adsicit: sin autem res iniucundæ & odiosæ fuerint, ira inflatur ac turgescit.*

Ordine igitur nunc ad Mansuetudinis tecta peruentum est, quæ quidem peropportunè auctor exædificauit eo genere saxi, quod quia candore insigni est, & venulis quibusdam fuscis interpunctum, alabastrites quidem propriè non est, sed propter similitudinem tamen vulgò sic Hetrusci Florentiæ nominât. Est autem saxi gen<sup>o</sup> aut succini potius, ita molle ac tenerum, vt etiâ tornari non difficulter possit, inque aliâ arq; aliam





- A. Mansuetudinis palatium.  
 B. Fons in area media impluuij, denotans vitia quæ cum Mansuetudine pugnant, Iracundiam & Lentitudinem.  
 C. Draco in fastigio fontis, Iræ significationem habens.  
 D. Vas aureum in quod ex draconis capite aqua influit denotans iram regiam, & principum.  
 E. Aqua quæ ex draconis alis fluxit in labrum, qua potati iras concipiunt.  
 F. Quinque statuæ significationem habentes malorum quibus oppressi, facile irascuntur, Senectutis, Egestatis, Amoris, Famis, Sitis, Defatigationis. Easque statuas draco caudæ volumine vno flagellat. Ex altera parte statuæ sunt Pietatis & Amicitie, quas draco caudæ volumine altero verberat: sed pictura eas exprimere non potuit. Denotant autem valdè iracundos, amicis etiam & parentibus, Deo etiam ipsi solere irasci.  
 G. Tria serpentum ora in alis draconis, quibus denotatur iracundiæ genus triplex,  
 H. Clementia, quæ hydræ suæ aqua refrigerat temperatq. iram regiam.  
 I. Patientia quæ lenit ac sedet iram priuatorum.  
 K. Aqua lenta & qualis stagnorum, denotans Stuporem, vitiū Mansuetudini pugnans defectu

aliam speciem effingi. Itaque substructioni ædium illarum quas incolit Mansuetudo siue lenitas, hæc materies conuenientissima est. Mansueti enim animus, facillimè ad ignoscendum inflectitur. In ipso autem vestibuli fastigio, lupæ simulacrum est nutricantis Remum ac Romulum: argumento, mansuetudinis quoddam inter feras etiam & homines quasi commercium esse. Et dixit Poëta.

*Altellumque animi vegeti, Remulumque remissi.* Eo respiciens, quod Romulus dictus *Altellus* à nutrice Acca Laurentia, pueris blandiente, quasi dignus ali propter vires corporis & animi: frater autem eius Remulus quasi tardus & remissus, cuiusmodi homines dicti olim *Remores*. Auctor de Origine gentis Romanæ. Et alij.

#### AT SPATIO INTERIORE DOMVS.

Intellectum est mansuetudinem esse iræ temperationem. Sic enim Aristoteles iam olim quoque nominauit eam, ὀργῆς καὶ ἄτασιν ἢ ἡρέμωσι. c.iii. lib. i. Rhetoric. Mediocritas autem hæc siue temperatio, à duobus extremis oppugnatur. Hinc ab iracundia, inde ab illa, quam Ciceroniano verbo nominemus licet, *lentitudinem*, qua tanquam stupore, sic animi obtorpescent, vt ne iustissimis quidem irascendi causis excitentur. Has igitur nunc maculas animi demonstrare incipit, quo cognita facilius eluantur. Sed principio iram ipsam quasi fontem iracundiæ & caput, signis certissimis notat, pingens eam esse quasi draconem, omniditate atque immanitate teterrimum, cuius signum alieneum, positum esse ait in planitie quadam gradibus exaggerata, cuius latera dextrum læuumque, sigillis aliquot adornata sint. Draconem vero ipsum vtrinque ait alarum vice, deformatum esse tribus ceruicibus anguinis, collum quoque anguinum esse, sed caput specie figuræque humana, & redimitum diademate. Caudas præterea innatas ei geminas, ita demissas & pendentes, vt sigilla quæ in plani illius basi esse diximus, vtrinque astringere facillimè possint, atque hæc læuæ partis, illa dextræ effigies eminentes circumplecti. His ita versuum tanquam penicillo depictis, adiungit draconem illum immanem ac fœdum, è septem illis capitibus furenter efflare copiam aquæ feruentis ac flauæ, ex qua etiam vapores teterrimi excitentur, eumque humorem elegantissimè cum aqua in thermis Hetruscis efferuescente, comparauit. Molem verò illam cui draco impositus ex marmore scabro esse ait. Ira enim quasi scabritudo animi est. Hinc Petronius, *Omniem scabritudinem animo delere.*

#### HANC ITAQUE IN MOLEM.

Postquam adscensu arduo in puluinum illum peruenerunt siue molem exaggeratam, vbi sedes draconis est illius ac prodigij, à quo iam diximus humorem illum efflari, vident aquam illam defluere in labrum siue alueum, eoque multos venire potandi gratia. Itaque accedit nunc Aristoteles ad draconis paulo ante quasi ænigmate propositi explanationem.







capite monstri, aqua profunditur: vulgus autem ex labro illo siue alueo quod in planicie ipsa est. Prima igitur hæc sedes attributa est alteri extremorum Mansuetudini ac Lenitati repugnantium, scilicet Iracundiæ.

TITAN DE MELIORE QVIBVS.

In medio scalarum ordine fonticuli sunt, ad quos depictæ Patientia & Clementia, miscentes aquam illam feruentem alia frigidiore, vt Clementiæ quidem aquis, regia: Patientiæ autem frigore, plebeia ira temperetur. Est igitur hæc media tanquam sedes ac regio Lenitatis.

EST OPERÆPRETIVM QVQ. CERNERE.

Duplex huiusce monstrofi draconis cauda. Volumine vno cauda, Aristoteles implicari ait statuas à læua parte illius puluini effictas, videlicet, effigiem. *Senectutis, Egestatis, Amoris, Lassitudinis, Inedie.* Quoniam his malis conflictantes facillimè, vt Q. Ennius dixerit, *effundunt irarum quadrigas*: alterius verò caudæ quasi verbera flagellari simulacra dextri lateris, nempe *Amicitia & Pietatis* effigiem. Ex quo intelligi debere, iracundia inflamatos, non amicis, non parentibus, aliisque caritatibus suis, non Diis deniq. ipsis parcere. Quod argumentum copiosè disserit L. Seneca libris de Ira, Galenus libro de curatione morborum animi, Plutarchus libro de Iracundia. Sic apud Ciceron. epist. xii. lib. x. ad famil. *Ioui ipsi iniquus Seruilius.* Similitérq. epist. xxiii. lib. ii. ad Attic. Et Ouidij lib. xiii. Agamemno rex *Diuis irascitur ipsis.* Et Alexander Magnus irascitur Æsculapio, apud Epietum Arriani c. xxii. lib. ii. Et Virg. Ecloga v.

*Atque Deos, atq. astra vocat crudelia mater.*

Hinc etiam *lapidatio templorum, subuersio ararum, larium familiarium projectio in publicum*, apud Sueton. Caij c. v. Neque dissimilis hodiè que Sinarum barbaries.

In ipsas quoque res inanimas sæuiunt, furenter irati, vt *mensam euerit, pocula adfligunt.* L. Senecæ c. vlt. lib. i. de Ira. Suetonij Nerone c. XLVII. Et apud Galenū libro de curatione morb. animi. Iracundi etiam *in ostia, in lapides, in clauas* sæuiunt. *In ostia calcibus arietant, lapides frangunt, clauas mordent.* Et D. Aug. c. xv. lib. xiv. De ciuit. Dei. *Nonnunquam, inquit, homo, etiam rebus inanimis irascitur, vt male scribentem stilum collidat, vel calamus frangat iratus, &c.* Sic Martial. epigr. Lxxv. lib. ix. *Frangite leues calamos, &c.* Sic Herodoti lib. i. Cyrus rex irascitur Gyndi amni, Xerxes Athoni mōti, vt notissima res. In vestes quoq. suas sæuire soliti, eaq. scindere non solum in luctu, sed etiam ira, vt ille apud Silium lib. xvi.

*In se versus ab ira,*

*Auratam medio discindit pectore vestem.* Et Galeni libro de curat. morbor. animi. Irascentes etiam vestimenta ipsi sua scindunt. Et apud L. Senecam c. vlt. lib. i. de Ira. Appian. lib. v. Et in Mithridatica.

Denique & in seipsi sæuiunt irati. Itaque & *libra sua ipsi mordent, & in columnas caput impingunt, & capillos suos euellunt, & femur, pectus percutiunt.* L. Seneca c. vlt. l. i. de Ira. Aliqui & vitam sibi eripiunt ipsi, ira furenter

stimulati. Sed iucunda & ridicula Eurylochi philosophi apud Diogen. Laërt. ira, qui coquo suo iratus, cum veru ipso, carnibus semicoctis onusto, in forum plenum persecutus est, ut interficeret. Idq. eo magis ridiculum, quod philosophus ille de familia Pyrrhonis, & ἀρχαλομήτας & ἀδίαφοετας professus.

AST IMA GELIDVS QVI MARGINE.

Imis gradibus fontes adiuncti aquæ prorsus refrigeratæ, qui significationem habent stuporis siue lentitudinis, quod lenitati vitium altera ex parte oppositum est.

SVA MILES VT ARMA SAMIAT.

Nam Academici, *iracundiam*, fortitudinis quasi cotem esse dicebant, ut posuit M. Cicero in Lucullo, atque idem lib. v. Tusc. Quæst. Peripatetici, inquit, *iracundiam cotem fortitudinis esse dicunt*, Quo loco Tullius etiam Aristotelis hanc & Peripateticorum sententiam mutuatis à Zenone argumentis oppugnauit: sed *subula*, ut aiunt, *leonem excipiens*. Quemadmodum etiam L. Seneca Stoicus in libris suis de ira, in Aristotelem quasi fluctus in scopulum incurrit. Cum autem M. Cicero ait, *Iracundiam Peripateticis videri coticulam fortitudinis*, iracundiæ nomine pro ira quasi abutitur. Sic enim dicere malo, quàm Aristotelis sententiam stoicè interpretatur, aut deprauat. Integrior L. Seneca c.iii. hb.iii. de ira *Aristoteles*, inquit, *iram calcar ait esse virtutis*. Et Plutarchus in eo libro in quo disputauit rationem esse in belluis, τῆς ἀνδρείας inquit, ὄψιθαφῆ τις ὀδυμὸς ἐστὶ καὶ σὺμμα. *Ira, virtutis tanquam ferri temperatio est, & robur siue nucleus.*

DIES QVINTVSDECIMVS,  
DE COMITATE SIVE ADFA-  
BILITATE EIVSQVE EXTREMIS.



*FRONTE* gerens nitidum Veneris Tithonia sidus  
Lutea, spargebat roseos ceruice capillos,  
Cum placida egressi de MANSVETVDINIS aula,  
Haud procul inde amplas excellere vidimus ades.  
Reginæ has Sapiens breuiter sic pandere cæpit,  
Porticus hæc, inquit, quadruplex, distincta columnis.  
Marmore de omnimodo, videntur ut nitidissima ridet,  
Atq. vocare ultrò venientes voce videtur?  
Peruia quadruplici portarum hæc limine semper  
Regia. Purpureus primo sedet Aæacus ipse  
Ingressus: at circum huic acri schola verberat aures  
Voce tegatorum: & totum, sua regna, per errans

*Causidicina forum vaga, lites lite resoluit.*

*Opposita latus ad laeuum stat limine porta*

*Cum petaso, & oculis, damnum fugientis imago*

*Maiu gene. Strepit hunc circum grex impiger, olim*

*Sicut apes populant verni qua rursus honores,*

*Et sua collecto stipant aluearia melle.*

*Hic lucra magna inbiat magnarius, & vagus emtas*

*Institor exponit merces, propola tabernam*

*Explicat, inuitans rerum nouitate viantes,*

*Atq. breui anticipans hominum spes tempore, vendit*

*Spem pretio, hac illi sua sunt mangonia mercis.*

*Hos interuolitant quasi vespa, fenoris acri*

*Qui figunt stimulo quemquem tetigere, nouisq.*

*Sic quasi peniculis fugit cum pictor, humoris*

*Quicquid inest, uncta exsugunt patrimonia, donec*

*Sanguis inest, & habent peragant quo pascere fenus.*

*Proxima sublimi stat culmine porticus, illam*

*Mars habet, horribili rutilat cui sidere vertex*

*Igneus, adsistunt celsa ceruice superbi*

*Marticolæ, & raucis feriunt clamoribus auras.*

*Centurio hircosus, miles, tiroq. proteruè*

*Lasciuus, Martisq. alij quibus impia crudi*

*Sacra placent, sanguisq. nouo de vulnere fusus.*

*Natio quantum pretij, cum finibus hostes*

*Defendit patriæ, REGEM LEGEMQ. tuetur:*

*Ast furis eadem quoq. pernitalior ipsis*

*Excitis Erebi picca de sede sub auras,*

*Cum prædas agit, aut incendia tristia miscet*

*Finibus in patriæ, & ciuilia commouet arma.*

*E regione autem cunctis excelsior aula*

*Ad dextram patet. In primo stat limine porta*

*Proteus innumeris speciem variare figuris*

*Sollers. Frenet aper, rugit leo, sibilat anguis,*

*Ursus uti scuit, gannit vulpecula, flammæ*

*Induit, idem in aquas tenues dilabitur, idem*

*Nube caua tegitur: sic formas transit in omnes*

*Aulicæ, multipliciq. oculos imitamine ludit*

*Vita. Putes bene velle tibi, furialiter odit:*

*Credas diuitijs quoq. picos vincere, montes*

*Qui fodiunt auri, quia Serum vellere textis,*

*Purpureisq. nitent togulis: sed sæpe sub illa*

Plautus  
Rud.



*Irus veste latet, seu quis mendicior Iro.  
 Exteriùs leta est, premit altas pectore curas,  
 Callidaq; exteriùs malis ridere alienis,  
 Sanguine cum interiùs fleat. Est hæc deniq; vita  
 Pergula pictorum, veri nihil omnia ficta.*

*Passibus errantes hic vanis atria circant,  
 Et veniunt, abeunt, redeunt, properanter inanes.  
 Scandere pars scalas, alij descendere contra  
 Pugnans, edensiq; ruunt, truduntur, & ipsi  
 Trudunt porrò alios: thalami pars plera moratur  
 Ante fores, regisq; sui, sua tempora cogit  
 Temporibus seruire, manens, dum lumine tandem  
 Procedat thalami, leta ut comitetur euntem.*

*Aream ubi quadruplex incingit porticus, alta  
 Versicolorq; basis, muliebriter ore nitentem  
 Sustinet effigiem. Grauiusq; & comiter illa  
 Insimul, intrantes triplici delimine, cernit.  
 Est ADFABILITAS talis, placidissima Virtus,  
 Sollicita miscens quasi leta coagula vite.*

*Adspice circum humeros ardet que murice lena,  
 Oscula uti totam spargunt, & apicula crebris  
 Pingit imaginibus: quia nunquam parcus amicis  
 Oscula diuidere est, letum cui comica pectus  
 Instruit hæc Virtus. Idem sua dicta liquore  
 Omnia ceu mellis contingit: apicula dulces  
 Leta fauos solita labris quasi figeret arte.*

*Non tam sceptrigeros iterato murice reges  
 Lena decet, quàm que comes hilarissima virtus,  
 Communisq; facit, ne tanquam oracula tristi  
 Sacra supercilio fundant, interpretis ore,  
 Difficilesq; aditus, clausasq; rogatibus aures,  
 Laudibus adnumerent generoso principe dignis.*

*Has etiam cerne effigies, basis opprimit alta  
 Quas sibi subiectas. Vna est PARASITICA, mures  
 Tanquam opici, lingens alienum sæpe salillum,  
 Aiens quicquid ait rex à quo pascitur, idem  
 Si neget hoc, negitans, & nutu semper ab illo  
 Vertitur, ut vario clavi moderamine cymba:*

\* αὐτὸς τῶν  
 τὰ ἀντιτυ-  
 πῶσα c. vi.  
 lib. iv. ad  
 Nicom.

*Altera MOROSOS facit, omnem murmure fuscans  
 Latitiam aduerso \*, cuius contendere semper  
 Aspera, quòdq; sibi placet, aut verum esse videtur,*

*Acri ter elatrans, facilis neq. cedere cuiquam.  
Sed ferrugineo vesper velamine Nocti  
Præsternit iam serus iter, suadetq. silere,  
Crastina dum extulerit reparatus lumina Titan.*

## FRONTE GERENS NITIDVM.

**M**ANSVETVDINIS domicilio lustrato, vbi consuetudinis quotidiana pestem iracundiam cohiberi diximus, nunc ad conuictus humani & societatis virtutes ipsas ventum est. Quarum prima est Comitatus, in cuius regionem Regina cum Aristotele nunc proficiscitur.

Est autem Comitatus virtus in congressionibus excellens, & quasi artificium quoddam ita inter homines versandi, ne congressio nostra & conuictus molestia sit vnquam, sed magna potius voluptati, in rebus quidem certe honestis. Nam placere aut delectare velle in turpibus non est comitatus verum assentationis. Proprie igitur hæc tanquam virtus quædam comica est, quam pereleganter in Pamphili adolescentuli persona, comicus Latinus in Andria Act. I. sc. I. depinxit. Eaque virtus quantâ sit, exemplo C. Marcij Coriolani apud Dionysium Halicarnass. lib. IX. intueri licet, qui cum esset ceterarum virtutum laude cumulatissimus, & à natura ipsa fictus videretur ad honestatem, pernicia sua tamen & morositate, laudes tantas inobscurauit pestemque sibi ipse ac perniciem attulit. τὸ γὰρ, inquit, πρὸς καὶ φαιδρον ὅτι ἐπιτῶ ἀπὸ τῆς ἑσπείρας, οὐτε τὸ θεοπευτικὸν τῆς πέλας, ἔντε ἀσπασμοῖς καὶ πρῶτα γοῦσαι. Atque huiusce Aristoteles virtutis nullum in lingua Græca nomen esse ait, c. VI. lib. IV. ad Nicom. latinè autem Adfabilitas nominari posse visa est plerisque: mihi Comitatus nomen plenius videtur. Nam facilitas proprie in factis, adfabilitas in dictis, huiusce autem virtutis laus consistit in dictis ea quidem, sed multò etiam magis in moribus & factis, vt omni genere obsequiorum. Itaque Aristoteles ipse ad Nicom. exorsus hanc virtutem declarare, in principio statim, & in ipso quasi limine significationem dedit eam spectari ἐν ταῖς ὁμιλίαις καὶ τῶν συζῶν, siue in congressibus & conuictu. Id autem exponit, καὶ λόγων καὶ πραγμάτων κοινωνίᾳ, siue dictorum factorumque communionem & societatem. Horum vtrumque intelligi licet in verbo comitatus, vt apud Q. Fratr. de petit. consul. Nam comitatus tibi non deest ea que bono ac suauis homine digna est: sed opus est magnopere blanditia, &c. Sic enim legendus is locus. Distinguit nempe Quintus comitatem, & blanditiam, vt illa sit virtus, hæc non item. Sed parua sui ac proprii vocabuli ignoratio est, dum res ipsa teneatur.

Talis igitur est virtus Comitatus: extrema vero eius duo sunt. Hinc morositas quædam & pernicia: inde assentatio, eaque duplex, vna placere tantum expetens, altera & placere studens, & delectare spe lucri.



- A. Regia Adfabilitatis siue Comitatis.  
 B. Effigies Adfabilitatis, cum caduceo Mercurij, & palla perspersa  
 osculis & apiculis.  
 C. Extrema duo, quæ pugnant virtuti Adfabilitatis, Adsentacio &  
 Morositas.  
 D. Statua Æaci, ad eamq. castra litigatorum.  
 E. Statua Mercurij, ad eamq. mercatores.  
 F. Statua Martis, ad eamq. porticus militiæ armatae.  
 G. Statua Protei versatilis in omnes formas, ad eamq. porticus auli-  
 corum.



cri. Qualem Cæcilius comicus poeta mulierculam depingit in Cratino,

*Modò fit obsequens.*

*Hilaris, comis, communis, concordis, dum id quod petit potitur.* Prius illud genus adsentationis Ἀρείσκηα dicitur: alterum χαλαρεία, vtrumque suis coloribus pinxit elegantissimè Theophrastus in Notis. Ἀρείσκηα Q. Fratri de petit. Consul. *Blanditia* est.

#### AMPLAS EXCELLERE VIDIMVS ÆDES.

Depinguntur tecta Comitatis, posita in eodem colle, in quo domicilium virtutis gaudentis mediocritate honorum. Comitatis autem tecta præclarè auctor ingenio suo exædificauit. Principio enim domicilium effinxit amplissimum, distinctum portis quatuor, in earumque portarum qualibet amœnissimum deuersorium. Deinde porticus intra extrâque domum ipsam peramplas. Ad primam autem portam statua est Æaci regis omnium olim iustissimi, còque confluunt, qui res iudicant, patroni, iurisperiti, alii que ætatem agentes in litibus. Altera porta Mercurij est, eaque in ædium parte, locus & regio est mercatorum. Lateris læui porta prior, effigiem habet Martis, quàm circumfluunt imperatores, duces, milites, atque id genus alij castris militiæque addicti homines. E regione aula est ornatissima, & porta cum statua Protei, ad quam picti aulici, quibus propter morum fortunæque varias commutationes, Proteus planissimè conuenire visus est. Sic igitur quatuor hæc genera vitæ in comitatis ædibus auctor disposuit, quoniam comitas & humanitas in horum vsu & conuictu cernitur maximè.

#### AREAM VBI QVADRVPLEX.

In media huiusce palatij area, simulacrum positum est Comitatis siue Adfabilitatis, cum læna, siue pallam mauiis, apiculis perspersa, vt Comitatis delectatio, tanquam mellis dulcitus quædam, & suauitas è floribus adflata esse videatur. Adpersa eadem osculis, siue oribus paruis. Pars nempe Comitatis aliqua, ius osculi.

#### HAS ETIAM CERNE EFFIGIES.

Postquam ad Comitatis effigiem peruentum est, pergunt Aristoteles Reginam de repugnantibus Comitati extremis docere, Adsentatione ac Morositate. Cum autem ait, *recentatus Titan*, fabellam videtur, tangere velle, Solem in mari exstingui cum occidit, postridiæque luce recepta oriri. De qua infra dicendi locus die xxiv.



DIES SEXTVSDECIMVS,  
DE STUDIO VERI SIVE VT  
DICITVR VERACITATE, EIVS-  
QVE EXTREMIS.

**M**ANE recentatam Sapiens albescere lucem  
Ut vidit, iam vallis ait descendere sedes  
Tempus in aduersa. Viden' vt domus eminent ingens,  
Splendida, & in celum sublimi tecta minantur  
Culmine? suppositis series vt longa columnis

Frontem sustineat? Magica sed sicut ab artis  
Carminē, pro vario ventorum flamine, forma  
Atq. alia atq. alia sese induit, & quasi nubis  
Sole re percussa, vana sub imagine fallit,  
Hæc sedes mendacis heræ, cui plerâq. gaudet  
Pars hominum seruire. Etenim laruata per omnes  
Terrâsq. tractûsq. maris, sua regna propagans  
Incedit, variis mortalia fallere secla  
Exemplis sapiens, verbis blanditur, amictu  
Adlicit, aut oculos præstinguit mimica gestu,  
Subdola sipario Veri, mendacia celans.  
Rem simulans præfert, spe sed frustratur inani,  
Ventorumq. leui velut aura, pascit hiantes.

Vana superstitio comes huic, cultu sibi ficto  
Callida multiplicare Deos. Secta quoq. multo  
Vertice dissecta, longo velut Excetra cauda  
Agmine repentes, erroribus omnia miscent.  
Democritique noui, multum ridere parati  
Sacra Deumq. ipsum, Domina comitantur eunti.

Sed propiore gradus quoq. nunc variabile vani  
Quale sit hoc limen tecti videamus. Aperta est  
Area, non vllis circumuestita columnis,  
Porticibus sue nitens: raro sed vertice circum  
Aëria cingunt vlni, ceu vellere inani  
Vestita nebulis, specie exteriorē virentes,  
Interius carie exesa, sua regna lacertis,  
Crabronumque lares genti, & cœnacula vespis.

*Quincunces inter medios, mirabile dictu,*  
*Quæ modo visa fuit, simplex in limine & una,*  
*Desubito gemina est: SIMVLATIO plurima vanis*  
*Adrogat auspiciis sibi quæ non debita: & vltro*  
*Extenuat bona quæ sua, DISSIMVLATIO, fingens*  
*Esse minora illis, alius quæ possidet. Ipsa*  
*Nunc vide sis, quali facie SIMVLATIO. Rugis*  
*Obsita cum sit anus, tamen esse iuuenula gestit,*  
*Personaque tegit rugas, celatq. capillos*  
*Arte galericuli canos: iuuenaliter autem*  
*Floridula corpus tunica velare vietum*  
*Nouit, & ingentem, sit quamuis paruula, sese*  
*Ingenio facit, excelsis adiuta cothurnis.*  
*Quinetiam fulcro sese sublimiter effert,*  
*Quod congesta facit crebro vesica tumore.*

*Hac tali comitatus hera condignus, easdem*  
*Adfluit in sedes, vlmorum margine septas.*  
*Non ita Parthorum stipare gregaliter olim*  
*Turba satellitij regem solet, Angulus omnis*  
*Feruet, agyrta illis, magus, augur, somnifolutor.*  
*Quiq. oculos vanis spectantes ludere nouit*  
*Callidè imaginibus, quo cali interprete discunt*  
*Res sibi venturas alij, cum sortis oberret*  
*Nescius ipse suæ: nullaq. empiricus arte,*  
*Improba cui variis euentibus alea ludit*  
*In capita, & verbis non re dat saepe salutem.*

*Sed nullus propiore gradu, quam præditus arte*  
*Omnia conslandi in nihilum chymista, cinislo*  
*Impiger, atq. sua fornace perustior ipse,*  
*Adsiduâq. niger faciem fuligine: squallent*  
*Sorde manus fœda, quàm Tethys eluat vndis*  
*Omnibus haud facile: à fumo est olidissima vestis:*  
*Ignem rubent oculi, & flamarum verberare, lippi:*  
*Pollicitis arcas alienas grandibus implet,*  
*Ipsius haud vllò turgescit sacculus ære:*  
*Semper egens, semperq. petens, & mutua sumens,*  
*Quæuis, quæque potest, certus nil reddere cuiquam,*  
*Acrius aut si instare velis, legesq. minere,*  
*Insicias volet ire, solum aut cito vertere perget,*  
*Inq. alios vacuam portus agitare celocem:*  
*Tunc quoq. Mercurij si auris male surda vocanti,*



Fiet ad extremum magus, aut faber improbus, ære  
Nauiter incipiet fallaces cudere nummos.

Sed Phœbus media cœli regione, citatis  
Fertur equis, turpiq. monet iam exscendere valle  
Collis in aduersi cliuum, atq. ibi cetera porro  
Visere, dum radio sua nobis lumina præfert.

Culmine sublimi totum nitidissima latè  
Occupat hunc sedes, candore notabilis ipso.

\* dicata.

Dicta \* ea Virtuti sacra est, quam dicere VERI  
Fas DOMINAM. Specta quanto venerabile circum  
Lumine sit fusum limen: paria omnia totis  
Sedibus, atq. omnes nullo discrimine partes.  
Quadrua porticibus circum, intra extraque renidet,  
Phœngitis niueo quasi tralucetibus æquè  
Marmore, consimiliq. modo. Regione sed ipsa  
Impluuij mediæ, celso fundamine nitens  
Effigies VERACIS HERÆ, velamine nullo,  
Totaq. pellucens crystallina: pectoris autem  
Versicolore micant de gemmis, intima, luce.  
Cinctaq. paciferæ frons termite candet olius,  
Suspiciensq. oculos ad tollit in atria cœli,  
Indice significans sublato ad sidera dextra,  
Ætheria semper se viuere culmine sedis  
Atq. coli, terris \* despretam sæpe iacere,  
Nulloque in pretio vel paruo viuere, paucis  
De studio Veri feruente calescere pectus.

\* valde  
spretam.

Magnanimi circum, quos sæcula prisca tulère  
Stant serie longa heroës, vatumque supremi  
Numinis adflatus sapiens chorus, omina vera  
Fatidico fudit qui pectore, quiq. sacrorum  
Ritibus in veris curas posuère tuendis,  
Quosq. suo dignos Sapiencia nomine fecit.

Hæc ita dum Sapiens viuo quasi flumine inundans  
Defluit, inclinare dies iam cœperat, umbræ  
Longiùs à tecti labentes culmine visæ,  
Ergo ait, egrediens leuo de limine Veri,  
Nunc properemus & hanc, quæ DISSIMVLATIO fertur,  
Ante fores positam, paullisper visere. Limen  
Hæc propior meritò Veri contingit honestum,  
Quàm soror ipsius SIMVLATIO. Quippe nec hilum,  
Aut nocet, aut odio est, limans sua commoda verbis

*Et tenuans vltro, præ quàm non debita quisquis  
Adrogat ipse sibi, & multa cum laude coronam,  
Herentem alterius capiti, decerpere gaudet,  
Dereptamq. suo vecors innectere. Ponè  
Socratis effigies sequitur, simulatio cuius,  
Dulciloqui scriptis superest animata Platonis.  
At basis hoc retinet breue scriptum in marmore carmen  
Nesciui omnia: sed me nescire omnia, sciui.*

*Paruula sed simulacra latent in margine cliui,  
His, soliti laudes qui dissimulare pusillas,  
Sic quasi præsignes, aure popularis amore.*

*Dicere plura etiam Sapiens voluisset, obortus  
Hesperus inuidit, biugos immittere Noctis  
Certans, inuitiq. reclusit \* limen Olympi.*

\* Reclusit  
pro clausit  
vt Inst.  
S. Quod  
iterum. De  
legit. agn.  
success.  
Glossæ  
ἀποκλείω.  
Recludo. Et  
L. Florus  
fincli. iv.

## MANE RECENTATAM.

**S**EQVITVR altera conuictus humani & confessionum virtus, cui ne ipsi quidem suum nomē & proprium Aristoteles imposuit, sed huiusce virtutis laude florentes vocauit ἀληθεικούς, quasi simplices apertos, re ipsa & veritate, non specie aliqua simulationis aut dissimulationis gaudentes. Itaque cōuenientissimum huic generi virtutis fortasse nomen fuerit. *Sinceritas. Veritatem* scholæ vocant, sed nomine ambiguo, vt indicio est ipse Aristoteles c. vii. lib. iv. *Quantquam etiam ipse Veritatem* vocat Magnis moral. c. xxiii. lib. i.


Sed alia veritas logica est, alia Physica, alia Theologica, alia porrò Ethica, eaque duplex. Vna in negotiis & stipulationibus, siue rebus contrahendis, eaque ad Iustitiam refertur: altera veritas vitæ & morum, quæ nihil fingit, nihil sibi adrogat, sed simplex aperta que est, nullius rei simulatrix aut dissimulatrix malitiosè.

Dixi, *malitiosè*. Nec enim verax definit esse, qui sine fraude cuiusquam simulat aut dissimulat. Itaq. cum Ser. Sulpicius, & C. Aquilius Gallus, & Sex. Pedius, definissent, *dolum malū esse, cū aliud agitur, aliud simulatur*. Antistius Labeo, & premens eius vestigia Vlpianus reprehendēre, quia *possit & sine dolo aliud agi, aliud simulari*. Verè hoc quidem illi, simulationem posse doli expertem esse, neque tamen ruit Seruii definitio. Intelligi enim vult, cum fraudulosè aliud agitur, aliud simulatur. Patet, quia Seruius idem prædixerat *dolum esse machinationem alterius decipiendi causa*. Neque dixerat, simpliciter, *dolum*, sed *dolum malum*. Ponit autem Vlpianus exemplum, aliud agendi, aliud simulandi, *sicuti*, inquit, *faciunt qui per eiusmodi dissimulationem deseruiant & tuentur, vel sua vel aliena*, &c. Nullo idoneo sensu ea lectio est, & scripsit forte Vlpianus, qui per eius-



- A. Domicilium Arrogantiæ & Mendacij.  
 B. Effigies Mendacij.  
 C. Arrogantia.  
 D. Chymistæ, Spagiritæ, circulatores, diuinaculi, mathematici.





A. Veritatis Regia.  
B. Effigies Veritatis.

modi *disimulationem* deserunt, ut tueantur vel sua vel aliena, &c. Sua, videlicet ut in fiduciæ cōtractu: aliena, ut si patronus in iudicio liberti destituar eum, ut aduersario eius opponat alium pro se potentiorē. Pro liberto id non iniquum. Sed litem ad potentiores transferre vetitum C. Ne liceat potentioribus &c, ut de rei translatione, est D. de al. iud. mut. cau.

Virtutem quidem qua de nunc agitur, non malè *Simplicitatem* quoque nomines. Nam etiam philosopho ipsi c. vii. lib. iii. ad Eudem eodem significatu est, ὁ ἀληθὴς καὶ ἀπλῆς καὶ ἀϋθέκαστος. Idest, *Verus & simplex*, & ipse siue suus quāq. in re. Peccant qui ἀϋθέκαστον interpretati eum, qui *singularis in rebus sui iuris atq. arbitrij sit*, ut Dionys. Lambin. Neque enim de iure hic & potestate, sed de statu eodem, siue ut scholasticè dixeris, *identitate* agitur. Siue ἀϋθέκαστος, qui in re qualibet suus & simplex, atque ut ex Isidori Pelusiotæ epist. cxxxii. lib. ii. dixeris ὁ μὲν σωτέως ἀπλάστος. id est, *qui simplex intelligenter*. Est enim duplex simplicitas, vna prudēs & iusta: altera demens & iniusta, ut distinguitur apud Suidam in ἀπλότης.

Oppugnatur autem hæc virtus ab extremis, hinc *Arrogantia* & *Simulatione*: inde à *disimulatione*. Vtrāque semper implicata mendacio est. Itaque commentus auctor est ingeniosissimè, vnam videri huiusce aulae dominam à principio, & in ipso quasi limine ac vestibulo: sed mox geminam adparere. Quippe & arrogans & dissimulator siue ἔϊραν, utrūq. mendax est, δικίq. potest, veritatem vtrinq. oppugnari à mendacio, sed differenter. Quippe inde à mendacio in excessu siue arrogantia: hinc à mendacio in defectu siue *Disimulatione*. Argumēto est ipse Aristoteles. Nam utrōsq. videlicet tum arrogātes tum dissimulatores vocavit ψευδομίεις siue mētiētes c. vii. lib. iii. ad Nic. c. vii. lib. iii. ad Eud. Sic & Iustitia cui hæc virtus cognata est, vtrinq. oppugnatur ab iniustitia. Vtq. huiusce virtutis, sic & Iustitiæ extrema, quasi genere aliquo conueniunt, specie differunt, ut tempus dicendi erit die proximo sequente. Hanc virtutis vtriusque adfinitatem, Aristoteles quoq. ipse tangit ad Nicom. loco eodem, vbi de hac virtute extremisque eius agens, ait ὅσα εἰς ἀδικίαν ἢ ἀδικίαν σωτέως. id est, *Quatenus ad iniustitiam tendunt aut iustitiam*, &c. Quem locum malè omnis legio interpretum accepit. Omnes enim *de rebus que ad iniustitiam aut iustitiam pertinent*, interpretati, longè abierunt à mente philosophi.

Alia quoque ratione mendacium quasi genus est, siue mentientium genera duo. Aliqui enim ipsius mendacij causa mentiuntur, siue non alia fini mentiuntur, quàm ut mentiantur, exq. ipso mendacio capiunt voluptatem, de quo genere totus Luciani liber est *Philopseudes*: alij sunt qui mentiuntur sed proposito fine aliquo lucri aut honoris. Vtrumque genus exfertim Lucianus principio illius libri distinguit, & anterior illo philosophus noster loco anted. vbi ait, mendaces alios ipso mendacio gaudere: alios ex eo lucrum quærere aut honorem.



## PLVRIMA VANIS ADROGAT AVSPICIIS SIBI.

Adrogantes simulatione quadam, & inani ostentatione, fictoque non solum sermone, sed etiam vultu se venditant: dissimulatores contra, quos Græci ἑίπωνας vocant, sua ipsi bona scientes obtegunt, aut verbis extenuant & abiiciunt.

Sed Ostentationis & Adrogantiæ, genus triplex est. Aut enim animi causa, & propensione sola mentiendi, mouentur ad ostentationem, vt fatui ac nugones: aut cupiditate honoris, & animi elatione, vt milites gloriosi in comædiis, & qualis apud auctorem ad Herennium lib. iv. ille *non diues, sed gloriosus ostentator pecuniæ*. Quales etiam Theophrastus penicillo suo pingit in Notis siue notationibus c. vlt. aut lucri causa ostentant se & gloriantur, vt circulatores, chymistæ non Stagiritæ sed spagiritæ, horumque collegæ Chaldæi, mathematici, planetarij, genethliaci, ὡς ἀγαθὸν εἶναι ἑπιουρίας πολλὰς ἔχειν, inquit Aristophanes, *Habere multa nomina, est perutile*. Manipulares quoq. horum & participes, incantores, magi, qui *haruspicum fratres*, Arnobij lib. iv. Et pharmacopolæ circumforanei, diuini siue diuinaculi, coniectores siue *somnifolutores*, præstigiatores cum acetabulis & calculis, alij sexcenti λεπτόσκατων λίθων ἱερεῖς, *nugarum subtilissimarum antistites*, omnes ad Fabulinum Deum ablegandi.

## SED PROPIORE GRADV.

Domus Adrogantiæ siue Ostentationis hic pingitur, talis quidem, vt eminus, primoque adspectu, magnificentissimè substructa esse videatur, cum reipsa & veritate, non substructio illa sit, sed vltimi arbores, in quincunces quadrato circum ambitu directæ, & velatæ nebula speciem habente ac similitudinem ædium, perinde vt in nubibus, radiorum inflexione, aliæ atque aliæ rerum imagines procreantur. Vltimi quidem illæ de furculis satæ videntur vltimi Virgilianæ, vi. *Æneide, opaca,*  
 ----- *ingentis, quam sedem Somnia vulgò*  
*Vana tenere ferunt, foliisque sub omnibus herent.*

Pro adrogantia autem quoque aliqui, vt Camerarius *gloriationem* dicere. Sed interest: Adrogans aliis etiã sua detrahit: glorius sua intemperanter exaggerat. Verum vtrâque plerumque res inter se nexa iunctaque est.

## QVINCUNCES INTER MEDIOS.

Ingressi illud inanissimum *Adrogantiæ* domicilium, vident exaggeratum vesiculis quasi tribunal, in eoque stare cum cothurnis altissimis *Adrogantiam*, ramo innixam arboris \* coluteæ, iuxtaque adistere geminam eius germanam *Simulationem* siue *Ironiam*. Vtriusque tam  
 \* Bague-  
 naudier.

præterea quicquam velle, sit *lucernam in sole adhibere*, aut *teruncium addere Cræsi pecuniæ*.



Tempus inquit, iam esse Aristoteles de caliginosa Simulationis valle, in collem vicinum proficiscendi, in quo Sinceritatis siue ita est dicendum, *Veracitatis* domicilium est, quod quasi Poeticè ἀναγεωγίζων, ex lapide phengite struxit, de quo C. Plinius c. xxii. lib. xxxvi. Et ait intus & foris eadem specie figurâque esse: quippe vt hominibus veris ac sinceris conueniens habitatio sit, quorum vt dicitur, *apertum pectus* videre licet, neque *Momo* necesse est, in eis fenestellam aut lumen desiderare.

NUNC PROPEREMVS ET HANC.

Depicta Veritate siue Sinceritate, eiusque vno extremo Arrogantia: sequitur nunc alterum eius extremum siue altera quasi inimica, Dissimulatio: quæ non tam acriter Sinceritatem oppugnat quam Ostentatio. Itaque ne effigies quidem eius longè ab ædibus Sinceritatis in vallem abstrusa est, sed in ipso conspectu posita, inque ipso quasi frontispicio vestibuli Sinceritatis.

Duplicem vero dissimulationem esse docet, vnam eorum qui de rebus suis præclarissimis maximèque expetendis fictè simulatèque diffidentur. Qualis sapiens ille olim Socrates, qui tamen vt vetus poëta loquitur, *pectus egregiè sapientia munitum gereret*, tamen hoc in omni sermone profitebatur: *unum tantum scire se, nihil se scire*. Alteram dissimulationem eorum esse, qui leuia quædam habent & inania, eaque ipsa tamen quasi magna quædam præclarâque dissimulant: vt si quis fingeret amiculum purpureum sibi, aut calceolos Sicyonios non esse. Huc facit character siue Notatio Theophrasti ii. de Ironia, quam male interpretati *Cauillationem*. Quo dissimulationis genere vsi olim Lacedæmonij. Eaq. dissimulatio siue ironia, arrogantia & ostentationi est adfinis, vt illo ipso Lacedæmoniorum exemplo intelligi licet. Quos cum Diogenes male vestitos in Olympiis vidisset, hoc ipsum esse dixit ostentationis, & gloriæ, vt narrauit Ælianus in variis c. xxxix. lib. ix. Non sat commodè autem pictor, & dissimulationis imaginem prætermisit aut parum expressit, & Mendacij Arrogantiæq. imagines discreuit.



DIES SEPTIMVSDECIMVS,  
DE VRBANITATE EIVSQUE  
EXTREMIS, ITEM DE VERE-  
CVNDIA.

**C**RINTHIA flamifero decesserat aurea fratri,  
Cum inga vicini successit in herbida collis  
Dux Sapiens, sedes ubi latè struxit amœnas  
URBANOS TRIBVENS MORES, hilarissima VIRTVS.  
Singulatim Sapiens sic orsus pandere. Campi

Cernite planitie vt viridaria quadrua rident.  
Porticus illa virens circùm patet : arbore Phœbi  
Et Veneris tonsa trichila florenter opacant,  
Quattuor à portis deuortia lata viarum.

Fons media leni scatet in regione susurro,  
Perspicuis nitido viuens in marmore lymphis.  
In medio effigies Domina, florentia latè  
Prospectans sua regna videt. De marmore leni  
Structa basis, leges, hilaris moderamina vitæ,  
Continet inscriptas. Procul hinc procul oris acerbi  
Morsus, & inuidia, linguaq; vrtica proterua.  
Nupta procul verba, & Veneris vocabula sunt.  
Triste supercilium, caperata & simbria frontis  
Exesto: neq. in hac illi mea regna licet o  
Ire, suas quiqui curas ludôq. iocôq.  
Ducere cessatum, durus malè patruus, odit,  
Scabritiémq. animo refugit delere, proteruis  
Et dare venti auris crucias, ludibria, curas.

Non procul à Domina, sinuati tubere gibbi  
Ridiculaque sedet specie, lepidissimus idem, &  
Innocua salis in quosuis adspergine dicax  
Æsopus, circùmque suis præcordia doctus  
Ludere fabellis, & vertere seria ludo.

Adsidet huic bello bellè, qui cognitus aulis  
Hospes Aristipus regum, Cynicamq. perosus  
Spurcitiem, & metuens scabiem mordere canini  
Farris, in exemplum fuit, vti suauiter aula,

Et sapere aduersis pugnantiâ frontibus esse  
 Qui statuunt, homines ludi de puluere & umbra,  
 Desipere, ut medico si quis cum uisitat agri  
 Limen, obesse putet. Sapiens civilibus undis  
 Se mersare potest, neque mergi: carpere fructus  
 Aula, nec minus interea, mentis bene sana  
 Viuere, & ultrò alios recte inter premia uita  
 Ducere, secretos ab inertis tramite vulgi.

\* Male  
 apud Ma-  
 ronem est  
 sciam.

Putida SCVRRARVM gurgustia, uallis opaco  
 Inlatebrata sinu, \* sciam lutulenta mephitin  
 Exhalant. Nec ego inluuiem Regina praire  
 Digner in hanc: tibi nec fuerit comitare decorum.

Ac neq. vicino, quam uepribus obsita uallis  
 Limine habet, fera RVSTICITAS hircosq. nostros  
 Digna morari oculos. Tetricis inhumana clientes  
 Moribus illa suos fingat sine, lumine nunquam  
 Quos CHARITES placido adspiciunt, & amabile numen  
 Ad sua tam rigidos, hilarissima sacra venire  
 Non unquam RISVS sinit, aut exporgere frontem.

Sed uenit Oeteos pratendens Noctifer ignes:  
 Adproperemus & has paulisper uisere sedes,  
 Quas PVDOR impositas medio tenet aggere cliui,  
 Coctilibus structas muris, & suauē-rubentes.

Ipsē quoque os iuuenale, suo quasi murice tinctus  
 Stat Pudor, ut solitus iuuenum suffundere sape  
 Ora uerecundus, latum, color, indolis omen.

Sed citò transcursum primòq. à limine sedes  
 Sit satis has uidisse: nec est bene congruus annis  
 Iste color nostris: neq. cum maturuit aetas,  
 Vlla, pudor, laus est, sed nil fecisse pudendum.

Sic fatus Senior, tacuit. Nam Vesper Olympum  
 Clauserat, & crebra circare rubentia uisa  
 Culmina nyctērides, celeres implumibus alis.

CYNTHIA FLAMIFERO.

QVOD Leontinus Gorgias olim dixit apud Aristotelem lib. iii.  
 Rhetoricor. rhetori faciendum esse, ut rebus aduersariorum seriis ri-  
 sum, eorumque ridiculis seria quaedam opponat: hoc per omnem vitam fa-  
 pienti seruandum est, ut cum grauib. seriisque rebus satisfecerit, det  
 se iucunditati paulisper, animumque relaxet, qui cum ludo & ioco li-





A. Domicilium Vrbanitatis.  
B. Imago Vrbanitatis.

berali exhilaratus fuerit, ad grauiora deinde maioraq; studia reuocetur. Quare nunc ludi atque ioci mediocritatem adiungit Aristoteles, siue reficiendi animi virtutem, cui nomen ipse indidit *ἑπιδείξιότητος*, siue ita loquendum est, *Dexteritatis*, sed eandem appellemus licet *Ευτελειας* siue *Urbanitatem*.

Hæc autem virtus duas inimicas habet, vna ex parte Scurrilitatem, ex altera Rusticitatem.

Decimus igitur septimus iam hic in veri ciuitate agitur dies, *Urbanitati dictus sacer*. Cuius tam vrba atque omni venustate circumfluens depicta hic tabella est, vt illud humanitatis, salis, suauitatis, leporis, specimen, ipsa videri possit finxisse urbanitas.

Principio enim domicilium urbanitatis expressum est specie figuræque horti amœnissimi, in cuius extimis partibus sint ambulationes fornicatæ, siue *trichilæ* potiùs, siue tabulata, siue pergulæ, aut vt Iul. Firmicus dixerit, *virides porticus in circulum, flexis vitibus, &c.* In medio fons aquæ purissimæ, siue in poëtica materie loqui licet poëticè,

*nitidis argenteus vndis.*

ad quem octo viæ, myrto, lauru, hedera & id genus stirpibus atq. herbis semper virentibus vestitæ, persimiles illis quas Florentiæ intueri licet in horto magni ducis Hetruriæ. Fons autem ipse vmbaculo contectus, imposito sex columellis, inque medio ipso, & quasi vmbilico fontis, imposita effigies Urbanitatis, ad octo illas de quibus commemoratum est semitas, intuentis, Pluribus autem horti locis.

*Discubère, tenentq.*

*Pocula belli homines, & inumbrant ora coronis.*

#### DE MARMORE LEVI.

Ad statuam Urbanitatis Aristoteles appropinquans, leges in basi ipsa fontis incisas Reginæ pellegit, ex quibus planum fit, quæ sint partes hominis Urbani ac fluentis, vt Plautus loquitur, *facetiis*. Cui deinde opponit hinc, scurrilibus iocis velitatēs ac mimicis: inde vastos & agrestes, qui *gratiis nunquam litarunt*, vt olim Xenocrates.

#### NON PROCVL A DOMINA.

Urbanitatis exempla quædam adponit, vt *Æsopum* corporis quidem distortissimi, sed ingenij perurbani atque omni festiuitate affluentis hominem. Qualis à Plutarcho inducitur in conuiuio sapientium. Deinde Aristippum adiungit, in ipso Urbanitatis quasi gremio educatum olim. Itaque inuidens ei hanc laudem canicula plebeia siue *canalicola* veriùs, Diogenes, *obstringilandi* gratia, *canem*, illum appellare solitus, *regium*.

#### PVTIDA SCVRRARVM GVRGVSTIA.

Artificiosa præteritione attingit vallem Scurrilitatis & Rusticitatis. Nam ita eas deformè adspectum habere, inquit, & turpem, vt fannoni



alicui & scurræ vel foffori & caprimulgo, conuenientior earum lustratio fit, quàm philosopho aut Regina.

## SED VENIT OETÆVM.

In ædium vrbauitatis inspectione necdū die omni consumto, quod reliquū dici est, inquit Aristoteles sufficere ad Verecundiæ siue pudoris recta perlustranda, posita in cliuo, quo in oppositas vrbauitati valles descenditur. Neque enim Verecundiæ domum par fuit in regione ipsa virtutum ædificari, cum sit non virtus, sed affectio, quam ad virtutis indolem natura ipsa quasi notam adposuit, vt docet L. Seneca epist. xi.

Hoc autem ita fiet planius. Aut ante rem, aut cum re, aut post rem verecundari homines soliti. Nam & antè flagitium, cogitatione ipsa, & suscipientes facinus, aut facinore iam suscepto erubescunt, cum species quædam turpitudinis animum pepulit. Est enim pudor ἀδελίας φαντασία vt Aristoteles definit c. vi. lib. ii. Rhetoricor. aut M. Cicero epist. v. lib. ix. ad Attic. Αἰσχρῶ φαντασία. Horum autem nihil cadere & cōuenire potest in personam viri honesti & grauis. Neque enim ille in turpi cogitatione vnquam versabitur, multoque minus flagitij aliquid faciet.

Præclare igitur hoc ita nunc inuentum atque excogitatum est, vt Aristoteles verecundiæ rectis, Regina procul demonstratis, artificiosa quadam præteritione dicat, nihil attinere ingredi. Neque enim laudi esse hominibus ætatis maturæ, si verecundari & erubescere nouerint, sed potius si curent nihil in se admittere, quod pudendum aut rubore dignum sit. Sapienterque L. Crassus apud Ciceronem. *Non enim pudendo, inquit, sed non faciendo id quod non decet, impudentiæ nomen effugere debemus.*

Tamen quia non frequentissimi sunt ita integri, sancti, innocentes viri, vt ab omni etiam cogitatione flagitij aut sceleris alieni sint, etiam ij qui ætate matura sunt, à pudoris aliqua significatione laudari solent, vt L. Crassus apud M. Ciceronem, & L. Murena in ipsius defensione. De Cn. Pompeio item, & Fabiano L. Seneca narrauit epist. xi. *Nihil, inquit, erat mollius ore Pompeij, nunquam non coram pluribus erubuit, utique & in concionibus. Fabianum cum in senatu testis esset adductus, erubuisse memini, & hic mirè illum pudor decuit, &c.* Neque ab alia mente illud Homericum, Iliade xv.

Αἰδομένων δὲ ἀνδρῶν πλέονες σοοί.

*Sapius incolumes sunt qui erubescere.*

Præterea ruborem aut nostræ turpitudinis phantasia siue species gignit, aut alienæ. De priori intelligendus Aristoteles. Posterius autem hoc pudoris genus laudi est. Nam verborum obscœnitate aut turpitudine rerum aliena erubescere, ne grandi quidem ætate hominibus indecorum est: vt illi apud Lampridium senes erubescunt, obscœnè interrogati à tyranno Auito siue Gabalo: in quos & tyranni iocus ille mimicus, *Erubuit salua res est.* Huiusmodi ergo pudor etsi virtus non est, laudatur tamen, & medius est inter extrema, nimium scilicet pudorem siue



adfectum ad omnia verecundantis & quasi obstupescantis, & impudentiam. Huiusmodi quoque res laudabilis est, Indignatio, media nempe adfectio inter Invidentiam & Malevolentiam c. vii. lib. ii. ad Nicom. Huiusmodi quoque Misericordia, & id genus alij adfectus, qui non ipsi laudantur, sed modus eorum. Concinnè itaque Poeta finxit, vespertiliones circum *Pudoris* tecta visas, ut enim vespertilio, neque musculus propriè neque avis est: sic *Pudor* nec virtus propriè nec vitium. Sic Varro Terentius in Agathone lusit, *Factus sum vespertilio*, &c.



DIES DVODEVICESIMVS,  
DE IVSTITIA PVBLICA SIVE LEGI-  
TIMA EIVSQVE EXTREMO  
INIVSTITIA.

**Q**RTA PV DORICOLOR simul ac Tithonia, clivo  
Descendit Senior, tectóq. rubente PV DORIS  
Egressus, procul ostendit rutilantia collis  
Sidereo circum iuga lumine, quam sibi legit  
Sedem IVSTITIAE VIRTVS: dehinc farier orsus  
Est Sapiens, atq. his animos accendere dictis.

Omnia cum lustrat, terras, mare, sidem, calum,  
Nil Hyperionides se pulchrius adspicit vno:  
Cúmque obit, & circo fessos agitare diurno  
Destitit alipedes, & versicoloria terra  
Pallia Nox remouens, calum velamine pullo  
Implicat, anne aliquid, Noctis deformius ipsa  
Esse potest caeca caligine? Sic & Honesti  
In regione, nihil speciosius enitet vna  
IVSTITIAE VIRTUTE, nihil distortius atris  
Vallibus in vitij, quàm iusti migrat & aequi  
Quae fines, varians bifido discrimine LABES  
Tetra INIVSTITIAE: de qua nunc dicere primum  
Ordiam, est vulgo quia trita & cognita inerti,  
Notior ut sua sit nulli domus: at pia rerum  
Arbitra IVSTITIA est oras celebrata per omnes  
Illa quidem & gentes, claro sed nomine tantum.  
Notior est non quisque suo sibi nomine, cunctis

*Nomine*

Nomine *IUSTITIAE* est quàm cognita, semper in vdo  
 Illud, & extremo sapimine tinnit in oris.  
 Hoc pueri recinunt parui, iuuenesq; senesque,  
 Hoc ita perspersus sermo sale, suavior omnes  
 Inluit, auriculas: sed res incognita *MULTIS*  
 Ipsa, placens *PAUCIS* quos *Iupiter* æquus amavit,  
*PLVRIBVS* est odio quasi formula *Stoica*, vite  
 Infuscans faciem, quia circumscribere inique,  
 Fallere, miluinos extendere qualibet ungues,  
 Innocuo temerare manus impune cruore,  
 Cingere se alterius raptis de fronte corollis,  
 Dilapidare suam, atque aliena incumbere fama,  
 Debita virtutis *LAUDI*, dare præmia *FRAVDI*,  
 Figere lucripetas pretio atq; refrigerare leges,  
 Imperiosa vetet: tanta caligine mentes  
*VIS INIUSTITIAE* valet occacare, nec illam  
 In speciem patitur desigere lumina, *VIRTVS*  
*IUSTITIAE* rebus qua prænitet aurea cunctis,  
 Qua neque *Luciferi*, calo nitidissimus alto,  
 Ignis amabilior splendet, licet æquore lautus  
 Eo: neque *Vesper*, amans præcurrere stellis  
 Omnibus, & dubia dirimens consinia lucis.  
 Hæc nobis facies vicino vertice collis  
 Inspicienda venit, tanto perfusa decore:  
 Ante sed hanc opus in subiecta visere valle  
 Sedem, *INIUSTITIAE* turpissima regna profana.  
 Adspice stant picea circum caligine, tecti  
 Horrida tam laceri fastigia, dedecus ingens  
 Omnibus in terris, inimicæque mœnia calo.  
 Excubat ante fores, pauidis exercita curis,  
 Acris *AVARITIA*, & macro larualiter ore.  
 Adsidet *AMBITIO*, & sibi propudiosa veneno  
 Muricis infecit fulgenti pallulam, & alto  
 Vertice fert oculos circum, sufflata, superbos.  
 Parte aliâ sedet uncta, & florida versicolore  
 Palliolo, & variè fertis incincta corollis,  
 Atque vlnis *BROMIVM* hinc, *PAPHIAM* inde amplectitur, illa  
 Qua vino & *Veneri* malè perdita temperat, unde  
 Dicta *INTEMPERIES*. Furiarum hæc triga nefanda  
 Regno Iniustitia fidissima conciliatrix,  
 Hoc lacerum populo pandit ceu \* ianea tectum.

\* Ianitrix.

*Horreat ut tecto vident' interiore triquetra  
Pyramis? Hanc sibi cum Furiarum maxima vellat  
Ponere, in hospitibus alienis ante ruinas  
Fringentes dedit, exq. illis sibi tecta locavit  
Talia maceris, raptisque aliunde tropæis  
Instruxit rutubam, furtiuos induit olim ut  
Garrula plumarum, ignava ratione, colores,  
Et placuit sibi, sed neque longo tempore, cornix.*

Tyrannis.

Oligar-  
chia.  
Ochlo-  
cratia.\* Rapidus  
ἀπὸ ταχέως  
Gl.

*Diva TRANNORVM, primum latus occupat huius  
Natio, Pyramidis: PAVCIO. MALIO. secunda  
Parte sedent PROCERES, iunctis malè perdere votis  
Rem populi, vigiles: VESANAE tertia PLEBIS  
Infelix regio, miscens sacra profanis.  
Omnibus his mens cruda, manus rapidissima, \* ventus  
Omnia ceu Boreas conuerrere callida, & ipsas  
Vincere aues properans Stymphalidas, ungue tagaci.*

*Ipsa sedens summa celsæ regione Celeno  
Impia Pyramidis, leges conceperit auitas  
Nauiter, & rapidis spargit ludibria ventis,  
Hæc INIVSTITIÆ latè dominantis imago est.*

*Sed nimis hæc mora longa mihi est in valle profana:  
Iam properat mihi animus vicini lucida collis  
In iuga, de bene questitis ubi struxit ad auras  
Tecta sibi omnimodo splendentia marmore, VIRTUS  
Inclytæ IVSTITIÆ, & vario distincta nitore.  
Porticibus latè circumdata quattuor, intus  
Area, portarum totidem quoque limina, Semper  
Illa patent cuius. Non hinc excluditur ullo  
Tempore, seu veniat cuius tutamine legum,  
Seu peregrinus egens: aditum quoq. pauper in illa,  
Æquè ac diues habet: nullo discrimine iuris  
Inualidi veniunt & magnis viribus acres.*

*Nunc etiam vide sis, ut ahenis porticus illa  
Nititur, & calo surgit quadrina columnis.  
Iussa licet legere hic cuius sanctissima legum,  
Principis imperio, sanctiue incisa senatus,  
Aut populi, serie triplici distincta, sacrarum  
Et populiverum, & prius discrimine sortis.*

*Stat media tecti regione triquetra, & in auras  
Pyramis excellit, domina sanctissima sedes  
Iustitiæ. Hoc sanctè venerabile limen, ut aram*



Poplite summissō par est, cultūque piare.  
 Hinc etenim populis vita est, regnisq. beata,  
 Omnimodis cumulata bonis, expersq. malorum.  
 Maximāq. hæc merito virtus cluet: unica nempe  
 Est aliis semper bona, quàm sibi, commoda curat  
 Publica præ quam prima: sua & trans tempora mittit  
 Temporibus populi, leges peccare vetantes  
 Dum statuit, civēsque regens, Chironia morum  
 Ulcera, quæ serpunt populosas tetra per vrbes  
 Sanat, & à vitio pœnis absterret, honesto  
 Præmia constituit, fontes elidit, ut acre  
 Cultor agri lolium filicemue, & mactat honore  
 Promeritos benè, ceu flores fouet aura Fauoni.

Pyramidis residens *ASTRÆA* cacumine *VIRGO*

Defixis oculis cali in versatile templum,  
 Sidereōq. micans stellantis tegmine palla,  
 Cuius impertit pacem, latissima tecta  
 Urbibus, & pleno fruges quasi Copia cornu  
 Fundit agris, populis amplissima regna frequentat.

Inferius, lateris longo primi ordine, fulgent  
 Purpurei gradibus reges: seriēq. secundi  
 Nobilitas, moderans rerum sapienter habenas:  
 Postrema triquetri positus regione Senatus,  
 Quem populi legere suo suffragia iussu,  
 Temporis imperio parui qui reddere iura,  
 Inq. vicem positus, alieno, sciret habenis,  
 Parere imperio, & iuri ciuilitèr æquo.

Pyramis, & quadruplex ea circum porticus, atrum,  
 Subter habet specus, & cæci loca senta recessus.  
 Carceris hæc domus, & mala mansio. Tetricus illic  
 Arte reos iudex audit, subigiq. fateri  
 Ore dolos timido, & commissa piacula: raptam  
 Sæuiter insonti multo cum sanguine *VITAM*:  
 Aut *BONA*, quæ miseris mortalibus altera vita:  
 Siue trucidis multo confectam vulnere lingua  
 Demisere neci *FAMAM*, quæ tertia vita est.  
 Spurcidiis Criticus scriptis hanc ledere, laudi  
 Grex sibi ducit iners. *VITAS* interprete credunt  
 Inlustrare stilo, *VITAS* loliginis atræ  
 Nequiter infuscant alienas, sanguine, \**VITAE*  
 Nescia turba sua, neque cernens mantica tergo

\* Plinius  
 c. xxix.  
 lib. 12.

*Gibbere quid celet, contemtis impia sacris,  
Mortiferòq. atrox iraq; odiq. veneno:  
Et misera vter uti multo spiramine turgens  
Gloriola: non ut ventis in vota paratis,  
Muneris Æoli, tumuit quondam vter Vlyxi.*

*Sunt alia & maiora, sed hac me vesper in oras  
Edere nunc lucis prohibet, neq. sacra mouere  
Sacrilega ista sinit. Venient labentibus annis  
Tempora, cum velis portum mea cymba citatis  
Ibit in hunc, lacerans inimici vela theatri.*

*Sic ait, & Nocti Sapiens ea iura remisit.*

ORTA PVDORICOLOR.

**H**ACTENVS de virtutibus quæ referuntur ad illos ipsos, in quibus insunt. sequitur illa quæ refertur ad alios, nempe Iustitia, quam idcirco ἀγαθὸν ἀλλοτρίον siue *bonum alienū*. Thrasymachus sophista vocauit apud Platonem lib. i. de republica, & tangit Aristoteles c. i. lib. v. ad Nicom.

Octauus igitur & decimus hic dies in veri ciuitate Iustitiæ dicatus est, quo non alius pulchrior inluxit: conuenientissimūque huic tam festiuo diei auctor cœpit exordium, partim à pulchritudine solis, cui parem fecit splendorem Iustitiæ, partim à tenebrarum horrida specie, cui sit persimilis turpitude & dedecus Iniustitiæ. Quemadmodū enim virtutis splendor in Iustitia maximus est: sic Iniustitia nihil turpius, nihil fœdus. Atque huius armis, vtrinque Iustitiæ laus acerrimè oppugnatur. Neque enim, vt in aliis animi virtutibus, diuersa etiam Iustitiæ extrema sunt: sed vltra citràque iustitiæ fines siue terminos, omnia iniustitiæ labes occupauit. Aristotel. c. v. lib. v. ad Nic. Quanquam & Iustitiæ extrema sic differre possunt, vt hinc sit defectus Iustitiæ; siue δικαιοσύνη ἐλλείπουσα, *Iustitia deficiens*: inde Ἀκριβοδικαίων siue *nimia seueritas*, nimius rigor Iustitiæ. De qua extremorum pugna, ornatè copiosèq. Dionysius Originum lib. i. xx. Plutarch. in Bruto. Sed illud ipsum ἀκριβοδικαίων profecto iniustitia est, vnde notissima illa vox, *Summum ius summa iniuria*. Manet itaque decretum illud, Iustitiam oppugnari vndequaque ab iniustitia. Et altera illa regula. Virtutum mediocritates, vtrinque oppugnari à vitio.

Iauellus nescio quis, & id genus alij, de puluere & schola proceres, disputauère, non esse Iniustitiæ vitiosum extremum vtrinque. Quippe iniuriam facere, vitiosum esse: iniuriam accipere quod Aristoteles alterum extremum facit, non esse vitium. Nemo enim voluntariè vltroque accipit iniuriam, neque si acceperit, eo vituperari nomine potest. Respondent aliqui hodie eiusdem farinae homines, quod ante dixi, Iniusti-





- A. Domus Iniustitia.  
 B. Statua Iniustitiæ concerpentis Codicem legum.  
 C. Auaritia & Ambitio, quibus maximè homines mouentur ad Iniustitiam.  
 D. Intemperantiæ effigies inter Bacchum & Venerem. Hæc scilicet quoq. labes iniustos facere solita.  
 E. Pyramis structa ex parietinis, ditutis nempe ab iniustitia virtutum aliarum ædificiis. Triquetra illius Pyramidis primo latere sedes Tyrannidis siue dominatus: in altero autem Oligarchiæ: in tertio deniq. Ochlocratiæ. In his tribus, dominatur Iniustitia.





- A. Legitimæ Iustitiæ regia marmorea, in eaque porticus, & columna quibus adfixæ legum tabulæ.
- B. Statua Iustitiæ legitimæ, siue vniuersalis, siue architectonicæ, cum palla distincta stellis, læuâque codicem legum tenens, dextra spicam virginis Erigonæ, siue Astrææ, siue Iustitiæ inter stellas.
- C. Pyramis triquetra. Primo latere sedes Regni: altero Aristocratia: tertio Democratia. In his dominatur Iustitia.

tiæ vtrumque latus oppugnari à vitioso extremo, si spectetur iniuste agens parum aut nimium, siue *δικαιος ἐλλείπων*, & *ἀκεραβόδικαιος*. Sed hoc quidem proderet Aristotelis castra potius, quam tueri est. Nam verè hoc quidem dicitur, ea ratione quam ostendi: sed alia mens philosopho est. Videlicet docere vult, virtutes omnes esse mediocritates inter nimium & parum: sed cum discrimine. Nam virtutum quæ in adfectionum siue *παιδῶν* moderatione ac mediocritate versantur, vt fortitudinis, temperantiæ, &c. & actuum vt liberalitatis, Magnificentiae &c. nimium aut parum, æquè vitium est: virtutum autem quibus æqualitas proposita est, vt Iustitiæ legitimæ, commutantis, distribuentis, nimium & parum esse non æquè vitia: sed nimium, esse vitium, parum verò damnum aut malum. Damnum rei, malum personæ. Alio præterea discrimine, ceterarum virtutum nimium & parum, & virtutibus pugnare ipsis; & inter se ipsa quoque configere: Iustitiarum autem parum & nimium ipsa inter se dimicare: at virtutibus non repugnare propriè parum sed nimium:

De Iustitia igitur atque Iniustitia hodierno die Aristoteles ad Regiam diciturus est, ac primùm de Iniustitia, ex cuius deformitate, Iustitiæ pulchritudo facilius agnoscitur. Obuia enim vbiq; furialis Iniustitiæ facies: at Iustitiæ illa cælestis diuinæque imago lucet in paucis,

*quos æquus amat*

*Iupiter*

Quare totius virtutum chori domina & Regina Iustitia, omnibus quidem aliis anteposenda fuisse videtur, vt excellenti specie pulchritudinis suæ, faceret *τιλαυγές*, quod aiunt, *Ἰσχυροσύνων*, siue splendidum principium: sed quoniam ceterarum virtutum quasi concursu exaggerata Iustitia est, illas primùm explanari necesse fuit, quo facilius ad eminentem huiusce tantæ virtutis regionem, illarum quasi gradibus ascendetur.

Hoc autem iustitiæ generibus notatis apertissimum fiet. Duplex enim Iustitiæ tanquam facies & forma est: vna illius quam *Legitimam* vocant siue *Generalem*: altera illius, quæ in parte siue specie tantum excellit, vulgus dicit *Particularem*. Harum vtraque suum cuique distribuit, sed illa publicè, hæc priuatim: illa ex formula præscriptoque legis, hæc autem ductu & auspiciis tantùm rectæ rationis siue prudentiæ.

Sed genus illud Vniuersalis siue Legitimæ Iustitiæ diuidere ac distinguere rursus necesse est. Vnū est enim iustitiæ legitimæ genus imperantis: alterum vero parentis. Illa principis & magistratuum legitima Iustitia est: hæc priuatorum in ciuitate hominum. Princeps enim ceterique magistratus legibus descriptis, imperant ius vniciuque tribui pro dignitate cuiusque: priuatorum autem officium est, ita suam cuique tribuere dignitatem, vt à principe aut magistratu imperatum est, id est, ita vt legibus obtemperent eisque obseruent. Vnde illud Ciceronianum 1. de legib. *Iustitiam esse obtemperacionem scriptis legibus*: & illa iustitiæ definitio quam expressit Aristoteles c. iii. lib. x. Sapientiæ, *ὁ δίκαιος καὶ ἔστι τιτὰ πειθαρχεῖς τοῖς νόμοις*. *Iustus est, in quo inest habitus, legibus obtemperandi*: Impe-



rantem verò illam Iustitiam Hippodamus Thurius apud Stobæum *εὐνομίαν* dixit, quasi *rectam legum descriptionem*, siue *rectam legislationem* dixeris. De omni autem specie honestatis, leges in ciuitatibus constitui solent. Itaque leges imponentem eisque obtemperantem licet omnium virtutum ornamentis abundare. Ex quo illud factum est iam tritum veritate prouerbum, *Iustitiæ complexu omnes virtutes contineri*: perinde ut si totius honestatis compendium esse diceretur. Ergo & philosophus hanc *ὅλην ἀρετὴν* vocauit c. I. & II. lib. v. ad Nicom. id est, *totam* siue integram, exque ceteris virtutibus ceu partibus ac membris constantem. Et *τελείαν ἀρετὴν*, id est, *virtutem perfectam*, cap. I. libri eiusd. ut & Theages apud Stobæum. Et in literis sacris, *πόρται δικαιοσύνης*. *Portæ Iustitiæ*, sunt *ἑξάφοροι τῆς ζῆτης ιδέας*, *Varia species virtutis*, ut explicat Suidas. Item alij. Hinc illa Iustitiæ laus ex Poli Pythagoræ institutorum æmuli scriptis, apud Stobæum. *Δοκῆ μοι τῆς ἀνδρῶν τὴν δικαιοσύνην ματὴρ τε καὶ πάλαι τῆς ἄλλων ζῆτης ὡροσεπιπῆν*. *Placitum mihi est*, inquit, *Iustitiam ceterarum virtutum matrem atque nutriculam adpellare*. Item Theagis sententia illa. *Καὶ ὅστιν ἂν δικαιοσύνη συνώταρ μὲν πρὸς ἀρμονίαν τῆς μερίων τῆς ψυχῆς, καὶ ζῆτῶν τελεία καὶ πανυπερβάτα, πάντα γὰρ ἐν ταῦτα. τὰ δὲ ἄλλα ἀγαθὰ τῆς ψυχῆς οὐκ ἀτερτῆ τῶν τῶν*. *Iustitia*, inquit, *consociatio quaedam & concinnitas conuenientiæque animi partium est, perfectæque & omnino summa quaedam virtus. Huic enim vni laudes omnes domi nascuntur, ceteræ virtutes huiusce opibus carere nullo modo possunt*. Neque aliter in eodem ludo eruditus Hippodamus Thurius, in lib. de Beatitudine. *Εὐνομίαν* siue legitimam Iustitiam, *Cornu Amaltheæ* vocauit. Nam iustis imperiis principum & ciuium obtemperazione, *quasi virgula diuina*, ut aiunt, ciuitatibus omnis omnium rerum expetendarum vbertas, varietas, copia suppeditatur.

Et tamen illud à nobis die tertio ex cuiusdam Pythagorei sententia dictum de prudentia, illam virtutem ceterarum *ducem esse ac matrem*, haud mutamus. Nam si administratio reip. & societas hominum inter ipsos, vitæq; coniunctio spectetur, Iustitia excellit: sin autem virtutum in animis procreatio consideretur, omnibus anteponenda prudentia est. Huius enim radio lustrati & completi animi, omnia virtutum omnium quasi curricula sine offensione vlla conficiunt. Eaque mente Plauto prudentiæ in omni virtutum genere attribuit principatum lib. III. de legibus.

Et quoniam hæc à me tanquam schola explicari cœpta est: illud quoque ceu *mantisam* & corollarium adiunxero, virtutes omnes adfici quodammodo posse nomine Iustitiæ legitimæ siue publicæ, quatenus scilicet omnes illius admonitu & imperio, deferuiunt publicæ laudi & incolumitati. Nihilominus tamen eas à Iustitiæ vi naturæque differre ex subiecta illis materie intelligi licet. Nam legitimæ Iustitiæ materia est, ut in XII. tabulis, *salus populi*: fortitudinis verò, res formidolosæ, temperantiæ voluptates, Liberalitatis & Magnificentiæ pecunia, Magnanimitatis honores sūmi, mansuetudinis ira, comitatis, vrbانيتatis, sinceritatis, cōgressiones cōiunctusq; humani. D. Tho. II. II. Quæst. LIX. Art. VI.



## QVA NEQVE LVCIFERI.

Attingit veteris poëtae senarium, qui est cap. 1. lib. v. ad Nicom.

ὅτι Ἐσπερος, ἔστι' ἑσπός ἐπὶ ἡδρυματός.

*Non tam Hesperus admirandus est, aut Lucifer:*

Nempe quam species formaque Iustitiæ. Videtur verò quiqui est Poëta ille, sic locutus quasi alia Luciferi stella sit, alia Vesperi: sed eandem esse primus deprehendit Parmenides apud Laert. aut Pythagoras apud eundem, teste quoque ipso Parmenide.

## HORREAT VT TECTO.

Pingit *Iniustitiæ* sedem ipsam, Pyramidem præcellam, & triangulam siue trigonam, siue triquetram, malè materiata, quippe ex dirutis aliarum virtutum tectis, exq. parietinis & maceriis malè cõportata. Latera verò eius tria nõ sine scalarum gradib. esse, eosq. teneri trib. in laudatis reip. formis. In primo enim latere domini siue tyranni sedent, in altero deinde oligarchici siue pauci principatũ obtinentes iniustè, in tertio est ochlocratia, siue democratia, siue iniusta populi dominatio, quæ ἀκροπολις Δημοκρατία, Plutarcho, in Cimone. In culmine Pyramidis Iniustitia ipsa rectam rationem, siue Prudentiam, pedibus premit, & quasi contemtim conterit. Iuxta basin siue *acropodium* Pyramidis, sedent nutriculæ Iniustitiæ rerumque publicarum pestes ac furia tres, *Auaritia*, *Ambitio*, *Intemperantia*.

## SED NIMIS HÆC.

Pereleganti occasione ab iniustitia conuertit sese ad explicationem iustitiæ. Nam Aristotelem ait exsecrantem scelerata Iniustitiæ tecta, cõtendisse ad limen Iustitiæ quod in colle proximo. Depingitur autem Iustitiæ legitima regia, ornatus ceteris omnib. virtutum domiciliis, ædificata esse. In aliarum enim virtutum ædib. substruendis, certũ aliquod genus saxi aut marmoris adhibitum est: in huiusce verò tectis, omnia illa genera saxi, omnèsq. marmorum coloris varietates continentur. Qualis apud Strabonem lib. 1. x. *ποικίλη λίθια*, siue *marmoris varietas*. Neq. admodũ dissimili specie Thebaicus lapis, quem *Pyrrhopoecilum* vocauere, apud C. Plinium c. xxii. lib. xxxvi. Hoc autem propterea sic auctor commẽtus est, quia vt iam dixi, omne virtutis genus ad iustitiam quodãmodo refertur. Deinde Iustitiæ domus columnis aheneis imposita esse fingitur, ita quidem vt sine ostiis tota sit, semp̄q. patens, vt Romæ olim Tribunalis domus, quia nullum tempus vacare debet iustitia. Concinnèque olim Archytas, *iudicem aræ consimilem* esse dixit, apud Aristotel. c. xi. lib. iii. Rhetoricor. *ab utriusque enim perfugio neminem oportere excludi*. Ad columnas autem aheneas cum Regina propius accedens Aristoteles, incisas in eis omnium præclarè institutarum ciuitatum leges ostendit, vt florente olim Romæ imperio, *εἰς τήλας χαλκῆς ἐστὲν ῥάφοντο οἱ νόμοι*, id est, *in pilis aheneis leges inscribi solita*, vt est apud Dionem lib. Lix.

Dionysium lib. x. Illas autem Iustitiæ leges, inquit Aristoteles, omnibus limen *Iustitiæ* intrantibus ad legendum esse propositas, vnde & legibus ipsis nomen Latine inditum est.

## STAT MEDIA.

Lustravit iam affatim Regina materiam & columnas ædium Iustitiæ: nunc ad ipsius Deæ contemplationem piè religioſeque accedit, præmonente Aristotele, magnam huiusce Deæ, nempe Astratæ præsentissimo numini, sanctimoniam & religionem deberi.

## HOC SANCTÆ.

Peropportunè ingreditur in explicationem Iustitiæ. Nam cultum ei ceremoniamque adhibendam esse ait propter constans ac perpetuum studium eius de aliis bene merendi. Nam iustitia præditi iustè legitimèque omnia faciunt. Ex tali autem vita, bonis omnibus augentur & cumulantur ciuitates.

## PYRAMIDIS RESIDENS.

Depingit effigiem Astræ siue Iustitiæ, sedentis in fastigio pyramidis cuiusdam firmissimæ, & specie trianguli. Tribus autem lateribus, triplex genus ciuitatis laudabilis attributum est. In primi enim lateris gradibus locati ordine, iusti reges, in altero optimates: in tertio administri & consiliarij politiæ siue timocratia, siue status popularis censu temperati, siue in quo cæsus ratio habetur. In his enim generibus ciuitatum, scilicet *Regno*, *Aristocratia* siue optimatum imperio, & *Timocratia* siue Politia, siue censione, Iustitia efflorescit. Aristoteles ipse cap. x. lib. ii. ad Nicom. c. v. lib. iii. de Repub.



DIES VNDEVICESIMVS,  
DE IVSTITIA DISTRIBUTI  
ET CONTRACTVVM.



*V*ERSICOLORE iterum terras Eous amictu  
Induerat, Sapiens vicina palatia cæpit  
Visere, qua puro circumflua lumine struxit  
IVSTITIAE GERMANA sibi. Quæ limina postquam  
Contigit, Huncce diem, dixit, tibi sancta dicamus  
IUSTITIAE SOROR, & summi Iouis altera proles.  
Sit mihi fas lustrare tue penetralia sedis.

*Sed brevis una dies, etiam longissima, qualem  
Axe vehit Titan vapido sub sidere Cancri.  
Ac neque longa satis, quam senis mensibus anni  
Sol Phaëton promit gelido sub vertice, duras  
Horriser unde niues Boreæ molitur, & urens  
Spiritus, & rigido peruadit frigore terras.*

*Vna dies tamen hæc quanquam brevis, & cito nocti  
Decessura, peplo velamina longa trahenti  
Per calum piceo, satis hac regione sedentem  
IVSTITIAM Regina tibi nunc carmine pandet.  
Tempus erit tuus hæc vates, qui fluminis Arni  
Editus ad ripas, mea nunc vestigia lustrat,  
Latius omnia cum reteget, pennisq. fauoris  
Sublatus Regina tui, stellantia DIVÆ  
Ora videns propius, per singula promptius ibit  
Multiplicis monumenta domus, pingensq. colore  
Cuncta suo, ad seros mittet relegenda nepotes.*

*Adspice, stant, duplicisq. latus discrimine tecti  
Atria, dextrum illinc, laevum hinc, celeberrima claudunt  
Quattuor: ast à fronte duplex, & ponè, renidet  
Porticus. Hæc illi celebrant de more frequentes  
Atria, quos operis sibi VIRGO ASTRÆÆ severos  
Dilegit sancti socios: spatiantur apertis  
Porticibus, varioque more sibi tadia lentæ  
Murmure longa leuant tristes, qui litibus atris  
Impliciti, dum pigra vocet matricula scriptos  
Ordine, Prætorisq. meet citò causa per aures.*

*Ast VIRGO media regione ASTRÆÆ sub auras  
Ipsa sedet: solique vicem basis explet abena.  
Inq. basi rutilat nitidissima Solis imago,  
Sic quasi peruadens inter deiurgia mundi,  
Scorpio dire tuas parili moderamine chelas,  
Siue ASTRÆÆ tuas æquato examine lances,  
Signifer obliquum qua cingit baltheus orbem.*

*Semper enim VIRGO sua iura petentibus, æquas  
Et faciles, nullo variæ discrimine dedit  
Personæ: pretio, precibus, lacrimisque mouetur,  
Quantum dura silex, luctantis verberare venti.  
Et quanquam Iouis ad solium sedet aurea patris,  
Purpureoq. bibit latices Dea nectaris, ore:  
In terris viget usque tamen, veriq. beata*



*Adsiduè placitas sibi sedes visit in vrbe,  
Nec minus interea cali quóque despicit alti  
Vertice, non vnquam commuens pupula sancta*

\* Apertè  
iusta & in  
iusta, &  
iniusta  
velata Iu-  
sticie spe-  
cie, quasi  
dividit. Dis-  
tribuens Iu-  
sticia.  
Contra-  
hens.

*Virginis, in terris quæ IVSTA IN IVSTA\* geruntur:*

*Ipsa quoque aduolitans, præstò est sua reddere iura,*

*Sive petant multi, seu pauci, plectere fontes,*

*Et benè promeritis largiri præmia. Duplex*

*Scilicet officium est, quo terras VIRGO per omnes,*

*Portio mensura vt nata postulat, omnibus æquè*

*Supplicia indignis, & dignis auget honores:*

*Aut numero tribuit nihil euariante, cuiq.*

*Quod cuiusq. suum, & lances adtemperat æquas.*

*Hæc ita dum narrat Sapiens, dum tendit in aram*

*Oratq. IVSTITIÆ, obtutus Regina, nec vsquam*

*Minantes oculorum acies deflectit, vtrinq.*

*Adstantem vidit statuam, prope virginis aras,*

*Nesciâque, his causam à Sapiente requirere dictis*

*Cæpit, & ipsa, inquit, satis est mihi cognita VIRGO*

*ASTRICA: sed quorsum dextra læuaque figura*

*Adstant hæc statuæ multum variante? Relucet*

*Altera purpureis, auróq. superba rigente*

*Clausatis tunicis, & fulgentissimus ordo*

*Ponè subit comitum: dextrum latus altera claudit*

*Inlunne squallens, annis atque obsita pannis,*

*Auxiliùmq. rogans, gestu quasi supplice, Diuæ.*

*Adspicit hanc statuam, rabiosi diuitis inde*

*Torruiter à læua effigies, dirâsq. minatur.*

*Scire velim quorsum hæc ita sint variata figuris.*

*Tum breuiter Senior. Statuis extrema notantur*

*Illis, IVSTITIÆ laudi pugnantiæ: læuum*

*Oppugnat latus hic diues, quia migrat honestos*

*IVSTITIÆ fines, quàm par est plura tenere*

*Pertendens: dextro veniens à limite, pugnat*

*Acriter huic, & habere minus se diuitis arte*

*Vociferatur inops. Inter NIMIVMO. PARVMO.*

*Acria multicolor, sic prælia gliscere cernit,*

*Terrarum facies, quâ Sol oriturq. caditq.*

*Et videt adsiduè, toto reuolubilis edit*

*Quotquot in orbe dies, agitato Cynthius axe.*

*Et ni Diua suo minuat sufflamine lites,*

*Quâsq. sua, partes, NIMIVM detraxit habenti,*

*Lance, det huic propensa, MINVS qui possidet æquo,  
In cascum cadere incipiant chaos omnia retro.*

*Sed quo plura mens stilus haurit, plura supersunt.  
Oceanum veluti mare qui diffundere tentet  
In foveam, sudet frustra multumque laboret.*

*Iamque dies abiit, iam deserit Hesperus Oetam,  
Cumq. die claudi sua vult confinia sermo.*

## VERSICOLORE ITERVM TERRAS.

**E**XPRESSIS legitimæ Iustitiæ lineamentis: nunc illa nobis depingenda Iustitia est, quæ legitimæ tanquam pars subiecta est, & cuius laus omnis consistit primùm in pecuniæ vel honorum & id genus rerum iusta & æquabili distributione, deinde in rebus legitimè contrahendis.

Festiuæ autem præteritione hunc diem qui est in Veri ciuitate vndeicesimus auctor sic exorsus est. Cum illa quæ multis libri quinti ad Nicomachum capitibus Aristoteles vix amplecti atque explanare de vi naturæque Iustitiæ satis potuit, ea noster hic, quoniam poësis tam accuratam præceptorum descriptionem, ac tantam disputandi subtilitatem capere non potest, perpaucis versibus sibi tanquam strictim attingenda esse intelligeret, peropportunè inducit Aristotelem, negantem sibi vnus etiam si longissimæ dici spatium satis esse ad omnem qui de Iustitia est, sermonem explicandum. Itaque summatim ea se dicturum quæ in dici vnus angustias ex tam varia, multiplici, latèque fusa materie deduci possunt. Tum fore ait vt poëta Florentinus, qui vt hæc tacitè omnia sublegeret, comitatus Reginam est, eadem post paulò, carminis sui penicillo imitetur. Vtque homo militaris neque de schola, sed aula & comitatu principis vnus, laudem reportet, huiusce glaciæ dissectæ, qua ipsi in scholis philosophi refrigerantur.

## AST VIRGO MEDIA.

Hoc initium sermonis est de Iustitia in parte, siue *μεμενῆ*, siue ita per Ciceronianos licet, *particulari*. Quæ mihi quidem etiam *privata* vel *propria* dici posse videtur, vt superior illa siue legitima, rectè nominari *publica* vel *communis*.

Propriæ igitur siue priuata Iustitiæ duplex quasi facies ac forma est. Vna quæ per disinctam geometriæ proportionem distribuit honores, pecuniam ceteraq. præmia fortunæ: altera quæ proportionem arithmetica suum cuique tribuit in rebus contrahendis, vt venditione, emptione, mutuo, fideiussione, deposito, locatione, conductione, permutatione, atque id genus aliis negotiis quæ voluntaria sunt. Neque enim sine consensione partis vtriusque contrahuntur: sed contracta cum fue-





- A. Regia Iustitiæ priuatæ siue particularis habens non porticus, vt legitimæ Iustitiæ regia, sed vtrinque atria: à fronte autem & tergo duplices porticus.
- B. Statua Iustitiæ, eadem specie qua Iustitiæ legitimæ effigies, præter quàm quod pro spica Virginis, mensuram habet. In basi verò eius incisa Solis imago, signum Libræ peruadens. Tunc enim *ισομετρία* siue æquinoctium, siue diei & noctis æqualitas, Libra autem & æqualitas huic maximè virtuti conueniens.
- C. Prius extremum Iustitiæ, *NIMIVM* siue excessus, specie superbi diuitis.
- D. Alterum extremum, *PARVM* siue Defectus, specie mendici ius suum persequentis.



rint, sequitur necessitas, & obligatio, & actio c. vii. lib. v. ad Nic. l. v. De obl. l. xi. de contrah. emt. C. l. xvii. §. Sicut. D. Commod. Neq. voluntaria negotia factum, ad normā suam dirigit hæc iustitia: sed illas etiā res quæ nobis cum inuitis quasi contrahuntur, vel clam, vt si compilemur, aut periurio fallamur, aut adulterio violemur, aut id genus aliis modis iniuriam accipiamus: vel palam, vt verberari, pulsari, carcere aut vinculis iniuste adfligi, spoliari, contumeliis vexari, aliāque id genus sexcenta, quæ tanquam ultra fines procurrentia, inuitissimis etiam illis qui auctores iniuriæ exstiterunt, à Iustitia quasi *brabeuta*, *inter cursores ad metam sedente, manu reprehendi, & reflecti intra mediocritatis limites*, necesse est. Et propterea Iustitiæ statuam paulo post inter duo extrema, nimium ac parum positurus est. Hanc itaque nempe *periculum* siue particularem Iustitiam, definitione sua Ulpianus expressit. l. x. D. de iust. & iurc. *Iustitia est constans & perpetua voluntas, ius suum cuiusque tribuendi*. Ac potissimum quidem ad Iustitiam illam particularem Ulpianus respexit, quæ contractus regit, siue quæ commercii præest. Hæc enim materies Digestorum & Codicis propria. Vt apertius explicare facile quidem, sed longum est. Illi quidem iuris interpretes opus perdidere, qui longis logis conati ostendere, illam aut Iustitiæ Legitimæ, aut Iustitiæ Deæ siue *Astreæ*, definitionem esse.

## ADSPICE STANT.

Orditur nunc Iustitiæ priuatæ domum architectari Aristoteles, eodem marmore quo Iustitiæ legitimæ regiam die antegresso ædificauit: ac ne structura quidem ipsa & conformatione differentem effingit: extra quàm quod illa simplices, hæc duplices porticus & aulas habet: quarum illæ domicilia sint Iustitiæ distribuētis: hæc autem illius quæ præest rebus contrahendis. In vtriusque enim lateris domicilio atria duo amplissima depingit. Duo videlicet atria ad dextram esse Iustitiæ illius quæ distribuit, in quorum altero de honorum, diuitiarum & similibus fortunæ præmiorum æqua distributione, consilium haberi fingit: in altero ea ipsa promulgari, & quasi viritim distribui. Totidem Iustitiæ in rebus contrahendis atria esse ad læuam, in quorum altero quaritur lucri æquatio, in altero damni. Hæc enim illa extrema sunt *Nimum* & *Parum*, à quibus æqualitas & arithmetica iustitiæ proportio in rebus contrahendis oppugnatur.

Admonet verò Reginam Aristoteles, vt contempletur lineamenta Iustitiæ priuatæ, quam basi aheneæ impositam esse ait, in eaque basi incisam esse effigiem solis meantis per illam orbis signiferi partem quæ dicitur libra: vt specie illa declaretur, nihil tam Iustitiæ proprium esse, quam in rebus causisq. ciuium æqualitatis conseruationem. Nam vt Solis radius in libræ signo, diem æquabiliter humanis omnibus disperdit, neque magis ad Austrum se inflectit quàm Aquilonem: sic Iustitiæ munus est, non pati æquabilitatem iuris communis à quoquam præstantia dignitatis aut fortunæ transiri: omniāque sine amore & sine cu-

piditate, rursusque sine odio & sine invidia iudicare. Conuenit enim illos, qui res iudicant esse persimiles iudicum illorum statuis, quas Thebis ait Plutarchus lib. de Isid. fuisse mancas, & oculis conuiuentibus: ut earum admonitu, iudices neque muneribus se corrumpi, neque gratia cuiusquam flecti paterentur. Atque hoc pereleganti quadam Iustitiæ pictura Chrysiippus expressit apud A. Gellium c. iv. lib. x. Lances autem Iustitiæ adpingi res notissima, & tangit quoque Orpheus ille qui qui est, Hymno Iustitiæ, apud Stobæum Ser m. LI.

## HÆC ITA DVM NARRAT.

Haecenus de Iustitiæ statua: nunc adstantem ei vtrunque statuam Regina videt, vnam egentis ac malè vestiti & pannosi hominis: alteram locupletis florentissima veste & ornatu regali, multo auro multisque gemmis visendum. Qua tam dispari specie Aristoteles intelligi ait, omnes controuersias haberi inter homines propter discrepantiam eius quod *nimum* & quod *parum* est. Nam Iustitia quidem ἴσος, siue in reb. causisque ciuium æqualitatis, conseruatio est. ὁ δὲ ἴσον πόλεμον ἔπειτῆ, *Æqualitas autem* ut est in prouerbio, *non parit bellum*. At verò cum hi *nimum* & aliena pro suis adpetunt, illi autem sua recipere student, atque iis etiam ipsis de alieno multum adglutinare, multitudinem litium, & varietatem causarum existere necesse est. Perinde ut in corporibus humanis, si rerum illarum ex quibus constant æqualitas & proportio turbetur, ut pote si sanguis corruptus est, aut pituita redundat, aut bilis in corpore, morbi ægrotationesque nascuntur. Quamuis copiosè hoc & largiter Menenius Agrippa disserit apud Dionys. Originum lib. vi.

DIES VICESIMVS, DE  
ÆQVITATE.

**P**URA renidebat fugienti luce Diana,  
 Mane sub aduentum fratris, cum VIRGINIS ad  
 ÆTHERIAE rutila digressus, florida cœpit  
 In iuga vicini Sapiens, procedere collis,  
 Et nitidam Lunæ faciem suspexit, & oris  
 Suauiter ut puri resplendet imagine Phœbe  
 Dixit, & enitet inter uti Regina minores  
 Ætherios ignes; sed cum venit aureus ore  
 Frater lucifico, species argentea Lunæ

Segnis

*Segnis hebet, decus omne leues vanescit in auras.*

*Pulchra velut Luna est facies, opus artis: at illud  
Dadala quod natura suo ceu pollice fingit,  
Instar habet Solis. Quid enim valet oris imago  
Picta, vel educti ceu viuo marmore vultus,  
Molliter aut are ex rigido spirantia signa,  
Præ quàm vincta cluent, ipsoque educta parentis  
Natura in gremio? neque tantus splendor in arte  
Vnquam erit, ut certet minor hac, ceu filia, matri,  
Argentive nitor fulgorem prouocet auri,  
Candidaue ignifero contendat Cynthia fratri.  
Sic neq. IUSTITIAE quamuis pulcherrima VIRTUS,  
Multiplices vnquam species æquare decori  
Lucentes variè poterit, quibus enitet AEQVVM.  
Certis IUSTITIAE est causis locus: omnibus AEQVO.  
Namque ubi scripta silent, vel egent interprete iura,  
ÆQVA venit RATIO, quæ deficientia supplet.  
Nec verò lex vlla potest sic ire per omnes  
Articulos vitæ, aut tam clara promere sortes  
Cortyna, nihil ut reliquum dubiumue supersit.*

*Hæc fatus Senior, limen penetrauit amœnum,  
Atq. ait adspiciens Reginam, Florea circum  
Septa vides prati: latè violaria pascunt  
Versicolore oculos pictura, narium & omnis  
Copia ibi exspirans, gratisima spargit odoris  
Munera. Natiui densò sèpimine valli  
Cluditur, innumero quod nexa volumine citius  
Implicat, & spinis horrens, oneratâq. pomis  
Adspectus nitidis, auramq. imitantibus auri.  
Spina notat pœnas, & pomi splendor honores,  
Facta quibus bona pensari, mala plectier æquum est.*

*At spatio interiore virens, bifidoq. minatur  
In calum rupes altissima vertice, qualis  
Parnassus biuugo stat culmine Græcus \* ad auras.*

*Hinc ceu Cyrrha viret Phæbeo termitè lauri,  
Inde velut Nysa est, hedera vestita sequaci,  
Labitur in medio quasi fons Aganippidos vnde,  
Et leni strepitat per florea murmure rura.*

*Adripam, Themidis fani sunt tecta pusilli,  
Stant iuxtim duo signa, latus de marmore leui*

\* Achai-  
cus.  
Lactant.  
ad Theb.



*Thessalus ad dextrum, rex servantissimus equi  
 Olim Deucalio, laeuumq. Epimethis. Utérq.  
 Non crebro lapidum ( ficta est ea fabula ) iactu  
 Tanta citò generis reparant dispendia nostri  
 Quondam, sed placide facili rationis habena  
 Siluestres domuere animos, & lenibus equi  
 Flexere imperij iussis, socialiter auum  
 Degere uti posita vellet feritate, in gòq.  
 Subdere ceruices legum, qua fontibus equi  
 Atque boni fluerent, & in arca pectoris intus  
 Composita, non codicibus, fixòne columnis*

\* Capitoliij. *Ære tabellarum scripta, legerentur in \* arce.*

*O felix animi, felix ter & amplius atas  
 Illa prior, qua iura fori nesciuit, & artem  
 Qua lites sereret, messis consurgeret unde  
 Aurea, quam met erent qui \* nigra in candida vertunt:*

\* τὸν ἦπρω  
 λόγον κρείτ-  
 τω σοιοῦν-  
 τες.

*Integra sed terris AEQVI cum regna vigerent,  
 Cum lis nulla fuit, nimis aut sufflamine longo  
 Pensilis, aut si quid dubitabile fortè, benigni  
 Arbitrij res tota fuit, non iudicis vlla*

I.

II.

*Hic partes tetrici: pœnas infligere culpa  
 Si cui forte opus, haud pœna fuit omnibus vna  
 Formula, delicti licet vnus stringeret omnes*

III.

IV.

*Nodus. Namq. tenor valuit vita integer acta,  
 Et valuit minus in fraudem propensa voluntas.*

V.

*Atque ea gens AEQVI sacris operata BONIQVE  
 Scabritiem delere animo non dura, nec vllas*

VI.

*Velle cicatrices odij superesse, grauésque  
 Corde inimicitias coquere, & meditarier acris  
 Tempora vindictæ: memori sed mente piabat*

VII.

VIII.

*Numen amicitiae sanctum: qua facta benignè  
 Ipsis, adsiduè grato sub pectore scripta  
 Pellegere, ipsi aliis si qua benefacta dedissent*

IX.

*Neclegere, & ratione magis decernere velle  
 Vindice quàm gladio, magis & contendere verbis*

X.

*Quàm certare manu: si quid fecisset ineptè  
 Error, & humana minus occacatio mentis  
 Cauisset, veniam faciles dare. Talibus AEQVI  
 Artibus atque BONI quibus est instructa taberna  
 Pectoris, hi non tam legem spectare, parentem*

*Ipsam quam soliti legis, nec verba tenere*

*Qualiacumque & in hac res ipsas vertere, verba*

XII.

*Flectere sed quò res vocat, & quo conditor ipse*

XIII.

*Legis: & hanc totam vult discere, nec sibi partem*

*Inde aliquam mutilans, res iudicat, aut cito fundit*

*Lubrica de dubio titubans oracula iure,*

*Lene sub arcano qui pectore condidit æquum.*

*Has ÆQVIQ. BONIQ. artes qui neclegit, omnes*

*Perlegit incassum leges: inscitia semper*

*Obiicit huic nubem, veluti nunc spargere bigis*

*Vesper ab Hesperia veniens regione citatis,*

*Ingreditur latè \* crepera caligine terras.*

\* crepuscu-  
lo.

## P V R A R E N I D E B A T .

**Q**uo plures in hac Veri siue morum ciuitate dies, eo pulchriores. Pulcherrimus quidem Iustitiæ legitimæ dies, pulchrior etiam hic vicissimus dies Æquitatis. Quam vel vno verbo æquitatem adpellamus licet vt Aristoteles *Ἐπιχειρία*, vel coniuncto, *Bonitatem & æquitatem* vt M. Tullius pro Cæcina.

Æquitatis vero excellentiam auctor demonstrat comparatione quadam artis & naturæ. Nam ars ipsa per se quidem locuples & copiosa est: vincitur tamen vbertate, varietate, copiâque naturæ, cuius tanta est facultas, tamque magnifica & lauta quasi patris-familias locupletissimi supellex, vt idem in pluribus negotiis nunquam vsurpet, cum aliis atque aliis semper abundare possit. Artis autem res *paupertinæ* sunt & angustæ, itaque vnus instrumenti ope pluribus in negotiis vri cogitur. Quod Aristoteles iam olim pereruditè cultri Delphici exemplo declarauit c. i. lib. i. de Repub.

Conuenienter itaque nunc Iustitiam arti similem fecit, æquitatem naturæ. Nam æquitas ipsius naturæ quasi norma quædam est, iustitia vero quasi artis & instituti humani. Itaque copiosior æquitas, quam iustitia legitima. Nam quæ legibus in ciuitate adstringi & vinciri non potuerunt, ea perpenduntur ad normam æquitatis. Breuitérque & commodè Aristoteles definiuit æquitatem cap. x. lib. v. ad Nicomach. *Ἐπιόρθωμα τῆ νόμου* siue *correctionem legis*, & cap. x. lib. i. de arte dicendi *Ἐπίσις καὶ γυγραμμὸς νόμου ἐλλείμμα*, siue *propria legis conscriptaque residuum*. Nam si quid legibus præteritum est, id æquitate retrahitur: & si quid arctius quam par sit, legis vinculo adstrictum est, id æqui ac boni arbitrio laxatur.





- A. Pratum Æquitatis sæptum citris arboribus densatis & implicitis.  
 B. Templum Themidis quasi ad radices montis Parnassi.  
 C. Deucalio rex æquissimus, & restaurator generis humanis post eluionem terrarum.  
 D. Pyrrha vxor & soror Deucalionis: iuxta vtrumque effigies lapidum verforum in homines.



## HÆC FATVS SENIOR.

Præstantiam Æquitatis declarauit Aristoteles: nunc per vallem subiectam Reginae viam aperit in collem propinquum, vbi locus ac regio est Æquitatis: quam coloribus suis scitissime pingit. Nempe amœnissimum pratium esse, aggere incinctum, fossaque maxima. In aggere autem ipso copiam citrorum esse, quæ sæpimenti ac muri vicem expleat. In prato deinde interiore duo tanquam Parnassi montis iuga esse vnum vestitum lauru: alterum hedera. Ad radices autem ipsas montis templum esse Themidis Cæli filia, vt apud Festum est, quæ Iustitiæ, & Æquitatis olim Dea dicta & habita est. Itaque Ausonius in Monosyllabis Deorum.

*Prima, inquit, Deum fas,*

*Quæ Themis est Graiis.*

& carmine xxiii. in professores Burdigalenses.

*Sub Ioue quæ Minos, quid Themis ante Iouem.*

Iouem, leges siue ius constitutum dicit: Themidis autem nomine æquitatem, sine instituto fluentem ex natura intelligi vult. Quanquam generatim quidem Themis etiam vsurpari solita pro Dea legum & æquitatis. De templo autem Themidis Strabo lib. ix. Ouid. lib. i. De mutatione formarum. Iuxta verò templi aditum atque adscensum, dextrâ læuâque statuæ sunt Deucalionis Thessaliae olim regis, & coniugis eius Pyrrhæ, de quibus Poëtae fictis fabulis prodiderunt eos ex oraculo Themidis, lapidibus proiectis à tergo, & in homines mutatis, post eluionem terrarum, rursus initium propagationis humanæ. Re autem ipsa & veritate intelligi voluerunt, Deucalionis regis iusti, integri, religiosi institutione ac disciplina, homines diritate ac inimantate sic efferatos, vt penè saxei viderentur, sic emollitos fuisse, vt ab institutis agrestibus ad religionem, æquitatem ac bonitatem flecterentur. Quod Plutarchus attingit lib. ii. disputationis suæ contra Coloten discipulum Epicuri, & Lucianus in comment. suo lib. de Dea Syria. Aliter tamen allegoriam huiusce fabulae Ioannes Tzerza expressit. Chiliadis vii. hystor. cxxxiv. Aliter etiam Iustinus lib. iv. & Paulus Orosius cap. ix. lib. i. Philo quidem Herennius lib. de præmiis & pœnis, qui Græcis Deucalio est, hunc Chaldæis esse Noe inquit, cuius tempore maxima illa contigerit, vniuersi orbis terræ eluio, de qua est in literis sacris. Similitérque Iustinus Martyr. Apolog. i. Et argumento est, quod de arca Deucalionis, & columbæ ex ea emissionem Plutarch. commemorat, lib. quo animalium prudentiam comparauit.

Benè autem Poëta fano Themidis & Æquitatis, quasi ædituos adposuit Deucalionem & Pyrrham. Quia vt canit Ouid.

*Non illo melior quisquam, nec amantior æqui,  
Vir fuit: aut illa, reuerentior vlla Deorum.*

## O FELIX ANIMI.

Digreditur in laudationem populi antiqui à Deucalione Pyrrhæque

propagati primitiùs, atque ita peropportunè ostendit, quamnam partes sint æquitatis ex Aristot. Rhetoricis c. xiii. lib. i. Ut si duo, conditione dispari homines, idem forte flagitium susceperint, sæpe hunc ad pœnam vocet, illi vero ignoscat, in voluntatem & animum eius qui peccauerit magis intuens quam in peccatum ipsum, De voluntate autem eius coniecturâ faciens ex vita eius antegressa, *cuius perpetua vox*, inquit Tullius pro Sulla, *grauissima debet esse*. Huiusmodi æquitatis riuulus Persarum lex illa quam dilaudat Herodotus lib. i. vt reorum culpæ cum laudibus quasi bilance perpenſis, fieret quasi compensatio, & hæc vel ad pernitiè vel ad salutè rei valerent, quæ plures & grauiores inuentæ, &c. Qua & Philotas æquitatis defensione vsus apud Q. Curt. lib. vi. *Philotas* inquit, *Complexus regem, orate cœpit, vt præteritam potius vitam quàm culpam intueretur*. Et M. Cato apud C. Sallustium hanc præscindit coniuratis defensionem, & quasi viam intercludens, *Videlicet*, inquit, *cetera eorum vita huic sceleri obstat* &c. Benè & Tullius Verrina ii. *Rectè factis vitia subleuari*. Sic Aristotelis loco anted. Æquitatis præceptum est, *σχεπεῖν, μὴ ποῖός τις ἴω, ἀλλὰ ποῖός τις ἦν αἰεὶ, ἢ ὡς ἔπιτο πολὺ*. *Specitare, non cuiusmodi quisque in præsens, sed qualis semper, aut plerumque, &c.*

Sunt item æquitatis præcepta, vt citius iniuriam acceptam obliuisci quam beneficium: accepti autem magis quam dati beneficij meminisse: iniurias & contumeliam, aut æquo animo pati, aut depellere legibus ac iudicio magis quam vi & armis. *μᾶλλον λόγῳ ἐθέλειν κέλευσθαι ἢ ἔργῳ*. *Malleratione ac verbo decernere, quàm facto, &c.* vt ille apud Comicum. *Omnia prius experiri quàm armis, sapientem decet*. Eaque sæpe legationum causa: vt apud Dionys. legat. ii. Legati Romanorum ad Sabinos. *Legationem*, inquit, prius ad vos mittere voluêre, *καὶ μὴ πρῶτον ἀρξῆσαι τῶν ἔργων, πρὶν ἢ πρῶτα λέγειν λόγων*, neque prius facere ordiri, quàm prætentare verbis. Et Menelaus apud Libanium. *τὰ δίκαια τῶν λόγων πρῶτα λαμβάνειν, ἀλλὰ μὴ τοῖς ὀπλοῖς ἔπιπνῆσθαι, ἀνδραγαθώτερον*. *Ius suum dictis persequi est argumentis, humanius est: quàm armis mox incurfare.* &c. Similiter & Pericles apud Thucydidem lib. ii. sed verbis Latino interpreti non intellectis. Neque alius Creonti regi sensus, apud Euripid. Phœnissis Item, *arbitrium adigere* potius, quàm ire ad iudicem aut reciperatore. Et legem totam spectare, non partem. Quod Iulij Celsi quoque præceptum l. xxiv. D. De legib. *Inciuuile est, nisi tota lege perspecta, vna aliqua parte eius proposita, iudicare vel respondere, &c.* Sed benè hoc philosophus generatim posuit, quasi ad omnes contractus omniâque negotia pertinens. Hæc taliâque iam olim exposuit Aristoteles c. xiii. lib. i. Rhetoricor.



DIES VICESIMVS PRIMVS,  
DE VIRTUTE HEROICA EIVSQUE  
EXTREMO, FERITATE.

**S**EDIBVS egressus placidi viridantibus *ÆQUA*  
Sub lucem Sapiens, collis regione propinqui  
Floriferum, & latè vestitum lumine campum  
Purpureo cæpit proficisci, ac talia fari.

Jam solito citius propera *NOX* demere pepli  
Vela tui, quibus & male-grata silentia nostra  
Lenta facis lingua, varioſque odiosa colores  
Eripis ex oculis: tu contra lucide mundi  
Præful, & assiduo terras, mare, sidera cali  
Lumine qui complex, clara luce atq. serena  
Nunc solito magis exorere, & de stamine textis  
Auri flamicomante tui, festiuus horas  
Indue, quas patitur nunc perbreuis area *CIRCI*  
Paucas ire tui. Sedes luſtrare beatas  
Tendimus *Elyſij* veterum latissima *PRATA*  
*HEROVM*, quos acta piè sanctèq. mereri  
Vita pias fecit sedes, agitataq. terris  
Atq. homines inter varios, commercia cali.  
Labe procul vitij Ratio illis perſtitit vsq.  
In statione sua, & vigilaci mente voluntas  
Optima: seu castris alacres ad signa, mouerent.  
Sanguinei graue *Martis* opus: seu leniter æquo  
Imperij regerent vrbes moderamine: pleno  
Siue foro merſi, lites ac ciuica iura  
Tractarent agiles; seu dulcia pignora natos  
Coniugiúmq. domi patria pietate fouerent.  
Atq. ita dum media sese in vertigine rerum,  
Ipsi agitant, memorèſq. ſui populúmq. patrèſq.  
Promeritis faciunt, meliores inde magiſq.  
Felices abière: Arabum velut auia *Phœnix*  
Vnica semper auis, lucos siluáſq. pererrans,  
Pulchrior est, rediuiua suo cum funere prodit.  
Hæc ita præfatus senior, sese intulit altè



*Qua patet Elysijs SEDES HEROICA campi,  
Atque ait. Hæc circum lati sapimine prati  
Planicies vident ut lauru palmâque vicissim,  
Et myrto variè implicitis, est undique clusa?*

*Uincere consuetis frondes HEROIBVS, illa  
Victrices bene conueniunt, DIVINA coronas  
De quib. implectens, circum illis tempora cingat  
VIRTVS. Semper ut hæc viridissima in aggere cliui  
Frons viget, Elysijs semper pia natio campi  
Floret, ut hi quorum simulacra dicata relucet,  
Cellis quaque suis, celsisque superba tropais  
Et spoliis. Numero sed paucis premia dantur  
Talia diuini semper-florentia honoris.*

*Ardua nam virtus ea, vel magis vnicus omni  
Ex virtute velut, caloque eductus aceruus,  
Omnibus atque auis inuentu rarissima terris.*

*Stat prima tandem, vagus olim, limine calle  
AMPHITRYONIADES, spolióque horrente leonis  
Nunc quoq. terrificus, nodosa & robore claua*

*Proximus Egides, neque tantum proximus illi  
Æde, sed & merito, & tanquam Tyrinthius alter.*

*Conditor haud procul hinc Troiana DARDANVS arcis,  
Eminus ille sua clarum de gente nepotem  
Respicit, eximium Troia decus, HECTORA, cuius  
Restitit ad Troia magnis virtutibus arces  
Annis lenta decem, Graia victoria classis.*

*E regione triseclisenex, atq. ore disertus  
Dulciloquo NESTOR, mitis sapientia cuius  
Plus nocuit Troia, quam profuit hasta minacis  
Pelias Æacida Graiis. Hunc Troius heros*

*ANCHISES sequitur, patria pereuntis amorem  
Nunc quoq. testificans, ceu tristi in marmore vultu:  
Atque suum cineri cinerem miscere volenti  
Non licuisse dolens patrio, patriaq. ruinis.*

*Inde duo geniti summo Ioue, notus uterq.  
Artibus Astra sanctis & laudibus æqui.  
Terror uterque malis ingens, scopulusq. reorum:  
Hic atque ille domo Cretes, RHADAMANTHVS, & acer  
MINOS. ELYSIVM domus his, regione tribunal  
Terrifica dirum est Erebi, manesq. coërcet.*

*Hæc Sapiens, atq. his venturi præsciens olim*

Hæc quoque fatidico sic non temerarius ore  
 Addidit. Extremo spatiosi margine campi  
 Calla duplex superest: summa testudine pictus  
 Unius, est meritis rerum cognomine *MAGNVS*  
*CAROLVS* actarum dicendus: Saxonas ille  
 Opprimet atroces armis: Saracenicæ belli  
 Arte latrocinia elidet, summittere sese  
 Hunnos terrifico bellutos pectore, coget:  
 Nullus in omni ævo tanta feritate rebelles  
 Perdomuit gentes, toties certamine belli  
 Quamuis indomitos, sua victos sub iuga misit  
 Hostes: nec minus interea quoque pectore fouit  
 Munificaque manu, Musas & Apollinis artes.  
 Æquimanus \* sic ille erit. Ast qui sceptriger artes  
 Martis amat crudas: Musarum spernit & odit  
 Artes innocuas, & nullo sanguinis haustu  
 Ebriolas, sed Castalio de rore madentes,  
 Nectare Apollineo saturas, & Hianthide lymphæ,  
 Mancus, & extincta viuit quasi scæuula dextra.

\* æquidistans

Alterius callæ laqueari spirat in aureo,  
 Effigies regis Ludouici, prælia fecit  
 Multa Palestinis qui relligiosus in oris,  
 Et Syriis: utcunque ferent ea facta minores,  
 Vincet amor cæli, & studium pietatis auitæ.

Planitie in campi, celsò sedet aggere vates  
 Thracius, & blando citharæ moderamine mulcet  
 Omnia, siluestresque feras, siluâsq. ferarum  
 Atria: quin terræ potis est penetrare per ossa  
 Matris, & hac tanta dulcedine carminis, aures  
 Insensis tribuit (dictus mirabile) saxis.

Hæc ita fabellis sunt prodita: at illa ferarum  
 Secla fuere homines, ritu quibus acta ferino  
 Ætas in siluis: stirpes, ut vinitor ipse,  
 Agricoleue ferunt qui stirpes: saxâq. duri  
 Ceu rupices: posita hos dociles feritate subegit  
 Orpheus in cætu iustè & socialiter ænum  
 Degere, in Elysiis etiam nunc vallibus idem  
 Dulciloquo meritas *HEROVM*, pectine laudes  
 Diuidit, & victum carpit, ritusque ferinos.

Elysijs procul à campo in caligine vallis  
 Subiecta, Feritas sedes habet atra, nefandi

*Illa specus latebris, & olente voragine mersa est.*

*Hic PHALARIS qui elixa sui pater ipse comedit  
Viscera filioli (si vera est fama:) nec inde*

*Illa procul Lamia, ex uteris prandere puellos*

*Effera qua matrum extractos, consueverat. Illic*

*Pasiphae puri turpissima filia Solis,*

*Acriter infandi stimulata Cupidinis aestro,*

*Et nitidum cernens, oculo sitiente, iuencum.*

*Tales de scabro lapide, & fuligine tatra*

*Horrentes, propius statuas spectare, decorum est*

*Nec mihi, nec Regina tibi. Non tam mihi Noctis*

*Pulla parum grata est facies, caligine celi*

*Atria qua involuens, prohibet nunc visere plura.*

SEDIBVS EGRESSVS.

**I**N SVLÆ Rhodi aut Syracusarum vrbis, vbi nullo non die sol est, hæc veri siue morum ciuitas persimilis est. Nullum diem habent sine aliqua serenitate, & quin solis radio hilarentur: sed alius tamen alio clarior est. De clarissimis autem hic vnus est, in quo de virtutis Heroicæ præstantia dicturus Aristoteles, conuenienter in exordio radium à sole petit, antegressis omnibus inlustriorem, quo facilius Reginæ locum & sedem Heroicæ virtutis demonstrare possit, quæ tantò virtutib. ceteris antecellit, quantò diuina præstantiora humanis. Hæc enim illa virtus est, qua qui instructi & ornati sunt, videntur tanquam Dij quidam versari inter homines. Itaque à virtutis excellentia diuini olim Sparta: viri nominati. Quam & Romani crebrò locutionem vsurparunt, vt M. Cicero, & ceteri. Atque iidem dicti Heroes, vnde nomen virtutis Heroicæ: iidem Semones & Semidei quâsi altera tantum parte homines. De serenitate autem illa perpetua Rhodi & Syracusarum, Cicero Verrina VII. L. Seneca c. XVII. Consolationis Marcia: C. Plinius c. LVII. lib. II. Solin. c. XI. & XVII. Neque dissimiliter de Alexandria Ægypti Ammian. Marcellin. lib. XXII.

Huic igitur tantæ virtuti non vt ceteris tecta quædam auctor ædificauit: sed campum Elysium depinxit, ad exemplum illius quem Virgilius poëta in sexto Æneidis suæ diuinitus expressit. In campo igitur tali degere ait auctor Heroicæ virtute præcellentes, ita nempe adfectos, vt nullis perturbationum flatibus animi eorum agitentur: sed in terris constituti, vitam agant caelestem. Qualem sapientis animum etiam Stoici esse voluere vt L. Seneca ep. LXI. *Talis, inquit, est sapientis animus, qualis mundi status super lunam. Semper illic serenum est,* &c. Eiusce autem modi Heroicæ virtuti opposita est Feritas. Interiectus namque inter excellentem Dei æternamque naturam & expertes rationis





- A. Sedes Heroicæ virtutis, sæpta palmis, lauris, & myrtis arboribus  
intextis & implicatis, è quarum ramis coronamenta olim he-  
roum.
- B. Orpheus, qualem Poetæ pingunt, maximéque Maro Æncide vi.  
Ovidius lib. x.
- C. Decem cælla in quibus Heroum statuæ vt Herculis Thesei &c.
- D. Antra feritatis, quod vitium Heroicæ virtuti oppositum.
- E. Efferatorum statuæ.

pecudes, homo est. Itaque licet ei vel ad similitudinem aliquam Dei appropinquare, vel ad immanitatem belluæ, vt apud Aristot. c.ii. lib. i. de Rep. qui tantopere *bellutus* ac ferus, siue vt Antidamas loquitur apud Fulgentium, expecuatus est, vt in hominum societate viuere nullo modo possit, vt Timon ille *osor hominum* apud Laërt. Plutarch. alios, & Q. Metellus apud Ciceron. epist. xiv. lib. i. ad Attic. & Bellerophon Iliade vi. is non homo sed belluæ est: qui autem societate non eget, quia sint ἀνθρώποις, siue quia in veri contemplatione acquiescūt, aut ab hominibus abeunt, vt ad Deum magis adpropinquent, hi tanquam Dij sunt. Sapienterque olim Heraclitus, ὁ σοφὸν ἔστι πάντων κερχρισμένον. *Sapiens ab omni commercio seiunctus est*, apud Stobæum Serm. xxix. Inter hos Deos, & feros illos siue *bellutos*, interiecti homines: inter diuinam siue *heroicam* virtutem, & feritatem media virtus hominis, quales illæ de quibus antea actum est. *Heroica* illa virtus, eximiæ laudi est, vt viceuersa feritas, summæ vituperationi. Neque enim laus vlla præclarior est, quam illa quæ similitudinem & speciem aliquã diuinitatis homini attribuit, vt apud Homerum θεοειδής, θεοείκελος, ἀντίθεος, Neque ineleganter à Nicephoro Gregora dicitur, ἄνθρωπον ἀνθρώπου, historia lib. x. siue *supra hominem homo*. De quo genere laudis Lucianus in apologia pro imaginibus. Neque maior esse potest vituperatio, quàm belluarum, in specie figuræque humana, feritatis. Quales in poetarum fabulis Titani & Cyclopes. Hinc illa conuicia, *ursus bipes, asinus, animal, sus occisa, elephantanti corio circumtectus*, &c.

PHOENIX VNICA SEMPER AVIS.

Phœnici merito similes auctor fecit *heroes*, siue diuina virtute homines. Tum quia perpauci sunt, vt est c. i. lib. vii. ad Nicom. tum quia vt ex funere suo Phœnix pulchrior: sic heroes illi ex negotiis.

HÆC ITA PRÆFATVS.

Topographia vel Topothesia veriùs, campi Elysi cum domiciliis heroum.

NUMERO SED PAUCIS.

Infrequenter habitari ait Elysium, & perpauca in eo heroum esse tanquam sacella. Nam sacella quidem eis & fastigia tanquam diis attribuit propter diuinam virtutem, paucos vero esse inquit, quoniam diuina virtute homo, *rara avis*. Exempla tamen adiungit eorum, quos in numero heroum reposuit antiquitas, vt Herculis, Thesei, Dardani, Hectoris, Nestoris, Anchisæ, Rhadamanthi, Minois. Quibus illustri oratione & quasi poetica pictura expressis, deinde *αεθλή* siue anteoccupatione poetis vsitata, Caroli quoque Magni exemplum adiungit, & Ludouici Gallie regis sanctitate insignis. Quorum à diuinandi perito Zeuxide, iam tunc ætate Aristotelis, depictas in hoc Elysi campo fuisse imagines fingit, multis sæculis antequam ipsi nascerentur. Nam Zeu-



xis quidem ipsum quoque antecessit Aristotelem, ut videre licet in libris temporum. Argute verò ingeniosèque Poeta, Rhadamantho & Minoi sedes posuit in Elyfio, tribunal apud Orcum, satis arguens aliorum Poetarum ineptias, qui tanta iustitiæ laude fulgentes, finxerint habitare quoque, non autem ius dicere tantum in Orci Erebo siue tenebris. Optimè noster ut ciues in Elyfio, ut iudices in Erebo esse commentus. Tria nempe apud manes iudicia, & tribunalia, Vnum Minois in circulis, & quasi suburbiis siue procestriis: alterum Rhadamanthi in carcere siue Tartaro: tertium Catonis in Elyfio, ut Æneide IX. Æacus autem portæ ac vestibuli custos, apud Lucian. lib. de luctu. Atque ita capiendum, quod Æneide VI. Hercules dicitur, *Ipsius à folio regis Cerberum detraxisse. Regis* videlicet Æaci, non autem Ditis, ut malè accipit Seruius.

## PLANITIE IN CAMPI.

Cum heroum statuis coniungit quoque illam Orphei, ad exemplum Virgilij in sexto Æneidis, apud quem Orphei partes in Elyfio sunt, dulcedine carminis sui mentes illas sanctissimas delectare & virtutem *Heroicam* laudando extollere, vituperandòque feritatem huic tantæ virtuti repugnantem, affligere. Ut autem Poeta nunc de Orptheo fabellam, interpretatur, sic & Ioannes Tzetzes Histor. XII. Chiliad. I. Clem. Alexandrin. principio sui Protreptici.

## ELYSII PROCVLA CAMPO.

Hic iam quasi *de celo in cœnum*, ex virtutis *Heroicæ* regione, in vallem *Feritatis* eundum est, in qua speluncam eius esse, inquit Aristoteles, infinita quadam altitudine, eamque orationis suæ penicillo pingens, minimè dignam esse ait, cui regina appropinquet. Eminus igitur eam demonstrans, statuas in ea inquit esse, vili scabròque & impolito lapide, ut Phalaridis, Lamia, & ceterorum, de quib. Aristoteles lib. VII. ad Nicom. Et Græci interpretes. Item Pasiphæ matris Minotauri, & id genus aliorum. Quippe ut Aristoteles ipse tradit c. IV. lib. VII. ad Nicomachum, Omnis quæ magnopere modum excedit vitiositas, siue amentia illa, siue timiditas, siue intemperantia, siue sæuitia sit, ferina est, nisi ex morbo nata sit, aut nisi quid insitum à natura sit, aut à consuetudine profectum.





DIES VICESIMVS SECVN-  
DVS, DE CONTINENTIA ET  
INCONTINENTIA.

**L**V C I F E R ortus erat, Veneris nitidissimus ignis,  
Ante diem, biungisq. citis properante vehebat  
Axe suo terras, dubia confinia lucis:  
Quæ non esse diem posses, non dicere lucem,  
Ultima sed noctis posses, & prima diei.

Cum Senior lato migrans de limite C A M P I  
E L Y S I I: neq. clara dies, neque tetrica Noctis  
Hæc facies, dixit, sed & hanc imitatur & illam.

Haud aliter sero quæ circum vespere tecta  
Multiplicat volitans cursus, variosque recursus  
Adsiduè, & vacuo sectatur in aère pradam  
Impigra, pelliceis alis agitabilis ales,  
Nec censetur aues inter, pennatâq. secla,  
Nec bene quadrupedum se gentibus addere tentet.

Sic ea quæ clivi nunc in regione propinqui  
Visere tecta paro, neq. sunt V I R T V T I S honore  
Splendida, nec V I T I I squallent polluta veneno.

Scilicet his tectis habitant, qui saepe rebelles  
C O N T I N V E R E animi motus, furiosa cietet  
Quos V E N V S, imperiûmve G V L A E: nec prorsus eosdem  
Edomitos habuere tamen. Qui C O N T I N E T, ille  
Dimicat & vincit, medio ut discrimine Martis  
Miles, at ille animum cui T E M P E R A T aurea virtus,  
Iam quod vincat habet nihil, aut quod subiuget. Illi  
Namq. triumphata & V E N V S & G V L A, desit olim  
Responsare ferox, & contra tendere velle:  
Clarus uti magno belli certamine victor,  
Hostibus imposuit qui leges, ante rebellis  
Cui populus, quæ nunc prouincia facta quiescit.

Talia prefatus Senior, penetrauit in ipsum  
Limen, ubi sedes illis, rationis habena  
Qui tenuere animum, ne se V E N E R I S V E P V E L L O  
Dederet, imperiõe G V L A E. Dehinc, Aspice dixit

Hanc Regina domum, minus est excelsa, minoris  
 Luce nitens radij, quàm quæ colit aurea virtus  
 Tecta, suis tamen huic decor est, sua laus quoq. sedi.  
 Ut neque laus tantum est, bellis imponere finem,  
 Et tuta iam pace frui, & peperisse quietem:  
 Sed quoq. laus pugnare aliqua est, & vincere belli  
 Prælia, nec trepide unquam hosti dare terga feroci.

Ipsa domus facies octangula, fluminis Arni  
 Ad ripas nunc quale videt Florentia templum,  
 Sæcula quod Marti posuerunt prisca Quirino.  
 Nusquam ad prospectus tota patet ade fenestra,  
 Rauca strepit, raroq. aperitur cardine porta,  
 Nec multo teritur pede limen. Porticus ambit  
 Interiùs totam, crebris suffulta columnis,  
 Quolibet instructa ut Vestali schemate virgo,  
 Atq. incincta caput candentis termite oliuæ  
 Vittatum, atq. solo fixis conninet ocellis.  
 Inter eas prima est, aliisque excellit AMATA,  
 Ordine post alia, quas omnes dicere longum.  
 Omnibus in dextra est rutilanti lumine lampas.

Parte autem supera thalami stant ordine circum  
 Longo compositi, sua cuiq. ut callula, Vesta  
 Structa sacerdoti. Media penetralibus adis,  
 Marmore de Pario Vesta est, atque arula iuxtim,  
 Sic quasi perpetui foveat qua luminis ignem.

Ante pedes VESTÆ, suras euincta cothurnis  
 DELIA puniceis alitrinsecus, & Dea fulgens  
 Ægidis \* horrifica clypeo, galeaque MINERVA  
 Adstant, reliquantq. manus post terga PVELLO  
 ALIGERO VENERIS, pennasque euellere certant,  
 Deripiuntq. humeris pharetram, franguntq. sagittas,  
 Comminuuntq. arcum. Stat inermis, fletq. misellus  
 Pusto, & ad pinnas rapiunt ludibria venti  
 Quas Zephyri, timis, contractaque respicit arma.

Vesta quid est, & sancta micans de fomite flama,  
 Perpetuò nisi mens Rationis lumine recte  
 Inradiata sua, casta intra limina vitæ  
 Et sicca, cohibens sese? ceu clausa puella  
 Intra se tenuère olim penetralia VESTÆ.  
 Dardana quod coluit tellus, imitatq. deinde  
 Alba sacrum, simul & rerum quoque maxima ROMA.

\* Ægis,  
 clypeus  
 Minerva.  
 Iliade v.

His ita lustratis, transiit in altera collis  
 Adproperans Senior, declinua, sunt ubi sedes  
 Haud procul à Vapido subiecta limite vallis,  
 His posita qui se malè continuère. Supremo  
 Nempe iugo VIRTUS, veneris qua TEMPERAT æstus,  
 Exstinguitq. faces, frangitq. Cupidinis arcum,  
 Atque Gula ingenium perdit, sibi Diva locavit  
 Sedes purpureo vestitas lumine: dextro  
 Hi cliuo resident, quibus oppugnata VOLUPTAS  
 Turpis, & imperium VENERIS VENTRISQUE: sinistra  
 Parte, INTEMPERIAE vallem prope, margine cliivi  
 Ima illis locus est, qui se in certamine vincit  
 Cum VENERE atque GULA, sunt passi turpiter. Octo  
 Hæc etiam laterum domus est, ait, & data circum  
 Porticibus, Sapiens, & crebra virgine fultis  
 Vestali, sed habent radiantes lumine nullo  
 Lampadas in dextris, quoniam sub pectore vivit  
 Cæcus AMOR tacito, atque incestos excitat ignes.  
 Ergo nec vlla istis canæ reuerentia VESTÆ,  
 Dedecorisue metus tanti, nec cura pudoris.

Aest ipsum penetrabile tenet de marmore nigro,  
 Quale fuit Luculli olim, DE A lurida NOCTIS.  
 Mirifico Deo furua caput sibi stemmate cinxit,  
 Non vittis, non arborea de fronde, corolla aut  
 Floribus è variisserta, sed plegmate fuscis  
 Nyctæridum ex alis: Luna & sibi cornua fronti  
 Imposuit, longoque nigrantem syrmate pallam  
 Induit, & vario stellarum sidere pictam.  
 Occulit hac Veneris pupum, blanditaque molli  
 Delinit articulo, & tacitis fouet improba votis.

Ponè stat, & digito piceus puer indice labrum  
 Perprimit Harpocrates, taciturna silentia suadens:  
 Brachio item, textas de restibus occulit idem  
 Fur ope consilio scalas, prædulcibus aptas  
 Matris Acidaliæ furtis: strepitúq. loquaces  
 Ne prodant soles cæpti tentamina furti,  
 Induit & molli pedibus de vellere soccos.

Parte alia, corpus tecti de culmine præceps  
 Heronis iacet incesta, quæ sacra Deosq.  
 Ebria, Abydeni iuuenis complexibus olim  
 Posthabuit, vitamque amens impendit amori.



*Oppia virgo suum sibi, adhuc de matre rubentem  
 Fert incesta sinu partum, subitura sacerdos  
 Sanguine adhuc viuo terram: hic & Opimia turpem  
 Turpis habet statuam, & Minuti de stemmate virgo  
 Ne-virgo, adsimilésq. alia, quibus hæsit in ore  
 Virginitatis AMOR, cæco sub pectore fecit  
 Vulnus AMOR, VENERIS furtium PERSIO. Tethys  
 Sedit diua meum pridem manet hospita Solem,  
 Abluat vt longi perfusum puluere Circi,  
 Fluctibus Hesperii, & eburno pectine crines  
 Digerat auratos, nobisq. silentia suadet.*

## LVCIFER ORTVS ERAT.

**E**XORITVR dies non tam subiecta materie, quàm poëtica descriptione quadam, siue ita licet, *ἡμερογραφία* præclarus. Agitur enim de *Continentia* & *Incontinentia*. Quarum hæc vitio, illa virtuti est adfinis. Sed neque hæc planè virtus, neque illa prorsus vitium. Itaque non *Heroica* tantum virtute, siue diuina, sed humanis etiam, vt fortitudine, temperantia, iustitia & ceteris, quarum iam celebrati sunt dies, inferior est.

Hodierno igitur die, qui est in Veri siue morum ciuitate alter & vicissimus, egressus ex Heroicæ virtutis regione Aristoteles cum regina, porro pergit ad contemplationem domicilij *Continentiæ* & *Incontinentiæ*. Quarum recta posita sunt aliter, quam ceterarum virtutum aut vitiorum. Nam virtutum quidem domicilia in colles imposita sunt, vitiorum autem ædes in vallibus abditæ & reclusæ. At *Continentiæ* domus non ipso in colle, sed in cliuo est siue adscensu: & *Incontinentiæ* domus non ipsa in valle, sed extra vallem paucis passibus in collis cliuo quasi altero. Hoc autem earum positu auctor declarauit, neque *Continentiam* virtutem perfectam esse, neq. *Incontinentiam* planè vitium.

## NEQ. CLARA DIES.

Descriptio crepusculi matutini, quod tempus *Continentiæ* *Incontinentiæ*q. regionibus accommodatissimum est, vt-pote *creperum* siue dubium. Neque enim dici nomine planè aut noctis adfici potest, sed vtriusque similitudinem aliquam gerit, perinde vt neque *Continentia* virtus, neque *Incontinentia* vitiositas propriè nominatur, sed animi adfectio quædam, illa quidem ad virtutis, hæc autem ad vitij similitudinem adpropinquans. Hoc autem ipsum etiam declarauit specie vespertilionis, siue vt Tertullianus loquitur, *vesperuginis*, qui neque terrenum propriè, nec volatile animal est, & tamen habet similitudinem vtriusque. Dissertuit ea de re Aristoteles c. xiii. lib. i. v. de partibus animal. Macrobius Saturn. cap. xvi. lib. vii. Facetè



- A. Domus Continentiæ , quasi ædes Vestæ , ac Vestalium castarum.  
 B. Vesta cum igne sempiterno.  
 C. Minerua & Diana exarmantes ac vincientes Cupidinem. Virgines autem Vestales quæ sub porticibus , easque vt columnæ sustinent.





- A. Domus Incontinentiæ, quasi ædes incestarum Vestalium, quarum malè pictor lampades accensas expressit, cum extinctas debuisse.
- B. Statua, Noctis Deæ, cum corona de alis vesperilionum & longissimi sylvæ quasi pallam distinctam stellis, siue stellatam trahens, sub eâque occultans Veneris puellum Cupidinem.
- C. Harpocrates siue Sigalio, cum foccis laneis ne strepant, & cum scala nexa de restibus, & os sibi digito premens, quod aliter quam oportuit, à pectore imitatum est: vt neque rectè virum pro puero, & scilicet collo eius iniectas, non sub brachio occultatas pinxit.
- D. Hero sacerdotula quæ de turri se ipsam deiecit.
- E. Oppia Vestalis incesta.



quidem vt alia Terent. Varro in Satyris. *Quid multa?* inquit, *Factus sum vespertilio, neq. in muribus planè, neq. in volucribus sum.*

Non est autem plena virtus Continentia, quoniam ij qui se continēt, pergunt illi quidem ad Temperantiæ laudem: sed tamen necdum intermortuæ in eis titillationes voluptatum illarum, quæ vel attrectatione vel gustatu percipiuntur: sapienterque Plutarchus lib. de virt. mor. hæc ita diuisit, vt temperantia quidem sit perfecta virtus, intemperantia expletum vitium: continentia inchoata virtus, incontinentia imperfecta vitiositas, comparationemque fecit incontinentis animi, cum ciuitate in qua partim læti sunt partim mœrore oppressi. Sic enim animus ægrè sibi temperans ex parte quidem rationis adpetitum vincentis hilarior fit, ex parte autem adpetitus repugnantis angitur. Ac si repressus paulisper adpetitus ille fuerit, tunc illa continentia est: sin adpetitui succumbit, ea incontinentia est. Ergo & quod Poëta die vii. de temperantibus agens, dixit, *Sed soliti Baccho & Veneri pugnare, &c.* accipe nõ quatenus iam illi temperantes: sed antequam adepti Temperantiæ virtutem essent, siue quatenus continentes adhuc illi, & quasi in aditu ac vestibulo Temperantiæ.

#### SCILICET HIS TECTIS.

Enucleatiùs iam agere pergit de Cõtinentia, Incontinentia, Temperantia Intemperantia. Continentiam videlicet minus laudabilem esse temperantia: & incontinentiã minus vituperabilem vitio intemperantiæ. Continentia enim reprimat adpetitum illa quidem, sed non planè opprimit: temperantia verò non prælio sed bello vincit adpetitum, vt Annibalem olim Scipio apud T. Liuium lib. xxx. contráque intemperantiæ labes rationem adpetitui tradit in seruitutem. Macula vero incontinentiæ talis est, vt vincatur quidem ratio adpetitu, sed pugna quasi *Osculana* atque ita, vt verum illud fiat.

*Quondam etiam victis redit in præcordia virtus. Et illud victique resurgunt, &c.*

#### IPSA DOMVS FACIES OCTANGVLA.

His ita expositis, Aristoteles peruenit cum Regina in clium, vbi tecta Continentiæ, quæ specie tali depingit, quali templum Martis antiquum est Florentiæ, nunc D. Ioanni sacrum, & videri vult esse quasi ædem Vestæ, & habitationum Vestalium. Sed has in ciuitate Veri ædes Continentiæ multo laxiores auctor facit, quàm fanum illud Martis Florentinum est, eamque Continentiæ domum clathris & cancellis omni ex parte clausam finxit. In area verò ipsa effigiem posuit Mineruæ ac Dianæ, quarum illa frugalitas denotetur: hac autem castimonia. Ab iisque constricti & vincti Cupidinis Bacchi que imagines ibi ad Vestæ pedes, vt intelligamus hanc subiectam esse Continentiæ materiam, idque munus atq. officium, vt refrenet libidines, vétrisq. ac gutturis vitio, & ebriorum siti, & vomentium fami, vt M. Senecæ verbis dica, oblectetur,

## DARDANA QUOD COLVIT TELLVS.

Vestales primum Troiæ, deinde Albæ, post Romæ fuerunt, perpetuæ siue *perpetuæ*, vt Lucilius loquitur, *signatæ virgines*, siue *ἀειπαρθέναι*, siue vt Catulli verbum est, *Perenni-virgines*, ad custodiam ignis sempiterni, in templo Vestæ. De quibus M. Cicero lib. 2. legum *Vestæ*, inquit, *colende virgines præ sint, vt aduigiletur facilius ad custodiam ignis: & sentiant mulieres in natura fæminarum omni castitatem peti.* Plura de his Dionysius lib. 11. Plutarchus in Romulo & Numa. Flamma verò illa indicium corporis puri & casti, animique incorrupti & vincentis adpetitum. Sic enim Plutarchus in Numa inquit: *καθαρόν καὶ ἀφθάρτων τῶν ἑ πυρὸς ὑσίας, ἀκνεστῶτος καὶ ἀμάρτους παρεχέσθαι σώμασιν.* *Puram & incorruptam ignis naturam, quasi nosam esse corporis inlibati & intacti.* Etsi non nescij fumus terram Vestæ nomine, à multis bonisque intelligi, aliis aliud placere: sed nobis ita nunc quadrat, Vestam esse animi puritatem, ac de voluptate victoriam. Itaque statuæ illæ Vestalium quibus Continentiæ tecta quasi columnis fulciuntur, oliua & palma coronatæ sunt. Antèque omnes *Amata*, quæ prima virgo Vestalis capta fuit, & à cuius nomine deinde omnes cum à Pontifice caperentur, *dicis caussa* nominatæ fuerunt, *Amatæ*, A. Gellius c. xii. lib. 1. Etsi Plutarchus in Numa, eas quæ primæ Virgines vestales captæ fuerint, nominauit *Geganiam & Veraniam*: deinde verò consecutas fuisse *Tarpeiam & Canuleiam*. Troia verò Albam Vestales translatas: deinde Alba Romam, patet Symmachi epist. cxix. lib. ix. *Primigeniæ*, inquit, *dudum apud Albam Vestalis antistitis*, &c. Iuuenal: Sat. iv. *vbi quanquam diruta, seruat. Ignem Troianum, & Vestam colit Alba minorum.*

## HIS ITA LVSTRATIS.

Transitio ad Incontinentiæ historiam, in cuius domicilio Vestales longè multumque aliæ sunt, siue alius-modi. Quippe.

*Νύμφαι τ' ἀνύμφοι, παρθέναι τ' ἀπαρθέναι.*

*Nuptæ ne-nuptæ, virgines ne-virgines.*

Verficulum illum scribere & cantitare gestientes, qui apud M. Senecam vestali vt probum obiicitur.

*Felices nuptæ, moriar nisi nubere dulce est.*

## OCTO HÆC ETIAM LATERVM.

Digressus in collis huiusce cliuum Aristoteles, Incontinentiæ tecta Reginæ ostendit, in quibus impudicarum Vestalium, siue cum Apuleio & Arnobio loqui licet *imminutarum Virginum* statuæ cum lucernis restinctis, in areaque ipsa, virginitatis Dex Vestæ locum tenet obscura quædam effigies noctis cum palla fusca distincta stellulis. *Qualis apud Claudianum lib. 11. de raptu Proserpinæ.*

*stat pronuba iuxta,*

*Stellantes Nox picta sinus. Atque hæc sub veste sua latenter ample-*

ctitur, ac fouet puellum Veneris Cupidinem. Ponè autem est Sigalionis siue Harpocratis effigies cum scalis, & nocturnæ illius pallæ syrma siue caudam tenens, tanquam pedissequus. Administra enim quædam & tanquam satelles flagitij, taciturnitas. Neque longè abest Heronis puellæ effigies, quæ sacerdotula olim Veneris, amore Leandri faucia, illo submerso, desperatione se ipsam è turri altissima præcipitavit. Statuæ præterea sunt Vestalium illarum, quæ olim stupri conuictæ, viuæque ac spirantes ad portam Collinam in campo *Scelerato* defossæ, miserissimo mortis genere perierunt. Qualis Oppia, de qua T. Liuius lib. II. & aliæ apud alios.



## DIES VICESIMVSTERTIVS, DE AMICITIA ÆQUALIVM.

**H**ETHROS aquoreo Titan genialiter vsus  
Perpetuam hospitio noctem, sub frena iugales  
Pastos ambrosia reuocauerat, inque recentis  
Curriculi spatium iam cæperat ire, citato  
Axe diem reuehens: hesterni limite cliui

Digrediens Senior, vicini tendere cæpit  
In iuga, Phæbeo iam splendida lumine, collis  
Atque ait. Hoc age iam lustremus amabile dulcis  
Limen AMICITIÆ. Liceat mihi dicere pace  
Phæbe tua. Radio tu luminis omnia complex  
Ætherij, sine te noctis damnata perenni  
Concubio, & nulli vitalis vita iaceret:  
Sed Sol est alius vita quoq. lumina præfert  
Qui sua, quo sine nil in vita optabile, clarum  
Sidus AMICITIÆ. SOL & SAL dicier illa  
Iure potest vita. Nam si de finibus acta  
Orbis AMICITIES procul exsulet, omnia densis  
Inuolui tenebris, fierique insulsa necesse est.  
Sola potest lucem his dare, qui caligine merfi  
Tristitia, nullo recreantur lumine Phæbi:  
Solâq. AMICITIES condire aut tollere vita  
Tristis amaritiam potis est: neque diues, egenusue,  
Aut sortis modicæ quisquam, sine viuere fructus  
Latus Amicitia valet: omnes una tuetur.



*Adspice nunc, gemina in quadrum de marmore structa  
Ut niteant moles : his interposita sacella  
Sunt tria, & has nectunt veluti tria vincula rupes.*

*Marmore de Pario primum est, & culmine DIVA* Beneuo-  
lencia.  
*Stat summo, cunctisq. velut facere vna BENIGNE  
Discupiens, atq. amplecti, sua brachia pandit.*

*Alterius posita est CONCORDIA vertice. Tendit* Concordia.  
*Laeva iugum manus, in dextra est moderamen habena.  
Ut tenuit Roma, gentes frenare superbas  
Qua solita, & victis aquas imponere leges.*

*At DEA postremi retinet fastigia templi* Liberalitas.  
*MVNIFICA : in laeva ramus nitet aureus illi,  
Dextera dstringit frondes, & spargit amicus.  
Trinos quæq. gradus moles habet, inq. supremo  
Aurea AMICITIAE latè resplendet imago  
Illius, & lucem calo radiata remittit,  
Candida conciliat quam virtus. Lucida nostræ  
Et quasi Phœbea est hac vita lampas, & atra  
Nubila tristitia cispellit, frena iuuenta  
Innectit, senij ceu scipio sustinet, annis  
Curviscentis onus : lata sua gaudia sorti  
Auget : in aduersa dictis solatur amicis,  
Aut dat consilium sapiens, aut re adiuvat ipsa.*

*Inferiore gradu sedet hanc imitata, sed illi  
Disimilis longè, quam conciliare VOLVPTAS  
Novit AMICITIAM : lata hinc VENVS adsidet, inde  
EVHIVS, at faciem iuuenili schemate velat  
Et nitida & ridens personula : vellere Serum  
Texta, virens humeros incingit lena : corolla  
Circumeunt caput, hibernis genialiter illi  
Arte rosis multa ferta, quia veris honores  
Purpureos, illi longum expectare morantes.  
Cerea sed tota est, & cum breue transierit ver,  
Sole sub ardenti radio contacta, liquefcit.*

*Ast ea quæ lucri gratos sectatur odores  
Semper AMICITIES, nummiquæ cupidine feruet,  
Postremi regione gradus inamœna moratur.  
Hæc etiam solida speciosum effingere gestit  
Instar amicitia, studij sed dispere multum,  
Ingenio est. Rugis caperata seniliter illi  
Larua tegit faciem : manus est caua semper : apertus*

Aut sinus aut gremium, & quaesita recondere sollers:  
 Pectore sub vapido semper sitis ardet habendi.  
 Lucro MERCVRIVS comes huic, & vena metalli  
 Diuitis assidue cui profluit aurea PLVTVS,  
 Cacus, & occaecans fidos sibi, saepe clientes.  
 Hos media inter ficta luto resolubilis vdo est,  
 Et facile aut pluuia, niuis aut aspergine quauis,  
 Diffluit in nihilum, & tenues vanescit in auras.  
 Circumstant stimulos quibus anxius admouet acres  
 Terror egestatis, vel opum vesana cupido.  
 In radio puri ludunt corpuscula Solis  
 Paucula, pra quam turba frequens, quos tale moratur  
 Fædus AMICITIAE, sperataque trœmia lucri.

Ast ea quam Virtutis amor quasi fœderis aequi  
 Iungit AMICITIAE nexu, paucisque bonisq.  
 Adfluit, adsiduo longi quos temporis vsu  
 Mutua spectatos fecit prudentia, & etas,  
 Et fortuna pares. Tales non deingat vlla  
 Temporis aut sortis variatio: fœdere perstant  
 In bene composito, seu fors mage læta renidet  
 Quam prius alterutri, seu votis dura malignè  
 Responder, licet indulgens & prospera plures  
 Adlicit & citius, quam saua & tristis amicos.

Huius AMICITIAE gemina est soror, vtrâq. nectens  
 Fœdere disparili, quos vel fortuna, vel ipsa  
 Condicione parens iussit natura coire.

Quamuis qui potior, sese demittere & vltro  
 Par in AMICITIAE potis est descendere fœdus  
 Illi qui minor est. Sed vbi d scrimine largo  
 Vtrâque condicio distat, pollentior æquum  
 Conuenit haud facile ad fœdus. Quæ causa, superbos  
 Numen AMICITIAE reges cur nectere frustra  
 Incipiat, tantisque iugo summittere fastus.

Nunc in AMICITIA, quoq. te Regina docebo  
 Quæ mala sint fugienda procul, quibus illa te pescit  
 Aut perit, ac veluti morbo corrumpitur acri.


Ut procul à nostro refugit cum Phœbus ad Austrum  
 Vertice, districti sterilescunt frigore campi,  
 Sed cum vere nouo remeans, aurisq. Fauoni,  
 Prouocat educens gremio telluris aperto  
 Quæ latuère diu variarum semina frugum:

*Sic & AMICITIES sterilis quasi languet, amici  
 Cum procul absentis, nullo ad spectūve foueri  
 Adloquūve potest: eadem reuereſcit & ultrò  
 Induit in florem sese, redeuntis amici  
 Ceu Zephyris recreata nouis, atque enitet ore  
 Purpureo, & solito circumueſtitur honore.  
 Est & AMICITIAM vt subito diſcindere, ſaltem  
 Diſſuere vt ſit opus lentè, cum cœpit amici  
 Prodere ſe improbitas nulla medicabilis arte,  
 Alteri ſue ſuo maculet qua crimine vitam,  
 Vulneret aut famam, nihilum peccantis amici.  
 Aſt leuibus maculis, & quas ſapientis amici  
 Eluat ingenium, aut veniens maturior atas,  
 Fœdus AMICITIAE non eſt reſolubile ſanctum.  
 Noſſe in AMICITIA mores, odioq. vacare  
 Verum eſt, & meditari hoſtis quid diſtet amico.  
 Peſtis amicitia grauis eſt Paraſitica, cuius  
 Ebria magnorum ructu ſunt atria regum.  
 Nec regem vt ſimulat, ſed ſe & ſua commoda blandè  
 Inſidians paraſitus amat, ceu vellus Iaſon  
 Iuit in auratum ſapidè, ſudaret an algu  
 Ipſe aries tremere, multum neſcire paratus.  
 Verus AMICITIAE, nulla mercede mouetur  
 Aedituus, neque diuitias aut captat honores,  
 Hortulus aut Paphia quos fert decerpere flores  
 Geſtit, AMICITIES ipſa eſt & fructus amico, &  
 Ampla ſatis merces, de qua nunc dicere plura  
 Ceſſo perinuitus: ſed enim Nox inuida cogit,  
 Eripiens Solem, ſine quo nil dicere fas eſt.  
 Poſtera cum veniens Aurora retexerit orbem  
 Quod ſupereſt, Solis renouatus lumine, reddam.*

## TETHYOS AEQVOREO TITAN.

**S**OLEMNIOR dies fortaliſſis aliquis, ſed iucundior nullus adhuc in  
 Veri ciuitate inluxit, quā hic eſt tertius & viceſimus, in quo de Ami-  
 citia dicendum eſt. Cui enim homini poteſt *vita eſſe vitalis*, vt loquitur  
 Q. Ennius, qui non in *amici mutua beneuolentia conqueſcat*? Quid autem  
 dulcius quā habere *qui cum omnia ſic audeas loqui vt tecum*? Ingenio-  
 ſèque Ariſtoteles à Poëta inducitur huiuſce diei narratu-  
 rus, principium orationis ſuæ conuertens ad Solem, ait Amicitiam.





- A. Dux moles quadrata, sedes Amicitiae.  
 B. Sacellum BENEVOLENTIAE, & in fastigio eius statua Dæ brachiis passis, quasi ad amplexum.  
 C. Sacellum CONCORDIAE, & statua eius, in fastigio, manu iugum tenens.  
 D. Sacellum MUNIFICENTIAE, & statua eius in fastigio, quasi ramum aureum læva tenens, qualis apud Maronem Æneide vi. dextra stringens folia eius, & largiens. Sed pictori læva pro dextra est.  
 E. Statua in utriusque arcis primo summoque gradu aurea, signum veræ Amicitiae, cum virtute semper coniuncta.  
 F. Statua cerea in secundo gradu, Amicitiae levis ac momentanea, quæ comes ac socius voluptati.  
 G. Effigies lutea in tertio gradu, quæ comes sociæque utilitatis

Solem vitæ nostræ, siue terrenum esse, quia *Solem*, ut inquit M. Cicero, *è mundo tollere videntur, qui amicitiam è vita tollunt*. Atque sic D. Ioannes Chrysofostomus apud Stobæum Serm. CCXIII. Βέλτιον ἡμῖν σβεσθῆναι τὸν ἥλιον, ἢ φίλων ἀποσπέρηθῆναι. πολλοὶ γὰρ τὸν ἥλιον ὀρώντες, ἐν σκοτῶ ἐίσι, φίλων δὲ εὐποροῦντες ἐδ' αὖ ἐν ἡλίῳ γένοιτο, &c. *Satius nobis est Solem exstingui, quam orbari amicis. Multi enim qui Solem vident, nihilominus in tenebris sunt: amicis autem qui adfluunt, in calamitate nulla versari possunt*, &c. In tenebris nempe esse dixit metaphoricè, pro in mærore & luctu iacere. Rectè autem atque ordine, quoniam de virtutibus perfectis, & inchoatis siue adfectionibus iam exposuit auctor, adiungit de Amicitia, quæ virtutum omnium socia est. Nam virtutes morales actionibus vitæ & hominum societati inter ipsos deseruiunt: omnis autem vita nobis vel cum amicis vel cum inimicis, Amicitia: igitur post virtutes adhibenda fuit explicatio.

## SOL ET SAL DICIER ILLA.

Laudatio Amicitia: Illam totius vitæ condimentum esse, neque vllam ætatem, aut cōditionem, vllū inue tempus carere posse fructu amicitia: Hi enim quibus amplissima fortuna sunt, amicorum adfluentia non mediocriter egent, quorum ope & consilio thesauri ipsis conferuentur, & in quos uti possint munificentia & liberalitate, cum quidem occulta, ut musicæ ita pecuniæ, nulla sit delectatio. Eleganter in hunc sensum Aristoteles c. xv. lib. ii. Magnor. moral. Tenüissimis autem opibus homines, aut, quæ Plautina locutio est; *hominum mendicabula*, quid omnino aut ipsi aut vita ipsorum esse potest sine amicis quasi ferentariis, quorum largitate & copiâ ipsorum indigentia & inopia sustententur? Neque dissimilis ratio est illorum qui mediocri fortunæ sunt conditione. Hi enim, siue ut hoc ipsum quod iam tenent, bene teneant, siue ut accessione aliqua id cumulent, amicis & gratia egent, qua si spoliati fuerint, herent, ut nauigia quæ in ipso cursu aura venti omnino destituuntur. Eaque ipsa de re Valerius c. vii. lib. iv. Ad summam pernecessarium quiddam & honestum, & naturæ in primis consentaneum, amicitia est, neque familias tantum ac priuatorum opes, sed ipsas etiam ciuitates, regūque fortunas, multorum beneuolentia munit ac tuetur. Itaque ut iam olim dixit Aristoteles, ij à quibus ciuitates optimis temperatæ sunt & institutis & legibus, non minus de amicitia curasse videntur, quam de iuris æquabilitate cap. i. lib. ii. ad Nicomach. vbi & copiose ac deinceps quoque de vtilitate amicitia: disserit.

## ADSPICE NUNC.

Nunc amicitia: sedem ac regionem describit, facie figuræque à ceterarum virtutum hospitii longissimè diuersam. Neq. enim domus est, sed geminæ moles & quasi puluini duo exaggerati, qui figura quadri



sunt, & tribus templorum quasi vinculis tenentur. Primum Benevolentia templum est: alterum Concordia: tertium Beneficentia. Benevolentiam brachiis apertis pingit, atque exporrectis & paratis amplexari. Concordia simulacrum effinxit cum freno & iugo, quæ ceu notæ sunt vinculi amicitia, Amici nempe quasi coniugati sunt, siue quasi boues eidem iugo adligatæ. Vnde apud Horat. Oda xxxv. lib. i. *Amici ferre iugum pariter dolosi*. Propert. eleg. vlt. lib. iiii. *Tu bene conueniens non sinis esse iugum*. Aufonius epist. xxiii. ad Paullinum. *Discutimus Paulline iugum &c.* Hinc *de iugare* dicuntur amici apud Plaut. Trinummio. Sc. vi. vbi malè Critici corrigunt *deiuuare*. Beneficentia verò attribuit ramum aureum, quasi materiam munificentia & liberalitatis. Qualis aureus Proserpinae ramus apud Virgil. in vi. Æneid. Ouid. lib. xiv. Metamorph. Claudian. de raptu Proserpinae lib. ii. Nec vero tam fabula illa de ramo aureo est, & Poëtica res, quàm videtur. Audire operæpretium est quid Galeotus Martius narret c. xxvii. De dictis & factis Mathia regis Hungariae, agens de territorio & districto Sirmiensi. *Nascitur, inquit, ibi aurum ad similitudinem virgulti, simile asparago. Nonnunquam verò sicut capreoli circa truncum vitis intorti, ad magnitudinem plerumque duorum cubitorum, quod nos vidimus saepe. Sed ille aureus asparagus siue capreolus, iuxta vitas natus, non est auri valde puri. Est enim venæ auri Rhenani. Et anuli ex hoc auro facti, cum facile fiant, quis enim labor contorto auro digitum circumdare?* dicuntur sanare verrucas. Nam & ego quoque ex huiusmodi aureis virgultis anulum possideo, &c. Hæc Galeotus ille, fides sit penes auctorem, aut penes illum vt Pausanias dixerit, ὅτι πασα. Liberalitati quidem aureum illum ex Æneide ramum tribuit Poëta noster conuenientissimè. Vt enim ex arbore illa Poëtica, sic de Liberalitatis quoque arbore, ramo

*Vno auulso non deficit alter*

*Aureus, & simili frondescit virga metallo.* Eaque de re dictum die ix. Concinnè vero etiam Aurelius Cassiodorus epist. iv. lib. v. cum aureo illo Virgilij ramo comparisonem fecit familiae quæ tanquam seminarium esset, summorum virorum. *Concordat, inquit, huic familiae ramus ille ditissimus, qui Virgiliano carmine semper renascitur, &c.* Sunt autem hæ tres animi adfectiones, *Benevolentia*, *Concordia*, & *Liberalitas*, à quibus & principium & status siue incolumitas, & incrementum ac robur amicitia promanat.

Gemina vero tantum hæc amicitia sedes, non multiplex poëtæ ingenio depicta est, quoniam germanissimum illud genus amicitia, cuius est virtus conciliatrix, fere inter duos tantum solet, non autem plures conglutinari. Qua de re commentarius Plutarchi est inscriptus, *Ἐπι πολυφιλίας* siue *de multorum amicitia*. Et Aristotelis præceptio c. vi. lib. ix. c. x. lib. ix. ad Nicom.

Puluini autem illi æquales, atque omnibus rebus gemini, vt intelligatur æqualitas quasi mater esse amicitia. Sic enim Plato lib. vi. de legibus, contritum vetustate prouerbiū esse ait, *æqualitatē matrem esse amicitia*, & Aristoteles c. v. & c. iix. lib. ix. ad Nicom. Idemque c. iix. lib. vii.



ad Eudem. *μὴ μάτρω λέγεται. Ἰσότης ἢ Φιλότης. Non temere dicitur. Æqualitas, amicitia, &c.* Neque non eleganter Minucius Felix in Octauio. *Amicitia pares semper aut accipit, aut facit, &c.* Quanquam alia item ratione æqualitas mater inimicitia, Vnde illud Fab. *Quintiliani Declam. cccLxxix. Inimici ex pari.*

## TRINOS QVÆQ. GRADVS.

Tria rerum genera sunt, in quibus innatum *ἐλκωσικὸν* quiddam, & vis alliciens homines ad diligendum, *utilitas, voluptas, virtus*, siue honestas. Vnde genus triplex amicitia. Vnum illius quam utilitates conglutinant: alterum quod refertur ad iucunditatem: tertium quod conciliatur opinione virtutis, quam *χρηστοφιλία* Aristoteles vocauit c. v. lib. i. de arte dicendi, & *τελείαν φιλίαν*, id est, *amicitiā perfectam*, c. iiii. lib. ix. ad Nicom.

Tertium autem hoc genus veræ sinceræque amicitia proprium est. Priora illa duo genera sunt amicitia leuis & momentanea, & quauis temporum aut fortunæ permutatione tanquam flosculi celerrimè decidunt, quales apud Q. Fratrem. *Breues ac suffragatoria amicitia* L. Seneca epist. ix. *Hæ, inquit, sunt amicitia, quas temporarias populus appellat.*

Hos igitur amicitia tres quasi gradus & varietates cum declarare auctor vellet molibus illis siue puluini, tres cuique gradus adpinxit, in quorum supremo amicitia veræ, nempe illius quæ virtute contrahitur, statuam auream statuit, latè longéque fulgentem. Proximo sequente gradu est amicitia voluptaria imago cerea, inter Venerem & Bacchum media, personata illa quidem, sed tamem ad spectu hilari, formaque iuuenili & integra, colore autem suavi & florente. Idcirco, quia id genus amicitia ferè proprium est ætatis florentis siue iuuentutis. Postremo & infimo gradu, est amicitia fructuosa siue illius quam gignit continetque utilitas, imago ficta ex luto & argilla, cõlocata verò inter statuam. Plurimi atque Mercurij, personam habens etiam ipsa, siue histrionicam faciem, sed striatam rugis & senilem, quoniam talis amicitia existit fere inter homines senes. Atque huiusce imaginis caua etiam exporrectaque manus est, qua declaretur lucri esse adpetens & rapax, vt de puella sua siue domina Tibullus conqueritur.

*Illæ caua pretium flagitat vsque manu.*

Quales item illi apud Marcellinum lib. xvi. agentes in rebus, non expansa chlamyde, vt mos faciendi erat, sed vtraque cauata manu in confistorio aurum accipientes, quos Iulianus Cæsar, *rapere scire*, dixit, *non accipere, &c.* Neque dissimili salua Vespasianus C. Suetonij c. xxiiii. *cauam manum ostentat.* Et Augustus eiusdem c. xci. *cauam manum asses porrigentibus præbet.* Athenis quoque iudices cum reis tacitè significare vellent, se corruptelæ & munerum acceptioni paratos, sub palliolo cauam manum effingere soliti clanculum, vt reus obseruare posset, ceteros ea res lateret, vt narrat interpres Aristophanis ad Equites. Hinc & ille Aristophanis Thesmophoriazuzis iocus in iudicem donipetam, minimèque

vt locuti olim edecumatum.

Ὡς πρύτανι, πρὸς τῆς δεξιᾶς, ἢ πρὸς φίλους  
Κόιλην πρετείνειν, ἀργύριον ἢ ὡς δίδω.

O Prytani per tuam te dexteram rogo,

Quam tu cauam porrigere amas ad munera.

Sed pulchrè causam horū iudicū asinus ille Madaurensis agit lib. x. Causidicis enim qui ea in re disputare soliti, & culpae talis farinae iudices. *Quid ergo, inquit, miramini vilissima capita, immò forensia pecora, immò verò rogati volturij, si toti nunc iudices sententias suas pretio nundinantur, &c.*

Sed vt de semita in viam, veræ quidem solidæque amicitiae statua, ex auro solida est, vt & pretium eius excellensque praestantia & firmitas siue constantia declaratur. Voluptariae vero illius fructuosaeque amicitiae, è cera lutoque sunt imagines, vt materia tali & vilitas earum & inconstantia, mutabilitas varietasque intelligatur. Eademque imagines laruatæ, quia nativam veri amoris, germanaëque amicitiae faciem imitando quasi adulterant, tam me hercle, quàm fictus iste amor amicitiae siue ἔρως ἐπὶ φιλίᾳ, de quo M. Tullius lib. iv. Tusc. quaest. Cui amoris personam belle detrahit Aristoteles c. xii. lib. vii. ad Eudem. Amorem esse amicitiae similem, differre tamen, quia expetit quidem amator bene vivere, vt & amicus: sed dissimiliter, videlicet amicus ἢ μάλιστα δὲ quàm maximè conuenit: amator autem κατ' ἀισθησιν siue sensus titillationi conuenienter. At ἔρως quidem sic nudè & simpliciter: ἔρως ἐπὶ φιλίᾳ, siue amor amicitiae simulatè, & sub palliolo & mantello. Sed amicitiae voluptariae statuam secundo gradu posuit, fructuosae vero imaginem extremo. Similior enim amicitiae veræ, iucunda est amicitia, quàm utilis, vt est c. vi. lib. iix. ad Nicomach. De triplici autem illo genere amicitiae exfertim quoque Aristot. c. ii. lib. vii. ad Eudemum. Et c. ix. lib. iix. ad Nicomac. Cicero in Laelio. Breuiterq. sed argutè Dio Pisonianus, & deinceps alij apud Stobæum Serm. ccxiii.

#### AMOR AST EA QVAM VIRTVTIS.

Hæc eo pertinent vt amicitia vitæ morumque similitudo esse intelligatur, & dignitatis siue conditionis æquatio, omniumque rerum, cõfiliorum, voluntatum sine vlla exceptione communitas.

#### HVIUS AMICITIÆ GEMINA EST SOROR.

Æqualium amicitiae duas inquit esse tanquam sorores. Amicitiam scilicet naturalem, & illam in qua dispari fortunæ conditione amici, quam Aristoteles indigetavit φιλίαν καθ' ὑποεσχίω ad Nicomach. & φιλίαν ἐρ' ἀισότητι c. xi. lib. ii. Magnor. moral. Iuuenali Sat. iv. est, *Magna amicitia: vt magnus amicus* apud Cicer. epist. xxix. lib. vii. ad famil. Iuuen. Sat. i. & vi. Horatio *amicus potens* epist. xlix. & Oda xlix. lib. ii. *venerandus amicus*, epist. xlix. Quibus amicitiae generibus auctor locum designauit in altero puluino siue mole amicitiae, vt die sequenti patebit. Ac naturalis quidem est amicitia vt patris & filij, deinde fratrum, tum viri

& uxoris. Cui amicitia, Demosthenes contra Midiam, opposuit φιλίας, ἐκ τῆς παρετυρόντος συμβαίνουσα, vt si diceret, amicitiam forinsecus aduentantem, siue φιλίας ἐκ ὡραϊστέως, amicitiam ex instituto. Atque huiusce generis, amicitia illa de quibus antedictum. Interpreti Terentij Euanthio in Adelph. hæc amicitia voluntaria est, nempe quæ inter alienos, eamque opponit. *Necessaria amicitia*, siue *sanguinis propinquitati*, quæ nunc Aristoteli est *Naturalis*. Inæqualium autem amicitia est vt diuitis & egentis, fortis & infirmi, docti & indocti. Scienterq. illud sapientia interpretis ac sacerdos Aristoteles admonuit olim c. vii. lib. ix. ad Nicom. sic demum inter superiores & inferiores gigni amicitiam, si mediocris ac modica sit non autem summa inæqualitas: vt principi cum priuato aut tenui homine, vix aut ne vix quidem potest esse amicitia. Demittere tamen sese possunt reges etiam & possidere amicos, vt Alexander Magnus, de quo mentio erit die sequenti.

## VT PROCVL A NOSTRO.

Comparatione exprimit amicitias non alia re sæpius quam absentia diurnoq. silentio dissolui, & vanescere paulatim: sed amici tamen adspectu & colloquiis rursus eas, vt ignem sopitum excitari. Non dixit autem philosophus c. v. lib. ix. ad Nic. ἡ χρόνιος ἀπουσία, τῆς φιλίας λήθη ποιῆι. Id est, *longa absentia, inducit obliuionem amicitia*, &c. Sed δοκῆ λήθη ποιῆν. *Videtur inducere obliuionem*, &c. Etenim verè D. Petrus apud Clementem Rom. in Epitoma. σωφισιν οἱ φίλοι ἔμνήμας, καὶ ὅτι σώμασιν ἐκείνων ἀπολιμπανονται. *Amici mentibus & memoriis iuncti sunt, et si corporibus distantes*. Itaque inter amicos etiam absentes & tacentes manere posse amicitiam.

## EST ET AMICITIAM.

Pergit alias amicitia pestes demonstrare, siue vt M. Cicero loquitur *calamitates*: vt si eruperit vitium amici tale, vt corrigi non possit, ex eòq. ad nos ipsos redundet infamia. Nam leuicula quidem peccata, & quasi *verruca*, vt Horatius loquitur, amicorum, ferenda sunt, quod Ciceroni τερροφορήν. Neque non sapienter Demosthenes apud Stobæum Serm. ccxiii. ὡσπερ οἶνος κινᾶται τοῖς τῶν πινόντων τρέποις, ἔτω ἔξ φιλία τοῖς τῶν χρωμένων ἤθεσι. *Vt vinum ad potantium mores temperatur: sic amicitia ad mores amici*. Altera item est amicitia multoque capitalior pestis *adsentatio*, quam auctor scitissimè admonet diligentius cauendam esse in amicitia, quam in mercatura numos adulterinos, tantoque adsentatores fabris qui cudere soliti plumbeos numos, siue adulteratoribus moneta videri magis detestabiles ac pestiferos, quanto grauius est animos humanos, quod faciunt parasiti, quam aurum vel argentum corrumpere.

## VERVS AMICITIÆ ÆDITVVS.

Veri amici hæc nota est. Non spe lucri, aut voluptatis, aut honoris amare, sed ipsius amicitia causa, vt tanta lucis radio perfusus animus, omni virtutis laude facilius compleatur. Sic magister sapientia Aristoteli



teles Topicis cap. i. lib. iii. differit. *Amicitiam per se expeti.* Et Cicero in Lælio.



## DIES VICESIMVSQVARTVS DE AMICITIA IN ÆQUALIVM.

**A**CTA rubescebant orientis lampade Phæbi  
Vix iuga vicini collis, transmittere pontem,  
Adgressus Sapiens instratum marmore, puri  
Et radium fortè adspiciens Hyperionis, ingens,  
Dixit, honor cali, diuùmq. hominùmque voluptas

Cynthia, quid sine te nisi nox, humana fuisset  
Vita, quid aut doctè fieri aut potuisset honestè  
Auspiciis sine Phæbe tuis? Te mergere in aquor  
Audent Oceani, radiòsque exstinguere vates,  
Dne tuos, sed tu neq. sinciput aquore tingis,  
Thetyos, aut vlla tuus vnda exstinguitur ignis.  
Adsiduè exoriens radiorum munera gentes  
Diuidis in varias, noster quas continet orbis:  
Aut obiens hilaras populos, tua munera lucis  
Spargens his, aduersipedes contraria nostris,  
Oppositi figunt sua qui vestigia terris.

Sic & AMICITIAE per gentes didita lucent  
Munera, pèrque omnes spargit face lumina terras  
Sidus AMICITIAE, quam si quis tollere posset  
E medio, vitam è vita quoq. tolleret idem.

Mutua non colerent homines commercia, nullis  
Cætibus vtentes agerent socialiter auum:

Montiuaga sed more fera, sua quisq. seorsim  
Pabula toruè inhians, prædas & prælia circum,  
Quareret insultans aliis, sibi commodus vni,  
Atque intus caneret sibi quisque odiisque furenter  
Mutua certarent, velut hostes omnibus omnes.

Ast in AMICITIAE regno, germanitùs omnes  
Omnibus officiis certant, neque curat amici  
Commoda quisque magis tepidè, quam qua sua: nempe  
ALTER AMICVS EGO. Quod quisque impendit amico.

*Ipsus*

*Ipsus in acceptis referens sibi, gaudet: honesti  
Regula quòd patitur, longa suavisima vitæ  
Condimenta vouens illi, seu FORS ea, siue  
Ipsa potest NATURA parens, siue addere VIRTUS.  
Mutuus hic animus sic comseat inter amicos  
Communis quasi Mercurius, non lege iubente  
Sic aliqua: ast inhibens sapido sub pectore VIRTUS  
Imperium, atq. animi subigit propensa voluntas.*

\* quoad.

*Non igitur lites miseri legisue timerent,  
Triste supercilium mortales, multa silerent  
Iudicia, herbosumq. forum, vox rauca togati  
Vulturij streperet nusquam, feralior illo  
Carminè, quod gemit in tectorum culmine bubo,  
Fœdus AMICITIÆ sanctum si adstringeret omnes.*

*Esse in honore studet, multa que indagine captat  
Quilibet, ille etiam dignus qui cerite cera,  
Quisq. rudis tiro, parmæque inglorius alba,  
Nectali arte potens vlla, cui debita merces  
Sit speciosus honor, clara vel adorea laudis:  
Rarus AMICITIAS sibi iungere querit honesto  
Fœdere sancitas. Longè tamen, esse in amore  
Præstat, quàm esse in honore aliquo. Nam querit honorem  
Sæpe, alium statuens finem sibi: gaudet a mari  
Quisq. licet nihil hinc aliud se acquirere speret.*

*Sed litat ille magis sacris operatus, honesta  
Numini AMICITIÆ, qui sanctè diligit vltro,  
Quàm qui diligitur: veluti matercula gaudet  
Filiolo in cunis, nulla qui parte in amoris  
Respondere potest. Non si mihi commodet omnes  
Ipse suas linguas, Dea linguis consita FAMA,  
Enumerare queam numerosas carmine laudes  
Quamuis multiplici, quibus adfluit hæc pia vitæ  
Mater AMICITIÆ: non si mihi commodet omnes  
Ipse oculos ARGVS, cui corpore lumina toto,  
Ipse mihi sua si det mutua lumina Olympus,  
Omnibus eualeam satis instar amabile Diuæ  
Displicere ipse, aliisue omnem depingere formam.*

*Et iam alacres properanter ad intermetia\* Circi  
Phæbus equos agitat, properemus nos quoq. tecta  
Visere, ubi statuæ his posita, quos fœdere iniquo  
Iunxit AMICITIÆ, fors aut natura, parenti*

\* Inter-  
metium  
τὸ μετὰ  
τῆν καμπί-  
ραν.

*Pignora coniugij, fratres aut fratribus, alto  
Cives & tumido regi, ceu paruula magno*

\* μέρμηξ  
ἢ κάμηλος.  
*Se societ, magnos formica imitata, camelo.\**

*Pulcher in hac primus serie est Hephæstio, magni*

*Delicia regis. Micat aurea vertice leto*

*Cassida, & in cono, vice prominet aurea crista*

*Glande sua & foliis flex latissima ramis,*

*Pendentes demittit apes, examine longa*

*Implicitas vna, quarum de murmure bombi*

*Verba sonare putes: TE NON TVA. Scilicet ille*

\* φιλαλί-  
ξανδρος.  
\* φιλοβασι-  
λεύς.  
\* equum,  
pat.  
*Verus ALEXANDRI \*potius, quàm REGIS \*amicus,*

*Nec sua in officiis aula, sed commoda spectans*

*Semper Alexandri. Hoc exemplo vivere verum \* est*

*Quos comitiua fouet, si rem spectemus, & ipsa*

*Officy moneat quid formula: sed quasi falsum*

*Esset, agunt pars plera, quibus nutricula mamam*

*Aula dat indulgens, scopus illis vnicus, ipse*

*Quisq. sibi quid ALEXANDER, quid postulet vsus*

*Regius, haud plerique magis quàm somnia curant.*

\* Alphon-  
sus Arag.  
rex, apud  
Anton.  
Panorm.  
lib. ii. de  
gestis Al-  
phonfi.  
\* σοργή.  
*Sicut hiant gavia \*circantes mœnia longa*

*Naui, & excipiunt si quis proiecerit inde*

*Vescum aliquid, subita lata, fugiuntq. rapina.*

*Sunt alia hinc statua illorum quos necit abeno*

*Ceu clauo pietas. \* Hic est in amore parentis*

*Filius, & versa vice, nato vita parentis*

*Cara sui. Æneam vide sis, vt dulce parentem*

*Gestet onus, tardum senio, iuxtâq. parentis*

*Implicitus dextræ vestigia paruula signet*

*Adtrepidans puer ASCANIUS, flamas ita Troia*

*Triga sua fugiens, gemina pietatis imago.*

*PHIAS hic pia, quæ corpus complexa mariti,*

*Insiliitq. rogam, & cumulauit funere funus!*

*CASTORES hic deinceps, duo lucida sidera, fratres,*

*Nobile fraterni pariter spectamen amoris.*

*Sed piceos NOX iungit equos, circumque citatis*

*Lasciuit choris, iam cœptant sidera: SOMNVS*

*Insequitur, secumque pater variata figuris*

*SOMNIA mille trahit, pariterq. silentia lingua.*

---

TACTA RVBESCEBANT.

Saturni festus dies vnus principio Romæ olim fuit, qui deinde læ-



titia blandiente alium ex sese procreauit: non aliter ex amicitia die latissimo in Veri siue morum ciuitate, hic natus est quartus & vicissimus, qui est de amicitia inæqualium. Quem diem auctor ingreditur celebrare bonis verbis, nempe laudibus amicitia. Hanc enim, esse ait qua societas hominum inter ipsos, & vita quasi communitas continetur, eaque sublata, vitam fore non minus insuauem, ac si lucidus orbis solis ita in oceano mari extingueretur, vt accendi amplius non posset. Commentum enim poetæ sunt Solem obire in mari, ex eoque rursus emergere. Poetis nempe vt Homero & priscis philosophis, Oceanus fuit horizon siue linea finiens, vt Geographus docet lib. i. & Eustathius interpres Homeri ad Iliad. lib. v. Theo Alexandrinus ad Arati Phænomena. Nugator autem homo L. Florus c. xvi. lib. ii. narrans de expeditione D. Bruti in Lusitanos & Callæciae populos, perucnisse Brutum ait, non quidem eò, *ubi mures ferrum rodunt, sed ad formidatum militibus flumen Obluionis, peragratoque victorem Oceani litore, non prius signa conuertisse, quàm aduentem in maria Solem, obrutumque aquis ignem, non sine quodam sacrilegij metu, & horrore deprehendisset.* Neq. minus ad Fabulinum Deum ableganda persuasio illa, quam profert C. Tacitus in Germania sua. *Trans Suionas, sonum Solis emergentis audiri, formasque Deorum, & radios capitis, adspici, &c.* Benè scriptum, *emergentis.* Opponit nempe Cornelius, *Solis orientis sonum, & formas Deorum, & capitis radios, solis cadentis fulgori, in ortus duranti, &c.* Neque accedendum opinor v. c. Iusto Lipsio, legenti, *semergentis.* Etiam Moameth in Corano suo apud Euthymium in Saraccenicis *ὄν ἥλιον φησὶν εἰς θερμὸν ὕδωρ καὶ βαπτίζεσθαι πρὸς τὸ τέλος τῆς ἑσπερίας, καὶ λούσασθαι ἀντίον πρὸς ὄρεον καὶ ἀνατέλλειν.* Solem, ait, *in aquam calentem demergi ad extremum Hesperia siue Hispania: deinde lotum ascendere mane, & oriri, &c.* Hem, alterum ex homine illo, scilicet Floro, *hunc natum dicas.* Sed de Moametho nihil miramur, *Arcadico germine, & in cuius ἀργυρικῆ γοπολλῶν ingenium aut mentem querere, tondere asinum est,*

*Ædepol certo scio, inquit Comicus,*

*Occisam suam saepe plus sapere*

*Cum manducatur.* Neq. Poetas moramur vt Iuuenalem cuius

illud est Sat. xiv.

*Sed longè Calpe relicta, Audiet Herculeo svidentem gurgite Solem.*

Tali autem ianua in descriptionem huiusce diei auctor ingressus, pergat laudare amicitiam, & inherere illam ait in voluntate animi humani, siue habitum esse voluntatis, qui animum ita instruit, & ad omne aduersus amicum officij munus instruit, vt ipsius commodis nihilo minus gaudeat quam suis, solaque opinione quam de amici virtute habet, arctissimè cum eo quasi vinculo & nexu copuletur.

#### ALTER AMICVS EGO.

Prouerbij vice vsurpari solitum, vt apud Arist. c. iv. & ix. lib. ix. ad Nic. Et magnis moral. lib. ii. Laert. Zenone. Cicer. Lælio, Et epist. v. lib. vii. ad famil. Ortum autem à Pythag. Synesius epist. xcix. *ὁ πρὸς ἀλλοῦ φίλον ἄλλον εἶναι ὡς ἐλάττω.* Pythagoras definiuit, *amicum esse alterum seipsum.*

## NON IGITUR LITES.

Tantarum virium esse amicitiam, vt si omnes eam colere vellent, legitima iustitiæ imperium quasi consulare dictatorio tolleretur, fieretq. vt paucitate litigantium, herbis, vt dici solet enatis, forum ipsum ac iudicium siluesceret, vt in vrbe amplissima & ornatissima Syracusis contigisse olim adnotauit Plutarchus in Timoleonte. Neque dissimiliter in literis sacris, Macabæorum historiæ c. iiii. lib. i. Et apud Dionem in Euboica.

## PURPUREOS VIGILAX INDAGINE.

Aliud argumentum laudis, amicitiam esse quiddam præstabile vehementerque expetendum, quoniam quidem minus optabile sit, honore affici quam diligi. Honor enim propter aliud expeti solitus, amicitia ipsa per se. Deinde aut virtus amicitia est, aut non sine virtute. Sic enim Aristoteles principio lib. iiii. ad Nicom. Ἐστὶ γὰρ φιλία, ζῆλον πρὸς ἢ μετ' ἀρετῆς. *Amicitia aut virtus quædam est: aut cum virtute.* Et Tullius in Lælio. *Nec sine virtute amicitia esse villo pacto potest.* Et ibidem. *Virtutum enim amicitia adiutrix à natura data est.* At honorem esse virtutem nullus dixeris. Optabilius item diligere quam diligi. Nam illud nostri arbitrij est: hoc autem alieni. Quo ipso etiam inlustratur dignitas amicitia, quoniam eius rei semper compotes sumus, quæ in amicitia excellit. Nam vt honorem tribuere, sic diligere in nobis situm est: diligi autem & honore adfici est in potestate aliena. Hæc taliæque Aristoteles c. iiii. lib. iiii. ad Nicom. & Tullius in Lælio.

## NON SI MIHI COMMODET OMNES.

Magnifica superlacione laudes amicitia conclusit. Famam ipsam linguis suis omnibus satis dignè laudare non posse Amicitiam, aut formam eius, faciémque satis, etiamsi ocula tota est, contemplari.

## IAMQUE ALACRES PROPERANTER EQVOS.

Quasi hymno Amicitia dicto, vergente Sole in meridiem, cum Regina ingreditur Aristoteles in alteram molem, quæ sedes ac regio est Amicitia illorum qui fortis naturæue conditione inæquales.

## PVLCHER IN HAC PRIMVS.

Amicitia imparis exemplum Alexander Magnus & Hephæstio, quem, vt est apud Plutarchum, Alexander nominare solitus fuit φιλαλέξανδρον quasi *amicum Alexandri*, vt Craterum φιλοβασιλέα siue *amicum regis*. Itaque illum valde amare solitus: hunc autem reuereri. Hephæstionem verò auctor cum galea pingit, in cuius apice crista loco est ramus ilicis, glandibus aureis incuruiscentis, eiusque rami cauum, apicularum examine compleri fingit, cuius admurmuratione disertim expressum hoc verbum exaudiri possit, *Non tua sed te*, arborem scilicet ipsam

cordi sibi esse, non adfluentes in ea glandes.

## SVNT ALIÆ HINC STATVÆ.

Subiungit exempla naturalis amicitia, vt parentum in liberos, & liberorum aduersus parentes. Item fratrum inter se, & coniugum caritates.

## ÆNEAM VIDE SIS.

Exemplum caritatis in liberos & parentes ponit Æneam Troianum, cuius celebratissima in historiis pietas in patrem Anchisen & filium Ascanium. De qua item Ælianus in Variis c. xxii. lib. iii.

## IPHIAS HEIC ETIAM PIA.

Exemplum amicitia maritalis Euadna, quæ desiderium viri sui Capanei extincti non ferens, in rogam eius ardentem se coniecit, ne à viro suo morte ipsa diuelleretur. Itaque sic loquitur apud Ouidium.

*Accipe me Capaneu cineres miscebimus, inquit,*

*Iphias, in medios desiluitq. rogos.*

Nec minus eleganter illud auctor nunc enunciauit, *Mariti*

*Insiliitque rogam, & cumulauit funere funus.*

*Quale illud*

Poetæ Lucretij lib. vi. *cumulabat funere funus.* Notum autem ex fabulis, alteram item Euadnen fuisse Neptuni & Pitanæ filiam. Sed nunc de Euadna Iphidis filia sermo est, quæ primùm dicta fuit Ianira. Interpres hoc Pindari narrat in Olympia. Oda vi.

## CASTORES HINC DEINCEPS.

Inlustre *Φιλαδέλφιας* siue amicitia fraterna specimen Pollux, cui ne immortalitas quidem sine fratre optabilis visa est. Itaq. rogatu suo impetrauit à Ioue, vt sibi liceret immortalitatis præmium illud cum fratre partiri. Vnde *ἐπὲρμιόεγος* vocat Homerus odyss. xi. quasi *alternis morientes*

## SED PICEOS NOX IVNGIT EQVOS.

Nox Dea etiam priscis nota vt Homero, Hesiodo, Orpheo: sed currum ei iunxere, bigas scilicet, Poetæ neoterici siue posteriores Homero, vt Theocritus Idyll. ii. Apollonius Argonaut. lib. iii. in eaque loca id Græci obseruauere interpretes. Imitati post etiam Latini vt Tibullus eleg. i. lib. ii. Ex quo hic Poetæ nostri locus imitatus videtur.





DIES VICESIMVSQVINTVS,  
DE VOLVPTATE, DOLORE, ET DE  
ADSCENSV IN ARCEM BEATITVDI-  
NIS POSITÆ IN CONTEM-  
platione.

**R**UPERAT occentans vix longa silentia Noctis,  
Ales, & in curas reuocarat præco diei:  
Iam vigil, inq. alias agitans quoq. visere sedes  
Vrbis deinde suæ Senior, cum lumine Solis,  
Talia præfari cœpit. Dea tetrica, terras

Frigore contristans, & pepli horrentibus atri,  
Inuoluens latebris, & spargens munera, somnos  
In caput omne tuos variè. NOX CASCA DIEI  
STELLARVMQ. PARENS, curru flamante coruscus  
Iam prope Phæbus adest, parua est mora, pinge DOLOREM  
Diua mihi, namq. ille tibi notissimus vni est.

At simul auricomo tu veneris axe citatus  
Cynthie, mî pinges, quali sit blanda VOLVPTAS  
Ore, potest nemo facere id te doctius vno.  
Filia nempe tua est, & te comitatur euntem,  
Adsiduè, tecumq. vigens oriturq. caditq.

Juncta VOLVPTATI est semper, cruciòue DOLORI  
VIRTVS aut VITIVM, neque ab his se deingrat unquam.  
Illa salus animi certa, hoc lethale venenum.

Cum VIRTUTE DOLOR si tetricus ambulet & quis  
Passibus, aut vitam sollers condire VOLVPTAS,  
UTRAQ. RES LAVDI est: vitio sin utraq. turpi  
Conspiret sese indulgens, est UTRAQ. FRAVDI.

More fuit nitidi fontis sincera VOLVPTAS,  
Quæ bene composita de mentis origine manat:  
Ast lutulentus uti torrens ruit agmine aquarum,  
Obscæno, è scatebris fudit quam cæca Libido.

Denique felle DOLOR tingens, aut melle VOLVPTAS  
Omnia, personas agit in proscania vite  
Omnimodas, DOLOR à vitio dum terret, honesti  
Aspera vel studij pingens, deflectere suadet

*Tramite Virtutis recto, versaque VOLVPTAS  
Dum vice, melle suo, caeca caligine fœdis  
Vallibus à vitij reuocat, vel in atria blandè  
Mollibus imperiis, alacres inuitat, honesti.*

*Talia cui melli est contendere in atria, viuit  
Illi sub sapido latissima pectore VIRTUS,  
Testis ut esse potest locuples etiam ipsa VOLVPTAS:  
Parturiens veluti cùm in florem se induit arbor,  
Fructiferam lato se tegmine prodit amictus.*

*Hinc venit & maior virtuti gratia, fronde  
Arbor uti felix, \* formaq; decore iuuenta  
Qua nitet, hac oculis specie se gratior infert.*

\* fructifera

*Atque eadem studiis rectis latata VOLVPTAS,  
Indole florentes prodit iuuenalibus annis,  
Floreæ ceu vestis promittit in arbore poma.*

*Nec verò aut acet, aut confusa DOLORE VOLVPTAS  
Effluit hac in fine, velut comes altera prauis  
Qua studiis: sed abit multo perfusa relinquens  
Pectoris in tacito sensu vestigia melle.*

*Hinc exesto itaque, hinc procul, editus vrbe Cyrenis  
Ganeo Aristippus quam condidit impia secta,  
Carmine Sirenum quouis feralior, ausa  
Omne VOLVPTATVM discrimen tollere: vitæ  
Esse VOLVPTATES metas finèsq. beatæ  
Dicere, seu turpes illæ, Venerisq. ministra  
Atque Gula, siue ingenij de fonte, & honesti  
Profluerent animi: quæ nunc sapientia summa est.*

*Nec minus ex sensu, quos victis inlita Medis  
Porticus argutè nugantes audiit olim,  
Omne VOLVPTATVM nullo discrimine recti  
Aut prauis genus ex animis qui posse putarint,  
Stirpitibus elidi, neq. non & posse DOLORIS,  
Si saperent, homines intactos viuere sensu.*

*Ista Prometheus \* sapientia stulta repugnet  
Ingenio nimium quantum, sic collige: Fecit  
Scilicet hic lapides iaciens post terga, renati  
Ut fierent homines: illi lapidescere contra  
Velle docent homines. Tanta est vecordia caci  
Pectoris, & Sophia quod gaudet imagine vanæ.*

\* Deuca-  
lionis.

*Propterea nostram trepidant fluitare per urbem,  
Bis seni adsiduè bifido discrimine riuui.*

*Nempe decem dulces, totidem gustantur amari:  
Atque decem nitidi per colles, vallibus imis  
Turbiduli totidem fluitant, DOLOR atq. VOLUPTAS  
Vt vitii comes it, vel se coniungit honesto.*

*Sed medio cali iam limite Cynthius axes  
Incipit aurigare suos: monet hora diei.  
Scandere in hanc arcem, sedes ubi Vita beata  
Constituit, tacito gliscens spectamine rerum.  
Omnia nunc memori mea pectore dicta reponere  
Regina, & sedis regiones disce beata.*

*Quinque patet celsam scalis adscensus in arcem,  
Bis denique scatent ima de margine riuu,  
Signa Voluptatis varia, variuq. DOLORIS.*

*Antra sub his scalis: ibi vis latet abdita, quiduis  
ADPETERE, atque aliquo sensu qua carpere gestit.*

Sensus.  
C6munis

*Ipsis trina sedet rupis radicibus ima  
Effigies inter graduum deuortia. Earum  
Prima vident species perceptas quolibet ante  
Adripit a sensu, atque omni regione viarum.*

Vis ima-  
ginatrix.

*Accipit has, fingitque premens dehinc altera: fictas  
Formatasq. diu, sibi tertia colligit omnes,*

Memoria

*Ipsa sua inspectans retro vestigia semper,  
Anteriora nihil curans, semperq. sorori  
Visaq. & inuisa est. Summa rutilantis in arce  
Lampadis, hae semper solita in statione sorores  
Tergeminae velut ancilla, sua pensa ministrant,  
Illi ceu domina. Est ea nostra mentis imago,  
Cui census venit, & fundata pecunia sensu est.*

*Quinq. etiam a portis, quina & regione viarum,  
Iugiter adspirant aure, accenduntq. fouentq.  
Flamam, qua rutilat supremo in culmine saxi.*

*Lucidior sed enim longeq. citatior illa,  
Surgit ab his auris, qua summa postibus arce  
Puriter a quinis templorum, limite spirant,  
Quaq. suo: quorum hic agitatus flatib. ignis  
Adsidue, calum peruadit, & aurea cali  
Sidera stellati, & penetrabilis omnia lustrat.*

*Sed sua iam Titan subducens lumina, mentis  
Non patitur nitido de lumine plura mouere.*



## RUPERAT OCCENTANS.

**L**VSTRATIS omnium virtutum moralium & vitioſitatum hoſ-  
pitiis, peruenit iam Regina cum Ariſtotele, ad molem marmoreã  
illam, quæ media, & quaſi vmbilicus eſt ciuitatis huiuſce, & per quam  
adſcenus patet in rupem excelsam cui templa quinque impoſita ſunt,  
dicata virtutibus Intelligentiæ ſiue Mentis. Sic Lucret. lib. v. *Humanum  
in pectus, templaque mentis*, &c. Eò reſpiciens quod *Mens* Quiritibus Dea.  
Sed ante huiuſce puluini marmorei ſiue molis adſcenus, dies oritur in  
Veri ciuitate, materia quidem ipſa voluptatis ac doloris partim ſerenus  
partim pluuius: ſed tractatione pulcherrimus ac plenus ſerenitatis. In-  
genij enim ſui luce & quaſi radio auctor hilariorem fecit omnem phi-  
loſophiæ moralis locum illum, qui eſt de voluptate, atque inimica eius  
ægritudine ſiue dolore, quarum vtrâque materiam virtutis & vitij, ha-  
bitumque ipſum, atque ipſam adè Beatitudinem, vt corporibus vm-  
bræ comitantur. Nam & omne id in quo virtutes & vitia exercentur,  
moleſtum aut iucundum eſt: & actiones virtutum & vitiorum mole-  
ſtiam pariunt aut delectationem: & Beatitudo ipſa, poſtquam virtutib.  
acquiſita fuerit, non eſt ſine ſenſu voluptatis, vt Ariſtotelis c. iii. lib. iix.  
de Republ. c. vii. lib. x. ad Nicom. ſed hodierno die in Veri ciuitate, vo-  
luptas & dolor ſpectabitur potiffimum, vt comes virtutis & vitij. Vo-  
luptas enim & dolor cum virtute ſi copuletur laudi eſt, ſi cum vitio, vi-  
tuperationi. Quemadmodum diſſerit Ariſtoteles cap. xi. lib. vii. ad Nic.  
c. xii. & deinceps lib. vi. ad Eudem. Quemadmodum autem virtuti vi-  
tióque ſint comites dolor & voluptas exemplis fiet planius. Munifici  
ac liberalis viri animus lætatur cum benignè facit bene merenti: contrã-  
que auarus percipit voluptatem ſi quid ſordidè ac inliberaliter fecerit,  
vt ille apud Horatium. Sat. i. lib. i.

*Populus, inquit, me ſibilat, at mihi plaudo,*

*Ipſe domi ſimul ac nummos contemplet in arca.*

Aliãque ex parte munifici dolent, facultatem ſibi deeſſe bene meren-  
di. Vnde illa Titi principis notiſſima vox apud Suetonium, *Amicij diem  
perdidi*: auaris contra nihil æcerbius quàm occaſio & neceſſitas aliqua  
largiendi. Exprimit ergo nunc Ariſtoteles voluptatem ac dolorem de-  
ſignari in ciuitate morum viginti riuilis ſcaturientibus ex rupe illa que  
in ciuitate quaſi vmbilicus eſt, moli ſiue puluino marmoreo vitæ poli-  
ticæ impoſitus. De his autem viginti riuilis decem turbidi ſunt & ama-  
ri, totidèmq. dulces & perlucidi, ita vt turbatione illa & amaritie decla-  
retur dolor, dulcedine autem & claritate voluptas. Decem autem riuli  
nimirum dulces ac puri adlunnt ciuitatis huiuſce quinque colles, ita vt  
virtutum ædes quaſi interamnæ ſint, ſiue inter illos fontes mediæ & in-  
teriectæ: reliqui vero decem riuli in valles inſtunt, ſtagnis que turbi-  
dis incingunt domicilia vitiorum.



- A. Magna moles & quasi rupes, in rotunda planicie, in eamq. adscenditur viis quinque, quarum initia sunt à portis quinque vrbis Veri.
- B. Gradus scalarum quinque in rupe incisi, quibus in summum adscensus est. Inter gradus autem ipsos, parte infima effigies, à læva *SENSVS COMMVNIS & VIS IMAGINATRICIS*: à dextra *MEMORIAE*.
- C. Flama quæ in cælum adscendit, splendore suo denotat *MENTEM* siue *INTELLIGENTIAM*: calore *VOLVNTATEM*.
- D. Templum *SCIENTIAE*.
- E. Templum *ARTIS*.
- F. Templum *PRVDENTIAE*.
- G. Templum *INTELLIGENTIAE*.
- H. Templum *SAPIENTIAE*.
- I. *ARISTOTELES*.
- K. *REGINA*.

## DEA TETRICA TERRAS.

Noctis caligo tristitiam parit, vt apud Ouid. lib. II. Remedij, Fabium Declam. cccxi. *Nox*, inquit, *est tempus doloris*, contráque Solis splendor adfert hilaritatem. Vnde apud Orpheum Hymno Solis, ἥλιος, ζῶων ἠδ' ἄσπερος. Sol, *iucundus animalium adfectus*. Et Iphigenia apud Eurip. ἠδὲ γὰρ, inquit, ὁ φῶς βλέπειν. *Iucundum enim est, adspicere lucem*, &c. Ergo nunc, cum quasi crepusculo matutino auctor institueret depingere Dolorem ac Voluptatem, tali principio exorsus est, vt petat primum à Nocte ipsa, quæ nondum plane discesserat, vt pennis suis atris & colore tristifico sibi adsit in descriptione Doloris: deinde Solem orat iam alia in parte cæli emergentem, vt quoniam parens latitiæ est, in Voluptatis, quæ ipsius filia est, descriptione sensibus suis præluere velit. Noctem verò *stellarum matrem* vocat, vt & Tibullus eleg. I. lib. II.

*currumque sequuntur*

*Matris, lasciuo sidera fulua choro.*

Tibullus autem ex Orpheo, cuius illud in Hymno Astrorum.

Ἀστέρες ἑσθῆιοι Νυκτὸς φίλα τέκνα μελαίνης

*Ignes ætherij Noctis pia pignora nigrae.*

Eriam Euripides in Electra.

ὦ Νύξ μέλαρα χρυσεῶν ἀστῶν Ἑσπέ.

*Nox aureorum nigra mater ignium.*

Quippe Nox stellas parere videtur, quia noctu adparere incipiunt. Dici autem quoque Nox mater apud Hesiodum Theogonia, siquidem illa Hesiodi est. Hinc Apuleius lib. XI. *Diem*, inquit, *qui dies ex ista nocte nascetur*, &c. Aristoteles verò etiam ipse c. VI. lib. XII. Sapientiæ, notauit fuisse aliquos sapientes ἐκ νυκτὸς γενεάντας πάντες, id est, *qui ex nocte procreata dicerent omnia*.

## CVM VIRTUTE DOLOR.

Laudi sunt voluptates & dolores si comites sint virtutis: turpes autem ac vituperabiles si adiuncti vitio c. XI. lib. VII. ad Nic. c. XII. & deinceps, lib. VI. ad Eudem.

## PARTVRIENS VELVTI ARBOR.

Similitudine declarat voluptatem quæ ex honestis actionibus capitur indicem esse virtutis, vt flores in arbore, fertilitatis. Vt cum is qui largitate munificentiaque vitur in bene merentes, læto id animo & hilari vultu facit, eo ipso liberalitatis habitum testatur, & munus suum quasi cumulo & commendatione auget. Nam asperè quidem datum beneficium præclarè Fabius Verrucosus, *panem esse dixit, lapidosum, quem esurienti accipere necessarium sit, esitare acerbum*. L. Seneca c. VII. lib. II. de beneficiis. Concinnèque Ouid. fabular. lib. IX. *Super omnia vultus accessere boni*. Et Catullus, siue qui qui ille est, epithal. Pelci. *Dona ferunt præ se, restantur gaudia vultu*.



## NEC VERO AVT ACET.

Voluptates comites virtutum, distinguit à voluptatibus flagitiosis, vt illis Bacchi & Veneris. Nam voluptates honesta permanentem & solidam lætitiā pariunt: turpes autem fugitiuam & inanem, & cui statim comes pœnitentia & ægritudo. Itaque non sapienter minus quàm acutè Aristoteles ipse apud Valerium præcipit c. II. lib. VII. vt *voluptates abeuntes consideremus*. Bene & Horat. Epist. II. lib. I. *Nocet empta dolore voluptas*.

## HINC EXESTO ITAQ. HINC PROCVL.

Pergit paucis refellere insanas multorum opiniones de voluptate & beatitudine. Ac primùm Cyrenaicorum & Epicureorum damnat *insanientem*, vt Horatius dixerit, *sapientiam*, siue vt Gregor. Nazianz. orat. I. contra Iulianum ἀσοφον σοφίαν, qui contenti in voluptate finem bonorum posuisse, non curarunt distinguere sordidas & flagitiosas voluptates, à synceris & honestis. Itaque impiè ac nefariè neruos omnes virtutis inciderunt, & philosophiam quasi mimulam aut saltatriculam habuerunt, non vt magistrā virtutis & sapientiæ. De multiplici autem discrimine voluptatum, sapientiæ magister ipse Aristoteles cap. XII. & deinceps lib. VI. ad Eudemum c. V. lib. VI. ad Nic.

## NEC MINVS EXSENSI.

Refellit iam Aristoteles Zenonis siue Stoicorum sectam, quæ in aliam partem peccauit, damnans voluptates omnes generatim, neque distinguens illiberales & obscœnas à liberalibus & laudatis. Horum philosophia quasi annus sine die festo est, aut quasi dies omnino expers ferenitatis. Itaque sapientia talis non facit ad Veri siue morum ciuitatem, in qua vt in Elysio Virgilij.

*solemque suum, sua sidera norunt.*

Sed hoc etiam ipsum, nempe Zenonem ab Aristotele refelli, anticipatione siue προληψὶς pœtica accipiendum est. Zeno enim Aristotele posterior fuit: quemadmodum quidem etiam Epicurus, & tempore posterior & morib. id est nequior. Benè autem Poeta noster, Stoicidas, *docere homines lapidescere*. Sic enim & Plutarchus lib. pro Nobilitate, Chrysiippum, vocat *Stoicum Lapitham, atq. ex adamante compactum*.

## PROPTEREA NOSTRAM.

Descriptio riuiolorum XX. quorum deni honestarum voluptatum ac dolorum: totidem turpium significationem habent vt ante dictum die secundo.

## SED MEDIO CÆLI.

Significat iam Aristoteles Reginæ tempus esse in ciuitatis huiusce puluinum illum, siue molem marmoream illam adscendere, ad quam

directæ sunt vr̄bis quinque portæ totidémque viæ & colles , in quibus virtutum hospitia sunt, à quibus portis, & viis, & collibus, spirare inquit auras, iisque gradus perflari rupis illius excelsæ, cui templa imposita virtutum Intelligentiæ suæ mentis, flammamque illam quæ inter quinq. templa elucet, mentisque imago est, foueri. Quo commento auctor declarat, virtutum actionibus mentem foueri, omniumque rerum cognitionem à sensibus quasi inter nuntiis, ac præcipuè à sensu oculorum & auditu ad mentem siue intelligentiam deferri. Itaque M. Cicero lib. 1. de finibus, *Quicquid, inquit, animo cernimus, id omne oritur à sensibus*, Et Epicurus apud Lactium , Πᾶς γὰρ λόγος ἀπὸ τῆς αἰσθησεως ἤρτηται. *Omnis, inquit, ratio apta est à sensibus*. Etiam ipse philosophiæ princeps Aristoteles c. 1v. lib. 111. de anima. Mentem absque sensu, ait videri esse ὡς περ γραμματῶν, ἃ μὴ ἐν τῷ ὄρατι εὐδελεία γεγραμμένον, *tanquam tabellas in quibus scriptum adhuc nihil fuerit : sed per scribi omnia possint*. Hanc enim recipiendi omnia facultatem declarauit Aristoteles, adiectione verbi εὐδελεία. Neque dissimili ratione idem philosophiæ totius auctor & magister posuit cap. 11x. lib. 1. de demonst. illum qui aliquo sensu orbatus fuerit, scientia rei alicuius haud dubiè cariturum. Similia quædam Plutarchus c. xi. lib. 1v. de philosophorum decretis, & M. Cicero lib. 1. Academicarum quæst. Contra tamen Cæsar Scaliger venit, Exercitatione cccvii. & x11x. Qui si ad Euangelij formulam examinetur, ferri potest: si ad naturæ cognitionem, fallitur. Deinde si naturæ principia spectemus : non pessimè Scaliger: si conclusiones, non optimè. Neque enim hæ sine sensuum adminiculis. Sed longus hic, neque vnus dieculæ sermo est.

QVINQ. PATET CELSAM.

His ita expositis, nunc Aristoteles in ciuitatis molem illam ascendit cui imposita rupes, siue arx ipsa, & quasi ἀκρόπολις. In rupis autem huiusce cliuo, Regiæ ostendit philosophus tres imagines. Prima significationem habet *Sensus communis*, altera *Vis imaginatricis*, tertia *Memorie*. Has auctor sic notis propriis insignes fecit, itaque coloribus suis pinxit, vt actum agere sit, copiosius eadem velle interpretari. In cliuo autem rupis hæ imagines sensuum interiorum positæ, quia sine horum opera non existunt virtutes mentis, vt Scientia, & ceteræ, quarum templa in planiciem rupis imposita.



DIES VICESIMVSSEXTVS,  
DE SCIENTIA PRIMA  
VIRTUTE MENTIS.

\* Sagitta-  
rij.

**P**VRIOR Oceani perarò Cynthius undis  
Emicat, aut citius cispellit nubila cali,  
Tunc etiam vapido metas sub sidere Cancri  
Cum propior nobis longas obit: Arquitis \* hospes  
Quàm veteris puro radiat nunc lumine, dixit,  
Adspiciens Phœbum Senior, de littore rubro  
Lata serenata iaculantem tela diei.

Scilicet in iuga nos voluit quasi ducere, tendens  
Cynthius ipse manum, templis rutilantia quinq.  
MENTIS ubi residet quino discrimine VIRTVS.

Migrat in has animus sedes, in collibus olim  
Ante diu multum, varièq. exercitus illis  
Quinctuplici per quos hac limite peruia rupes.  
Sic fatus Senior, celso iam culmine molis  
Constiterat, gradibus nos per vestigia celsis  
Illius, in summam quoq. anbeli euasimus arcem.

Atq. ibi tantarum nobis miracula rerum  
Præstinxere oculos, caligine pupula mergi  
Cæpta diu, stupuere animi, vestigia ferre  
Vltiora pedes ipsi timuere, repente  
Adtonuit sic religio, & circumstetit horror.  
Haud secus ac rutilum si quis delatus Olympi  
Desubito ad limen, terras, mare, sidera spectet  
Sub pedibus, Solisque iubar, reparataq. Luna  
Cornua, & aduerso semper vaga limite, quinq.  
Lumina, & obliquum per mundi, balthens, orbem  
Quæ rotat horrifcis rutilantia signa ferarum  
Vultibus, & toto pascentes æthere flamas.

Tum Sapiens: Hac templa vides variantia quinque  
Luce sua & tectis, circum substructa perennem  
Quæ micat in calum, crinito vertice flamam?  
Singula quo veniunt lustremus in ordine. Primum  
Caruleis structum sapphiris pranitet, aureo



*Sic quasi conspersis de puluere. Conscia rerum*

*Ingens quas variè calique solique saliq.*

*Ambitus includit, certisq; SCIENTIA causis.*

*Principiisq; potens nullo variantibus suo,*

*Callida spectatrix rerum, quas tangere parcit*

*ORTVS & FNERITVS, quorum ceu limine fluxa*

*Antico \* veniunt res in profcancia mundi,*

\* anterio-  
re.

*Posticóque abeunt: via duplex illa theatri.*

*Sed penetremus in hac venerabilis intima templi.*

*Quinq. perinlustres radiant circum ordine calla.*

Scientia.

*Latior hac prima est aliis, & imagine Diua*

*Vnius haud vno spectandam se exhibet ore.*

Astrolo-  
gia.

*Alterius Domina est, errantis semita Luna*

*Cognita cui soli varia est, Solisq; labores,*

*Consciaque astriferi quid cogitet area celi,*

*Urania, ut digno indigetarunt nomine Graij.*

*Picta choro tunica est flamarum prapete, quinq;*

*Gracia quas errans, erroris nomine falso*

*Reddidit infames: palla est variata figuris*

*Astrorum, in facies hominum, rerum, atque ferarum.*

Musica.

*Tertia at omnimodis permulcet cantibus aures,*

*Assa voce opus est, carmen seu dicere plectro*

*Et fidibus, querulo aut animanda est tibia flatu.*

*Insequitur numeri que colligit imparis \* aras*

Arithme-  
tica.  
\* summas.

*Atq. paris quosuis abaco, caliq; meatus*

*Quis amor est radio, & variis describere metis,*

*Altricáq. in vulgus, surgentia prodero signa,*

*Casaminutatim his numerorum fragmina prabet.*

Geome-  
tria.

*Ultima multiplices sulcare in puluere formas,*

*Metiriq; docet terras, mare, sidera calum*

*Fornicis aurati que sustinet alta coronis \**

\* corni-  
che vt s.  
p. 119.

*Signa, manu referunt imitati molliter illos*

*Artificis, quorum testata SCIENTIA FAMAE*

*Nunc etiam pennis ad seros vna nepotes*

*Peruolat, inq; omni viget indelebilis aeo.*

*Primus in his ATLAS, perhibet quem nania vatium*

\* Tertyll.

*Risiloqua, \* ingentis rueret ne machina cali,*

*Sustinuisse diu nitenti fortiter armo:*

*Deinde fathiscentem sub iniquo pondere templi,*

*Et trepidum ne se, terrasque inuolueret omnes*

*Vna ruina simul, donec Tyinthius illi*

*Ferret opem, subdens oneri sua terga vicissim.*

\* Atlas.

*Sic sospes TELAMO\* sic sospita regia cæli.*

*Et tamen his sensus nugis quoque serius: æthræ*

*Destina flamicoma, & stellati baulus axis*

*Dictus ATLAS, mundi quia per conuexa volantis*

*fre solens animo, & speculari conscia fati*

\* Planeta-  
rum.

*Erronum\* spatia, & trepidantia signa choreis*

*Astrica: non humeris sed vi fulcuerat acris*

*Ingenij celum, quia cæli deditus vno*

*In studio, vt populi qui rem gerit impiger, illam*

*Sustinet, imperique sui rex ipse columna est.*

*Proximus huic nulla religatus rupe PROMETHEVS*

*Verum in Caucasæa, vigilax speculator Olympi.*

*ORPHEVS hinc citharæ fama super ætheri notus:*

*Carminèque Æolio mulcens delphinas ARION*

*Hic alij quoq. mensuris, numerisque potentes,*

*ARCHYTA, & EVCLIDES, multiscia MUSA PLATONIS,*

*Atq. alij, vaga quid sibi vellet opinio plebis*

*Solliciti nihil, aut quali res schemate fluxæ.*

*INSCIA sed NOX iungit equos, inimica volenti*

*SCIRE, nec in præsens patitur describere verbis,*

*Latè possideat quos dia SCIENTIA fines.*

PVRIOR OCEANI.

**N**ON iam hi vulgariter sereni dies in Veri siue morum ciuitate, sed planè Alcedonia sunt. Sequuntur enim explicationes virtutum Mentis siue Intelligentiæ, quæ neque perturbationum flatibus, nec vitiorum tempestate ac repugnantia, neque doloris moribus distrahuntur. Harum enim virtutum habitus, tanquam Olympi cacumen est, quod poëtæ semper quietum esse aiunt, neque vllis ventorum aut tempestatum mutationibus agitari.

In hac autem operis sui parte, auctor nonnihil Aristotelis ordinem mutauit, sed necessariò. Nam ille totius naturæ quasi aditus, fortitudinis, temperantiæ, ceterisque morum siue animi virtutum adibus libro tertio & quarto lustratis, libro quinto, subiungit quasi animi totius siue morum *Σπινχόν* & apicem Iustitiam. Deinde lib. vi. quasi descripta iam totius animi siue morum regione, transfert se ad Mentis siue intelligentiæ virtutes, vt scientiam, artem, prudentiam, & similes. Quibus ante oculos propositis, reflectit se libro septimo tanquam ad subsœcia quædam, & relicta in descriptione morum siue animi, & subiungit



- A. Templum SCIENTIÆ structum de Saphiro gemma.  
 B. Quinque cellæ Scientiarum i. quasi GENERALIS SCIEN-  
 TIAE, ii. ASTROLOGIAE, iii. MUSICAE, iv. ARITH-  
 METICAE, v. GEOMETRIAE.



iungit duo quasi extrema virtutis laudabilia : vnum virtute ipsa excellentius, siue habitum virtute humana maiorem, quæ *virtus heroica* nominatur siue diuina : alterum virtute perfecta vilius, & genus quasi quoddam virtutis inchoatæ, vt Continentiam. Quibus ita pertractatis, voluptatem ac dolorem, imperfectis virtutibus ac vitiis quasi materiam adiungit. Libris autem sequentibus, octauo & nono de totius virtutis sociâ & consorte amicitia narrat. Denique libro decimo de felicitate ipsa, eique adiuncta voluptate. Atque hæc pæne totius de moribus ad Nicomachum disputationis lineamenta sunt.

Noster autem à doctrinæ filo isto recessit paullisper, & sine vlla præceptorum Aristotelis offensione, virtutes intelligentiæ siue mentis reseruauit ad extremum. Neque aliter quadrare ipsi hæc in Veri siue morum ciuitate potuissent. Ciuitatis enim huiusce tres sunt partes. Prima vitæ voluptariæ, altera politicæ siue actuosæ. Tertia philosophicæ & contemplantis, quas die secundo plenissimè auctor descripsit. Nam primam siue infimam vitiis attribuit, alteram siue excelsiorem virtutibus adsignauit, & felicitati politicæ : tertiam excelsissimam, & arcem quasi vrbis munitissimam, esse voluit sedem ac regionem felicitatis philosophicæ & contemplantis. Quare non debuit intelligentiæ virtutes cum hac vltima felicitate, natura coherentes, diuellere.

Quinque autem virtutes mentis sunt, Scientia, Ars, Prudentia, Intelligentia siue habitus principiorum, & Sapientia. Harum duæ sunt mentis actuosæ, illius quæ contemplatur quidem, sed tamen refert se ad finem aliquem actionis, vt Ars & Prudentia : tres verò sunt virtutes siue habitus mentis, ita contemplantis, vt in illa ipsa veri cognitione acquiescat, non desiderans agere aliquid aut moliri, vt Scientia, Intelligentia, Sapientia. Itaque vt ex virtutibus animi siue morum felicitas politica, ita ex virtutibus mentis beatitudo philosophica siue contemplatrix efflorescit, conuenienterque vt felicitati politicæ virtutes animi, sic beatitudini philosophicæ, virtutes mentis adiungens, ordinem seruauit auctor illum, quo nihil fieri fingiue potest descriptius.

#### SIC FATVS SENIOR.

Indicantur nunc à philosopho Regiæ quini scalarum gradus, quibus in ipsam mentis arcem adscenditur, vbi templa virtutum quinque posita, illarum quæ superius enumeratæ sunt. Nec malè templa illa esse Poeta finxit. Nam & Lucretius lib. v. dixit,

*Humanum in pectus, templaque mentis.*

Ac mens quidem, siue omnis regio illa animi quæ compos rationis est à sensu distat longissimè, sed propius paulò tamen abest illa pars quæ in ipsa contéplatione respicit ad finem aliquem actionis. Atq. huiusce partis sunt virtutes Ars, & Prudentia. Remotior autè est à sensu pars illa mentis, quæ tota in se vertitur, & in ipsa veri cognitione terminatur : eaque habet virtutes

Scientiam, Intelligentiam, Sapientiam. Ac mentis quidem illius actio-  
 ſæ finis eſt dilectus boni & mali: Ars enim bene efficere docet, Pruden-  
 tia bene agere. Contemplatricis autem mentis extremum eſt, veri falſi-  
 que diſcretio.

## ATQ. IBI TANTARVM.

Depingitur adſcenſus Reginae cum Ariſtotele in arcem veritatis ſiue  
 contemplationis: in cuius planicie incredibili quadam lætitiæ volupta-  
 te mētes eorum ait perſuſas, propter copiam & ſuauitatem lucis, quam  
 illa inter templa erumpens eiſque adfulgens flama emittebat.

Flama verò illa ſignum eſt mentis veri videndi ſtudio vehementer  
 inflammatae. Templa vero diſtineta eſſe ait omni varietate gemmarum,  
 eaque dicata eſſe virtutibus Mentis in veri contemplationem acriter  
 difixa. De his templis ante commemoratum eſt.

## PRIMUM CÆRVLEIS STRUCTVM SAPPHRIS.

Deſcriptio templi Scientiæ, vndique ſapphiro inluminati. Sapphiri  
 enim color cæruleus eſt, *aureis punctis lucens*, vt inquit Plinius c. ix. lib.  
 xxxvii. Color autem cæruleus cæli eſt. Cæli autem ſtellæ, quaſi aurea  
 ſapphiri puncta ſunt. Itaque ſapphiri materies Scientiæ templo conue-  
 nientiſſima eſt, Scientia enim cognitio eſt rerum cæleſtium, certarum,  
 & immortalium, ſiue ortus atque interitus expertium, quos eleganter  
 Poëta noſter *duo quaſi limina* eſſe dixit, *anticum*, & *poſticum*, per quæ res  
 mortales quaſi intrant atq. exeunt. Sic enim Ariſtoteles quoque ipſe  
 olim ortum & interitum eſſe dixit, *ὁδὸς εἰς ὄριαν vias in ſubſtantiam*, c. ii.  
 lib. iii. Sapientiæ. Idemq. c. i. lib. ii. Phyſicor. *Γένεσις*, inquit, *ὁδὸς εἰς ὄριαν*  
*Ortus via in ſubſtantiam.*

## QUINQ. PERINLVSTRES RADIANT.

Pictura quinq. cællarum templi Scientiæ. Quarum prima Scientiæ eſt  
 generalis: altera Scientiæ ſiderum, ſiue Vraniæ, ſiue Aſtrologiæ: tertia  
 Scientiæ ſonorum ſiue Euterpæ ſiue Muſicæ, quarta Scientiæ numero-  
 rum ſiue Arithmeticæ: quinta Scientiæ menſurarum ſiue Geometriæ.

## IMAGINE DIVÆ VNIVS HAVD VNO ORE.

Ingenioſè vno verifculo alteròue Poeta ſe de plurimis quæſt. expedi-  
 uit, quæ de multitudine Sciētiarū agitari ſolita in ſcholis. i. Vna ſciētia  
 an multæ? ii. Si multæ illæ, tresne vt *Sapientia* quæ *Metaphyſicam*, vocāt,  
*Mathematica*, *Phyſica*: an verò etiam plures? Et plures ſi ponimus, an  
 quatuor illæ ſint, earūq. prima ſit, de tranſcendentib. & vniuerſaliſſimis,  
 ſiue *prima Philoſophia*, altera de intelligētis & Deo, ſiue *Sapiētia*, ſiue *Di-  
 uina ſcientia*, ſiue *Theologia*, ſiue vt loquelariter dixeris *Metaphyſica*, ter-  
 tia *Mathematica*, quarta *Phyſica*: an verò quinq. ſint. Prima videlicet de  
 Deo, ſiue *Diuina ſciētia*, ſiue *Theologia*, altera de intelligētis, ſiue *Postphyſi-  
 ca*, ſiue vt vocāt *Metaphyſica*, tertia de tranſcendentib. & vniuerſaliſ. ſiue

*Prima Philosophia, quarta Mathematica, quinta Physica, &c. De his omnibus ita me extricavi, ut dicerem.*

*Imaginem Divam  
Unius, haud uno spectandam se exhibet ore.*

FORNICIS AVRATI.

In ipso templi fornice quinque Scientiarum cællas ambiente, locatæ sunt statuæ hominum scientissimorum. Primum Atlantis Mauritaniae regis, qui vnus omnium fuit Astrologiae peritissimus. Ex quo illud poetae fictis fabulis prodiderunt cæli axem ab eo sustentari. Itaque ab indigenis *κίον & ἑστῆς*, *Columnam cæli*, vocari ait Herodotus lib. iv. *cælisferum Atlantem* Virgilius adpellavit lib. vi. *Æneid.* Papinius *astriferum* lib. ix. Thebaidis. Arnobius lib. ii. aduersus gentes, *gestatorem, baulum, tibicinem, ac destinam cæli*. Quod autem Poeta memorat de Hercule Atlantis vicario siue subadiuuu paullisper, id aliqui sic tradidère: sed aliter Apollodorus in Bibliotheca. Et benè Poeta noster allegoriam fabellæ adposuit, de qua etiam Cicero Tuscul. v. Isacius ad Lycophronè, Tzetzes histor. i. Chiliad. v. Cedrinus in compendio. Eustathius in Homerum, alij. Plinius quidem Athlantem Sphæræ barbaricæ inuentorem facit: Isidorus etiam Astrologiae.

Sequitur deinde statua Promethei, qui cælum & sidera contemplatus dicitur in Caucaaso monte excelsissimo. Quod M. Cicero indicauit pro cæmio lib. v. Tusc. quæst. & interpres Virgilij ad Eclog. vi.

ORPHEVS HINC CITHARÆ FAMA.

Sequuntur statuæ musicorum, ut Orphei, & Arionis,

HIC ALII QVOQ. MENSVRIS.

Imagines Geometrarum & Arithmeti corum Archytæ Tarentini, Euclidæ Megarensis & Platonis.

ATQ. ALII VAGA QUID OPINIO.

Ad extremum, quasi profanos, huiusce templi septo & tanquam *ἑστῆς* *ἑστῆς* summouet, opinionem quæ & incerta est, & veri non minus quàm falsi persuasio. Exesse item iubet rerum singularum cognitionem, quæ incerta etiam ipsa est, anceps, lubrica, obscura, fallax, neq. digna quæ certissimis scientiæ mysteriis initietur.





DIES VICESIMVSSEPTI-  
MVS, DE ARTE, ALTERA  
VIRTUTE MENTIS.

**N** ECDVM puniceos digesserat ordine crines,  
Nec thalamo veteris, quanquam pertasa, mariti  
Prodierat, remorans Phœbi Pallantias ortus,  
Esse dies nobis iam visa in culmine rupis,  
Luce rubescebant circum sic omnia flama,  
Inter templa micans, cali quæ sidere lambit.

Sed Senior, iam parua mora est, albescere, dixit,  
Incipiet calum, nitidusque referre citato  
Cynthius axe diem, monet hora inuisere templum,  
Leua parte situm, quod plurima turba frequentat,  
Et varians, atq. omnimodas exculta per artes.

Scilicet hoc ARS diua solit celeberrima fanum.  
Magnificum minus est, parili neq. luce coruscet,  
Qua, sibi constituit quod dia SCIENTIA: pulchrum  
Est tamen, & specie mentes oculosq. moratur.

Myrrhina materies, triplici variata colore est,  
Hinc artita \* manus refecans, aut callida vertens  
Aut minuens, opus hoc eduxit in ætheris auras.

\* artifex.

Artifices operis tanti Dea blanda VOLVPTAS,  
Adiciens trepidas tacito inuitamine mentes:

Et Dea, quæ duris deprensa in rebus EGESTAS  
Inuenit, & studio varias vigil excolit ARTES.

Utraque supposita est celsi testudine templi  
Effigies. Hilari vultu prior illa renidet,  
Exq. humeris Tyrio saturatam murice pallam,  
Demittens, oculos iucundo lumine pascit:

Altera stat mœrens, & vilibus obsita pannis.

Has interposita est bicolori insignis amictu  
FORS HERA. Candentes sub pectore fibula Diua  
Incingit tunicas, humeros circumdata pingui  
Palliolo est, pulloq. & decute. \* Sic HERA duplex  
Possidet ingenium. Modo leta & candida ridet,  
Blanditur, fauet ac fouet: atrox rursus, acerbè

\* detrito.

*Sevit & insidiis aut Marte oppugnat aperto.*

*Plumis texta eadem, summo de fornice templi,  
Pensilis est, quouis agitataque flamme venti.*

*Tale & in artifices leuis atq. volatica Diua  
Exhibet imperium. Nempe ARTIS formula certa est,  
Res ipsa fluitant. Tales dum, callida quamuis  
ARS subigens fingit, formæque imitamine vestit,  
Fali Diua potest, non quod Dea caspitet ipsa,  
Sed quia FORS inimica nocens, interuenit ARTI,  
Et facit artifices res ut parere recusent.*

*At bene habet, cum FORS atque ARS miscentur in unum.*

*Interiore nitent septem circum æde sacella,  
Signis quæque suis variantia. BELLICA primo*

Ars militaris. *ARS posita est, graue Martis opus tractare superbi  
Impigra, & infestos defendere finibus hostes.*

Poetica. *Alterius domina est, Dea docta POETICA, lauri  
Circumeunt hederaque caput. Stat proximus illi  
MAEONIDES, oculis captus, sed lumine mentis  
Lynceus, & Dominae gremio innutritus in ipso.  
Nec longè MARO VIRGILIUS, Latialis Homerus,  
Pascua, rura canens, & praelia semper: amores  
Transcribens aliis, quibus hæc mysteria cordi,  
Quos Veneri seruire inuat, Venerisq. puello,  
Inq. leues cytharæ studium consumere curas,  
Et dictare legat quæ carmina miles in armis  
Matris Acidalia, medio non agmine miles  
Martius, Iliadas velut inter classica legit  
Magnus Alexander, comite ac duce maxima vate  
Bella gerens, & voce animans sua signa Poeta.*

Oratoria. *Tertia debinc FANDI prægestit COPIA, flores  
Spargere in auriculas varios, atque influere vdo  
Mentes, dulciloquæ medicatas verberare lingua.*

Medicina *Vicini MEDICINA potens est liminis, HERBIS,  
Sive opus est VERBIS, varios sanare dolores,  
Largiriq. nouas doctissima GRAMINE vires,  
CARMINE seu manu, & vita reddere vitam.*

Architectura. *Ars quoque templa struens superis immania Diuis,  
Regibus adificans visenda palatia magnis,  
Fruatisq. lares ponens, & ciuica tecta,*

\* Vitruuius c. 1. lib. 1. *Callam habet, ac multas \* vna in se continet artes.*

\* Q. Ennius ex *Mirifica hic etiam CRITICA est Dea, Sancta Dearum \*  
Homericis illis Δία Πειρίων. Idemq. apud Probum. Pulchra Dearum.*

Atq. illi comes, ut satagens ancillula, primas  
 Garrula litterulas, verboq. ac verberè sua  
 Quæ docet in triuiis, Domina & violentior ipsa.  
 Quamuis & Domina ipsa nimis violenta, superbè  
 Quidlibet in quosuis audens, mutilare poëtas,  
 Commaculare notis & inurere Rhetoras, ipsis  
 Auriculam historicis peruellere, conscia quamuis  
 Cana Fides illis, cui & matura Vetustas.  
 Quosq. sinu fouet in vapido semel orsa clientes,  
 Artibus auersos aliis facit, ardua templi  
 Limina nec patitur penetrare, SCIENTIA sedem  
 Dia ubi constituit: vanis certare sed urget  
 Laudibus inter se, tumidi dum flatibus utres  
 Ulterius nihil inueniant, quo crescere possint.  
 Sic partitus iners Musarum regna triumuir,  
 Atq. aliquis factus subito est, auis vnica Phœnix,  
 Graculus ante leuis, pennaque inglorius atra,  
 Ales, quem cupide mutatis addere formis  
 Naso poëta velit, sacroque intexere peplo.  
 Est alius, qui non homo sed Deus, inclutus Heros  
 Sol præ quo nebula ipse: Deum certissima proles,  
 Vltima, sed meritis prima est, quæ tradere terras  
 Semina, & arboreas vlmis adiungere vites,  
 Aut palis humiles, pecoriq. impendere curam  
 Atq. apibus docet. Hanc etiam nunc lumine virgo  
 De calis astræa videt placido: inque paternos  
 Cum vitis offensa lares migraret, in huius  
 Restitit ante diu tecto, dum se induit alis.  
 Sed satis hæc: iam Nox venit aduersaria SOLI  
 Et merus est, versus radio sine Solis INERTES  
 Ne faciam, mea dum varias it Musa per ARTES.

Agricul-  
 tura.  
 Pastio.

## NECDVM PVNICEOS.

**T**AM excellens species pulchritudinis est in veri contemplatione,  
 ut nullius hanc oratio satis explicare possit. Noster hic tamen  
 poetico penicillo proximè ad similitudinem eius aliquã accessit. Nam  
 solerter ita exorsus est. Tantum crepusculo ipso in arce illa contempla-  
 tionis, lucem fuisse, ut media diei pars, siue ut Plato loquitur in Phædo-  
 ne, ἄξιον ἢ μεσημβρία ἢ καθυμῆνι σταθερά, esse videretur. Tantam verò  
 lucem adfulsisse ait ex flamma illa mentis philosophicæ siue contem-





- A. Templum ARTIS ex materie myrrhina, siue lapide myrrhino.
- B. Septem artium cællæ. ARTIS MILITARIS, POETICÆ, RHETORICÆ, MEDICINÆ, ARCHITECTURÆ, GRAMMATICÆ, AGRICULTURÆ.
- C. FORTUNA.
- D. VOLVPTAS.
- E. EGESTAS. Sed FORTUNÆ, VOLVPTATIS & EGESTATIS effigies pictor non rectissimè expressit, neque designavit cællas septem artium, quæ in templi circuitu.

plantis, in media illa templorum planitie. Itaque hac prælucente Aristoteles cum Regina pergit nunc ad templum Artis, quod minus firmiter fundatum esse ait, minúsq; præclarum illo Scientiæ: sed ipsum tamen per se pulcherrimum: Nam Scientia quidem rerum est, quæ necessariæ vniuersæq; sint, summeq; constantes: Artis vero materia mutabilis, siue vt loquitur Cæcilius, *profluua est*, quemadmodum etiam illa Prudentiæ. Nam utrâque rectæ rationis admonitu in rebus singulis exercetur: illa in efficiendis, hæc in agendis. Sed ipsa tamen per se generatim ac sine materia singulari siue ratione formæ suæ, expertes sunt mutationis & inconstantia. D. THOMAS I. II. Quæst. LVII. Art. III.

## SCILICET HOC ARS DIVA COLIT.

Templum artis depingit substructum materie myrrhina cuius pretiū aliquanto est vilius quàm sapphiri, ingens tamen: & nitor autem eius veriùs, quàm splendor aliquis. Ingeniosèq; hoc Poëta commentus est. Sapphiri color cæruleus conueniens Scientiæ: myrrhini color variantibus maculis est, itaque artis similis, quæ & ipsa variare solita propter varietatem materiæ. Operæ pretiū est audire. C. Plinij ex c. II. lib. XXXVII. verba de myrrhinis. *Splendor his, inquit, sine viribus, nitorque veriùs quàm splendor. Sed in pretio varietas colorum, circumagentib. se maculis in purpuram candoremq; & tertium ex utroq; ignescentem, velut per transitum coloris purpura rubescente, aut lacte condescende, &c.* Hinc illud Martialis lib. x. epigr. xxxc. *Maculose pocula myrrha.* De ortu autem myrrhinorum, aliqui cõtra Plinium imperitè disputant, sed hoc agere nunc velle, aliud agere esset. Tripliciq; artificio id templum exædificatū esse. Quippe ars *diffingendis* siue aliter fingendis, aut ordine alio disponendis, materiæ partib. aut in augēda materia minuendæue exercetur. De hoc artiū discrimine, nimirū eas in materiæ aut mutatione versari, aut additione, aut deminutione, aut compositione, aut appositione, aut adglutinatione, aut mixtura simul & adpositione, &c. exsertim Alexander Aphrodis. Problem. XLIX. lib. I.

## ARTIFICES OPERIS TANTI.

In adyto ipso templi Artis, effictæ statua Delectationis siue Voluptatis, & Inopia: quarum illa quasi blandiēdo inducit: hæc vi & necessitate cogit homines ad industriam & artis tractationem. Media vero inter has imago Fortunæ, quæ consors & socia est Artis. Nam utrâque in rebus singulis est. Itaque vt geminæ germanæ sorores vicissim sese amplexari videntur: verèque Aristænetus in epistolis, *Artem egere Fortuna, & Fortunam Artis industria exornari.* τέχνην, inquit, πάντων τῶν εὐδαιμονίων τύχης, καὶ τύχην διακοσμήσαι ταῖς ἐπιτηδείαις, &c. Quam ex Agathonis Poëtæ versu γνάμνω imitatus est, quæ Aristoteles profert c. IV. lib. VI. ad Nic. Neq. dissimiliter de mixtura virtutis & artis. Valerius c. III. lib. II. agens de P. Rutilio.

## INTERIORE NITENT.

Septem in artis templo sacella constituit artium singularum. Ac primum Arti militari adsignauit: alterum Arti Poëtice: tertium Rhetoricæ: quartum Medicinæ: quintum Architecturæ: sextum Grammaticæ: septimum Agriculturæ.

## ALTERIVS DOMINA EST.

Transit Aristoteles à Martis & rei bellicæ facello ad facelli alterius descriptionem, videlicet Artis Poeticæ, in quo statua Homeri & Virgilij: factâque digressione opportuna, dignum hoc studium esse ait, in quo excellentibus à natura præditi ingeniis homines, & *Musarum*, vt Varro loquitur, *Pompilij versentur*. Hanc enim artem illam esse, quæ diuorum & hominum bene de re communi priuatâque merentium laudibus adhibenda sit, non autem flagitiosis cantilenis, & Veneris vocabulis, quibus tanquam fescenninis aures, non nouæ nuptæ, sed vt Varro loquitur, *acerbæ virginis redurentur*. Laudabilis quidem Persarum mos de quo narrat Herodotus lib. 1. & Nicolaus de moribus gentium apud Stobæum. Serm. cxlv. Οὐκότ' ἄ σφισὶ ποιέειν εἶν ἕξεσι, ταύτ' ἄ σφισὶ λέγειν ἕξεσι. *Quæcunque illis facere nefas, ea neque dicere fas est*. Eiusdemque modi est illud Sophoclis præceptum, apud Stobæum.

Ἀλλ' ἔ γδ' αὐδ' ἄν ἐστ' ἂ μὴδὲ δρᾶν καλόν.

*Quæ turpe fieri est, ea profarier nefas.*

## HERBIS, SIVE OPVS EST VERBIS.

Paragrammatissimi, *Herbis & verbis: gramine carmine*. Sic Marcellus Empiricus Carmine ad Theodosium A.

*Gramine seu malis ægro præstare medelam*

*Carmine seu potius, &c.*

Et Gaufridus Abbas, *Altæcumbæ in vita S. Petri Tarentasij. Pocula verbis & herbis infecta, &c.* Duplex nempe Medicina olim, *Rationabilis* vna: altera *Physica*. Et duo remediorum genera. *Rationabilia*, herbis, siue gramine: & *Physica*, verbis siue carmine. Passimque ita diuidit Marcellus Empiricus, comes officiorum Theodosij. Tangit quoq. D. Augustinus hoc discrimen c. xx. lib. 11. de doctrina Christiana, sapienterque ostendit, quo astu talia remedia vocarint olim *Physica*, & differit, hanc medicinæ partem rectè, non solum ab Ecclesia, sed à medicis quoque ipsis condemnatam esse.





## DIES VICESIMVS OCTA- VVS DE PRVDENTIA.

**T**ECTA rubescabant orientis lumine Phæbi,  
Humana dux regnat ubi PRVDENTIA vita  
Et domina. Hoc Senior templum prospexit, & inde  
Orsus præfari breuiter. Quam candidus iste  
Dixit, in orbè dies oritur, quam Phæbus amico

Ore iacit radios terris; Nitidissimus alti  
Rex celi merito meus audit Cynthius, omnes  
Unus sic hilarans. Sed non minus ille coruscum  
Sol, facit humano sub pectore lumen honesti,  
Mores qui regere, & rectæ rationis habenis  
Aurigare monet, certas PRVDENTIA metas  
Rebus in humanis statuens, quas flectere nostræ  
Circum opus est vitæ variata negotia: rectas  
Inquirens quoque cauta vias, quibus itur in arcem  
Lumine quæ semper rutilat perfusa beato.  
Ignis ab hoc ille est veluti scintillula Sole,  
Vnde suis vitam pius inspirare sigillis  
Surrapiens potuit, sollerti corde Prometheus.

Fabella est, memorant quod inani carmine vates,  
E curru rapuisse faces Hyperione nati.  
Callidus hoc faceret quamuis, & vulpio furtum  
Japeto genitus, SOLI? videt omnia SOLVS  
Terris quæq; agitant homines, & in æthere Diui  
Cynthius, atque audit, neque Solem est fallere cuiquam.  
Vita hominis RATIO est, atque hoc velut igne Prometheus  
Inspirans homines, tunc inter lustra ferarum  
Montiuagos, similésq; feris, toruúmque tuentes  
Tanquam vrsos bipedes, animauit lumine rectæ  
Mentis, & humana docuit commercia vitæ.

Scilicet à brutis homines, seclisq; ferinis,  
Separat hæc virtus animi PRVDENTIA recti.  
1. Fluctibus illa docet mediis educere vitæ  
Nostræ, animi cymbam, & tuta subducere terra,  
Remigio nixos virtutum, collibus infra

*Quarum tecta sua sunt quaq̄ nitentia luce.*

11. *Hæc eadem vita cum stant placida æquora ventis,  
Præcipere instantes animo iubet ante procellas.*

111. *Cúmq̄ mari defcivit hiems, crebérq̄. procellis  
Africus, & densi veniunt ad littora fluctus,  
Illa monet constare animo, clauúmq̄. tenere.*

1V. *Blanda voluptatum iubet inuitamina, tanquam  
Carmina Sirenum, scopulis quæ figere acutis  
Tentant, auriculis surdis audire. Serenat*

V. *Nubila tristitiæ, tempestatésq̄. doloris,  
Poffe venire hiemes quoniam præsciuerat illas.*

VI. *Quæque colunt homines fluxa miracula FORTIS  
Regna & opes, dulces grata de coniuge puppos:  
Quæue solet natura parens impendere, vires,  
Egregio speciem florentem corpore, magnum  
Ingenium, seruat rationis luce, vel auget.*

VII. *Strenua se mersans eadem ciuilibus undis  
Purior emergit, varij commercia vultus*

11X. *Consilio aurigans, rerúmque perita bonarum  
Sistere profluuium, vario velut Euripus astu  
Quæ ferri solita. Nec non tamen hæc quoq̄. FORTIS  
Excipit interdum vesana corpore tela,  
Sed minus atq̄. aliæ, quas inferiore locauit  
Urbe, suo priui seclusas limine tecti:*

1X. *Lumine ut accenso quas omnes dirigit, vna,*

X. *Omnibus vna in concilio est. Ubi rectus honesti,  
Varus ubi vitij sit limes docta monere:*

XI. *Quæ bona quæ mala sint, quo distent candida nigris.  
Utque malis leuiora, bonis meliora præoptes:*

XII. *Induat & vita ut varios humana colores.*

*Laudibus his animum cumulat celeberrima Virtus,  
Limina nunc cuius radio perfusa virente  
Lustrare est animus. Viden' ut, Regina, topazio  
Exstructus paries circum est, oculósq̄. relucens  
Adlicit intrantum viridi reficitque nitore?*

*Quinque micat circum callis penetrabile. Cuiq̄.  
Trina sua est lampas, vario discrimine lucis:  
Cuiq̄. sua effigies nullo discrimine, cauta  
Palladis, & comitum sacris operata Minerua  
Stat iuxtim manus, atque suis variata figuris  
Qualibet. Hæc callæ referunt, PRVDENTIA virtus*

*Quàm facie sit multiplici. PRVDENTIA prima est  
Quæ leges statuit populis ac gentibus æquas.  
Hanc referens velut occipiti est oculata Minerva  
Effigies, bifrons ceu Janus. Fronte LYCVRGVM  
Anteriore videt Dea, posteriore SOLONEM.*

Prudètia  
legitima.

*Alterius calla domina est PRVDENTIA SANIS  
INCLYTA CONSILIIIS, rebus Dea callida vita  
Incertis certare \* vias, & tangere metam.*

Prudètia  
delibera-  
tia.  
\* certas  
facere.

*Atq. ea consiliis comites sibi legit amicos,  
Vt PERICLEM, & qui olim specioso nomine Iusti  
Clarus ARISTIDES, ingratis lumen Athenis.*

*Hinc DEA quæ LITES DIRIMIT dans iura, foròq.  
Præsides. Adstitit caperata fronte seuerus  
MINOS & RHADAMANTHVS, humo sua lumina figens  
Velatisq. toga manibus, ne munera capterent.*

Prudètia  
iudicialis.

*Quarta MINERVA DOMVM curat, priuòsq. penates,  
Coniugiùmq. fouet gratum, paruòsq. Quirites  
Sufficit, & bene quasitis sua regna tuetur.*

Prudètia  
domesti-  
ca.

*Ultima CAUTA SIBI SOLI sapiensq. MINERVA est,  
Et citharista canit velut olim Aspendius, intus  
Omnia, nil curans alij sudent, pereantue  
Algu, dum sibi proueniant satis omnia rectè.*

Prudètia  
singularis

*Omnia quæ simulacra vides sub fornice templi,  
Sunt tristisque supercilio, facièque senili,  
Nulla iuuentutis geniali fronte reident.  
In iuuenem, præcox nisi qua est, PRVDENTIA nunquam  
Pectore constituit sedes. Temerarius illos  
Error agit, neque longa dies, quasitæque multis  
Usibus, actores rerum experientia fecit.*

*Pensilis à calla lychnus laquearibus aureis  
Tergeminus, clarèq. micans cuiusque, fidele  
Vsq. satellitium facit, & comitatur euntem  
Hunc animi Solem, veluti sua sidera Phæbum.*

*CONSILII prima est BONITAS, scitissima rectas*

εὐβουλία.

*Vestigare vias, quibus in portum itur honesti,*

*Altera quæ meditans hera quid PRVDENTIA rectè*

σοφία.

*Imperet, atq. illi quæ sint contraria SENTIT.*

τιόν.

*Tertia consiliis SENTENTIA, si quid acerbi est  
Lenit, & in melius durè consulta retractat,  
Ut locus, aut tempus varians, personæ poscit.*

*Porro etiam Domina hoc templum quæ possidet, una*

Sollertia.



*Est vterina soror simul & cognominis, illa  
 Quam NATURA parens, sine CONSVETVDINE & VSV  
 Tanquam patre parit, SOLLERTIA. Lumen & illa  
 Menti aliquam præfert, sed quo duce, plurimus error  
 Obiicitur, ni dia suam PRVDENTIA lucem,  
 Iunxerit. Haud secus ac Luna sub luce maligna  
 Est iter, aut dubie sub prima crepuscula lucis,  
 Suspenso pede, & ambages metuente viarum,  
 Et lapsus faciles, oculisq. horrentibus umbras:  
 Ut nostros iam Noctis equi caligine terrent  
 Vicina picei, postquam sua lumina Titan,  
 Verit ad Hesperium sero iam vespere, litus.*

## TECTA RVBESCEBANT.

CERTAT in Veri ciuitate, pulchritudine dies diei, ac sequens priorē lætior semper inlucescit, vt hodiernus Prudentiæ dies, quem auctor ipse concinnè sic ingressus est describere, vt à poetarum de Prometheo fabula exorsus, eam vere sapienterque ad Prudentiæ laudem accommodarit. Neque enim illum qui oculis cernitur, sed Prudentiæ solem fuisse ait, de cuius radio sumpserit igniculum Prometheus olim, vt hominis formatam è luto imaginem animaret, ipsoque id Promethei nomine declarari ait, nam esse *ἀπὸ τῆς προμηθεΐας* quæ Latine prouidentia siue prudentia est, radius nimirum ipse & quasi acies animi humani, qua qui orbatu sunt, ij perfimiles Cyclopi sunt illius, qui inducitur ab Euripide, cum Vlyxes oculum ei effodisset, velle quidem corripere Vlyxem, sed in scopulum incurrere amens ac lamentari. Sic apud interpretem Apollonij Argonaut. lib. ii. Theophrastus censet, Prometheum fuisse virum sapientem, qui primus generi humano impertitus philosophiam: atque hinc fabellam ortam de igne hominibus operæ dato. Hinc Prometheus *callidus* apud Horat. Oda xlii. lib. ii. *Sollerti corde Prometheus* apud Catull. epith. Pelei. Et *ποικίλος ἀνοδότης*. Hesiodo est, à versuta & varia mente. In hanc sententiam iucundè Hyginus in fabellis suis c. ccxx. narravit *Curam* Deam fuisse quæ prima finxit hominem. Et Anaxagoræ discipuli Prometheum esse dixerunt *νοῦν* siue mentem, vt posuit Georgius Cedrinus in compendio historiæ. De hominibus autem ex luto fictis à Prometheo fabella, est apud Æschylum in Prometheo. Propert. eleg. v. lib. iii. Horat. Oda xvi. lib. i. Ouid. Metamorph. lib. i. Hesiodum *Dier. & Oper.* lib. i. & in Theogonia. Apollodor. Biblioth. lib. i. Cic. Tuscul. v. Lucian. in libro. Prometheus es in dictis. Seruium ad eclog. vi. Claudian. alios.



- A. Templum PRVDENTIAE, structum gemma topazio.  
 B. Cælla PRVDENTIAE legitimæ, siue leges ferentis in Republ.  
 C. PRVDENTIA deliberatiua, quæ Rempubl. regit consilio.  
 D. PRVDENTIA Iudicialis, siue res iudicans.  
 E. PRVDENTIA Domestica, siue in re familiari.  
 F. PRVDENTIA singularis siue vt vocant aliqui Monastica. In qualibet cælla tres lampades. Sed pictor parum aptè, modo tres, modo plures paucioræ siue expressit: vt neque sat rectè in cælla Prudentiæ legitimæ Mineruam quasi habitu virili, vnâq. fronte pinxit, non vt auctor voluit, bifrontem.



## FLUCTIBVS ILLA DOCET.

Pergit enumerare aliqua Prudentiæ officia, & eleganti comparatione vim Prudentiæ declarat. Hac scilicet vna, vitæ nostræ quasi nauiculam gubernari, & feliciter in portum adpelli. Perinde vt Titinnius olim poeta comicus de sapientia dixit,

*Sapientiâ gubernator nauim torquet, haud Valentiâ.*

Et adiungit Prudentiam moderatricem esse Fortunæ. Et verò sapientissimi homines Fortunam aliud nihil esse quam prudentiæ & consilij penuriam, totumque hoc nomen esse inane suspicari sunt. Ex quo illud Appij Cæci in carminibus apud Sallustium orat. i. de Rep. ord. *Fabrum esse sua quemque fortuna.* Ex Appio deinde Plautus Trinum. *Nam sapiens quidem pol ipse, fingit fortunam sibi.* Ex eodem Cornel. Nepos in Attico. *Sui cuique mores, fingunt fortunam.* Ex sapiente Poeta idem Tullius Parad. v. vbi sapiens Poeta ille Appius, vt arbitrati alij, vt ego, Plautus. Eiusdem modi & illud L. Senecæ. *Valentior omni fortuna est animus,* &c. Neq. dissimiliter Satyricus. *Nullum numen abest, si sit Prudentia: sed nos,*

*Te facimus Fortuna Deam, calôque locamus.*

Bene sic locus ille apud Lactant. c. xxix. lib. iii. Ab eadem verò mente etiam illa Epicuri. *κρεία δόξα. βραχέα σοφῶ τῦχη παρεμπίπτη.* Quod interpretatus Cicero. *Fortuna exigua interuenit sapienti.* lib. i. & ii. de finibus. Profert & L. Seneca cap. xv. lib. ii. de Tranquill. & Plutarch. lib. de Fortuna.

## VIDEN' VT REGINA TÓPAZIO.

Descriptio templi Prudentiæ pulcherrima. Primum parietes eius topazio gemma totos constare, neq. id remerè. Nam *topazin* verbo, Troglodytarum lingua significationem *quarendi* subiectam esse, inquit Iuba rex apud Plinium c. iix. lib. xxxvii. Proprium autem est munus officiumque Prudentiæ, rationes quærere ac peruestigare conducentes ad felicitatem politicam siue actuosam, vt iam explicatum est die tertio. Cum autem perquirat has vias siue rationes Prudentia, dilectum atque discrimen adhibet, salutaria atque præclara secernens à pestiferis ac nocituris, totaque in vsu, & vita communi, & rebus iis quæ deliberatione habent versatur. Deinde templum totum auctor conlustrari ait lucernis quindecim, à Prudentiæ sole accensis.

## QUINQUE MICAT CÆLLIS PENETRALE.

Pingere perguit interiora templi, & quasi adyta, quæ distincta esse ait, quinque cællis, in quibus omnibus effigies sit Mineruæ, sed alia atque alia specie & ornatu. Imaginibus autem illis declarari quinque species Prudentiæ. Quarum prima est *Legit. ma.*, siue illa quæ leges ac iura ciuitatibus describit, quàmque *ιομοθετικῶ* Aristoteles vocauit, eandemque *ἀρχιτεκτονικῶ* quasi *ducem vite ac magistram officiorum.* Atque hæc principis & legislatoris prudentia est. Altera est Deliberatiua siue *βουλευτικῶ*, quæ



quæ speciatim de singulis reipublicæ negotiis deliberationem haber, qualis prudentia est consiliarij. Tertia est iudicialis siue *δικαστική*, quæ legibus, generatim descriptis vitur, ceu normis singularum in ciuitate actionum, eaque prudentia est iudicis. Quarta est Prudentia domestica *οικονομική*, illa quæ rei familiari ac domesticæ prouidet, quæq. coniuges, liberos, & familiã tuetur: eaq. patris familias prudentia est. Quinta est prudentia singularis, siue vt D. Thomas loquitur, *Monastica*, qua sibi quisque consulit ac prospicit, eaq. hominis industrij prudentia est, quasi intus omnia struentis, & intus canentis, vt Aspendius olim citharista.

Ad summam igitur quinque species prudentiæ sunt, *Legitima, Deliberatiua, Iudicialis, Domestica, Singularis.*

## PRUDENTIA PRIMA EST.

Prima species Prudentiæ *Legitima*, cui tanquam satellites adiunxit Lycurgum & Solonem. Horum ille *Rhetris* suis, siue institutis, Lacedæmoniorum ciuitatem optimè temperauit: hic autem leges Atheniensibus exaratas in tabellis dedit, quæ dictæ fuerunt *Axones*. Ex gemino autem illo quasi fonte Romanum ius ciuile haustum putant, sed alij quoque illius multi fontes. Nam ex omnium pene iis temporibus bene institutarum siue *ἐνομοθετητων* ciuitatum legibus & iussis collectum fuisse illi sciunt, qui non prorsus *ἀνισόρητοι*.

## ALTERIVS CELLÆ.

Altera species Prudentiæ, *Deliberatiua*, stipata Pericle, Aristide, hominibus in Atheniensium ciuitatis administratione olim ad consilia prudentissimis.

## HINC DEA QUÆ LITES.

Tertia Prudentiæ species *Iudicialis*, comitata Minoë, Rhadamantho, qui summa in rebus iudicandis æquitate fuerunt, ita vt Iouis diuino semine suscepti viderentur, eosque auctor perfimiles inducit statuis Thebanis, de quibus commemoratum est die XIX.

## QUARTA MINERVA.

Quartum genus Prudentiæ *Domesticum*, cui adiuncti agricolæ & homines rusticani. Hæc enim augendæ rei familiaris siue *οικονομικῆς* ratio integerrima est.

## VLTIMA CAVTA SIBI SOLI.

Quinta Prudentia est *Singularis*, quam perurbanè solam finxit, ac nihil habentem sodalitij aut clientelæ, præter sacculum suum & arcam. Est enim hæc illa Prudentia, qua præditi homines, quasi Epicurei sapientes, *omnia sua, causa faciunt*, eamque vulgus imperitorum arbitratur summam esse Prudentiam. At contra quidem disputauit

iam olim Aristoteles c. iix. lib. vi. ad Nic. & D. Thomas II. II. Quæst. vii. Artic. x. sibi sapere, genus quidem Prudentiæ vnum esse, non autem optimum, aut præ cæteris expetendum. Sed vulgi opinio mutari vix potest, ad eamque ingeniosi etiam sæpe tanquam ad Sirenarum scopulum aliquem adherescunt.

His autem prudentiæ generibus, D. Thomas Prudentiam quoque adiunxit *Militarem*. Sed verum si quærimus, ea partim ad *Legitimam*, partim ad *Deliberatiuam* & *Iudicialem* referri potest. Nam & pacis & belli sunt leges, ac Prudentia *Legitima*, temporis vtriusque est domina & moderatrix: & in vtróque deliberationes quædam & iudicia sint necesse est. Itaque vt Iustitia, sic Prudentia, & pacis & belli est.

OMNIA QUAE SIMVLACRA VIDES.

Ait in templo Prudentiæ statuam nullam esse iuuenilem sed omnes seniles, quoniam Prudentiæ & consilij magnitudo senum propria sit, aut ætatis maturæ. Vsu enim rerum, experiéntiæque nititur, quæ nisi temporis diuturnitate, & ætate matura vel ingrauescente non ferè existit. Eadémque causa est cur iuuenis aut puer geometriæ, aliarúmque rationum mathematicarum sciens euadere possit, Physicæ verò siue naturalis philosophiæ, & Sapientiæ siue philosophiæ primæ, non item: videlicet, quia in Physicarum, & earum quæ post physica, philosophiarum principiis experientia opus est & vsu: in mathematicis non item quia principia earum à rebus abstracta sunt c. iix. lib. vi. ad Nic.

PENSILIS A CAELLA LYCHNVS.

Singulas prudentiæ cællas tribus lucernis, tanquam stellis conlucere atque inlustrari ait, quibus declarentur illæ tres virtutes quasi administræ & comites Prudentiæ. Primùm *Bonitas consilij*, siue *ευβελία* siue vt alij loquuntur, *bona consultatio*. Deinde *Celeritas intelligendi* ea quæ bene consulta fuerint, siue *σώεσις*. Postremo. *Sententia* siue *Γνώμη*.

Ac Bonitas quidem consilij est, qua excogitantur honestæ rationes, quibus ad finem laudabilem & quidem opportunè siue nõ alieno tempore peruenitur. Eaque differt à prudentia, non ipso consilio siue deliberatione, sed vi præcipiendi. Nam bona consultatio boni consilij inuentio est: Prudentiæ vero sunt partes non modo consulere, verum etiam cõsulata imperare atque exsequi. Intelligendi autem celeritas siue *σώεσις* ea est quæ de rebus à Prudentia imperatis existimat, siue aut conducibilia esse illa sentit, aut quæ his contraria sint, videt esse inutilia vel perniciofa. Prudentia enim, quasi doctor est præcipiens: celeritas intelligendi siue *σώεσις* tanquam discipulus, præcepta siue dictata intelligens & laudans. Sententia denique siue *γνώμη* illa est quæ consulta interpretatur benignius ac lenius, eaque temperat pro varietate, temporum, locorum, personarum: estque talis sententia in deliberatione, qualis æquitas in iure.

Ad summum igitur, bona consultatio, ad inueniendum refertur:

intelligendi celeritas siue *συῶσις* est iudicij : sententia est æquitatis.

Bona vero consultatio , celeritas intelligendi, & sententia, ecquid partes prudentiæ sint, præclarè D. Thomas enucleavit, II. II. Quæst. XLIX. Partes nimirum prudentiæ tanquam totius integri esse, *memoriam, intelligentiam, docilitatem, solertiam, rationem, providentiam, circumspeditionem, & cautionem.* Partes autem prudentiæ tanquam generis siue species quinque illas posuit, de quibus iam dictum est, *Legitimam, deliberatiuam, iudiciale, domesticam, & singularem,* siue solitariam. Partes verò prudentiæ *potentiales,* vt ipse loquitur, id est quasi adiumenta quædam esse, *bonitatem consilij, celeritatem existimandi de consilio, & sententiam,* siue æquitatem in existimando.

PORRO ETIAM DOMINAE.

Adiungit de Prudentia naturali quæ dicitur ab Aristotele *δφότης* c. XIII. lib. VI. ad Nicomach. quam interpretati aliqui *Sollertiam,* vt Dionys. Lambinus, parum aptè, vt *ἐτυμον* ipsum huiusce nominis inspectanti, facile patefcer. Et vero iis auctorum locis quæ ille profert naturale vestigium artis declaratur magis, quàm prudentiæ. Ego *acumen* dicere malim. Hoc enim à natura est, & oculi instar habet, quemadmodum philosopho c. V. lib. III. ad Nicomach. *ἐυφροία* est, *ὡσπερ ὄψις.* Et c. XIII. lib. VI. *δφότης* quasi *ὄψις.* *Δφότης* nempe est *ἐυφροία* comparatione ad Prudentiæ virtutem. *Ευφροία* nempe est duplex, videlicet practica vna, quæ vt dixi tractatur comparatione ad Prudentiæ virtutem: altera theorica, de qua philosophus c. VI. lib. IX. Top. & sine lib. prioris de Demonstr. Practica in boni, theorica in veri electione versatur, vt Topicis loco eodem, *ἢ κατ' ἀληθειαν ἐυφροία, ὃ δὴ ὁ δὴ ἄλλως ἐλέαζ τ' ἀληθές, καὶ φρονή ὃ ψεύδος.* *Bonitas naturæ ad veritatis finem, est posse verum eligere, & fugere falsum,* &c. Atque huiusmodi *ἐυφροία* est duplex *ἀγχινοία,* siue facultas celeriter inueniendi medij siue argumenti: & *ἐυσοχία,* siue facultas, facili coniectura adsequendi quid sequatur ex medio siue argumento, siue conclusionem, lib. I. de Demonstr. loco eod. Eaque lumen quidem suum præfert animis, est enim *Δεινότης, facultas videndi, ἐκ τίνων ἀν' ἄκασον γένοιτο τῶν πραγμάτων.* *Quemadmodum quicq. in rebus agendis fieri possit.* Magnis moralibus c. XXXV. lib. I. c. XII. lib. VI. ad Nicomach. sed quo lucente, nihilominus aberrare possint à semita felicitatis, nisi prudentiæ vsus consuetudóque accefferit. Nam facultate quidem aliqua naturali alios aliis magis inclinari ad virtutem, sed talem felicitatis hanc viam esse,

*Quale per incertam lunam sub luce maligna,  
Est iter in silvis.*

Benèque philosophus c. XII. lib. VI. ad Nicom. qualis scopus *δφότητος:* talis & ipsa. Laudabili enim sine proposito, laudabilis & ipsa est: malus autem si finis & scopus, iam calliditas illa, & *παιργία* est.

At vero prudentiæ lux nunquam fallit, nunquam est sine comitatu



omnium virtutum, vt quidem verè Iuuenalis in satyra dixerit.

*Nullum numen abest si sit Prudentia.*

Neque obliuione vnquam prudentia deleri potest, vt artes. Nam artis quidem exercitationi saepe locus non est: at nulla vitæ pars vacare potest prudentia. Itaque conuenienter hunc vitæ nostræ Solem adpellauit.



DIES VICESIMVSNONVS,  
DE INTELLIGENTIA SIVE  
MENTE, SIVE NOTITIA  
PRINCIPIORVM.

**D**IGRESSVS Sapiens ANIMI PRVDENTIS ab aede,  
Adspiciensq. nouum radio so scandere Solem  
Orbe. Quis hoc Phæbi dixit, iubar inspicit aureum,  
Vt neque conuiuens, alio neque pupula sese  
Auertens oculi maneat defixa, nec hilum

*Perpetua incipiãnt mergi caligine noctis?*

*Aut quæ mens animi potis est vim discere, fontis*

*Quo fluit adsiduè hic radiorum lucidus amnis?*

*Sed minus & mentem facile est comprehendere magnam;*

*Quæ maria & terras implet, calúmque profundum,*

*Cuius in omnimodis lucet sapientia rerum*

*Vultibus, & mittens quasi de se predicat ipsa*

*Voces adsiduè, inq. sui mortalia secla*

*Notitiam tacito laciens hortamine ducit.*

*Ac neque per causam fas cuiquam scire, latentes*

*Notitias Diuæ, cuius nunc visere templum*

*Ingredior. Vide sis vt circum quaque renidet*

*De nitido structum solidóq. adamante, sed ipsa*

*Cerula conuexi respundet imagine cali*

*Testudo, & vario flamarum sidere, tota*

*Interstincta micat: media regione meantis*

*Effigies Phæbi rutilat, Phæbiq. sororis,*

*Et spatia Erronum variè distantia quinq.*

\* è celo.

*Vnde \* trahit primæ variarum semina rerum*

*Notitiæ mens nostra, quibus dotata, vigere*

Pergit & in causas inquirere, & omnia porro  
 Per causas ea scire, parens Natum patere  
 Qua voluit, cæco gremij neque cauta recessu  
 Abdidit, & multa circum caligine cinxit.  
 Templi etiam tectum lorica peristylos ambit.  
 Imposita effigies, defixis lumen Olympi  
 Adspiciunt oculis, terræq; negocia spernunt.  
 Interiùs mediis templi penetralibus aurea  
 Effigie vates Rhodopeius enitet, olim  
 Primula qui cecinit mundi primordia, Divinũ  
 Cultus instituit, mentesq; cupidine cæli,  
 Bellutas \* priùs, incendit, nec originis alte  
 Inmemores, passus turpi languere veterno.  
 Et statuæ basis hoc inscripta est carmine plana,\*  
 Vna quod ut comitum Regina dicere iussa est,  
 Explicuit tinctam mellis dulcedine vocem,  
 Insimul & cithara percurrrens pectine fila.

\* Belluarũ  
fimi'es.

\* τὸ πλάσ  
τῆς Βάσιως.  
Strabo.

## CANTICVM.

Terra quid vestras, Homines, moratur  
 Inscij mentes, pedibus terenda?  
 Cur leues cordi est agitare cæco  
 Pectore curas?

Montis inuitant iuga vos beati,  
 Flatibus nullis agitata venti,  
 Quæq; nec velant nebule, nec Austri  
 Verberat imber.

Sed QVIES semper Dea leta, summe  
 Est potens rupis, faciẽmque cæli &  
 Cordis humani varios recessus,  
 Fronte serenat.

Ipsa vos nutu Dea blandientis  
 Incitat vultus, facilẽsque spondet  
 Rupis adscensus, propriũmq; celsi  
 Limen Olympi.

*Ite, nec terra trepidos retardet  
 Aura conatus, quid amica terra est  
 Aura, si mentes dociles Olympi  
 Præmia spectent?*

*Uosq. per cliui tetricum rigentis  
 Repitis qui iam latus, in latentes  
 Valle subiecta insidias referri  
 Spernite longè.*

*Culpa in exemplum mea sit, meam qui  
 Perdidi caram Eurydicen, tueri  
 Dum volo, & gaudens oculos reflecto in  
 Ponè sequentem.*

*Scrupeum dorfi hoc iter est, & hirtum  
 Sentibus, sed mox veniens VOLVPTAS  
 Et QUIES, summa regione, pascunt  
 Nectare mentes.*

*Semitam vobis RATIO præibit  
 RECTA per cliui nebulas, suamq.  
 Præferet lucem: fugietq. longè  
 Deum ERROR.*

*Illam pertingens radio quadrinas  
 Per plagas mundi speculatur: ipsum  
 Sed nimis calum penetrare paruo  
 Lumine tendens,*

*Scari fatum metuat, liquatis  
 Sole qui pinnis nimium propinquo,  
 Decidit præceps, pelagôq. nomen  
 Fecit & omen.*

## DIGRESSVS SAPIENS.

**I**AM pæne solstitium ipsum & dies in veri ciuitate longissimus est: quo die cum Regina ingressurus Intelligentiæ templum Aristoteles, à solis descriptione quadam elegâti exorsus est. Depingit enim radium eius tanta lucis copia fluentem, ut oculis eam defixis acriter intueri nemo possit: quemadmodum etiam Dei præpotens atq. excellens natura animo & cogitatione nequit comprehendî. Id autem huic diei, quo





- A. Templum INTELLIGENTIAE.  
 B. Statua Orphei.  
 C. Tabella in qua inscriptum quasi canticum Orphei, hortatorium ad contemplationem cæli.  
 A.C. Puella de comitatu Reginæ, canticum illud canens monitu Aristotelis, & iussu Reginæ.

de Intelligentia agitur, conuenientissimum exordium est. Intelligentia enim habitus siue scientia principiorum est, quam Tullius quoq. *Mentem* vocat, vt Aristoteles νοῦν: vtérque ambiguè. Mens enim est quoque in qua inest mens illa siue scientia principiorum. Sic enim nomine *scientiæ* communiter accepto, habitus omnes mentis, non malè scientias nomines. Sed principiorum notitiæ habitum, philosophus ipse nominare solitus ἀρχὴν ὀπίσθημης, siue, *principium scientiæ*, propriè videlicet acceptæ, vt c. xxvi. lib. i. c. vlt. lib. ii. de Demonstr. At nomine vno hunc habitum haud facile dixeris. Antiquissimum verò principium & ἀρχιγενέτηλον est, omni dignitate princeps, natura diuina. Quæque conditio principiorum est vt demonstratione scientiæq. comprehendi non possint, hæc in Deo præcipue cernitur, qui à seipso tantum plenè potest intelligi. Optimus igitur hic diei de Intelligentia exorsus est.

Nec vero ineleganter Dei cum Sole comparatio facta est. Imagines enim Dei geminæ: mens humana, & radius solis, vt est apud Philonem Herennium libro de somniis.

#### CUIVS IN OMNIMODIS.

Tanquam in transcurso attingit qualis Dei cognitio sit: ex reb. enim illam à Deo effectis ac procreatis efflorescere, non ex causa, cum ipse causarum sit omnium prima & antiquissima. Quod etiam Ægyptij olim volentes innuere, Mineruæ suæ siue Isis templi vestibulo inscripsère, quasi prædicantis de seipso Isis verbum. Εγώ εἰμι πᾶν ὃ γεννῶνός, καὶ ὄν, καὶ ἐσόμενον: καὶ ὄν ἐμὸν πέπλον ἑσθλῆς πωθῆος ἀπεκαλύψεν. *Ego sum id omne quod fuit, quod est, quod futurum est, & pepulum meum nullus adhuc mortaliū aperuit*, Plutarchus lib. de Iside. *Pepulum* scilicet, Dei, siue vt literæ sacræ loquuntur, τὰ ὀπίσω θεῶν *quæ post Deum*, vident homines, non autem faciem eius.

#### VIDE SIS, VT CIRCVM QVAQ.

Descriptio templi Intelligentiæ siue Scientiæ principiorum structi adamante, in fornice autem siue testudine templi stellarum similitudines cerni errantium atque inerrantium, quarum specie animi excitentur ad contemplationem causarum cælestium, & cognitionem diuinitatis. Adamas autem lapis huic templo idoneus fuit. Intelligentia enim habitus principiorum, principiis vero perinde vt adamante lapide, nihil constantius, nihil firmitus.

#### QUIBUS DOTATA, VIGERE PERGIT.

Rectè illi apud Suidam in κριναὶ ἐνοίας, ὁ νῦς, inquit, ἀρχὴ ὀπίσθημης. *Mens principium Scientiæ*. Et principia siue κριναὶ ἐνοίας, vocant ἰδαλματὰ νῦς. *simulacra mentis*. Et, ἔνθα ἰδὲ σκοτεινὰ ματὰ. *Mentis adumbrationes*. Cicero i. legum. *Rerum plurimarum obscuras & necessarias intelligentias, quasi fundamenta quædam scientiæ, &c.*



## CÆCO NEQVE GREMII, &amp;c.

Intelligi vult, ἰδιοπαθείας. Vulgus quoque ἰδίουγκεισίας vocat, sed melius Galenus ἰδίουγκεισίας. Alexander in Problem. ἰδιότητες ἀρρήτες, & ἰδιώματα.

## ADSPICE VT IN MEDIIS.

In medio Intelligentiæ templo siue in ipso penetrali, siue adyto, statua est Orphei vatis Theologi, cuius nomine inscripti etiam nunc de laudibus diuinis hymni esse creduntur qui tamen nouitij alicuius Orphei sunt. Eiusdem quoque in æs incisum esse fingitur in hoc templo carmen, adfixumque ad basin Orphei statuæ. Quod carmen vt adspexit Aristoteles, ait Regina, dignum esse quod decanteretur. Itaque Regina id ita fieri voluit. Vna igitur nunc de puellis Regina suauissimam vocem explicans, canit canticum illud conscriptum quidem à Poeta nostro, sed conclusum definitione illa, qua præstantis æternæque naturæ conditionem quodammodo expressit Orpheus, cum inquit *Deum esse diem & noctem*. Ex rebus enim effectis Deus perillustis, & quasi dies: ex causa vero & vi naturæque sua menti humanæ perobscurus, & instar noctis. Orphei autem dictum illud est in Iouis hymno, quem Proclus aliique Platonis interpretes attulerunt, & plenius ceteris Eusebius lib. iii. Præparatio- nis Euangelicæ, in quo Iupiter inter cætera esse dicitur,

Πῦρ καὶ ὕδωρ, καὶ γαῖα, καὶ ἀήθρ, νύξ τε καὶ ἡμῶρ.

Ignis, aqua, & tellus, & calum, noxq. diesq.

## TERRA CVR VESTRAS.

Hymni principium quasi ἑπιπέλευσις quædam & cohortatio, qua inflammantur animi ad capeffendum iter in supremam felicitatis arcem, quæ sapientiæ ac veritatis.

## MONTIS INVITANT.

Inuitat mentes Orpheus in fastigium montis Olympi, in quo rectissime Orpheum auctor fingit hæc ita commentari. Nam Pieria, Olympus, Pimpla, & Libethrus olim loca Thraciæ, Orpheus autem Thracius fuit. Atque hæc ita esse Strabo disputauit lib. x. Deinde quia vertex Olympi præcipuus animis in veritatis contemplatione defixis. Com- menti enim poetæ sunt, nullis eum ventis aut tempestatibus agitari propter excelsum, de qua Solinus c. xiv.

## SED QUIES SEMPER DEA LAETA.

Intelligi vult summam Felicitatis positam esse in contemplatione, vt copiose differit Aristoteles c. vii. lib. x. ad Nic. Contemplationis autem quasi soror, *Quies* à negotiis. Corporis enim labor & agitatio aduerfaria est cogitationi c. iv. lib. ix. de republ. *Quietem* verò Deam fuisse Romanis patet D. Augustini c. xvi. lib. iv. de ciuit. Dei. Et *salutarem Deam*,



vocat Amm. Marcellin. lib. xix. *Quietem* & contemplationi etiam cognata Democriti *ἠρεσώ*, de qua Suidas.

## CVLPA IN EXEMPLVM.

A seipso exemplum sumit Orpheus, quo nullum fingi potuit, accommodatius. Nam quod ipse in Euridica vxore ab inferis educenda seruare debuit, ne retrò ad illam respiceret, hoc tenendum esse omnibus eximie felicitatis iter ingressis, ne rursus velint Politicæ vitæ molestis operosisque negotiis implicari; aut referri ad inimicum rationis appetitum, & obscœnas vitiorum valles.

## SCRÛPEVM CLIVI.

Perdifficile quidem iter esse in arcem philosophicæ felicitatis, sed laborem præmio felicitatis vberimo compensari. Vt in aditu Olympi montis, venti ac nubes molestiam pariunt, sed voluptati est tranquilla in vertice planicies. Ex quo intelligi vult, quantum sit contemplationis felicitas excellentior politica siue actiuosa, quæ nihil aliud quam iter & quasi adscensus est in arcem felicitatis illius supremæ, quæ lætissima, ex veri contemplatione efflorescit. Bene autem Poeta iunxit *Voluptatem* & *Quietem*. Comes nempe vtraque Beatitudinis. De *Quiete* iam dixi: de *Voluptate* autem res protrita ex Aristotele, vt c. iii. lib. iix. de Rep. vbi τὴν εὐδαιμονίαν, inquit, μεθ' ἡδονῆς οἴονται πάντες εἶναι. Id est, *Beatitudinem cum Voluptate omnes autumant esse*. Ac verbis fere iisdem c. xi. lib. vii. ad Nic. vbi & illud notauit, μακάριον id est *beatum*, dictum esse, quasi μαχαίροισι id est, *valde gaudentem*.

## ILLA PERTINGENS RADIO.

Adiungit Orpheus humanæ sapientiæ radio non satis viam muniri ad veram cognitionem diuinitatis: sed prælucente illo, volitare quidem posse mentes ad verticem vtrumque cæli, & à sole oriente ab obeuntem, resque omnes intueri: sed si altius efferre se diuinæque ipsa contemplari perrexerint, Icari eis exemplo pertimescendum esse, ne in errorum pelagus immensum deuij ac præcipites ferantur. Familiæ Pythagoricæ Symbola olim fuit, *ὡς ἐκ πυθαγορείων ἀνευ φωτὸς μὴ λαλεῖ*. De mysteriis Pythagoricis, *sine luce ne loquitur*. Refert Iamblichus Symb. Pythag. xiii. Bene hoc in plerisque nunc ieceris parodicè. De rebus diuinis, *sine luce ne loquitur*. Commemoratione dignissimum quod ex Aristotele profert Romanus ille Stoicus, Natural. Quæst. c. xxx. lib. vii. *Egregiè, inquit, Aristoteles. Nunquam nos verecundiores esse debere, quàm cum de Diis agitur, &c.*



# DIES TRICESIMVS, DE SAPIENTIA.

**N**ON aliàs loto se purius extulit ore  
Cynthius, hæc lustrò dum urbis pomæria nostræ,  
Quàm nunc mane nouo, nitidus pexisq. capillis  
Exoritur, dixit Senior. Celeberrimus omnes  
Iste dies inter, stellas ut Luna minores

Enitet, atq. hilarat festiuo lumine terras.  
Scilicet illius hoc Titan largitur honori,  
Visere nunc cuius sancti penetralia templi  
Ingredior. Dia hic spargit SAPIENTIA lucem,  
Præuia quæ menti est ad Solis regna supremi  
Filius, hic radians quem Phæbus imagine terris  
Inferiore refert. Templum hoc penetrabile menti est,  
In regione prius virtutum exercita curis,  
Quæ iam pura nitet, quarum alta palatia splendent  
Collibus imposita his, summa sub mœnibus arcis.  
Vita beata illic in agendis strenua floret  
Rebus: & hanc pars plera colit, cui firmior atas,  
Et valido vegetæ superant in corpore vires.

Cærulea Sapphiro & solida est adamante beati  
Materies templi, primiq. imitata nitorem  
Cæruleum fani, & candentia limina quarti.  
Celsa quidem stant tecta tui PRUDENTIA templi,  
Pluribus & circum callis rutilantia: calo  
Sed domus hæc quam dia colit SAPIENTIA, longè  
Notior est, minus & domina exagitata superbis  
Fortuna imperiis, Sapiens sibi nam \* satis vnus  
Semper, & insense nil curans murmura plebis,  
Plaudat in hoc vite mimo anne exsibilet, vtrum  
Lædere vulgus iners, an sit laudare paratum,  
Non magè respiciens campo quàm fortis aperto  
Curat equus, quantum ad se stulta canicula latret.  
Aut veluti Rhodopes, aut celsi culmen Athonis,  
In vaga non metuit salientes littora fluctus.

Mente pia semper, nullisque erroribus acta,

\* duobus.

*Vertitur ad cæli sapiens spectacula: sacris  
Sic operans litat, indomiti non sanguine tauri  
Sed domito sensu, & menti seruire parato.*

*Et nec opes inhiat sitiens, nec curat honores:  
Nec minus est solus, quàm solus cum viget, vnus  
Pro populo sibi nam sapiens, celebrisq. theatri  
Est vice. Sol veluti solus licet, adfluit vsque  
Luce sua, nec eget trepidantibus æthere stellis.  
Quin satis \* est, de luce faces accendere cunctis  
Vnicus ille sua, si Fors extinguere posset.*

\* par fuit  
sufficiens  
vt Æncide  
vii.

*Talis Anaxagora sapientia Clazomenij,  
Qui pedibus terram peragrabat, sidera mente,  
Corpore terrigeno piger, ast animo incola cæli  
Impiger, & rerum sollers cognoscere causas.  
Illius effigies in cæli suspicit arcem,  
Et digitum tendens ad sidera, voce videtur  
Dicere sic veluti missa, MIHI PATRIA CAELVM.*

*Stant alij SOPHIAE proceres clari ordine longo:  
In primis numero sapientes Græcia septem  
Quos dedit: exsensos quot nunc reperire saperdas  
Sit labor haud facilis. Tanta est sapientia sacri.*

*Cuncta sub aurata magni testudine templi  
Stant simulacra velut minitanti seria vultu,  
Adspiciuntq. oculis quasi fixis atria cæli,  
Solut & vt summi sitientibus ora tueri.*

*Hæc postquam Sapiens docta sub voce peregit,  
Cuncta beatificam memorans visenda per urbem,  
Iam, dixit, Regina dies monet, ipsaque meta  
Urbis, & hoc templo residens SAPIENTIA, fessæ  
Vela ratis trahere, & tuto requiescere portu.*

*Te Regina tuus qui paruus lusitat aula  
Filiolus, votis iam pridem oculisq. requirit,  
Te pater ipse domus, atque Eridaniides omnes  
Iamdudum reuocant Nympha: mî sede manere  
Conuenit hac, placidâq. DEAE SAPIENTIS in aede,  
Menti mente pia precibusq. litare supræ.*

*Suscipiens Regina, imo sub pectore dixit  
Hæc oris mihi fixa tui documenta manebunt  
Semper, & hæc eadem de me meus audiet olim  
Filiolus, regni superest qui solus auiti  
Heres, & generis spes magna sed vnica nostri.*



*Cui mea quid melius poterit pia cum vouere,  
Quàm gemina ut statua dignus PRUDENTIS in aede  
Stet DOMINAE argento nitidus, SAPIENTIS in aede  
Aureus, & gemina felicia pramia meta  
Occupet, aeternum cali statione beatus?*

*Sic ait & sapienti animæ, \* gratissima tantis  
Grates pro meritis fassa est Regina, suòsq.  
Inde lares repetens abiit, labentibus annis  
Culmine sub templi sedes habitura perennes,  
Dans ubi perpetuo SAPIENTIA munere vitam,  
Ambrosio mentes contingit rore beatas.*

\* Aristoteli.

---

NON ALIAS LOTO.

OMNES libri sui partes auctor ita concinnè peritéque distribuit, ut à diebus lætis ad lætiores, & postremò ad lætissimum sapientiæ diem perueniret. Quid enim lætius ac festiuus, quid omni specie decoris ac dignitatis plenius, quàm Sapientia, quæ totius contemplationis quasi regina est? Consideratio enim contemplatióque naturæ, qui est vnus suauissimus pastus animorum, eam adferre potest delectationem propter quam labores ærumnæque omnes vitæ exantlentur. Itaque & bella suscipimus pacem optantes, *maximèque optabile omnibus sanis, & bonis, & beatis, cum dignitate ocium, c. vii. lib. x. ad Nicom.*

Conuenienter itaque Sapientiæ templum & illustrius ceteris omnibus, & maiore artificio constructum, & sublimius, auctor effinxit. Est enim Sapientia mentis habitus limatissimus, scientiarumque ipsarum quasi magistra & domina. Principia enim & firmamenta illarum si oppugnentur, ad sapientiam illis perfugium est, quæ & propria scientiarum initia per causam siue demonstrationem, & communia principia per inductionem, & ut vulgus philosophantium loquitur, à posteriori defendit. Proptereaque Eustratius in vi. de morib. ad Nicom. *primam philosophiam siue theologiam*, vocari ait, τέχνη τεχνῶν, ἐπιστήμη ἐπιστημῶν, *Artem artium, Scientiam scientiarum*, δίοτι, inquit, τεχνῶν ἕσπερ τεχνίας, καὶ ἐπιστημῶν, ἕσπερ ἀνοποδείκτους αὐτῶν ἔργα, ἕσπερ ἀδιδύχα ταύταις αἰδέσ, καὶ ἀδιασκευάστα ταύτας, ἐν τῷ παρ' αὐτῆς ἀδιδιδύχον, ἕσπερ οὐκ ἐκ κερραῶν τέλη, &c. Id est. Quia facit ut artes sint artes, & scientiæ sint scientiæ siue & artib. & scientiis formam tribuit, & quidem trifariam. Primum quia principia earum explicat, deinde quia tradit eis principia postremo quia sic instruit eas, ut ex iis quæ acceperint à Sapietia, ipsæ ad suum sibi quæque finem collineare possint, &c. Quod autem Eustratius *Sapientiam*, siue σοφίας, vocari ait *primam philosophiam & theologiam*, cum discrimine accipiendum est, de quo dictum die xxvi.

Merito igitur hanc virtutem plurimis nominibus insignem fecit atque honestauit Aristoteles. Nam & σοφίαν, siue *Sapientiam*, & ἀρετὴν φιλοσοφίας, siue *primam philosophiam*, & μετὰ τὰ φυσικά,



- A. Templum SAPIENTIAE ceteris omnibus excellens, structum adamante, & sapphiro.
- B. Anaxagoras Clazomenius digito in cælum intento, iuxtaq. hunc in aliis cællis SAPIENTES alij.
- C. Aristoteles VALE Reginae dicens.



siue res natura superiores, & θεολογία, siue rerum diuinarum scientiam indigetavit, vt est apud Stobaeum sermone xxix. Idémque φιλοσοφία philosophiam nominavit vt c. vii. lib. ii. Sapientiae. Et πρώτη σοφία, Primam Sapientiam c. iii. lib. iii. Sap. Et δεύτερη φιλοσοφία, secundam philosophiam c. xi. lib. vi. c. vi. lib. x. Sapient. & φιλοσοφία θεολογικῶς siue Theologicam philosophiam c. v. & vii. lib. i. Sapient. c. iii. lib. i. De ortu & interitu, & absolute θεολογικῶς siue Theologicam, c. vi. lib. x. Sapient. Et σοφία, ἡ τιμιωτάτη ὅτις ἡμῶν Sapientiam, ἡ scientiam honoratissimam c. x. lib. xi. Sapient. Et δευτέρωθεν, ἡ ἡγεμονικωτάτη, ἡ ἢ ὡσπερ δ' ἄλλας, ἢ δ' αἰτεῖται πᾶς ἄλλας ὅτις ἡμῶν δίκαιον, id est, Omnium maximè principem ac ducem: ἡ cui ceteras scientias quasi ancillulas dominae, responsare aut obloqui fas non sit. Eandem vir diuinus Plato lib. vii. de repub. Dialecticam vocauit, eandemque ait ὡσπερ ἡριγόν τοῖς μαθήμασι ἐπάνω κεῖται, quasi apicem esse omnium scientiarum. Sed non sine suo sibi discrimine, omnia illa nomina conueniunt in Sapientiam, vt nunc differere longum esset. Digitum verò quasi ad fontes intendi supra die xxvi.

## PRAEUIA QUAE MENTI EST.

Sapientia enim rerum diuinarum ac praeclararum scientia est, qua mentes illuminatae, surgunt ad praepotentis rerum omnium Dei cognitionem. Aristot. c. xxxv. lib. i. Mag. moral. Ergo & Sapientia ceteris omnibus scientiis excellit. Nam scientiarum dignitas est subiecta eis materia elucescit. Materies autem sapientiae praestantissima est, nempe res diuinæ & praeclaræ, longissimè que ab omni corporis & materiae contagione distantes. Quæ disputatio est apud Aristotelem c. vii. lib. vi. ad Nic. c. xxxv. lib. i. Magn. moral. c. vii. lib. x. Sap. c. ii. lib. i. Sap. maior. Solis autem supremi nomine Deum Poëta intelligi vult, vt Orpheus in hymno Iouis, quem profert Eusebius Pamphili.

Zeús ἥλιος ἠδὲ σελήνη

Luna & Sol, Iupiter idem.

## TEMPLVM HOC PENETRABILE MENTI EST.

Ad Sapientiae templum, & contemplationis beatitudinem, perueniri via moralium virtutum, ni perturbationum ventis agitetur animus contemplari volentis. Ergo & ætate firma robustaque plures ad Felicitatem actionis animum adpellere, quam ad beatitudinem cognitionis & veritatis. Quoniam prudentia quæ dux & magistra est agendi, in rebus cum materia coniunctis versatur, actionibus nempe humanis: Sapientia verò quæ domina est contemplationis, rerum est seiunctarum ab omni materia. Itaque auctor distinguit hoc in loco munus atque officium, & quasi arbiter fines regit Prudentiae & Sapientiae, vt Aristot. c. ix. lib. x. ad Nic.

## CAERULA SAPHIRO.

Sapientiae templi descriptio magnifica. Nam exaedificatum esse ait



sapphiro & adamante : Adamantem ad Intelligentiam , sapphirum ad Scientiam refert. Nam ex utroque, scilicet Intelligentiæ Scientiæque habitu , sapientiæ decus efflorescit c. vii. lib. vi. ad Nic. ubi etiam elegans illud *Sapientiam esse quasi ἐπιτημίω κεφαλῶ ἔχουσι*, id est, *Scientiam cum capite*, &c. ut contra dixeris. *Scientiam esse quasi Sapientiam ἀκέφαλον* siue *caput non habentem*. Cur autem sapphirus Scientiæ : adamas Intelligentiæ conueniens sit, iam declaratum est die xxvii. & xxix.

CELSA QUIDEM STANT TECTA.

Sapientiam potiolem esse Prudentia , nam Prudentia telis fortunæ magis exposita est, quia in actionibus humanis versatur, at Sapientia quasi ex arce munitissima despicit omnes fortunæ tempestates. Ac Prudentia quidem fortunæ præmiis ad rerum magnarum susceptionem eget : sapienti autem in ipso thesauri omnes repositi sunt, paucisq. contento licet omnibus sapientiæ copiis abundare. Quod ipsum Epicurus quanquam magister voluptatis, non ineleganter expressit, cum diceret *Fortunam exiguam interuenire sapienti*. Atq. hoc à tam multis usurpatum est, ut iam prouerbij speciem habere videatur, ut Cicerone lib. i. de finib. Plutarcho lib. de Fortuna. L. Seneca c. xv. lib. ii. de tranquill. & dixi ad diem xxix.

INSENSÆ NIL CVRANS MVRMVRA PLEBIS.

Alia sapientis conditio. Vulgi ab eo laudes contemni, quia est ἀγροκνης, Quod poetica similitudine auctor inlustrauit. Nam ut Athonis aut Hæmi montis accolæ non terrentur æstu, aut inūdatione maris: sic animus sapientis neque laudibus imperitorum, neque probris commouetur. *Est enim philosophia paucis contenta iudicibus, multitudinem consultò ipsa fugiens, eique et suspecta et inuisa*, inquit M. Tullius lib. ii. Tuscul. quæst. Quod à Lactantio c. xxv. lib. iii. iniuria reprehensum est. Nam eadem quoque mente Socrates fuit, qui τὰ πῦρ πολλῶν δόγματα, λαμίας ἐκάλεσεν, παιδίων δείματα, *Imperatorum iudicia Lamias vocare solitus est, et cassas puerorum terriculas. Nihil enim est, ut idem Cicero in libris de diuinitate posuit, tam vulgare, quam nihil sapere.* Concinnèque ac rotundè Plutarchus, ὅ γδ τοῖς πολλοῖς ἐρέσκον, τοῖς σοφοῖς ἔστιν ἀπαρέσκον, *multitudini placere, est sapientibus displicere*. Lib. de institutione puerili. Neque non sapienter Epicurus apud L. Senecam epist. xxix. *Nunquam, inquit, volui populo placere, nam quæ ego scio, non probat populus: quæ probat populus, ego nescio. Quis placere potest populo, cui placeat virtus? Malis artibus popularis fauor quaeritur. Similem te illis facias oportet. Sed pausam facio, ne quis mihi illud Ciceronis: Desine quaeso communibus locis, domi nobis ista nascuntur.*

MENTE PIA SEMPER.

Alia sapientis nota purissimam & sanctissimam ab eo mentem Deo tanquam pro victima offerri. Quo loco bellissima auctoris allusio est. Non litare sapientem tauris indomitis, sed domitis sensibus. Tauros ve-

ro indomitos intelligit hostias iniuges, siue intactas siue ἀδμήτους & ἀζώγους. Nullis unquam stimulis, nullius operis excitatas conatu, vt Arnobius loquitur lib. vii. aduersus gentes.

## NEC MINVS EST SOLVS, &amp;c.

Aliud sapientis adiunctum siue alia nota, qua fecernitur à prudente. Solitudinem sapienti perplacere. Sapiens enim officio suo in solitudine ac recessu perfungi potest: prudens in luce ac populi frequentia versetur necesse est. Nam sapiens cum discessit à multitudine ac negotiis, propius ad veritatis cognitionem, Deúmque ipsum accedit: contráque in communitate hominum, vitáque operosa, L. Senecæ verbis ex epist. vii. sæpe lamentari licet, *Auarius redeo, ambitiosior, luxuriosior, imò verò crudelior & inhumanior, quia inter homines fui.* Et argute Symmachus. *Seriam solitudinem, solitate plebeia fuscari,* hoc est, frequentia populari. Et Romanus Dio *ἡ εὐπείθειά, τὸ πολὺ ἀσφαλεστέρον, ἢ κρείττων ἡ ἐρημία, τῆς πρὸς τὸς αἰθερότους κωνωνίας.* Multò securior & melior solitudo, quàm societas hominum. Et nota maioris Africani vox. *Se nunquam minus solum esse, quàm cum solus esset.* Ex qua illud Poetæ nostri de sapiente. *Nec minus est solus quàm solus cum viget,* &c. Et pro populo dixit Poeta sapientem sibi, & pro theatro esse, imitatus voces Democriti & Epicuri, quas laudat. L. Seneca epist. vii.

## TALIS ANAXAGORAS.

In prima templi sapientiæ cælla statuam posuit Anaxagoræ Clazomenij, qui lautum & copiosum patrimonium præ studio sapienciæ contempsit. Cumque admoneretur, vt patriæ suæ curam aliquam susciperet, ego verò inquit, suscipio, & digito sublato, cælum eis demonstrauit, germanam sibi illam patriam esse intelligens. Diog. Laërt. in Anaxagora. Tangit quoque declamator Himerius. Neque dissimile illud huiusce Anaxagoræ, quod Philo Herennius refert lib. de immortalitate mundi. Interrogatum cur plerumque in agris sub dio pernoctaret, respondisse, cæli contemplandi causa. Et intelligi cum voluisse ait Philo, *τὴ χορείας, καὶ εὐφορίας τῆς ἀστέρων,* id est, *Choreas siue tripudia & conuersiones stellarum.* Eiusdem modi est quod rogatus olim, cuius rei causa natus esset, *cæli ac solis videndi causa,* respondit. Quod reprehendit Lactantius c. ix. lib. iii. quanto iudicio, ipse viderit.

## EXSENSOS QVOT NVNC, &amp;c.

Lusit ad diæterium Aristarchi qui Theodectæ pater, quod refert Plutarchus lib. *ἡ ἐφιδῶν.* Olim vix septem Sapientes in Græcia exstuisse, hodie non facile totidem idiotas reperiri. Et *saperdas* Poeta dixit pro insipidis. Sic enim Varro Terent. accipi voluit, non vt Felto & Marcello visum, pro sapientibus.

Tetigit figuratè summum bonum, & vltimum illud vitæ præmium & finem, Dei visionem *de facie ad faciem* vt Hebræi loquuntur, & D. Augustinus c. XIII. lib. x. de trinitate, siue τὸ ἴδεῖς θεοῦ, vt Origenes posuit lib. II. ἐξ ἀρχῆς. Quemadmodum etiam D. Ambrosius c. III. lib. II. de spiritu sancto. *Vitam æternam esse ait videre patrem, filium & spiritum sanctum.* Et D. Cyprianus epist. II. *Summam esse voluptatem admitti vt videas Deum.*

## HÆC POSTQVAM SAPIENS.

Vela iam orationis suæ contrahere incipit Aristoteles, ac finem facere, postquam Regina ciuitatem Veri totam aperuit, rationesque ac vias tradidit perueniendi ad felicitatem, actionisque & contemplationis auxilio, cum terreni exsiliij tempus absolutum fuerit, reuertēdi in patriam cælestem. Discessurus igitur nunc sapientiæ magister, tempus esse ait Regina post diurnam dierum xxx. viam remeare ad suas caritates, coniugem & liberos, sibi autem ipsi illud Sapientiæ templum incolendum esse, vbi continuatis precibus à Deo suppliciter ac demissè petat veniam errorum, quibus deletis migrare possit in cæleste illud felicitatis domicilium, vbi beati fruuntur æuo sempiterno.

## SVSCIPIENS REGINA.

Respondens Aristoteli Regina, eandem felicitatem etiam filiolo suo Carolo Emanueli tunc fere quadrimulo exoptat, multò quidem sapientior mater quam auix illæ & nutricula, & pædagogi, qui alumnis suis voluptates tantum, aut magnam pecuniam optant euenire, vt apud Persium in satyris.

*Hunc optent generum rex & regina, puella*

*Hunc rapiant, quidquid calcauerit hic rosa fiat.*

Et apud L. Senecam ep. LX. At Regina sapienter filiolum suum duabus tantum statuis ornatiorem videre expetit, argentea vna, altera verò aurea: illamq. in templo ei prudentiæ statui, hanc vero in æde sapientiæ. Quibus in templis omnis vitæ felicitas continetur. Quo tam sapiente voto & huiusce diei, & totius morum ciuitatis sermo sapienter ab auctore tanquam salutis quodam augurio conclusus est.




---

### Errata scriptura.

P. 2. vers. 6. Profusio rerum, lege effusio rerum p. ead. v. 27. In præcepsiaciens l. In præcepsiaciens p. 9. v. 20. legisse olim mihi l. legete olim mihi p. 22. v. 18. Chordis l. Chloridis p. 24. v. 12. & mens conicia veri, l. & mens conicia veri p. ead. v. 16. quæ temperat æstus l. quæ temperat æstus; p. 26. v. 21. male, sanus l. male-sanus p. 30. v. vlt. rietas l. varietas p. 35. v. 8. effusa caligo l. offusa caligo p. 37. v. 36. Ingenio sedem l. Ingenio sedem; p. 39. v. 30. ac boni propositi l. ad boni propositi p. 60. v. 5. Tempus miti l. Tempus inire p. 62. v. 31. tura timere Omnia l. tura timere Omnia vt Æneide 4. Omina tura timens p. ead. v. 32. & adfiduis tepidos l. & adfiduis rrepidos p. 63. v. ante pen. Salmonæi l. Salmonæi p. 64. v. 7. exstinxit l. exstinxit p. 76. v. 3. sit, non dicam l. si, non dicam p. 79. v. 14. sæpe liquores l. sæpe liquoris p. 84. v. 33. ἕχρησεν l. ἕχρησεν p. 88. v. penult. laturi l. daturi p. 99. v. 27. ruuntq. sues, velut l. ruuntq. sues velut, p. 101. v. 32. quibus hydrope venter l. queis venter hydrope p. 103. v. 7. Lucida l. Lucea p. 110. v. 9. Sicut inexploto tumet hydrope l. Sicut hydrope tumet ditro. tum p. 114. v. 19. faccis, indormit l. faccis indormit p. 127. v. 35. Veritas l. Veritas p. 135. v. ante p. Aristipus l. Aristippus p. 136. lenit ac fedet l. lenit ac fedat p. 147. v. 20. agyrra illis, l. agyrra illic, p. 18c. humanis l. humani p. 182. v. 11. orate l. orare p. 192. v. 23. Deo furua l. Dea furua p. 197. v. 25. feruat, Ignem l. feruat Ignem p. 207. v. 23. simulatè l. simulatæ p. 210. v. 7. latissima ramis. Pendentes l. latissima, ramis Pendentes p. 220. v. 16. synceris l. sinceris p. ead. v. 29. sydera l. sidera p. 223. v. vlt. Tyrinthius l. Tyrinthius p. 230. v. 24. cytharæ l. citharæ p. 234. v. 20. Paragrammatissimi l. Paragrammatismi Quod autem est p. celerissimns, pro celeritimus, rectè est. Sic enim veteres Poetæ & iuris auctores. Et quod p. 68. est, pugnare, intellige vt explico p. 196.

---

### Extrait du Priuilege.

 V V V A N T le priuilege du Roy nostre Sire, il est permis à Ambroise Drouart, Libraire Luré en l'Vniuersité de Paris, d'imprimer ou faire imprimer, mettre en vente & distribuer vn liure intitulé, *Ciuitas veri, sive morum, Bartholomei Delbene*, & faitç defenes ledit Seigneur à tous Libraires, Imprimeurs, ou autres, de non Imprimer ou faire Imprimer, vendre ny distribuer en ses pays, terres & seigneuries, autres que ceux qu'aura Imprimé ou faitç Imprimer ledit Drouart, sur les peines contenues esdictes lettres, & ce iusques au temps & terme de six ans, à compter du iour & datte qu'il aura esté achené d'imprimer, comme plus a plain est contenu esdictes lettres patentes. Veut aussi ledit Seigneur que l'extrait du priuilege mis au commencement ou à la fin du liure qu'il soit tenu pour deuëment signifié. Donné à Paris le 23. iour d'Octobre, 1608. signees par le Roy en son conseil.

DEHMERY.

